


48. 1/2 22fr.



19^e K



35-2



BENEDICTI
HAEFTENI
SCHOLA
CORDIS,

SIVE
AVERSI A DEO CORDIS,
ADEUMDEM
REDUCTIO
ET
INSTRUCTIO.



RECEIVED

LIBRARY

ST. JOHN

1812

ALFRED W. GORDON

AND

W. L. D. U. C. T. O.

FT


ON 31 AUG 1812

OF THE

LIBRARY

OF THE

LIBRARY



SCHOLA CORDIS

sive

AVERSIA DEO CORDIS

ad eundem redūctio et instructio

Auctore

D. BENEDICTO HÆFTENO

Ultraiectino,

Reformati monast. Affligeniensis,

ordinis S. Benedicti,

Præposito.

*Loquar ad
Cōn. Osa. 2*

*Audiam quia
loquatur in
me Dominus
Psalm 84*

ANTVERPIÆ
APVD HENRICVM ET
CORNELIVM VERDVSSEN
MDC

XCIX

A. Voet



SCHOLA COPINIS

ATRIUM A DEO COPINIS
DEBENDITO HASTEND
ULTRACITIO
EXAMINANT AFFIRMANT
ORDINE A MEDICIS
PROPRIIS

ANVERPIA
ABD. HENRICVM ET
CONNELIVM VERDVSSEN
MDC. LXXIX

ILLUSTRISSIMO

ET

REVERENDISSIMO

DOMINO

D. J A C O B O

B O O N E N,

ARCHI-EPISCOPO

MECHLINIENSI,

BELGICÆ PRIMATI,

ABBATIÆ AFFLIGENIENSIS

P R Æ L A T O.



CHOLAM hanc *Cor-*
dis, quam tumultua-
rio opere, & velut
aliud agens scripsi; lubens
meritoque *Illustrissimo* no-
mini Tuo, *Præsul Amplissi-*
me, inscripsi. Debebam sanè,
neque una ex causa; sed in-
ter varias, illæ mihi princi-

*

3

pes,

EPISTOLA

pes, quæ ipsum *Cor* spectant.
 Quid enim in arcano sermone *Cor*, nisi Templum Dei vivi, sed à Pontifice dedicandum : Altare divini amoris igne jugiter ardens, sed à Sacerorum Antistite consecrandum : debitum summo Numini sacrificium, sed à Sacerdote offerendum ? Tu verò, *Illustrissime & Reverendissime Domine*, Princeps Pastorum & Animarum nostrarū Episcopo, hierarchicas has functiones *Cordi* meo, si dignaberis, impendes. Neque est cur addubitem. Restaurasti jam pridem egregio, regiōque

DEDICATORIA,

gióque animo , magnifque
impēdijs *Affligenienfe* Tem-
plum ; ipfum, Araſque in eo
plures dedicaſti ; ſolemne Sa-
crificium, gratulantibus no-
bis, non ſemel in eo obtuli-
ſti : quidni confidam eadem
Libello huic meo abs Tuâ
benignitate exhibenda ?

Divina lege ita olim fan-
citum fuit: Tolles de cunctis *Deuter.*
frugibus tuis primitias, & po- *26.2.*
nes in cartallo, pergesque ad
locum, quem Dominus Deus
tuus elegerit, ut ibi invoce-
tur nomen ejus : accedesque
ad Sacerdotem, qui fuerit in
diebus illis : ſuſcipiensque
* 4 cartal-

EPISTOLA

cartallum de manu tua, ponet ante Altare Domini; & dimittes eas in conspectu Dei tui. Præceptum hoc, quâ licet, adimplere *Cordi* mihi est. Primum quod in homine nascitur, primum quod ab homine poscitur, *Cor* est: primus renovati *Affligentij* Tui fructus, hæc *Schola Cordis*. Has igitur primitias, Volumine hoc, velut vimineo inclusas calathò, juxta præceptum Domini, ad Te, *Illustriſſime & Reverendiſſime Præſul*, adfero; ut eas ante Altare Dei ſiſtas, eidemque pro me offeras. Caniſtri
vilita-

DEDICATORIA.

vilitatem , & malè textam
 orationis structuram ipse ego
 non parùm erubesco ; sed fi-
 duciam suggerit *Cor* non
 malum. Illam si despicias,
 hoc quæso respice , quod vi-
 lissimis etiam rebus pretium
 conciliat. Evangelica illa *Luc. 21.*
 vidua æra minuta duo in ga-
 zophylacium misit ; at æter-
 no Christi elogio tenue hoc
 munus commendatum fuit.
 Non in victimis (ait Seneca) *Sen. li. 1.
de benef.
cap. 6.*
 licet optimæ sint , auróque
 præfulgeant, Deorum honos
 est ; sed piâ ac rectâ voluntate
 venerantium. Artaxerxi obe-
 quitanti Paganus, nescio quis
 * 5 è præ- *Aelian.
lib. 1.
variar.
hist. cap.
32.*

EPISTOLA.

è præterfluente Cyro flumine cavis manibus lympham obtulit. Donū hoc, exiguum licet, aureā phialā exceptum, & in pretiosissimis habitum fuit. Galliarum Regem Ludovicum Vndecimum Canon agricola prægrandiore donavit rapā : munus fuit & hoc longè gratissimum, auróque repensum. Quis verò undis, aut rapis hoc pretium posuit, nisi *Cor rectum*? Et hoc ipso dumtaxat *Illustrissimæ Gratiæ* Tuæ foetum meum probari desidero.

Laudum Tuarum præconia ut hîc prætermittam, facile

DEDICATORIA.

cilè permittes; qui honorifica hæc flabella, cum S. Martyre Ignatio flagella arbitraris. Nec Solem ego totâ Belgicâ prudentiæ, pietatis, misericordiæ, magnanimitatis, aliarumque virtutum radijs longe lateque coruscantem, accensâ faculâ illustrare conabor. Manent cælo reposita, quæ celari pro Tuâ modestiâ desideras, innumera amplissimaque merita. Numerabit illa, remunerabitque *Cordium* inspector Deus. Nos interim in laude quoque Tua gloriamur; & quidquid alij meritissimæ commendationis

EPISTOLA

tionis in Te conferunt, nostrum id arbitramur; quia tanti Parentis, Filij. Sed iniquus beneficiorum Tuorum æstimator jure habeat, si unum illud silentio involve-
ro, cujus vel sola recordatio nobis est gratissima. Prudenti nempe gubernatione, & industriâ Tuâ, *Cordatissime Prasul*, id effecisti; ut non muros tantum, sed & mores nostros erigeres; & potio-
rem *Cordium*, quàm corporum curam Te habere demonstrares. Te enim cum primis auctore, Te Directore (ad quod avidè hætenus aspirabamus)
pri-

DEDICATORIA.

primæva illa Benedictinæ
Regulæ observantia *Afflige-*
nio Tuo restituta fuit : quo
nomine priscam loci famā,
& nos ad pietatem pariter
excitasti. Immò bis Tuos fe-
cisti. Patrem enim jam antè
exhibueras, nunc etiam Ma-
trem; cùm Filios Tuos ite-
rum parturis, donec forme-
tur Christus in eis.

Galat.

4.19.

Macte hac laude *Antistes*
Maxime! & porrò etiam
perge Spiritum illum resusci-
tare, cui *B. Benedictus* servi-
vit. Id, inquam, consilio, &
precum Tuarum, quo vales
auxilio effice, ut per *Iesum*
Chri-

EPISTOLA DEDICATORIA.

Christum, quem similem nobis foris agnovimus, intùs, & in *Corde* reformari mereamur. Eundem ego submissimè rogo, *Illustrissimam & Reverendissimam Tuam Gratiâ* efficacissimâ suâ gratiâ ita prosequatur, nulla ut ei, sive in spiritualibus, sive in temporalibus desit benedictio; & in extremo illo judicij die, cum grege sibi credito audire valeat, *Venite Benedicti.*

Quod Corde, Animoque
voveo,

Illustrissima & Reverend. D. T.

Humilis Filius, & Servus

in Domino,

F. BENEDICTUS HÆFTENUS.

REGI SÆCULORUM
IMMORTALI,
ET
INVISIBILI,
CORDIUM
SCRUTATORI,

ET
AMATORI,
DEO CORDIS MEI,
COR MEUM,

Et hæc quæ de eo, & cum eo me-
ditatus sum,

Dico, Consecroque.



*UI enim Cor, nisi ei qui finxit
singillatim Corda hominum? qui Ps. 32.
ea creavit, redemit, expurgavit? 15.
cui alteri Cor, quàm ei, qui tam serio ait:
Probe fili mi Cor tuum mihi? Hæc autem Proverb
quæ de Corde congeffi nova & vetera, cuinam 23. 26.
offeram, nisi ei qui novis abscondita Cordis: Ps. 43.
& in cuius conspectu meditatio Cordis mei 22.
semper? Tibi igitur, o Deus Cordis mei, & Ps. 18.
pars mea Deus in æternum, Tibi, dixit Cor 15.
meum, exquisivit te facies mea, faciem tuam Ps. 72.
Domine, 26.*

Ps. 26. *Dominerequiram. Ne avertas faciem Tuam*
 8. *à servo tuo; sed. sicut respicere dignatus es ad*
 Genes. 4. *Abel puerum tuum, & munera ejus: ita,*
 13. *quæso, respice in me, & suscipe debitum Tibi*
tributum Cordis mei & hoc, quod cum eo
Divina Majestati Tue dedico Opusculum.
Virumque, fateor, admodum exile, nec dig-
num cui apponas Cor Tuum. Illud enim vi-
rijs, eben! quàm plurimis coinquinatum; istud
 I. Paral. *simplici sermone nimis incultum. Sed scio,*
 29. 17. *Deus meus, quòd probes Corda, & simplicita-*
tem diligas; unde & ego in simplicitate Cordis
mei hæc qualiacumque lubēs meritoq; offero.

Votum mihi fuit, peccatores (quorum pri-
mus ego sum) revocare ad Cor suum; & ad Te
Deum Cordis sui. Verùm, inanis est sermo
meus, nisi Tu Deus, ei tribuas virtutem, quæ
Corda penetret. Frustrà hæc legentur, nisi Tu,
qui solus habes claves Cordis, illud aperire
digneris. Quare rogo Te, ô Dilecte votorum
meorum, voto huic benignus aspira; ut dum
verba auribus percipiuntur, Tu intus ad Cor
loquaris, illudq; immutes, & convertas ad Te
Creatorem & Redemptorem suum Complac-
 Ps. 18. *ceant, oro, dulcissimo Cordi tuo, eloquia oris*
 15. *mei, & meditatio Cordis mei, diligere Te sa-*
 Aug. 15 *tagenis. Quacumque verò in hisce Libris dixi*
 de Trin. *de Tuo, agnoscas Tu, agnoscant & tui: si qua*
 in calce. *de meo, ignoscas Tu, ignoscant & tui; quibus,*
ut minus valui, prodesse saltem volui.

I N
SCHOLAM
CORDIS

Reverendi in Christo Patris ac
Domini D. BENEDICTI
HAEFTENI.

Monasterij AFFLIGENIENSIS Præ-
positi dignissimi,

COR *Anima sedes, rapidi COR furnus*
amoris,

Unde tot enata, tela timenda, faces;

Quàm vario, inconstans COR, sæpè ardore
calescis;

Rarò Christe tuo, Cypria sæpè tuo:

Non sic excussas, venti ludibria, naves

Hippotade, quasso, ventilat ira, salo.

Æstuat, & proprijs COR mobile fluctuas
auris,

Nec potis adductâ sistere vota manu:

Nunc placet oppāso malè splēdida gloria fūco,

Spiculaq; obtruso calcare subdit honcs:

Nunc juvat horrifico caratātia classica bombo,

Martiaq; egregio sub Duce signa sequi.

* *

Nunc

IN SCHOLAM CORDIS.

Nunc magis aurato cistas cumulare metallo,
Et gravidâ extremos findere puppe sinus :
Nec satis est, proprio sidunt hæc pondere vota ;
Grandior exciso germine turba subit.
Ancipiti trahitur studia in contraria mente ;
Us pila ab adversa pulsa, repulsa manu :
O COR, celestis, COR, floscule, lectule Sponsi,
O COR, ô Anima pars quotacumque mea !
Quid te errabundum discrimina mille viarû
Ad portum impediunt sistere vota tuum !
E calo es: calum votorum meta tuorum ;
Quid calo natum, turpiter hæret humo ?
In calo tuus est thesaurus ; scandite vota ;
Scande COR, in calo vitæq; speq; tua est.
Mitte graves curas, divise reia mentis ;
Multiplicis valeat vana libido spei.
Disce uno cali, meliori ardore calere ;
Disce uno unius igne flagrare Dei :
Exige distractû, divini ad CORDIS amussim,
Illud habet formæ multa imitanda tue.
Ne dubites, hanc volve SCHOLAM, Liber iste
docebit
Prototypo, inconstans te, stabilire Cruce.

A D
AUCTOREM
SYNCHARMA.

I Ntima nosse sui CORDIS penetralia, &
ejus
Imposito motus flectere nosse iugo:
Nosse errabundū rectam ad rationis amussim,
Atque ad prototypon COR revocare suum,
Sanctorum est divina scientia, tutior omni
Sive tuâ Plato, sive Licurge tuâ.
Hanc BENEDICTE docet CORDIS SCHOLA,
vitaq; vestra:
Perge, manet tantum dogma perenne ly-
chrum.

Applaudebit

F. BENEDICTUS RUTEAU,
Monasterij S. Dionysii Reli-
giosus Benedictinus.

O R D O
E T
I N D E X
LIBRORUM , CLASSIUM ,

E T
L E C T I O N U M .

L I B E R P R I M U S .

Prævia ad Doctrinam Cordis In-
troductio.

Leç. I.	<i>Argumentum hujus Scholæ.</i>	1
Leç. II.	<i>Instituti nostri ratio.</i>	5
Leç. III.	<i>Quid Cordis nomine significetur.</i>	10
Leç. IV.	<i>Quid sit principale Cordis.</i>	15
Leç. V.	<i>Scholæ Cordis Encyclopædia.</i>	20
Leç. VI.	<i>De alijs scientijs , quæ in hac Scholæ explicantur.</i>	27
Leç. VII.	<i>De Magistro , & Discipulis Scholæ Cordis.</i>	32
Leç. VIII.	<i>Quàm suaviter ad Scholam Cor- dis Magister invitet.</i>	36
Leç. IX.	<i>De modo docendi , quo Scholæ Cordis Magister utitur.</i>	41
	Leç. X.	

INDEX LECTIIONUM.

Le&.X.	<i>De officio Discipuli Cordis Scholam frequentantis.</i>	48
Le&.XI.	<i>Monita quedam Discipulo Scholæ Cordis tradita.</i>	54
Le&.XII.	<i>Privilegia Scholæ Cordis.</i>	58
Le&.XIII.	<i>Hypotyposis totius Opusculi.</i>	65
Le&.XIV.	<i>Scholæ Cordis Compendium, ejusq; in Classes Distributio.</i>	76

LIBER SECUNDUS.

Aversi Cordis ad Deum Conversio, & Directio.

PRIMA CLASSIS.

	<i>Cordis Aversio.</i>	85
Le&.I.	<i>Cordis Fuga.</i>	88
Le&.II.	<i>Cordis Vanitas.</i>	95
Le&.III.	<i>Cordis Gravitas.</i>	102
Le&.IV.	<i>Cordis Avarities.</i>	112
Le&.V.	<i>Cordis Durities.</i>	119
Le&.VI.	<i>Cordis Divisio.</i>	128
Le&.VII.	<i>Cordis Infaciabilitas.</i>	137

SECUNDA CLASSIS.

	<i>Cordis Reversio, & Expurgatio.</i>	146
Le&.VIII.	<i>Cordis Reversio.</i>	148
Le&.IX.	<i>Cordis Effusio.</i>	159
** 3		
	<i>Le&.X.</i>	

INDEX LECTI ONUM.

Le&.X.	<i>Cordis Circumcisio.</i>	166
Le&.XI.	<i>Cordis Contritio.</i>	174
Le&.XII.	<i>Cordis Humiliatio.</i>	183
Le&.XIII.	<i>Cordis Emollitio.</i>	192
Le&.XIV.	<i>Cordis Mundatio.</i>	201

TERTIA CLASSIS.

	<i>Cordis Oblatio, & Examen.</i>	211
Le&.XV.	<i>Cordis Donatio.</i>	213
Le&.XVI.	<i>Cordis Sacrificium.</i>	226
Le&.XVII.	<i>Cordis Ponderatio.</i>	235
Le&.XVIII.	<i>Cordis Probatio.</i>	245
Le&.XIX.	<i>Cordis Scrutinium.</i>	255
Le&.XX.	<i>Cordis Rectificatio.</i>	263

LIBER TERTIUS.

Dei erga Cor humanum beneficia.

QUARTA CLASSIS.

	<i>Cordis illuminatio, & Spiritualis pro-</i> <i>fectus.</i>	273
Le&.I.	<i>Cordis Renovatio.</i>	275
Le&.II.	<i>Cordis Illuminatio.</i>	286
Le&.III.	<i>Cor Tabula Legis,</i>	298
Le&.IV.	<i>Cordis Aratio.</i>	307
Le&.V.	<i>Cordis Seminatio.</i>	317
Le&.VI.	<i>Cordis Irrigatio.</i>	325
Le&.VII.	<i>Cordis Flores.</i>	331
	<i>Le&.VIII.</i>	

INDEX LECTIIONUM.

Le&.VIII. <i>Cordis Custodia.</i>	338
Le&.IX. <i>Cordis Protectio.</i>	346
Le&.X. <i>Cordis Scala.</i>	353
Le&.XI. <i>Cordis Dilataatio.</i>	360

QUINTA CLASSIS.

<i>Cordis Perfectio, & cū Christo Unio.</i>	368
Le&.XII. <i>Cordis Inhabitatio.</i>	370
Le&.XIII. <i>Cordis Obfignatio.</i>	379
Le&.XIV. <i>Cordis Vulneratio.</i>	390
Le&.XV. <i>Cordis Inflammatio.</i>	402
Le&.XVI. <i>Cordis Vigilia.</i>	411
Le&.XVII. <i>Cordis Volatus.</i>	419
Le&.XVIII. <i>Cordium Unio.</i>	424
Le&.XIX. <i>Cordis Quies.</i>	434

LIBER QUARTUS.

Exercitatio Cordis in Christi Passione.

P R Æ F A T I O.

De utilitate meditandi Passionem Domini nostri JESU CHRISTI.

442

SEXTA CLASSIS.

Peregrinatio Cordis cum Christo Patienti.

454

Le&.I. *Balneum Cordis, ex sudore Sanguineo.*

457

Le&.II. *Vinculum Cordis, ex Fumibus Christi.*

462

**

4

Le&.III.

INDEX LECTIIONUM.

Le&.III.	<i>Fulcrum Cordis, Christi Columina.</i>	467
Le&.IV.	<i>Stimulus Cordis, Christi Flagella.</i>	471
Le&.V.	<i>Sepimentum Cordis, Corona Spinea.</i>	477
Le&.VI.	<i>Pictura Cordis, ex Sindone Veronica expressa,</i>	482
Le&.VII.	<i>Cor Phiala Christo sitienti.</i>	487
Le&.VIII.	<i>Compunctio Cordis clavo timoris Dei.</i>	492

SEPTIMA CLASSIS.

Cordis cum Cruce & Crucifixo conformatio. 498

Le&.IX. *Cordis in Crucis expansio.* 501

Le&.X. *Crucis in Corde plantatio.* 507

Le&.XI. *Dedicatio Cordis Tunculo Crucis.* 513

Le&.XII. *Apertio Cordis lanceâ Longini.* 519

Le&.XIII. *Mustum Cordis è Torculari Crucis.* 525

Le&.XIV. *Azylum Cordis in Latere Vulnerato.* 532

Le&.XV. *Speculum Cordis in Quinque Vulneribus.* 539

Le&.XVI. *Thalamus Cordis in Christi Sepulchro.* 547

AU-

Qui in his Libris citantur

SYLLABUS.

A

A Do.
Ælianus.

Alardus Gazæus.

Alphonſus Salmeron.

Ambroſius.

Andreas Capella.

Anſelmus.

Antoninus.

Antonius Poſſevinus.

Antonius Senenſis.

Ariſtoteles.

Athanafius.

Auguſtinus.

Auſonius.

B

B Alduinus Cabellianus.

Baptiſta Mantuanus.

Baſilius.

Beda.

Benedictus.

Bernardus.

Bernardus Bauhusius.

Biblia Sacra.

Boëtius.

Bonaventura.

Breviarium Romanum.

C

Cæsar Baronius.

Cassianus.

Cassiodorus.

Catharina Senensis.

Christophorus à Castro.

Christophorus Fonseca.

Chrysostomus.

Cicero.

Claudianus.

Claudius Aqua-Viva.

Clemens Alexandrinus.

Cœlius Rhodiginus.

Cornelius à Lapide.

Cornelius Ianssenius.

Cyprianus.

Cyrillus Alexandrinus.

Cyrillus Hierosolymitanus.

D

Didacus Stella.

Didymus.

Diogenes Laërtius.

Dionysius Areopagita.

Dorotheus Abbas.

Elias

AUCTORUM,

E

Elias Cretenſis.
Ephrem,
Epiſtetus.
Eufebius Emiſſenus.
Euthymius.

F

Ferdinandus Salazar.
Feſtus.
Franciſcus Petrarcha.
Franciſcus Ribera.
Fridericus Fornerus.

G

Gabriël Inchino.
Gaſpar Sanchez.
Georgius Venetus.
Gertrudis Abbatiffa.
Gilbertus Abbas.
Gregorius Magnus.
Gregorius Nazianzenus.
Gregorius Niſſenus.
Gregorius Turonenſis.
Guarricus Abbas.
Guilielmus Abbas.

H

Hector Pintus.
Hieremias Drexelius.
Hilarius.
Honorius Auguſtodunenſis.

Horaſ

Horatius.

Hugo Cardinalis.

Hugo de S. Victore.

Hieronymus.

Hieronymus Cardanus.

Hieronymus Lauretus.

Hypocrates.

I

Iacobus à Vitriaco.

Iacobus de Paz.

Iacobus Ianſſonius.

Iacobus Pamelius.

Ioannes à Iesu Maria.

Ioannes Bochiuſ.

Ioannes Carthagena.

Ioannes Climachus.

Ioannes Garſon.

Ioannes Iunior.

Ioannes Lorinus.

Ioannes Nieſ.

Iſidorus Clarius.

Iſidorus Hiſpalenſis.

Ius Civile.

Iuſtinianus Imperator.

Iuſtinus Martyr.

Iuſtus Lipſius.

Iuſtus Orgelitanus.

Iuvenalis.

L A&antius.

L Laurentius Beyerlinck.

Laurentius Iustinianus.

Laurentius Surius.

Leo Magnus.

Lucianus.

Lucretius.

Ludolphus Carthusianus.

Ludovicus Blosius.

Ludovicus Granatensis.

Ludovicus de Ponte.

M Acharius.

M Macrobius.

Marcus Eremita.

Marsilius Ficinus.

Martinus Delrio.

Matthiolus.

Maximus Taurinensis.

Mechtildis.

Michaël Gisslerius.

Missale Romanum.

N Icephorus.

N Nicolaus Lyranus.

O Rigenes.

O Ovidius.

P

P Acianus.
 Paraphrasis Chaldea.
 Paschasius Radbertus.
 Paulinus.
 Persius Poëta.
 Petronius Arbiter.
 Petrus Berchorius.
 Petrus Chrysologus.
 Petrus de Valderama.
 Philo Carpatius.
 Philo Iudæus.
 Piërius Valerius.
 Plato. Plautus.
 Plinius. Plutarchus.
 Prosper.
 Prudentius. Psellus.

Q

Q uintus Curtius.

R

R Abanus Maurus.
 Radulphus.
 Raimundus Capuanus.
 Remigius.
 Richardus de S. Victore.
 Robertus Bellarminus.
 Ruffinus.
 Rupertus Tuitiensis.

S Alonius.
S Sebastianus Barradius;
 Sedulius.
 Seneca Philosophus.
 Seneca Tragicus.
 Septuaginta Interpretes.
 Sozomehus. Stabo.

T

T Ertullianus.
T Theodoretus.
 Theophrastus.
 Theopylactus. Theresia.
 Titus Bostrensis.
 Titus Livius.
 Thomas Aquinas.
 Thomas Bozius.
 Thomas Cantipratanus.
 Thomas à Kempis.
 Thomas Stapletonus.

V

V Alerius Maximus.
 Varro.
 Vatablus.
 Venantius Fortunatus.
 Virgilius. Vitæ Patrum.

X

X Antus Pagninus.

CENSURA.

HÆC SCHOLA CORDIS, quam, inspirante CORDIUM Scrutatore, instruxit REVERENDUS ac ERUDITISSIMUS D. BENEDICTUS HÆFTENUS, AFFLIGENTIA PRÆPOSITUS, ubique publicanda videtur; ut ad eam confluant omnes pusilli & magni: illi, ut elementa exordij Sermonum Dei addiscant; hi, ut sapientiam, non illam hujus sæculi, qua inflat & destruitur; sed supereminentem illam quam loquebatur Apostolus inter perfectos, quâ illustratur oculus; quo solo videri potest Deus decorum in Sion. Felices proinde censeo eos, qui terunt limen SCHOLÆ hujus, & qui vigilant ad fores ejus quotidie, & observant ad postes ostij ejus; ut hauriant scientiam & salutem à Domino. Ita censeo, Bruxellis,

Henricus Calenus, S. Theol. Licentiatus,
Archipresbyter Bruxellensis, Libro-
rum Censor.

SCHOLÆ

CORDIS

LIBER PRIMUS.

Prævia ad Doctrinam CORDIS introductio.

LECTIO PRIMA.

Argumentum hujus Scholæ.



ORDI tuo, Lector COR-
DATE, Gymnasium COR-
DIS aperimus; in quo de
CORDE tuo, ad COR tuum
oquimur. Quidquid e-
nim hoc qualicumque

Opusculo pertractatur, eò potissimum
spectat, ut quale COR hominis esse, quo-
modo ad Deum dirigi, illi aptari, ei-
demque uniri debeat, edoceamus. Multi
enim multa sciunt, & seipsos nesciunt;
Corpus curant, & COR negligunt. Et ta-
men nihil tam nobis CORDI esse debet,
A quàm

Prov. 4. 23. quàm ipsum COR nostrum, à quo vita procedit. Caloris ac spirituum vitalium, sine quibus nec motus, nec sensuum functio obiri potest, officina & scaturigo est

Lib. de anima cap. 2. COR. Quare Heraclitus, ut asserit Aristoteles, sentiebat animam esse calidam exhalationem semper è CORDE fluentem. Quam sententiam etiam sacra Scriptura expressit,

Sapient. 2. 2. cùm ait: Sermo scintilla ad commovendum COR nostrum, & Spiritus diffundetur tamquam

mollis aër. Quod ita exponit Janssenius: Vita nostra nihil aliud est, quàm igniculus vivax in Corde nostro, quod cùm movetur, à se emittit jaculaturque scintillas, (verba scilicet quæ loquimur) & fumum, nempe spirationem: non secus atque ignis motus eadem evomit. Proinde quemadmodum ignis, cùm scintillæ deficiunt, redigitur in cineris: ita ubi desinit in nobis sermo, & CORDIS motus; Corpus etiam nostrum in cinerem abit. Totius igitur Corporis conservatio à CORDE pendet. Sed & in Anima eodem modo agitur: habet enim ipsa spirituale quoddam COR; à quo ipsius vita, non minùs quàm Corporis à CORDE materiali procedit. Nam Spiritus Sanctus divini caloris officinam in CORDE nostro constituit; unde ait

Christ.
à Castro
in Sap.

Apo-

Apostolus : Charitas Dei diffusa est in *Rom. 5.*
 CORDIBUS nostris per Spiritum Sanctum, 5.
 qui datus est nobis. Ex hoc autem fonte in
 omnes humanas actiones derivatur calor
 spiritualis ; qui tamquam scintilla quædam
 emicat in verbis, in tactis, in cogitationi-
 bus. Extinctâ verò charitatis scintillâ. Ani-
 ma prorsus friget, & omnes actiones vivaci
 calore destituuntur ; itaque Anima ipsa,
 læso ejus CORDE, vitâ gratiæ privatur.
 Quare quod in cælestibus illis orbibus est
 primum mobile ; quod in universo hoc,
 Sol ; quod in plantis, radix ; quod in cir-
 culo, centrum ; quod in Paradiso fuit fons *Genes. 2.*
 ille qui irrigabat universam faciem terræ ; 10.
 hoc in homine est COR, à quo omnis lux,
 omnis calor, omnis motus, omniumque
 operationum principium in reliqua mem-
 bra derivatur. Ex quibus liquidò jam ap-
 parere potest, quàm necessaria sit hujus
 Scholæ Doctrina ; quæ omnia illa tra-
 dit, & explicat ; quibus CORDIS vita
 conservari, & custodiri queat. Hinc quale
 uniuscujusque COR est, talis & ipse est,
 Superbus, COR habet elatum ; Humilis, de-
 pressum ; Durus, lapideum ; Compatiens,
 emollitum ; Benignus, mansuetum, Qui
 fraudes dolosque meditatur, duplici COR-
 DE est ; Sincerus & verax, simplici. Ambi-

tiosi COR vanum est; Voluptuarij grave;
denique in brutum homo migrat, si ei COR
bruti inferatur; Pecus in hominem transit,
si ei COR humanum addatur. Optimo id
exemplo sacra confirmat Scriptura: Na-
buchodonosorem regem voluit Deus fieri
bestiam, & inter illas velut unam ex illis

Dan. 6. agere, ideòque jussit: COREjus ab hu-
33. mano commutetur, & COR feræ detur
ei. Sed voluit bonus Deus ut hæc bestia
denuò in hominem mutaretur: factum
est, & super pedes suos quasi homo stetit,
& COR hominis datum est ei. Ecce mu-
tato CORDE, mutatus & homo est. Mag-
na igitur sollicitudo CORDI nostro adhi-
benda est, ne in belluinum fortè dege-
neret; quotidieque hæc Schola frequen-
tanda, quæ CORDIS directionem docet.

Isidorus CORDI, quod à cura sic dictum Isidorus
lib. 11. tradit, diligentissima adhibenda est cu-
Ety. c. 1. ra, si totos nos salvos velimus. Fuit id Ro-
manis, & Ægyptijs in primis CORDI;
apud hos enim bulla è collo in pectus de-
pendere solebat, quâ significabant; verba,

Pierius quæ ore proferebant, CORDI respondere
Hiero- oportere. Apud Romanos, ut Pierius ex
gli. lib. Macrobio refert, bulla CORDIS effigiem
41. habebat, eratque pueritiæ ornamentum;
Macro. quo indicabatur ingenuis pueris, se tum
lib. Sa-
turn. 6. demùm

LIBER I. LECTIO II. §

demum homines futuros cogitarent, si CORDE præstarent. Quod si Gentiles hæ nationes tantam CORDIS curam habendam putaverint, ut eam externo symbolo ab ipsa infantia pueris commendare voluerint; quid non deceat Christianos, qui certissimâ fide credunt Christum Dominum eâ gratiâ de cælis in terram descendisse, hominem assumpsisse, ut ijs CORDIS Scholam aperiret, in qua ab eo discerent mites esse, & humiles CORDE? *Matth. 11.29.* Quinimmò ideò Sanguinem suum fudisse, ut illo CORDA nostra lavaret, atque emundaret? Ideò, ut cum S. Job loquar, viri *Iob. 34.* CORDATI audite me; & nolite abjicere *10.* Doctrinam Scholæ hujus: sed diligenter auscultantes, ponite eam in CORDIBUS vestris.

LECTIO II.

Instituti nostri ratio.



UM ad cujuscumque tractationis materiam ritè intelligendam, nō parū conducatur totius Operis formam, & structuram agnoscere; oportunitate fuerit in hujus Libri fronte non-

nihil de ejus syntaxi, methodo, ac scopo præfari; ne quid Lectorem remorari possit.

ET primus quidem hic Cardiogogiæ nostræ Liber, apparatus quemdam ad reliquos, & Prolegomena exhibet; quibus de ipso CORDE, ejusque, ut vocant, PRINCIPALI, de Scholæ CORDIS Magistro, Discipulis, excellentiâ, amplitudine, prærogativis, similibusque tractatur. Sequentibus deinde tribus Libris Doctrinam eam quæ ad CORDIS directionem pertinet, expendimus: in qua explicanda primùm varias, quæ de humano CORDE in Sacris litteris habentur sententias, in certas Classes ac titulos Ordine quodam digessimus: singula deinde lemmata copiosius expendentes, SS. in primis Patrum, aliorumque cujuscumque ordinis Scriptorum verbis illustramus. Cùm enim vix quidquam dici possit, quin dictum jam illud sit prius; placuit ipsos Auctores suis verbis loquentes potius audire, quàm rudi nostro stylo eorum conceptus Lectoribus repræsentare. Habent enim SS. Patres, veteresque Scriptores plurimum roboris, auctoritatis, atque elegantix, quibus animus hominis efficacissimè convincitur.

SECUNDO, tametsi ea quæ ad singulos titulos attulimus, per modum considerationum

tionum ferè tradiderimus: placuit, tamen
 Lectionum | potiùs, quàm Meditationum
 nomine insignire: cùm quòd Scholæ nomi-
 ne id magis congruere videretur: tum ut va-
 rij Auctores, (qui passim in hoc Opusculo
 citantur, interque illos subinde etiam Poë-
 tæ, Ethnicique Scriptores) meliùs suâ phra-
 si loquerentur: quod Meditationum forma
 non ita commodè forsitan admisisset.

LECTIONIBUS porrò singulis Disti-
 chon unum præfiximus: ut ita rei summam
 brevissimè, & non sine aliquâ voluptate ex-
 hiberemus. Ipse enim carminum flexus &
 numerus, ut animum allicit, sic memoriæ
 firmiùs hæret, variâque jucunditate men-
 tem permulcens, facit ne penè umquam
 ea, quæ rectè percepit, obliviscatur. Qua-
 re non malè quidam censuerunt, Poësin
 adolescentis animi nutricem & alumnam
 vocandam. Cùm verò ea sit inter Poë-
 sin & Picturam societas, ut quod illa ver-
 bis, tropis, alijsque dictionum luminibus
 præstat; hæc coloribus, lineamentis, atque
 umbris repræsentare conetur: utraque
 item, quidquid in quovis genere præstan-
 tissimum reperit, id è multis in unum,
 quod sibi proposuerit, transferat, ut non
 tam à Personis, aut à natura discere, quàm
 potiùs his leges præscribere videatur:

*Anton.
 Posservi.
 biblioth.
 select.
 lib. 17.*

Non leve operæ pretium me facturum arbitratum sum, si geminas has sorores in hoc Opusculo utcumque conjungerem: & quæ brevibus istis Distichis comprehenduntur eadē etiam Iconibus expressa oculis objicerem. Ut ita utilitati sancta quædam ac salutaris voluptas, quæ ex Imaginum aspectu capi posset, sociaretur. Habent siquidem pictæ Imagines, præter delectationem quam adferunt, quamdam energiam ad hominum CORDA suaviter permovenda. Verissimum enim est quod Venusinus vates olim cecinit:

*Horat. Segnius irritant animos demissa per aurem,
Quàm quæ sūt oculis subjecta fidelibus, & quæ
Ipse sibi tradet spectator.*

*August. Cui quidem consentiens Hipponensis
Ep. 119. Præsul, ait: quòd ipse animi motus, quàm-
diu rebus adhuc terrenis implicatur, pigrius inflammatur; si verò feratur ad similitudines corporales, & inde ad spiritualia, quæ illis similitudinibus figurantur, ipso quasi transitu vegetatur; & tamquam in facula ignis agitated accenditur, & ardentiore dilectione rapitur ad requiem & quietem. Hæc Augustinus.*

UT igitur compendio dicam, Scopus mihi in hoc Opere non alius fuit; quàm Imaginibus, oculis; versibus, aures; ipse denique

denique Lectionibus , animum & Cor
 oblectare , instruere , & permovere. Id
 verò affecutusne sim , aliorum esto judi-
 cium. Equidem affirmare non verebor,
 me afflictâ ferè valetudine hoc , quidquid
 est Libri , uni Confratrum meorum pro-
 perè admodum , ideoque (ut ingenuè ag-
 nosco) minùs prosperè , dictasse ; & jam
 exaratum vix ipse mihi satisfacere po-
 tuisse : ut proinde leviùs omnino laturus
 sim , si aliorum exactissimo judicio non
 usquequaque probetur , Stylo enim hîc
 usus sum planè vulgari ac obvio , & verè
 cum S. Prospero dicere mihi licebit : De *S. Prosp.*
 accuratone dictionis elaboratæ non sa-
 tago ; nec mihi pudori est , si disputatio
 mea , quæ fortè probatur in rebus , ali-
 quos inanum verborum sectatores horro-
 re incomptæ Orationis offendat. Nam si
 Demosthenes clarissimus Oratorum , nega-
 vit in eo positas esse fortunas Græciæ hoc
 an illo verbo usus esset ; quantò magis nos
 verba negligere debemus , qui sermonis uti-
 litatem potissimùm spectamus ? Neque
 admodum erubesco , quòd ex varijs Aucto-
 rum , quos adfero , verbis , polymita existat
 Orationis nostræ vestis : qui præsens Opus *Macro-*
(ut de suo agebat Macrobius) non eloquen- *bis lib.*
 tiæ ostentationem ; sed noscendorum & *I. Sa-*

IO SCHOLÆ CORDIS
agendorum congeriem pollicetur. Et boni
consulat Lector oportet, si præcepta mo-
rum, modò meis non obscure, modò ipsis
antiquorum & recentium verbis recogno-
scat, prout quæque se vel enarranda, vel re-
ferenda suggererit.

LECTIO III.

Quid CORDIS nomine significetur.



UANDOQUIDEM conti-
nuus nobis de CORDE futuros
sit sermo, rationi omninò
consentaneum videtur, ut va-
rias, quas in sacra Scriptura habet signifi-
cationes, hîc aperiâmus.

PRIMO autem significat notissimam il-
lam in animalibus partem, quæ in medio
juxta pulmones sita est, ut per ipsum vita
toti corpori undique subministretur: & ut
spiritus vitalis, velut à centro, ad membro-
rum circumferentiam deferatur. Est autem
COR membrorum omnium nobilissimum,
primum quod Natura format; præcipuum
inter viscera, & vitæ ipsius sedes; arteriarum
& caloris nativi, quo animal regitur, quasi
fons quidam & domicilium.

SECUN-

SECUNDO, desumpta hinc similitudine, COR medium locum significat ; sic COR Maris, est profunditas illius : & COR terræ, centrum. Ita Jonas ad Dominum clamat : Et projecisti me in profundum in CORDE *Ion. 2. 4.* Maris. Et Christus Dominus : Sicut fuit *Matth. 12. 40.* Jonas in ventre Ceti ; sic erit Filius hominis in CORDE terræ tribus diebus, & tribus noctibus. Ubi COR terræ pro limbo Patrum accipitur, in quem Christus post mortem descendit. Is autem est circa infernum & circa centrum mundi, de quo D. Hieronymus ait : Sicut COR est in medio *Hieron.* animalis ; ita infernus in medio terræ esse perhibetur.

TERTIO, significat COR omnia interiora Corporis, id est viscera ; ut Psalmo 21. *Psal. 21.* Factum est COR meum tamquam cera liquescens in medio ventris mei. Et : Gladius eorum intret in CORDA ipsorum. Et *Psal. 36.* *Osee 13.* *8.* Osee 13. ubi nos legimus, dirumpam interiora jecoris eorum ; in Hebræo est, interiora CORDIS eorum.

QUARTO, COR ipsam Animam significat, unde Psalmista ait : COR meum, & caro mea exultaverunt in Deum vivum ; id est, Anima & Corpus gaudio gestierunt in Deo suo. Sic etiam accipitur illud Jeremia : Laya à malitia COR tuum, *Jer. 4.*

QUINTO, 14.

Osca 7. QUINTO, mentem quoque significat,
 10. ut apud Prophetam : Et factus est Ephrem
Ier. 5. quasi columba seducta non habens COR; id
 21. est, factus est demens, stolidus & amens. Et
 3. *Reg.* alius Propheta: Audi popule stulte, qui
 3.9. non habes COR. Sic etiam intelligitur il-
Matth. lud in Oratione Salomonis : Dabis ergo
 5.8. servo tuo COR docile, ut populum tuum
Pf. 23. judicare possit. Similiter illud Salvatoris
 4. intelligi potest : Beati mundo CORDE,
Cicero quoniam ipsi Deum videbunt. Atque illud
 1. *Tusc.* Plalmistæ : Innocens manibus, & mundo
Hiron. CORDE. Et à CORDE pro mente dicti
 sunt vecordes, socordes, & excordes. Et
 contrà, CORDATI, ut Auctor est Cice-
 ro. Et Nasica ille Sapiens dictus est COR-
 CULUM. Et S. Hieronymus in Matth. scri-
 bens nomen Lebbæi, quod à CORDE de-
 ducitur, CORCULUM interpretatur.

SEXTO, accipitur aliquando, pro judi-
 cio & intellectu; ut apud eundem Plalmo-
Pf. 39. graphum : COR meum dereliquit me. Et
 13. apud D. Paulum : Obscuratum est insi-
Rom. 1. piens COREORUM. Iterumque : Deus det
 21. vobis illuminatos oculos CORDIS vestri,
Ephes. ut sciatis quæ sit spes vocationis vestræ.
 1.18. Cui affinis est significatio ea, quâ COR
Pf. 104. sententiam significat. COR enim converti
 25. dicitur, cùm sententia mutatur; Convertit
 COR

COR eorum, ut odirent populum ejus, Et
 3. Regum 18. Et ut convertisti COR eo- 3. Reg.
 rum iterum. Unde de non mutaturo sen- 18. 37.
 tentiam dicitur : Confirmatum est COR Ps. 111,
 ejus, non commovebitur. Ponere autem 8.
 COR in aliqua re, vel, ponere aliquid in
 CORDE, aut super COR, idem est quòd
 diligenter meditari, considerare, & reco-
 gitare. Isaia 47. Non posuisti hæc super
 COR tuum, nec recordata es novissimi Isa. 47.
 tui. Et Ezechielis 40. Fili hominis vi- 7.
 de oculis tuis, & auribus tuis audi, & po- Ezech.
 ne COR tuum in omnia quæ ostendam ti- 40. 4.
 bi. Et Aggæi 1. Ponite CORDA vestra su- Aggæi.
 per vias vestras. 1. 5.

SEPTIMO, COR pro voluntate sæpissi-
 mè ponitur, unde dicimus desideria COR-
 DIS ; atque ita accipitur cùm David ait : Ps. 56.
 Paratum COR meum Deus. Et cùm de 8.
 Davide Dominus ait : Inveni David fi-
 lium Jesse, virum secundum COR meum. Act. 13.
 Et Samuël : Quæsit Dominus virum 22.
 juxta COR suum. Ita intelligendum est 1. Reg.
 præceptum Domini : Diliges Dominum 13. 14.
 Deum tuum ex toto CORDE tuo. Atque Math.
 ita intelligendus est Christus, cùm dixit : 22. 37.
 Quòd omne extrinsecus introiens in ho-
 minem, non possit eum coinquinare : quia
 non intrat in COR ejus. Nihil enim ho-
 minem

Ecclef.
3.28.

minem coram Deo abominabilem & coinquinatum facit, nisi peccatum. Peccatum autem nisi sit voluntarium, peccati rationem non habet. Sic quoque accipitur illud Ecclesiastici : COR ingrediens duas vias, non habebit successus ; hoc est, voluntas propensa ad vitia, eaque amplectens, virtutem fingens, & scelera honestatis specie tegens, ambulans coram Deo per viam flagitiorum, & coram hominibus per viam virtutum, infelicem habebit successum. Externi quoque Scriptores in eadem significatione COR accipiunt, cum ajunt aliquid alicui CORDI esse, ut Virgilius :

cui carmina semper

9. *Æ-*
neid.

Et cythara CORDI, numeriq̃ intendere nervos.

ATQUE hæ sunt potissimæ CORDIS significationes in sensu literalī : Mysticas enim hîc præterimus, quas magnâ copiâ haurire licet ex Silva Allegoriarum nostri Hieronymi Laureti.

LECTIO IV.

Quid sit PRINCIPALE CORDIS.

NON infrequens apud SS. Patres loquendi forma est, ut principem animæ partem, **PRINCIPALE CORDIS** appellent: quod Platonici τὸ ἡγεμονικὸν nominare soliti sunt; de quo Cicero *Cicero* ait: Principatum autem dico, quod Græ- *lib. 2. de* ci ἡγεμονικὸν vocant: quo nihil quoquo *Nat.* in genere nec potest, nec debet esse præ- *Deor.* stantius. Tertullianus verò idem definiens ait: esse summum in Anima gradum, vitalem & sapientialem. Idipsum verò S. Hieronymus contra Jovinianum scribens, **PRINCIPALE CORDIS** vocat: Fratruelis, *Lib. 1.* inquit, meus, mihi, & ego illi, in medio *cap. 17.* uberum meorum commorabitur; in **PRINCIPALI CORDIS**, ubi sermo Dei habet hospitium. Et ante eum Origenes ex ejusdem Sancti Hieronymi interpretatione: Quis, inquit, ita beatus, ut habeat hospi- *Hom. 2.* tem in **PRINCIPALI CORDIS**, in me- *in Cant.* dio uberum, in pectore suo sermonem Dei. Didymus verò in Libris de Spiritu *Lib. 3.* Sancto

Sancto eadem voce utitur, quam etiam *Adytum* CORDIS appellat: Respondendum, inquit, ad id quod scriptum est: Quare implevit Satanas COR tuum? quòd Satanas mentem alicujus, & PRINCIPALE CORDIS, impleat, non ingrediens in eum, & in sensum ejus; atque ut ita dicam, *Adytum* CORDIS introiens; (siquidem hæc potestas solius est Trinitatis) sed quasi callidus quidam, & nequam, ac fallax, fraudulentusque deceptor, in eos animam humanam malitiæ affectus trahit per cogitationes & incentiva vitiorum, quibus ipse plenus est. Ita Didymus. Quem imitatus videtur Sanctus Bernardus, qui PRINCIPALE *Pectoris*, & *Adytum Pectoris* interpretatur id, quod Sponsa dicit: Inter ubera mea commorabitur. Cassianus quoque ita loquitur, cùm Domini verba, quibus Diabolo præcepit, ut animam Sancti Job custodiret, ita explicat: Tantummodò eum amentem non facias, debilitato animæ domicilio, & intellectu invalo, aut rationis organo, per quam eum tibi resistere necesse est, sauciato: neque obruas intellectum ac sapientiam resistentis, PRINCIPALE, scilicet CORDIS ejus tuo pondere præfocans. Quid autem sit CORDIS PRINCIPALE explicat Origenes: Potest,

inquit,

Homil.

43. in
Cant.

Collat.

7. cap.

12.

inquit, intra se agere pars illa, quæ in eo *Hom. 9.*
 est pretiosissima omnium, quod quidam *in Exod.*
 PRINCIPALE CORDIS appellant, alij ra-
 tionalem sensum, aut intellectualem sub-
 stantiam, vel quomodocumque appellari
 potest in nobis, portio nostri illa, per
 quam capaces esse possimus Dei. Et S. Au- *Lib. de*
 gustinus ait: PRINCIPALE nostrum, nem- *fide &*
 pe partem Animæ rationalem, Spiritum *ymb. c.*
 dici. Mens igitur ac Spiritus, PRINCIPA- *10.*
 LE CORDIS appellatur. Verùm ulteriùs
 quæritur, quo in loco sedem habeat? Phi-
 losophi enim hîc in varias & monstrosas
 opiniones abierunt, quas recenset & explo-
 dit Tertullianus: qui & *Ηγεμονικὸν* esse, *Lib. de*
 & certo in Corpus recessu ei locum conse- *anima*
 cratum, ex compluribus Scripturis probat. *cap. 15.*
 Si enim, ait, scrutatorem & Dispectorem *Sap. 1. 6*
 CORDIS Deum legimus: si etiam Prophe-
 tes ejus occulta CORDIS traducendo pro- *Pro. 23.*
 batur: si Deus ipse recogitatus CORDIS in *Pf. 138.*
 populo prævenit. Quid cogitatis in COR- *Mat. 9. 4*
 DIBUS vestris nequam! Si & David: *Pf. 50.*
 COR mundum conde in me Deus. Et *12.*
 Paulus: CORDE, ait, credi in justitiam. *Rom. 10.*
 Et Joannes: CORDE, ait, suo unumquem- *10.*
 que reprehendi. Si postremò, qui viderit *1. Ioan.*
 feminam ad concupiscendum, jam adul- *3. 20.*
 teravit in CORDE: Simul utrumque dilu- *Math.*
 cet, *5. 28.*

cet, & esse PRINCIPALE in Anima, quòd intentio divina conveniat, id est vim sapientialem atque vitalem: quod enim sapit, vividum est; & in eo thesauro Corporis haberi, ad quem Deus respicit. Eadem

*Lib. de
resurre.
Carr.c.
15.*

docet de resurrectione Carnis: cui etiam consentiunt, ut Pamelius annotavit, Philo Judæus, Opusculo, de eo quòd deterius potiori insidietur. B. Hieronymus, libro secundo super Matthæum, capite decimoquarto. Theodoretus, sermone tertio de Providentia. Gregorius Nyssenus, Oratione prima de Resurrectione Christi. Solus

*Lib. de
opif. Dei
cap. 16.*

Lactantius dubiũ relinquit, an in CORDE, an verò in cerebro sit sedes mētis. Et in posterius hoc magis inclinatur. Verum Sanctus Hieronymus eum refutat; ad Fabiolam enim scribens, ait: Quæritur ubi sit Animæ PRINCIPALE? Plato in cerebro,

*Math.
5.8.*

Christus monstrat in CORDE: Beati mundo CORDE, quoniam ipsi Deum videbunt. Et, de CORDE procedunt cogitationes malæ. Hinc quoque Sanctus Ambrosius ait: COR tuum cogitationum

Serm.

11. in

Pf. 118.

tuarum est scaturigo. In eadem sententia est Aristoteles libro de sensu & sensibili, ut annotavit quoque Alardus Gazæus; & Lucretius, qui libro tertio ita cecinit.

Alard.

ad col. 7.

Cas. c.

zæus; & Lucretius, qui libro tertio ita cecinit.

Consilium, quod nos animum, mentemq³ vocamus;

Idq³ situm media regione in pectoris haret.

ATQUE hæc quidem eâ gratiâ à nobis allata sunt, ut humani CORDIS dignitatem, & singularem eam, quâ alijs membris præcellit, eminentiam ostenderemus. Nam etsi Anima sit tota in toto corpore, & tota in singulis ejus partibus; in CORDE tamen, velut in Arce quadam, & regali Solio, principem locum sibi consecratum habet. Nihil proinde mirum est, si cogitare, reminisci, velle, desiderare, aliaque similia, quæ superiore capite attulimus, ipsi CORDI tribuantur: licet enim Anima per suas potentias istos actus eliciat; tamen, quia in CORDE præcipuè residet, ideò CORDE rectè adscribuntur. Ex quo capite & COR nostrum, & Doctrinam illam, quâ illud ad omnem perfectionem instruitur, magni facere, atque æstimare debemus.

LECTIO V.

Schola CORDIS Encyclopædia.

IGNITAS hujus Scholæ ex eo capite cum primis elucet, quòd non angustis unius scientiæ limitibus ejus Doctrina comprehendatur, sed latissimè per omnes verè artes evagetur. Non enim trivialis hæc Schola, sed amplissima quædam Academia censenda est: in qua Encycliâ Doctrinarum omnium disciplinâ COR instruitur. Apparere id facilè poterit ex singulis propemodum Lectionibus: verùm ut tam Lectori voluptatem, quàm Scholæ nostræ commendationem adferamus, non inutile fuerit, Encyclopædiam hanc breviter explicare.

ORDIOR à GRAMMATICA, quæ tres hujus nominis, COR, literas ex spiritualium quorundam Doctorum sensu ita explicat, ut sit; Custodia omnium rerum: vel, ut alijs placet; Cubiculum Omnipotentis Regis.

ETYMOLOGIA verò CORDIS, ex Igni-
Lib. II. dori mente, deducitur à cura, quòd omni
Ety. c. I. curâ custodiendum sit, in eo omnis sollici-
 tudo

tudo & scientiæ causa maneat. Hic porro docetur anima declinare COR vanum, grave, insatiabile, durum. Comparare verò COR contritum & humiliatum, COR mundum & rectum, in quo Deus velut in tabula legem suam scribat. Traditur hic etiam COR nomen esse simplex, non compositum; quia dividi omninò nequit: vult enim Deus totum COR sibi dari.

OPTIMA verò CORDIS SYNTAXIS est, si construitur cum his verbis; dare, sacrificare, custodire, vigilare, unire, & à solo nomine & numine Dei regatur.

QUOD POESIN spectat, non malè observatum, COR ideò ancipitem esse syllabam, & modò produci, modò corripì posse, ut denotaretur COR nostrum ad prospera & adversa indifferens esse debere, aptumque ut quovis loco à Deo collocetur. Sive enim illud in camino tribulationis, malleo adversitatis, velut laminam quamdam, crebris ictibus longiùs producat, cum Davide respondere debet: Paratum COR P/. 56. meum Deus; sive illud corripiat & reprehendat; itidem respondere debet: Paratum COR meum.

QUID verò de RHETORICA & DIALECTICA dicemus, cùm Cardiogogus noster non in persuasibilibus humanæ sapientiae 2. 4.

pientia verbis, sed intus in CORDE sine strepitu verborum multò copiosius dicat quovis Demosthene aut Cicerone? multò efficacius COR convincat, quàm acutissimi Philolophi suis syllogismis & argumentis? Nam ut rectè dixit Gregorius: Multum est omne os quod loquitur, si Deus interiorius in CORDE non clamet: qui etiam aspirat verba, quæ audiuntur.

Gregor.

lib. II.

Mor.

cap. 5.

JAM verò ut ad MATHEMATICAS disciplinas descendamus, ARITHMETICA docet Deum, sicuti unus est: ita unicæ columbæ suæ unum COR desiderare. Displicent enim ei qui in CORDE & CORDE loquuntur: qui duplices sunt animo, & multicordes. Diligit verò simplicitatem, & unitatem CORDIS. Rectè ait Augustinus: Sicut omnia ab uno in multa processerunt: sic cuncta quæ ad illud unum redire conantur, necesse est exuere multitudinem: feliciter ergo Anima non diligit, donec ad unum & summum bonum per amoris desiderium se convertat. Hanc porrò CORDIS monadem adeò Deus amat, ut cum in amante & amato duo sint CORDA, velit ea in unum coire, & colliquescere. Ternarius verò numerus in literis hujus vocabuli COR apparens, ejusdem perfectionem designat. Perfectissimus enim numerorum

Ps. II.

3.

August.

rorum ternarius censetur; quia in se unitatem & numerum complectitur: cui & hoc contigit, ut inter duo summa, medium *Macro.* quo vinciretur acciperet. In numero enim *1. de (d.* ternario est principium, medium, & *Scip.* finis: unde tria sunt omnia. Quamobrem *Georg.* Aristoteles affirmavit: nihil perfectum esse *vē. cā. 1.* nisi Trinitatem. Quia igitur *to. 3. c. 2*

Numero Deus impare gaudet; Arist.

COR humanum, ternis atque imparibus *lib. 1. de* descriptum literis, illi in primis charum *cal. &* est. *mundo*

IN eâdem ferè consideratione hæret *c. 1.*

GEOMETRIA; quæ Pyramidis formam sua figura COR referre, ac triangulare esse expendit, atque hinc concludit, non nisi trigono illud impleri posse. Tantam enim nobis Deus Optimus. Maximus contulit CORDIS latitudinem, ut todo mundo repleri nequeat. Sola enim est sanctissima Trinitas, quæ adæquatè totam CORDIS amplitudinem suâ maiestàte occupet. Omitto alios considerare inveniri in voce COR

Dimidium sphaera, spheram, cum principe
Roma.

ASTROLOGIA verò ad sidera COR evehens, illud sursum tendere, in cælum scandere, & in Deo quiescere facit. Scalam
B 4 vero,

verò, & ascensiones, quibus gradatim tam sublime nititur in CORDE disponit; quin immò quod in cælo est Sol, hoc in Corpore humano est COR, scilicet fons lucis & vitæ. Unde Stoici mundum arbitantes esse animal magnum, sensu & ratione præditum, Solem propriè COR mundi esse censebant. Hinc Plutarchus ait: Stellæ sunt oculi lucentes in facie universi; Sol vi præditus CORDIS, ut hoc sanguinem & Spiritum, sic Sol diffundit ex se vegetantem calorem & lucem. Terrâ & Mari Mundus quasi ventre & vesicâ utitur. Luna, inter Solem & terram, ut inter COR & ventrem, velut jecur, aut aliud molle viscus est. Habet quoque COR magnam cum ipso cælo similitudinem: ut enim cælum numquam quiescit; ita continuò COR movetur: & sicuti cessante motu cælorum, motus generationis & corruptionis, atque etiam alterationis omninò cessaret; ita quoque si CORDIS motus intermitteretur, vita animalis deficeret. Eadem quoque est ratio de interiori CORDE Animæ, sive voluntate; quæ itidem quietis est expers, & suo imperio omnes alias potentias movet: atque ita primo mobili aptè comparari potest. Quemadmodum enim illud suo motu omnes inferiores orbes rapit: ita COR

*Tract.
de facie
in orb.
Lun.*

*S. Anto.
1. par.
Sum.
theolog.
tit. 4. c.
13.*

& voluntas, omnibus alijs facultatibus imperant, easque suo nutu movent.

QUAM suavis verò est ac sonora **COR-
DIS MUSICA** ! quæ concordî harmoniâ
dulcissimè sonat in auribus divinæ majesta-
tis. Mutæ enim sunt omnes **MUSICORUM**
voces, nisi **Spiritu CORDIS** animentur.
Nam ut quidam dixit :

*Non vox, sed votum ; non MUSICA chor-
dula, sed COR ;*

Non clamor, sed amor psallit in aure Dei.

HINC spiritualis Phonicus nos ad-
monet : Impleamini Spiritu Sancto, lo. *Ephes.*
quentes vobismetipsis in Psalmis, & Hym- 5.19.
nis, & canticis spiritualibus ; cantantes &
psallentes in **CORDIBUS** vestris Domino.
Fecit id sanctissima Virgo Cæcilia, quæ *Brevia.*
cantantibus Organis soli Deo decantabat : *Rom.*
Fiat **COR** meum & **Corpus** meum immacu-
latum. Canticum hoc novum (ut ait Pari- *Ioan.*
sienfis Cancellarius) rationabiliter appel- *Garson.*
latur Canticordum, id est, Canticum **COR-** 3. par.
DIS, vel **CORDIUM**. Suum quippe subje- *tract. 2.*
ctum, suum instrumentum, sua corda, quæ *de Cant,*
dicitur à **CORDE**, suus auditus, sua vox,
suus os, sua modulatio est introrsus, vel
in **CORDE** mentis, vel in mente **CORDIS**.
Has verò **CORDIS** modulationes, etiam
tacente voce, solus Deus audit & intelligit ;
B 5 unde

unde Moyſi nulla verba proferenti, dixit:

Exod. Cur clamas ad me. Clamabat enim COR-
 14.15. DE, qui tacebat ore. Hunc verò cla-
 morem, & incensum CORDIS deſide-
 rium percipiebat Dominus, de quo *Pſal-*

Pſ. 10. miſta canit: Deſiderium pauperum exau-
 17. divit Dominus; præparationem CORDIS
 eorum audivit auris tua. Quis melior,
 quæſo, concentus auribus percipi poſſit,
 quàm ſi COR & voluntas noſtra velut
 Baſſus quidam, æquabili tenore respon-
 deat Superiori; CORDI, ſcilicet & volun-
 tati Dei? Scribit Cardanus: ſi dux teſtu-

Hieron.
Card. dines æquali ſono temperentur, alteri que
lib.8. de earum ſtramen imponatur, eundem eam
ſubtilit. prorſus ſonum, ſine ullo attactu, editu-
 ram, quæ in altera manu pulſata reſonat.
 Quid quæſo hoc eſt aliud, quàm dulciſo-
 na illa ſymphonia divini & humani COR-
 DIS? Hoc enim ſi cum illo per omnia con-
 ſentiat, qualemcumque ſonum divinæ
 voluntatis audierit, eundem ſtatim re-
 præſentabit, & æquali prorſus voce re-
 ſpondebit. Noverat hanc Muſicam Ju-
 1. *Mach.* das Machabæus, qui dicebat: Sicut fue-
 3.60. rit voluntas in cælo, ſic fiat. Noverat
Iob 1. & Sanctus Job, qui ærumnis planè obli-
 21. tus, lætus decantabat: Dominus dedit,
 Dominus abſtulit; ſicut Domino pla-
 cuit,

éuit, ita factum est: sit nomen Domini benedictum.

LECTIO VI.

*De alijs scientijs qua in hac Schola
explicantur.*



PRÆTER septem illas, quas vocant Artes liberales, quas in hac Schola explicari jam vidimus, superiores etiam scientias, Ethicam, Physicam, Medicinam, Jurisprudentiam, Theologiam, & quasdam etiam Mechanicas Artes suo ambitu eadem Schola complectitur. Quod breviter Lectione hâc declarabimus.

ET quidem Moralem PHILOSOPHIAM hîc tradi, nihil opus est demonstrare: cùm omnia penè, quæ hoc Opusculo explicantur. Ethicè sapiant, & ad mores componendos referantur.

QUAM multa verò ex MEDICINA petita de CORDIS situ naturali, figurâ, & colore, de præcordijs, alijsque hîc inferuntur; Quid quòd ea quæ de carnali CORDE Hippocrates, Galenus, & post eos tota Medicorum Schola tradunt, illa ipsa
in

in voluntatem nostram (quæ Animæ COR est) aptissimè convenire demonstrantur?

Cornel. Sicut enim COR est officina Spirituum,
in c. 36. quos toti Corpori subministrat, per eosque

Ezech. est principium & causa omnis motus, & actionis animalis: ita voluntas est officina virtutis & vitij, meriti & demeriti, omnisque actionis bonæ vel malæ.

TRADUNT Physici quatuor partes esse vitales, quibus maximè vita constat, & conservatur; COR, Cerebrum, Hepar, Pulmonem. COR enim calorem & Spiritus Corpori subministrat; Hepar sanguinem, quo Corpus nutritur; Cerebrum Spiritus animales, quibus sensatio, intellectio, & motio localis conficitur; Pulmo quasi follis, CORDI dat refrigerium. Ita vita spiritalis constat rectâ voluntate, quasi CORDE; prudentiâ, quasi cerebro; iustitiâ, quasi Hepate, sanguinis decorisque effectore; continentîâ, quasi pulmone, affectus moderante, & refrigerante.

NE quid verò spiritalis MEDICINÆ desit; COR grave hîc alleviatur, durum emollitur, superbum & vanum deprimitur, & compungitur; denique à malis humoribus COR expurgandum & evacuandum docetur, cum velut aqua jubetur effundi.

Thren.

2.19.

Si quæ verò tubera, distorsiones, aut ulce-

ra

12 CORDI fortè adnata fuerint, circumcidendum COR præcipitur, ut sanies effluat. Quid verò pijsſimus Animarum noſtrarum Medicus CORDI non facit, ut illius valetudinem aut tueatur bonam, aut corrigat malam? In ſacro enim ſudore ſuo, ægroto balneum; in Sanguine pretioſiſſimo, ſordido CORDI lavacrum præparavit. Vino etiam torculari Crucis è ſacro latere ejus expreſſo, COR hominis lætifi-
cat: quin & in eodem lateris thalamo, molliſſimum CORDIS lectulum ſtravit. Ipſe ſiquidem MEDICUS eſt ſanans omnem languorem & omnem iniquitatem; qui & ad hoc ſe miſſum teſtatur, ut mederetur contritis CORDE. Atque hæc de MEDICINÆ I. ſcientia.

JAM verò ſi JURISPRUDENTIAM, & legum cognitionem adire juvat; inveniemus in hac Schola exactam tradit juſtitiae formam, quæ eſt unicuique jus ſuum tribuere. Proinde COR noſtrum non mundo, non carni, non diabolo: ſed uni Deo, cui ſolo jure debetur, totum ita dari mandatur, nulla ut pars, quantumcumque parva alteri cedat. COR verò ſic Deo donatum, æquiſſimâ lance expenditur, an ſtatutum à legibus divinis pondus habeat. Quid verò de ipſis legibus dicemus, quas æternus

2. Cor. nus Legislator digito suo in tabulis COR-
 3.3. DIS carnalibus inscribit?

DE sacra verò THEOLOGIA supervacaneum foret, probare illam hoc quoque Opusculo includi, cùm potissimus ejus scopus sit aversum à Deo COR ad eum reducere, juxta divinum ejus COR, nostrum rectum facere, divinæ illud majestati in sacrificium offerre, illi COR unire, ut in eo tandem felicissimè quiescat. Divinus verò amor, Scholæ hujus Gymnasiarcha, COR illuminat, accendit, sursumque sublevat, ut divinas affectiones recipere possit; quæ omnia ad Theologiam Mysticam spectant. Lubens autem pertranseo, plurima sacræ Scripturæ loca & Theologiæ arcana hoc Libello recludi.

NEQUE verò aliæ Mechanicæ Artes ab hoc Athenæo prorsus exulant. Agit enim hic cœlestis Doctor Vegetum Christianum, atque ad spirituales militiam COR instruit; sive dum illud instar Fortalitij, & Castri cujusdam munitissimi, ense divini amoris tuetur, & velut excubias ante illud agit; sive dum scuto laboris sui, & universa Passionis suæ panoplia COR protegit adversus ignita jacula inimici. Habet & Vitruvius hîc suas partes; ut, tamquam optimus Architectus, CORDIS domici-
 lium

Thren.
 3.63.

lium construat, quod spatiosissimum fiat Spiritus Sancti habitaculum: in quo, ut S. Bernardus dixit, spatia & deambulatoria *Bernard* distinguat, ad opus divinæ majestatis. *serm. 27* Quin & scalas, & ascensiones in CORDE in *Cant.* disponit, quibus ad cœlum Deumque ip- *Psal. 83.* sum conscendat. Sed & columna Christi *6.* labantem CORDIS domum, dum opus est, opportunè fulsit, totum denique ædificium, titulo Crucis inscriptum, Deo dedicat, consecratque. Si pictura animum oblectat, ipsum COR hîc pro tabula est, aut potius pro telâ, in qua acu coronæ spinæ Dilecti facies depingitur.

DENIQUE nec de re rusticâ, atque agriculturâ divinus amor Animam instruere neglexit. Vis spirituales videre Varronem? attende Scholæ hujus Magistrum velut hortulanum quemdam, nunc aratro Crucis terram CORDIS proscindere, mox semina verbi Dei in COR jacere, deinde COR irrigare, ac flores colligere. Aliàs Crucis arborem CORDI inserit, mustum torculari Crucis exprimit, quod CORDIS vale recipiatur. Totum denique CORDIS hortulum spinæ coronæ sæpe circumdat, atque munit. Ex quibus omnibus liquidò patet, amplissimè sese Academix CORDIS disciplinas extendere, & omnium

32 SCHOLÆ CORDIS
omnium Artium Encyclopædiam in hoc
Gymnasio aliquousque edoceri.

LECTIO VII.

De Magistro & Discipulis Scholæ
CORDIS.

*Ambros.
lib. 2. de
Virgin.*



*Pf. 32.
15.
P/. 89.
12.*

*Ianßen.
in prim.
expos.
Pf. 32.*

UM, juxta Sancti Ambrosij
assertionem, primus discen-
di ardor nobilitas sit Magi-
stri; dignissimum omninò
est, ut præcellentiam Magi-
stri hujus Scholæ accuratiùs
expendamus. Non est autem
alius CORDIS Magister,
quàm ille ipse, qui finxit
singulatim CORDA
hominum; qui scrutatur
CORDA & renes, omnesque
Discipulos suos vult esse
eruditos CORDE in sapientia.
Fingit enim Deus
CORDA hominum, non tantùm
secundùm substantiam; sed
etiam secundùm pietatis
affectum. Sicut enim Deus
COR mundum creat in homine
innovatione justitiæ, sic
COR innovatum fingit
confirmatione Doctrinæ,
idque singillatim;
quia alteri datur Spiritus
sapientiæ, alteri scientiæ,
alteri fidei, Quamvis
autem omni tempore divina
bonitas hominum CORDA
salutis instruxerit Doctrinâ,
id tamen

tamen luculentius per Unigenitum Dei
 Filium Jesum Christum in Novo præstitit
 Testamento; ita enim olim de eo promi-
 serat Pater: Et feriam vobiscum pactum *Isa. 55.*
 sempiternum, misericordias David fide- 3.
 les. Ecce testem populis dedi eum, Ducem
 ac Præceptorem gentibus. Quàm sedulò
 autem hoc Doctoris munus Messias no-
 ster obiturus esset, idem Propheta alibi
 docet, dicens: Erunt oculi tui videntes *Idem*
 Præceptorem tuum, & aures tuæ au- 30. 21.
 dient vocem post tergum monentis;
 hæc est via, ambulate in ea. Quis enim
 non miretur hanc diligentiam? non enim
 expectat ut Discipuli ad Scholam ve-
 niant; sed protervos & fugitivos ponè
 subsequitur, & blandissimè revocat à via
 perditionis. Propheticas autem has po-
 missiones in Novo Testamento adimpletas
 esse, Apostolus testis est, qui ait: Multifa- *Heb. 1.*
 riam multisque modis olim Deus loquens 1.
 Patribus in Prophetis, novissimè diebus
 istis locutus est nobis in Filio, quem con-
 stituit heredem universorum, per quem
 fecit & sæcula. Quid nobilius hoc Docto-
 re? quem caelestis Pater in monte Thabor
 ad Magisterium promovit, & hoc ei te-
 stimonium dedit: Hic est Filius meus di- *Math.*
 lectus, in quo mihi benè complacui, ip- 13. 17.
 sum

Baruch. sum audite? Hic, ut Baruch testatur, ad-
 3.37. invenit omnem viam disciplinæ, & tradi-
 dit illam Jacob puero suo, & Israël di-
 lecto suo. Hic ille est Magister, in quo re-
 Col.2.3. conditi sunt omnes thesauri sapientiæ &
 scientiæ Dei. Hic est, qui docuit sapientiam
 1. Cor. quamdam cælestem, quam nemo Prin-
 2.8. cipum hujus sæculi cognovit, quam præ-
 destinavit Deus ante sæcula in gloriam no-
 1. Cor. stram. Quis igitur non gloriatur in Domi-
 1.31. no, se talem nactum esse Magistrum? Non
 Ps.147. enim fecit Deus taliter omni nationi, & ju-
 20. dicia sua non manifestavit eis. Quis hîc
 Deut.4. non usurpet illud: Non est alia natio
 7. tam grandis, quæ habeat Deos appropin-
 quantes sibi, sicut Deus noster adest cun-
 ctis obsecrationibus nostris? Quæ est enim
 alia gens sic inclyta, ut habeat ceremonias,
 justaque judicia, & universam legem? Me-
 ritò igitur hortatur Propheta: Filiæ Sion
 Joel.2. exultate in Domino Deo vestro, qui dedit
 23. vobis Doctorem justitiæ. Felices prorsus
 Discipuli tali Doctore ac Magistro! Bea-
 Ps.93. tus homo, quem tu erudieris Domine, &
 12. de lege tua docueris cum! Ex quibus jam
 facile videre est, quo honore hic Magi-
 ster prosequendus, quâ aviditate au-
 diendus, quanto studio & animi pro-
 pensione illi in omnibus obediendum sit:

quantam

quantam deinde diligentiam Discipulos
 adhibere par sit, ut omnes hujus Magistri
 Lectiones, quas non verbis modò, sed &
 opere docuit, ediscant, & factis sese didi-
 cisse ostendant. Hoc enim est quod benig-
 nissimus Magister voluit, cum dixit: Disci- *Matth.*
 te à me quia mitis sum, & humilis *COR. 11.29.*
DE. Itemque: Si ego lavi pedes vestros, Do- *Ioan.*
 minus & Magister, & vos debetis alter al- *13.14.*
 terius lavare pedes. Exemplum enim dedi
 vobis, ut quemadmodum ego feci vobis, ita
 & vos faciatis.

JAM verò quoniam sint hujus Scholæ
 Discipuli, non admodum difficile explica-
 tu est: omnes enim qui **COR** habent, & qui-
 bus sanitas **CORDIS** **CORDI** est, ad hanc
 Scholam pertinent, quibus Magister noster
 illud Job dicere potest: Viri **CORDATI** au- *Job. 34.*
 dite me. *10.*

SED nec illi omninò exclusi sunt qui
 indigent **CORDE**, æterna enim Sapiencia
 volens omnes Doctrinæ suæ participes fa-
 cere, mittit præcones suos ad mœnia civi-
 tatis, qui clament: Si quis est parvulus, ve- *Prov.*
 niat ad me. Et insipientibus locuta est: Ve- *9.4.*
 nite, comedite panem meum, & bibite vi-
 num quod miscui vobis, Relinquitte infan-
 tiam, & vivite; & ambulate per vias pru-
 dentia. Omnis igitur ætas, omnis sexus ad
 C 2 hanc

hanc Scholam invitatur & admittitur: Ju-
Pf. 148. venes, & virgines, senes cum junioribus, si-
 12. mul in unum dives & pauper in hoc Gym-
Pf. 48. nasio resident: soli illi ab hujus Doctrinæ
 3. participatione secernuntur, qui rebelles lu-
Isa. 30. mini, nec post terga monentem præcepto-
 21. rem audire dignantur, sed sponte in devia
 & præcipitia ruunt.

LECTIO VIII.

*Quàm suaviter ad Scholam CORDIS
 Magister invitet.*



ULCISIMUS Gymnasiar-
 cha noster non satis habet pu-
 blicè ludum aperire, omnes pas-
 sim admittere, illisque absque
 argento & auro, aut ullo pretio Doctrinam
 suam communicare; sed tenerrimè etiam
 omnes Discipulos (quos Filiorum loco ha-
 bere non dedignatur) ad discendum invitat
 & allicit; idque voce tam suavi, & flexani-
 mâ, ut non nisi à duro & lapideo CORDE
 respui possit. Molliti siquidem sunt sermo-
 nes ejus super oleum; & ipsi sunt jacula,
 quibus intima CORDIS penetrantur & com-
 pun-

Pf. 54.
 22.

punguntur. Vivus est enim sermo Dei, & *Hebr. 4.*
 efficax, & penetrabilior omni gladio an- 12.
 cipiti, pertingens usque ad intima com- *Pf. 118.*
 pagum & medullarum, convertens Ani- 130.
 mas, & intellectum dans parvulis. O quàm
 magna multitudo dulcedinis est in verbis
 divini hujus Magistri! lac & mel sub lin-
 gua ejus, & labia illius lilia stillantia Myr- *Claud.*
 rham primam, id est, electam, perfectissi- *Aquar.*
 mam, insigni odore fragrantem. In lilijs, *in Psal.*
 si colorem spectes, puritatem: si odorem, 44.
 suavitatem: si aureas intùs virgulas, divi-
 nitatem intellige. Perinde est igitur ac si
 dicat: Verba quæ Sponsus meus profert,
 omni candore ac puritate conspicua sunt,
 omnimodis odoribus, ac suavitatibus re-
 ferta: denique talia, qualia esse decet quæ
 ab homine-Deo proferuntur, simul ha-
 bentia candorem, & jucunditatem amœ-
 nissimam, à lilijs; simul salubritatem mi-
 rificam, & vim arcendæ corruptionis, à
 Myrrhâ. Sed quanta gratia diffusa sit in *Psal, 44.*
 labijs Magistri nostri, quæ verborum ip- 3.
 sius energia, nullus meliùs explicare po-
 terit, quàm qui expertus est. Dilecta
 Sponsa clamat: Anima mea liquefacta est, *Cant. 5.*
 ut Dilectus locutus est. Duo Discipuli qui 6.
 cum Magistro ibant in Emmaus ignito
 eloquio accensi, interrogant: Nónne Cor *Luc, 24.*
 nostrum 32.

Ioan. 7.
40.

Luc. 4.
22.

Ibid. v.
32.

Ioan. 6.
68.

Pf. 33.
12.

Prov. 4.
1.

nostrum ardens erat in nobis, dum loqueretur id via, & aperiret nobis Scripturas? Et qui missi fuerant à Pontificibus & Phariseis ut apprehenderent eum, cùm audissent ejus sermones, dixerunt: Hic est verè Propheta. Hic est Christus. Numquam sic locutus est homo, sicut hic homo. Cùm autem in Synagoga doceret in Nazareth, omnium oculi erant intendentes in eum. Et omnes testimonium illi dabant, & mirabantur in verbis gratiæ, quæ procedebant de ore ipsius. Et cùm in Capharnaum doceret Sabbatis, stupebant in Doctrina ejus, quia in potestate erat sermo ipsius. Meritò ergo Sanctus Petrus (cùm abeuntibus quibusdam Discipulis interrogasset Christus: Numquid & vos vultis abire?) respondit omnium nomine: Domine, ad quem ibimus? verba vitæ æternæ habes. Hunc igitur cælestem Magistrum, dulcissimis atque efficacissimis verbis Discipulos suos ad hauriendam salutarem Doctrinam invitantem & exhortantem, sedulò audiamus: Venite, inquit, filij, audite me, timorem Domini docebo vos. Audite filij disciplinam Patris, & attendite ut sciatis prudentiam, donum bonum tribuam vobis, legem meam ne derelinquatis. Sed pulcherrimam prorsus

Con-

Concionem, quam Magister noster sub nomine Sapientiæ ad Discipulos suos habuit, Salomon in Proverbijs proponit: Numquid, ait, non Sapientia clamat, & prudentia dat vocem suam? In summis excelsisque verticibus supra viam, in medijs semitis stans, juxta portas civitatis, in ipsis foribus loquitur, dicens: O viri, ad vos clamito, & vox mea ad filios hominum. Intelligite parvuli astutiam, & insipientes animadvertite. Audite, quoniam de rebus magnis locutura sum: & aperientur labia mea, ut recta prædicent. Veritatem meditabitur guttur meum, & labia mea detestabuntur impium. Justi sunt omnes sermones mei, non est in eis pravum quid, neque perversum, recti sunt intelligentibus, & æqui invenientibus scientiam. Accipite disciplinam meam, & non pecuniam: Doctrinam magis, quàm aurum eligit. Melior est enim sapientia cunctis pretiosissimis: & omne desiderabile ei non potest comparari. Quibus verbis eximia Scholæ suæ emolumenta, utilitatesque omninò maximas declarat, quod in suavissima illa conclusione, quâ, nonnullis interjectis, sermonem concludit, magis etiam facit, dum ita perorat: Nunc ergo filij audite me: Beati qui custodiunt vias meas. Audite

Prov. 8:

I.

disciplinam, & estote sapientes, & nolite
abijcere eam. Beatus homo qui audit me,
& qui vigilat ad fores meas quotidie, &
observat ad postes ostij mei. Qui me in-
venerit, inveniet vitam, & hauriet salutem
à Domino. Ne autem tantum utilem esse
Sapientiæ Scholam, & derelipientibus
illam nullas manere pœnas, putaremus;
subjungit damna & supplicia, quæ deserto-
res Sapientiæ incurrunt: Qui autem in me
peccaverit, ait, lædet animam suam. Om-
nes qui me oderunt, diligunt mortem.
Hoc autem faciunt vecordes & negligen-
tes Discipuli, qui salutem & vitam æter-
nam despiciunt, de quibus Ecclesiast. ait:

Eccle. 6. Quàm aspera est nimium Sapientia indo-
21. ctis hominibus, & non permanebit in illa

Of. 4. excors. Sed non feret id impune, populus
14. enim non intelligens vapulabit. Et, virga

Prover. in dorso ejus qui indiget CORDE. Audi igi-
10. 13. tur quisquis hujus Scholæ Discipulus, quis-

quis CORDATUS es audi, & time hanc

Ier. 6. 8. Domini comminationem: Eradire Jeru-
salem, ne fortè recedat Anima mea à te.

Quid autem est Animam Præceptoris no-

stri recedere à Discipulo suo, nisi eum non
amplius diligere? Unde Scriptura dicit:

Sap. 7. Neminem diligit Deus, nisi eum qui cum
28. Sapientia habitat. Unde infelix & miser

est,

est, quisquis talis est, cujus etiam misericors *Pf. 110.*
 & miserator Dominus non vult misereri. 4.
 Nam ut *Isaias* ait: Non est populus sapiens, *Isa. 27.*
 propterea non miserebitur ejus qui fecit 11.
 eum; & qui formavit eum, non parcet ei.
 Diligentes igitur Discipuli vigilate in Do-
 ctрина CORDIS; & apprehendite discipli- *Psal. 2.*
 nam, ne quando irascatur Dominus, & per- 12.
 eatis de via justa.

LECTIO IX.

De modo docendi, quo Schola CORDIS
Magister utitur.



ELSITUDO & dignitas Ma-
 gistri nostri facile arguit
 longè aliam esse ipsius do-
 cendi methodum, quàm sa-
 pientium hujus mundi: filij *Baruch.*

enim Agar qui exquirunt prudentiam 3.23.
 hujus sæculi, juxta desideria sua coacervant
 sibi Magistros prurientes auribus, curiosi- 2. *Tim.*
 tatis scilicet, & novitatis avidi. His verò 4.3.
 Magistri ex æquo respondentes, in persua- 1. *Cor.*
 sibilibus humanæ sapientiæ verbis, in orna- 2.4.
 tu sermonis, & dictionum phaleris, Audi-
 torum pruritui satisfacere student. At ve- *Ioan. 6.*
 rò Doctor noster verba vita habens, intus 69.

Osea. 2. ad COR loquitur, illudque virtute divini
14. verbi sui penetrat, immutat, & ad quodcū-
August. que voluerit inflectit. Omnia Ecclesiæ Ma-
Tract. gisteria, ait Augustinus, forinsecus sonant,
3. in Cathedram habet in cælo, qui intus docet
Epist. in CORDE. Nisi hic Magister adsit COR-
Ioan. DI audientis, otiosus est sermo cujuscum-
Lib. II. que DOCTORIS. Nam, ut Gregorius ait, mu-
Moral. tum est os omne quod loquitur, si Deus in-
in Iob. terius in CORDE non clamet: qui etiam
cap. 5. aspirat verba quæ audiuntur. Qualiacum-
 que autem verba exteriùs proferantur, ni-
 hil omninò proderunt, nisi Dominus au-
 rem CORDIS adaperire dignetur. Quem-
 admodum autem qui equo aut curru vehi-
 tur, usque ad limen domus tantum per-
 venit, nec equo aut curru in conclave in-
 gredi potest, quod qui pedes incedit, &
 clavem domus habet, facillimè præstat:
 ita verbum vocale usque ad aures, scrip-
 tum verò usque ad oculos tantum pertin-
 git, quod autem Deus loquitur, in ipsum
 COR ingreditur, illudque ad omnem Dei
 voluntatem disponit, & inflectit; cujus
 virtutem Bernardus expertus; hæc ait:
Serm. Vivum & efficax est Dei verbum, moxque
74. in ut intus venit, experge fecit dormitantem
Cant. Animam, movit, & mollivit, & vulneravit,
 COR meum, quoniam durum, lapideum-
 que

que erat, & malè sanum; cœpit quoque
 evellere, & destruere, ædificare, & plantare,
 rigare arida, tenebrosa illuminare, clausa
 referare, frigida inflammare, nec non & *If. 40. 4.*
 mittere prava in directâ, & aspera in vias *Pf. 102.*
 planas, ita ut benediceret anima mea Do- *I.*
 mino, & omnia quæ intra me sunt nomini
 sancto ejus. Hæc Bernardus.

SED lubet particulariùs expendere sub-
 limem illum, & internum docendi mo-
 dum, quo cælestis Magister noster utitur,
 quem non ab alterius, sed ex ipso sacro
 ejus ore depromemus: ipse enim de fideli
 Anima ita apud Prophetam loquitur: Ecce *Osea 2.*
 ego lactabo eam, & ducam eam in solitu- *14.*
 dinem: & LOQUAR AD COR ejus. Ac
 si dicat: suavissimo modo suadebo, & alli-
 ciam Animam mihi desponsatam, & du-
 cam eam in solitudinem, ubi separata ab
 hujus sæculi tumultu, & hominum ac ne-
 gotiorum turba, solum me audiet loquen-
 tem: amat enim secretum & secessum di-
 vinus Sponsus, nec in publico arcana sua
 communicat. Quare Sponsam ita melli-
 flus Doctor admonendam censuit: O san- *Bernar.*
 cta Anima sola esto, ut soli omnium serves *Serm.*
 teipsam, quem ex omnibus elegisti. Fuge *40. in*
 publicum, fuge & ipsos domesticos. An *Cant.*
 nescis te verecundum habere Sponsum, &
 qui

Apoec.
3. 20.

qui nequaquam suam velit tibi indulgere præsentiam, præsentibus ceteris? Verum, modum quo ad COR loquitur Sponsus CORDIS, alibi magis explicat, cum ait: Ecce ego sto ad ostium, & pulso: si quis audierit vocem meam, & aperuerit mihi januam, intrabo ad illum, & cœnabo cum illo, & ipse mecum. Quanta verò hæc est benignitas & clementia, quod ipse Dominus inveniens ostia CORDIS nostri clausa, foris stet, & perseveret pulsans, & expectans donec aperiatur illi. Quis autem hic pulsus sit, ipse Dominus aperit cum ait: Si quis audierit vocem meam, significans se internâ allocutione, & voce ostium CORDIS pulsare. Quod explicatiùs etiam Sponsa declaravit, cum pulsum hunc, & vocem explicans, ita ait: Vox Dilecti mei pulsantis: Aperi mihi soror mea, amica mea, columba mea, immaculata mea: quia caput meum plenum est rore, & cincinni mei guttis noctium. Quasi dixisset: dum ego dormio, vigilante tamen CORDE, et Dilectus meus pulsat ad ostium, & clamat: Aperi mihi soror mea, rogans & exhortans, ut omnibus intermissis januam CORDIS illi pandam.

Cant. 5.
2.

Hic autem animadvertendum est, singula Sponsi verba totidem esse rationes,

nes, quibus Animam urget, ut portam
CORDIS aperire velit.

PRIMO ergo ait: Aperi mihi. Ac si di- *Lud. de*
cat: aperuisti januam CORDIS tui diabolo, *Ponte in*
qui tuum sitiebat interitum, & æternam *Cant. li.*
condemnationem: cur ergo non aperies 8. *Ex-*
mihi Creatori, Redemptori ac Protectori *hortat.*
tuo, qui tuam cupio salutem, & æternam 8. §. 2.
quæro salvationem? Aperuisti tyranno &
adultero, aperi legitimo Domino & Spon-
so. Aperuisti lupo, qui intravit ut perderet
& mactaret, aperi proprio Pastori, qui in-
trare cupit, ut te pascat & tueatur.

SECUNDO, valdè intromitti postulat,
ex eo quòd Sponsam quartò SUAM appel-
lat, dicens: Soror mea, amica mea, colum-
ba mea, immaculata mea. Quasi sic loquere-
tur: mille titulis MEA es, & non aliorum,
ideoque aperire mihi meritò teneris: non
enim pulso ad januam alienæ domus, sed
propriæ, quam ego creavi, feci, refeci, &
plurimùm exornavi.

TERTIO, singula hæc nomina apertio-
nem urgent. Aperire mihi debes, quia de
Incarnatione mihi Soror es; de Passione,
Amica; de missione Spiritus Sancti, Co-
lumba; de Sacramentorum perceptione,
Immaculata. Immodò in ipsa justificatione,
quæ per Baptismum & Pœnitentiam fit,
per

per gratiam, quâ divinæ efficeris particeps naturæ, Soror mea es: per charitatem, quâ mutua inter nos initur familiaritas, Amica: per infusionem Sancti Spiritus qui requievit super te, Columba: per expurgationem ab omni peccato, Immaculata.

QUARTO, clariores causas ipse Sponsus adducit, dicens: Quia caput meum plenum est rore, & cincinnati capitis mei guttis noctium. Indicans se per multas noctis horas stetisse ad fores pulsando, adeo ut ex morâ tam longâ caput repletum fuerit rore, & cincinnati guttis pluviae; cum tamen ad primum pullum aperiendum fuisset, si non quia frater & amicus eram; saltem propter improbitatem, quia diu perseveravi pulsans, ita ut totus immaduerim. O mira Dei benignitas! ô stupenda charitas! non suo, sed nostro commodo ostium CORDIS pulsat, nec illius interest aperiamus, nec ne, sed nostra: & tamen patiens & multæ misericordiæ Dominus perstat ante ostium pulsans, & longanimiter expectans donec tandem aperiamus ei.

Pf. 85.
15.

QUINTO denique valdè hîc ponderandum est, quòd Sponsus hic insinuet, se nudo capite ad ostium CORDIS stetisse, nul-

la hîc tegumenti mentio est, & ros ac gut-
 ta in cincinnos decidisse dicuntur. So-
 lent autem captivi nudato capite incedere.
 Quid igitur est Sponsum ad fores COR-
 DIS venire nudato capite, & rore & gla-
 cie pleno? nisi venire quasi captivum, non
 ab alio quàm ab amore ipsius, propter
 quem immensos pertulit labores. Ac si di-
 cat: En ad januas tuas sto tamquam cap-
 tivus, & servus tuus, quia charitas mea er-
 ga te, me fecit tuum servum, ut te à malis
 & miserijs tuis liberarem. Sic enim ait per
 Isaiam: Servire me fecisti in peccatis tuis, *Isa. 43.*
 præbuiſti mihi laborem in iniquitatibus *24.*
 tuis: nam propter te formam servi accepi,
 & humiliavi me usque ad mortem, mor- *Phil. 2.*
 tem autem Crucis. Propter te caput meum *8.*
 spinis coronatum, plenum fuit sanguineo
 rore, & cincinni mei purpureis guttis
 mei cruoris. Intuere igitur hoc caput mei
 erga te amoris summum signum, & aperi
 mihi COR tuum. O stupenda divinæ cha-
 ritatis dignatio! ô incredibilis hominum
 obduratio! qui tam amanti Sponſo aperi-
 re renuunt, vel pigrescunt. Væ illis, & mil-
 lies væ, qui per mentis obstinationem,
 CORDIS fores Deo fortiter occludunt, nec
 ejus pulsationi & inspirationi ullum dant
 locum.

LECTIO X.

*De officio Discipuli CORDIS Scholam
frequentantis.*



VIDIMUS docendi modum à
cælesti Magistro usurpatum :
superest jam indagemus , quâ
ratione Discipulus hanc Le-
ctionem excipere , eamque Magistro red-
dere debeat. Tria autem notare possumus,
quæ ad hoc Discipuli officium spectant.
Primum, ut loquentem Doctorem audiat.
Secundum, ut surgat ad aperiendam Cor-
dis januam. Tertium, ut expectanti foris
Magistro, fores pandat, eumque ad inti-
ma CORDIS penetralia intromittat. Exem-
plum autem tam boni Discipuli Sponsa in
Cantico præbuit; illa enim diligentissimè
attendit ad vocem Sponsi, unde dicebat :
Cant. 5. Vox Dilecti mei pulsantis. Nisi enim at-
tentis auribus auscultasset, sine dubio vo-
cem Dilecti sui non agnovisset.

Cant. 5.
2.

DILIGENS quoque Præceptoris hujus
Auditor fuit Regius Vates, qui canebat :
Audiam quid loquitur in me Dominus
Deus. Hoc igitur primum munus est Di-
scipuli

P/.84.
9.

scipuli hujus Scholæ, ut nimirum se subducens à tumultuante vitæ hujus inquietudine, sedeat solus, & tacens suscipiat venas divini susurri. Non enim in turba audire loquentem Dominum poterit; ducit enim Animam ad solitudinem, ut ibi ad Cor illius loquatur. Hæc autem locutio ad Cor directæ, primùm in aures incidit, ideoque illæ divino verbo aperiendæ sunt. Auris enim bona torcular est, vinacea verborum retinens, & vinum spiritualis intelligentiæ ad cellarium Cordis transmittens. Quare ad Discipulum spectat, canalem auditus sui divino eloquio excipiendo apponere, ut ita pretiosus liquor in Cordis vasculum influere possit.

SECUNDO, audirâ primâ Præceptoris sui voce, quâ intromitti postulat, & velut audientiam petit, statim exurgere debet, ut pulsanti aperiat. Hoc ab eadem Sulla mitide discere poterit, quæ ait: Surrexi, ut aperirem Dilecto meo. Ignavi enim est vocem quidem pulsantis audire, sed dissimulare, alijs intendere aut stertete; nec vel semel se levare, ut Dilecto aperiat. Excitata itaque Anima divinâ voce alacriter surgat, &, præeuntis Sponsæ vestigia subsequens, tertium quoque officium diligenter impleat, Aperiat, inquam, Magistro:

Cant. 5. Istro: Pessulum ostij mei, ait Sponsa, aperui
6. Dilecto meo. Quid autem hoc est, nisi

omnia impedimenta, quæ obstabant quò
minùs Dilectus ingredi posset, pariter re-
movi, ita ut ne minimum pessulum reli-
querim, quod non abstulerim? Plerum-
que enim accidit, ut in homine etiam pio
aliqua passio, aut prava affectio prædo-
minetur, quæ instar pessuli obicem præstet
venienti Sponso, quam proinde auferre
necesse sit. Benè ad hanc rem dixit Richar-

Cap. 35. dus de Sancto Victore: Sera cùm parva sit
in Cant. & angusta, latitudinem tamen ostij con-
cludit; ut, nisi illà reſeratâ, patere non
possit: ita hæc minima peccata venialia
nisi rescindantur, non dignatur Dilectus
ita venire ad Animam, ut perfectè ad eam
intret, & perfectâ gratiâ eam repleat.
Fuisse autem non magnum quid, sed exi-
guum quod ostium obseratum retinebat;
vel inde patet, quòd non dicat se vectem
abstulisse; sed tantùm pessulum. Pessulum

Cap. 5. autem ostio facimus, ut Magnus Grego-
in Cant. rius dixit, cùm per voluptatem carnis adi-
tum CORDIS contra Sponsum obſera-
mus. Pessulum verò aperimus, cùm remo-
tis voluptatibus fluxis COR nostrum in
amorem Christi, quod priùs durum fuerat,
solvimus, & Sponso pullanti ad ostium
introitum

introitum liberum facimus. Quanto autem labore constiterit, ostium CORDIS resecrare, & pessulum reducere, ipsa Sponsa satis declaravit, cum ait: Manus meæ stillaverunt Myrrham, & digiti mei pleni Myrrha probatissimâ, quod Pello interprete ita sonat: Pessulis omnibus reductis, fores aperui; id est, carnis meæ membris mortificatis, Animæ meæ sensus omnes patefeci. Cui Nyssenus Gregorius *Hamil.* consonat, qui ita Sponsam loquentem facit: 12.
 Accepi vim resurrectionis ex eo, quod membra mea terrena mortua reddiderim, eamque membrorum mortificationem sponte meâ instituerim: non ab alio Myrrham mihi in manus data, sed defluente illa, certo meo arbitrato. Quid enim per manus, nisi operationes? quid per Myrrham, nisi mortificatio carnis accipitur? Sponsa igitur, ut Ambrosius loquitur, surrexit aperire, & opera ejus, & facta mortificata sunt mundo: talis enim debet esset Anima, quæ verbum est receptura; ut moriatur mundo, & consepeliatur in Christo, sic enim Christus inveniatur, & tale sibi quærat hospitium. *Lib. de Isaac, cap. 60.*

SED notanda est hic triplex Discipulorum differentia. Quidam enim stupidi & vecordes, ne quidem auscultant vocem

Præceptoris, parum curantes loquatur nec ne. Alij audiunt quidem vocem: sed prædesidiâ ad illam non surgunt. Tertij & audiunt, & surgunt; sed pessulum non relegant, nec ostium aperiunt.

QUEMADMODUM enim dum Citharædi aliqui de nocte per plateas Citharam tangunt, quidam somno pressi non audiunt; alij etsi audiant, non tamen è lecto se proripiunt; alij verò dulcedine cantus illecti, ad ostium vel fenestram accedunt, ut Musicam Harmoniam audiant, sed statim lectum repetunt: ita quoque contingit quosdam Dei vocem non audire; alios verò audire quidem, sed negligere; alios deinde auditu divini verbi plurimum delectari, illique cum voluptate attendere; sed illo nihil amplius commoveri, quàm si Musicam quamdam Cantilenam audivissent, de quibus Dominus conqueritur apud Ezechielem, cùm ait: Dicunt unus ad alterum; venit, & audiamus quis sit sermo egrediens à Domino. Et veniunt ad te, quasi si ingrediatur populus, & sedent coram te populus meus, & audiunt sermones tuos, & non faciunt eos, quia in Canticum oris sui vertunt illos, & avaritiam suam sequitur COR eorum. Et es eis quasi Carmen Musicum, quod suavi dulcique sono

Ezech.

33.30.

sono canitur : & audiunt verba tua, & non faciunt ea.

QUARTUM Discipulorum genus, est eorum qui auditâ Præceptoris voce, statim surgunt, pessulum remonent, ostium aperiunt, & Dei præcepta opere exequentur.

De his Bernardus ait : Veram scientiam *Evist.* soli Christi Discipuli, id est, mundi con- 108.

temptores, Dei munere assequuntur. Nec

enim hanc Lectio docet, sed un&io ; non li-

tera, sed Spiritus ; non eruditio, sed exerci-

tatio in mandatis Domini. Discendi igitur

cupidus hujus Scholæ Discipulus, nihil ma-

gis desideret, quàm ut omnibus creaturis

tacentibus, unus Deus loquatur secum, ad

quem se convertat & dicat : Loquere

Domine, quia audit servus tuus. Nec ad

ostium eum morari permittat, sed cum

Sponsa dicat : Apprehendam te, & ducam

in domum matris meæ, ibi me docebis.

Quænam autem hæc domus, nisi ipsum

COR, quod divinus Magister ingressus,

Doctoralem sibi Cathedram in eo consti-

tuit, & velut in amplissimo Gymnasio se-

dentem ad pedes suos, cum Magdalena, *Luc. 10.*

Sponsam erudit atque instruit. Propterea, 39,

ut Bernardus monet, quoties suggestio-

nem boni senseris in CORDE tuo, da ho-

norem Deo ; & age reverentiam Spi-

ritui

1. Reg.

3. 10.

Cant. 8.

2.

Luc. 10.

39,

Serm. I.

de Pen-

tecost.

ritui Sancto, cujus vox sonat in auribus
tuis.

LECTIO XI.

*Monita quædam, Discipulo Scholæ
CORDIS tradita.*



VT majore cum fructu in hoc
Lycæo verleris, & faciliori ne-
gotio omnem ejus Doctrinam
assequaris, Monita quædam ab
ipso Magistro tradita hic inculcanda erunt:
quæ non ad hanc modò, sed ad quamcum-
que aliam Scientiam acquirendam, oppor-
tunissima invenientur.

PRIMUM autem sit magna discendi cu-
piditas, nam, ut in proverbio est.

Joann. Si fueris cupidus discendi, plurima disces.

Nieff. in Hinc ingeniosè quidem ait: Qui discit Di-

Alph. SCIPULUS rectè appellatur, velut à quo

Christ. DISCIPULUS debeat. Hoc verò sciendi

Sap. 6. desiderium Cardiogogus noster ita com-

12. mendat: Concupiscite sermones meos, di-

ligite illos; & habebitis disciplinam. Clara

est, & quæ numquam marcescit Sapientia,

& facilè videtur ab his qui diligunt eam,

& invenitur ab his qui quærunt illam.

Præ-

Præoccupat qui se concupiscunt, ut his se prior ostendat.

SECUNDUM Monitum sit, ut qui in hac Schola proficere desiderat, ab omni peccato abstineat, & mandata Dei diligenter custodiat. In malevolam enim Animam *Sap. 1.* non introibit Sapientia, nec habitabit in 4. Corpore subdito peccatis. Audi verò Magistrum præceptum hoc inculcantem : Fili concupiscens Sapientiam, conserva *Eccle. 1.* iustitiam, & Deus præbebit illam tibi. 33. Et cogitatum tuum habe in præceptis Dei *Eccle. 6.* & in mandatis illius maximè assiduus esto 37. & ipsi dabit tibi COR, & concupiscentia Sapientiæ dabitur tibi.

TERTIA Admonitio est, quam tradit Sanctus Jacobus his verbis : Si quis autem *Iac. 1. 5.* vestrum indiget Sapientia, postulet à Deo, quidat omnibus affluenter, & non improperat : & dabitur ei. Meritò autem Orationis studium commendat, quia, ut Salomon ait : Si sapientiam invocaveris, & in- *Prover.* clinaveris COR tuum prudentiæ, intelli- 2.3. ges timorem Dei, & Scientiam invenies. Hinc de studioso & diligente Discipulo scriptum est : COR suum tradet ad vigilandum diluculo ad Dominum, qui fecit illum, & in conspectu Altissimi deprecabitur. Aperiet os suum in Oratione, & pro

delictis suis deprecabitur. Si enim Dominus magnus voluerit, Spiritu intelligentiæ replebit illum. Neque verò dubitandum est, an Deus scientiarum Dominus

1. Reg.

2.3.

exaudire orantem velit, ipse enim (ut jam audivimus) dat omnibus affluenter. Et vel testis esse potest Salomon, qui scripsit:

Sap.7.

7.

Eccle.

51.18.

Optavi, & datus est mihi sensus: & invocavi, & venit in me Spiritus Sapientiæ. Vis alterum? audi Siraïdem: Cùm adhuc junior essem, priusquàm oberrarem, quæsi Sapiëntiam palàm in Oratione mea. Ante Templum postulabam pro illa, & usque in novissimis inquiram eam. Et effloruit tamquam præcox uva. Latatum est Cor meum in ea.

Vis accedat QUARTUM Monitum, ut Orationi jungat sedulum laborem.

Eccle.6.

18.

Fili, inquit Ecclesiasticus, à juventute tua excipe Doctrinam, & usque ad canos invenies Sapientiam. Quasi qui arat & seminat, accede ad eam, & sustine bonos fructus illius. In opere enim ipsius exiguum laborabis, & citò edes de generationibus illius. Hæc aliaque Monita Spiritus Sanctus passim in Sacro textu tradit; quibus ego tria hæc adjunxero.

PRIMUM, ut quicumque hæc legerit, Christum Scholæ hujus Magistrum intus ad

ad COR loquentem audire sibi persuadeat : ejus enim Doctrina hîc potissimum traditur , licet Sanctorum Patrum , aliorumque Auctorum sententijs passim illustretur.

SECUNDUM , ut sedatè admodum legat , & instar mundi animalis lecta ruminet , eaque conservet , & conferat in CORDE suo.

TERTIUM , non in sola Lectione aut Meditatione sistat , sed ad opus quoque se accingat , & factis , quam audivit Lectionem , exprimere satagat. Præstitit id Parisiensis quidam Scholasticus , qui Theologicas Scholas ingressus , cùm ex Matthæo legi audisset : Diliges Dominum Deum tuum ex toto CORDE tuo , ille cunctis admirantibus subito surrexit , recedere volens. Cùm verò interrogaretur à Magistro , quid esset sibi dictum vel factum , quare dimitteret Scholas suas ? Ille respondit : Nihil ; sed antequam plus audiam istud , volo opere complere ; & egressus , Religionem intravit. Dignissimum hoc Scholâ nostrâ exemplum vehementer exopto ut quàm plurimi Discipuli imitentur. Quare mi Lector , vade ; & tu fac similiter.

Ioan.

Junior

in scala

cali

Matth.

22.39.

Luc. 10.

39.

LECTIO XII.

Privilegia Scholæ CORDIS.

SOLENT Academiæ, illaque loca in quibus generale viget studium, plurimis Exemptionibus, Immunitatibus, & Privilegijs condecorari: partim ut ad illa avidius Discipuli confluant; partim ut majori animi tranquillitate, & pace studijs incumbant. Nemini autem dubium erit, quin Scholæ hæc CORDIS, quæ dignitate suâ alias omnes facillè superat, amplissimis gaudeat Prærogativis: Sicut enim exaltantur cæli à terra, sic Scholæ CORDIS, in qua ille Magister præsidet, cui omne COR patet, & omnis voluntas loquitur, exaltata est à Scholis filiorum hominum. Ex quo enim audita est in monte sancto vox Patris æterni dicentis: Hic est Filius meus Dilectus, in quo mihi benè complacui, ipsum audite; omnes Scholæ Philosophorum definientium, dividendium, & sine fine disputantium, loco suo ceciderunt: & nulla Ægyptiorum, Græcorum, vel Latinorum Academia castris CORDIBUS amicorum Dei laude digna

Isa. 55.
9.

Missal.
Rom.

Matth.
3.17.

gna visa est. Atheniensium & Romanorum affectata eloquentia periit cum sonitu, & deputati sunt Sapientes eorum cum descenditibus in infernum, quia dereliquerunt fontem Sapientiæ æternæ, & viam disciplinæ ignoraverunt, neque intellexerunt semitas ejus. Non est audita in terra Chanaan, neque visa est in Theman, Filij quoque Agar, qui exquirunt prudentiam quæ de terra est, negotiatores Merrhæ & Theman, & fabulatores, & exquisitores prudentiæ & intelligentiæ, viam Sapientiæ nescierunt, neque commemorati sunt semitas ejus. Solus Unigenitus Dei Filius, Rex regum, & Dominus dominantium, qui propter nos homines in terris visus, & cum hominibus conversatus est, hic adinvenit omnem viam disciplinæ, & tradidit illam Jacob puero suo, & Israël dilecto suo. Et quis dubitet, quin hic tantus Doctor eximia prorsus Privilegia Academix suæ indulserit? In hac enim nobilissima Schola non solvuntur tributa gravia dolorum, & afflictionum, quæ nascuntur ex desiderijs avaritiæ, ambitionis, voluptatis, & innumerabilium cupiditatum, quas à CORDE Magister noster refecat, & exterminat. Profectò dum peccatores, quasi diaboli jumenta, portant pondera iniquitatum

Baruch.

3.12.

tatum suarum; Auditores Scholę Jesu Christi vinculis peccatorum absoluti, gaudent libertate & immunitate filiorum Dei.

SED agedum Sacrę Scripturę archivā discutiāmus, ut inde Authentica Privilegia Scholę CORDIS depromere possimus. Etsi autem plurima inveniri queant, brevitati tamen studentes, quatuor aut quinque, eaque præcipua, enumerabimus.

PRIMUM igitur Privilegium, sit eximia prorsus hujus Scholę utilitas, quę tantā est, ut meritō propter eam omnia hujus mundi bona contemnantur. Hoc autem Privilegium ipse Dominus, per manum Isaia Prophetę, Discipulis suis largitus est, cū ait: Hęc dicit Dominus Redemptor tuus Sanctus Israël: Ego Dominus Deus tuus docens te utilia, gubernans te in via quā ambulas. Hic enim Cor à Deo Opt.

Isa. 48.
17.

1. Tim.

4. 8.

Sap. 8.

7.

Max. instruitur in verā pietate, quę ad omnia utilis est, promissionē habens vitę, quę nunc est, & futurę. Sobrietatem insuper & prudentiam docet, & justitiā, & virtutē, quibus utilius nihil est in vita hominibus. Noverat Privilegij hujus dignitatem æstimare ille, qui de vera CORDIS prudentiā dicebat: Præposui illā regnis & sedibus, & divitias nihil esse duxi in comparatione illius. Nec comparavi illi lapidem pretiosum:

Sap. 7.
8.

quoniam

quoniam omne aurū in cōparatione illius, arena est exigua & tamquam lutum æstimabitur argentum in conspectu illius. Super salutem & speciem dilexi illam: venerunt autem mihi omnia bona pariter cum illa, & innumerabilis honestas per manus illius.

SECUNDUM Privilegium, est multitudo pacis, quæ in CORDIS Gymnasio abundat: cū enim hīc tradatur modus COR cum Deo & proximo uniendi; perfectissima hinc oritur concordia, ex qua sequitur pax illa, quæ exuperat omnem sensum. In *Phil. 4.* Scholis verò hujus sæculi plurimæ vigent 7. discordiæ, & quamvis clament: Pax, pax; *Is. 57. 21* non est pax impijs, dicit Dominus. Turba *Pf. 75. 6* enim sunt omnes insipientes CORDE; & *Pf. 13. 3.* viam pacis non cognoverunt. In hac verò Schola pax Christi exultat in CORDIBUS *Col. 3.* Discipulorum, in qua & vocati sunt. Pacificus enim Rex in CORDIBUS eorum, velut in Throno Salomonis, residens; efficit, *Luc. 11.* ut in pace sint omnia quæ possident. 21.

TERTIUM Privilegium, titulo rectitudinis CORDIS impetratum, est gaudium in *Rom.* Spiritu Sancto, & inenarrabilis lætitia, *14. 17.* quam Præceptor noster communicat ijs, qui recto sunt CORDE. Privilegij hujus *Pf. 35.* Authēticas literas expedit Regius Vates, *11.* Calamus scribæ velociter scribentis, qui *Pf. 44. 2* sapius

- Pf.* 19. 9. sapius hujus prerogativæ meminit; Justitiæ, inquit, Domini rectæ, lætificantes
- Pf.* 104. 3. CORDA. Et: Latetur COR quærentium Dominum. Iterumque: Rectis CORDE
- Pf.* 96. 11. lætitia. Ac rursus: Lætamini in Domino, & exultate justî, & gloriâmini omnes recti
- Pf.* 31. 11. CORDE. Nullus enim facilè explicare potest, quanto gaudio Deus eos repleat, in quorum CORDE intus loquitur, docens
- Pf.* 118. 32. eos viam mandatorum suorum expeditissimè currere, cùm gaudio CORDA eorum dilatat. Hinc idem David Domino dicebat: Testimonia tua exultatio CORDIS
- Pf.* 118. 111. mei sunt. Quanta verò gaudij materia est, quòd intus in CORDE habeamus Magistrum, qui justitiæ viam demonstrat, qui lumine vultus sui COR irradiet, & in eo suavissimam legem suam scribat. Testatur
- Pf.* 4. 7. id idem Psalmographus, dicens: Signatum est super nos lumen vultus tui Domine, dedisti lætitiâ in CORDE meo. Nec
- 2. Reg.* 23. 2. & deest Privilegio huic debitum Sigillum: Spiritus enim Sanctus per os David locutus est, & sermo ejus per linguam ipsius.
- Act.* 4. 25.

QUARTUM Privilegium, est eximius honor Discipulorum Scholæ hujus, quem consequuntur ex eo quòd huic Magistro subjiciantur; sub Christo enim jacere

(ut

(ut ait Sanctus Paulinus) supra mundum *Paulin.*
 stare est; propter illum dejici, resurrectio *Epist. 4.*
 est: qui honori suo implicans suos, propè *ad Se-*
 omnia nobis nomina sua communicavit. *verum.*
 Dedit enim potestatem Discipulis suis si- *Ioan. 1.*
 lios Dei fieri; illisque, ad quos sermo ejus *12.*
 factus est, ait: *Dij estis, & filij excelsi om-* *Pf. 81.*
nes. Quantus porro & ille honor est, qui *6.*
 mundis CORDE defertur, cùm summi
 Regis amici constituuntur? Qui enim dili- *Prover.*
 git CORDIS munditiam, ut Scriptura ait, *22. 11.*
 propter gratiam labiorum suorum habebit
 amicum Regem. Illum, inquam, Regem,
 qui magnificatus est super omnes reges *3. Reg.*
 universæ terræ; qui est Rex regum, & *10. 23.*
 Dominus dominantium, Rex magnus su- *Apoc. 19*
 per omnes deos. Quid quælo honorabi- *16.*
 lius Sapiencia CORDIS, quæ infinitus the- *Pf. 94. 3*
 saurus est hominibus? quo qui usi sunt, *Sap. 7.*
 participes facti sunt amicitiae Dei, propter *14.*
 disciplinæ dona commendati. Nimis pro- *Pf. 138.*
 fectò honorati sunt amici tui Deus, nimis *17.*
 confortatus est principatus eorum.

QUINTUM Privilegium, ordine qui-
 dem hîc ultimum, sed excellentiâ sum-
 mum, est æterna beatitudo, Auditoribus
 hujus Scholæ promissâ. Vivæ enim vocis
 oraculo ipse Gymnasiarcha ore suo sacro
 ac benedictio dixit: Beati mundo CORDE, *Math.*
 quoniam *5. 8.*

quoniam ipsi Deum videbunt. In Dei autem Opt. Max. visione summum hominis bonum, summa creaturæ rationalis felicitas constituta est. Et quidem licet consummata beatitudo, Auditoribus Scholæ hujus, non nisi post hanc vitam præmij loco tribuatur, habent tamen etiam in hac vita initia quædam, & prælibationes ejus felicitatis, quam firmissimâ spe expectant. Ut enim omnis gloria filiæ Regis ab intus est, ita etiam regnum Dei intra nos est, & pretiosissimum hunc thesaurum portant Discipuli Christi in vasis fragilibus Corporum suorum. Qui enim mundo sunt CORDE in hac vita ad eminentissimam puritatem CORDIS, passionibus non inquinati, adeò elewantur, ut quodammodo finitimi esse videantur candori cælestis Jerusalem. Hi purgato oculo per donum intellectus, à Spiritu Sancto infusum, Deum in speculo, & in ænigmate videre dicuntur. Et quidem felicitas hæc inchoata Discipulorum Christi multò major est, quàm omnis beatitudo, quam fingunt sibi homines, qui extra CORDIS Scholam vagantur. Et tamen hæc qualiscumque beatitudinis inchoatio perficietur à liberalissimo remuneratore Deo cum tanta, & tam ineffabili affluentia bonitatis, ut eam nec oculus viderit, nec

Pf. 44.
14.


1. Cor.
2. 92

auris

LIBER I. LECTIO XIII. 65
auris audierit, nec in Cor hominis ascen-
derit; soli enim eam noverunt, qui acci-
piunt.

LECTIO XIII.

Hypotyposis totius Opusculi.

 T porro uno intuitu totius
hujus Opusculi Argumentum
Lectori velut in Tabula repræ-
sentemus, non incongruum
fuerit, singularum Lectionum Synopsis
quamdam exhibere; ex qua earundem
inter se series, & connexio spectari ad
oculum possit. Id autem ut lectu jucun-
dius sit, pulchrâ quâdam, atque admodum
eleganti ex veteri Testamento allegoriâ
obvelabimus. Quemadmodum enim multa *Hieron.*
per vitrum, aut succina resplendent gratius, *Laurent.*
& plus caloris obtinet radius à speculo, *in adit.*
aut ænea pelvi reflexus: ita multò jucun- *ad Syl.*
dius, ac vehementius animos nostros *alleg.*
afficit veritas per allegoricos typos relu-
cens Figuram autem Libri nostri Argu-
mentum utcumque adumbrantem Spiritus
Sanctus in Deuteronomio expressisse vi-
detur; cùm ritum, quo alienigena mulier
bello capta ad Judæi conjugium admitti
E
posset,

Deut. 21 posset, ita describit: Si egressus fueris ad
 10. pugnam contra inimicos tuos, & tradiderit
 eos Dominus Deus tuus in manu tua, cap-
 tivosque duxeris, & videris in numero cap-
 tivorum mulierem pulchram, & adamave-
 ris eam, voluerisque habere uxorem, intro-
 duces eam in domum tuam: quæ radet cæ-
 sariem, & circumcidet ungues, & deponet
 vestem, in qua capta est: sedensque in do-
 mo tua, flebit patrem & matrem suam uno
 mense. Et postea intrabis ad eam, dormies-
 que cum illa, & erit uxor tua. In quibus
 verbis quintuplicem mulieris illius, (sive
 Animæ, quam illa designat) statum con-
 siderare licet. Primus est gentilitatis, quo à
 veri Dei cultu aversa, servit dijs alienis, Se-
 cundus, quo à Judeo capta, à gentilitate
 expiatur, & ad futuras nuptias præparatur.
 Tertius est desponsationis, quo Judæo, fu-
 tura uxor, despondetur. Quartus status est
 nuptialis, quo initum matrimonium con-
 summatur. Quintus denique est vitæ con-
 jugalis, perpetuam atque individuum us-
 que ad mortem societatem retinentis.

SED primò omnium dispiciamus quis-
 nam sit iste Judæus, qui tanto hujus mulie-
 ris amore incensus fuit, ut pro ea in præ-
 lium descendere non detrectaverit. Hic
 autem alius non est, quàm Christus Domi-
 nus

nus Salvator noster, de quo Mysticè olim
 Jacob prophetavit : Catulus Leonis Juda, *Genes.*
 ad prædam filii mi ascendisti. Quem nam- 49. 9.
 que (ut Gregorius ait) iste Leonis catulus *In Ps. 4.*
 designat, nisi Redemptorem nostrum Je- *Pœnit.*
 sum, de quo in Apocalypsi legimus : Quo- *Apoc. 5.*
 niam vicit Leo de tribu Juda? Hic igitur 5.
 mundum ingressus, ut fortem armatum
 superaret, & universa spolia ejus diriperet ; *Luc. 11.*
 inter ceteros captivos vidit mulierem pul- 22.
 chram, cujus amore captus, eam in uxore
 accipere statuit. Quæ enim est hæc
 mulier pulchra, nisi quælibet Anima ad
 pulcherrimam Dei imaginem & similitu-
 dinem creata : habens cum eodem immor-
 talitatem, & constituta super omnia ope-
 ra manuum ejus? minorata paulò minus *Ps. 8. 6.*
 ab Angelis, omnique decore ac varietate
 exornata. Sed prò dolor, hæc tam specio-
 sa, & venusta Anima declinans Cor suum *Ps. 39. 5*
 in vanitates & insanias falsas, recessit à *Lib. 2.*
 Deo salutari suo : recessit à CORDE suo, *Lectio 1.*
 & peregrè profecta in regionem longin- *Luc. 15.*
 quam, adhæsit creaturis ; & commixta 13.
 inter gentes, didicit opera eorum, colens *Ps. 105.*
 & adorans simulachra gentium, argentum 35.
 & aurum opera manuum hominum. Quot *Ps. 113.*
 enim sunt ea, quæ Anima inordinato amo- 4.
 re prosequitur ; tot sibi idola fabricat, qui-

bus debitum summo Numini cultum scele-
ratissimè impendit. Hinc Anima, quæ abijt

Lect. 2. *in vanitatem* CORDIS *sui*, & nihil nisi ho-
nores conlectatur, Jovi, & Beelzebub
(quod muscæ idolum significat) sacrifi-
cium offert. Quæ verò affluentibus divitijs

Lect. 4. *Avarum* COR apponit, Mammonæ, Asta-
roth, & Plutoni litat. Quid enim aliud est
Avaritia, Apostolo teste, quàm idolorum

Eph. 5. 5 servitus? Cujus verò COR *crapula & ebie-*

Lect. 3. *tate aggravatū* est, is pro Deo Asmodæum,
Bacchum & Venerem deveneratur. Quin-

Philip. 3 immò hujus Deus, venter est, Altare, men-
19. sa; Templum, culina; Sacerdos, coquus.

QUID verò infelix, & prævaricatrix
Anima ab hisce dijs gentium expectat, nisi

Lect. 7. ut *insatiabile* COR aliquo modo saturare
queat? sed nullâ aliâ omninò re infinita
CORDIS capacitas expleri potest, nisi
Deo ipso infinito. Quocumque igitur le-
verterit, occupari potest; repleti non po-
test. Hinc miserum COR in tot partes

Lect. 6. *dividitur*, quot sunt ea quæ colit, & quibus
servit: atque ita tam variè divisum interire
necesse est. Quia cùm omnia salutis media
spernat, sensim sine sensu efficitur, & in

Lect. 5. *durissimum* lapidem obrigescit. Et hic est
miserandus ille status Animæ, dijs gentium
servientis. Videns verò miserator & mise-

ricors

ricors Dominus decoram hanc filiam Sion, quam alligaverat satanas, & vinc̃tam detinebat; misericordiã motus super illã, *Luc. 13.* non dubitavit pro eã bellum suscipere, & *16.* in libertatem vindicatam sibi in conjugem assumere. Antequam verò eam ad thalami cõsortium admittat, vult eam priùs à Gentilitatis erroribus expurgari: quod ut faciat, supradictam illam ex Deuteronomio legem exactè observat. Primò enim, introducit eam in domum suam, dum eam monet, ut *ad COR revertatur*: domus enim Dei *Leet. 8.* COR nostrum est. Secundò, vult ut radat cæsariem suam, id est (ut exponit noster Berchorius) ut per pœnitentiam, & confes- *Berchor. lib. 5.* sionem, omnem CORDIS immundam cogitationem auferat; ideoque jubetur Anima, velut aquam, *effundere COR suum* coram *Moral. c. 8.* Domino: ut ita omnem peccatorum latentem faciem in confessione Domino aperiat, simulque veræ pœnitentiæ testes lacrymas & præces effundat. Tertiò, præcipitur ut futura hæc Sponsa circumcidat ungues, id est, omnem superbiam, & mortuam operationem relecet, quamobrem exacta CORDIS *circumciso* in hac Schola ei commendatur. Quartò Gentilitatis vestes, quibus induta erat, exuere debet: id est, omnem malam conversationem, & sæculares mo-

res deponere; quod per veram CORDIS

Lect. 11 contritionem, & firmum non ampliùs peccandi propositum fieri docetur. Quintò, requiritur ut sedeat in domo Sponsi, deflens uno mense patrem & matrem suam; quod fit dum conscientia domum ingres-

Lect. 12 sa, per CORDIS *humiliationem* sedet, considerans, & deflens patrem & matrem; id est, mundum & carnem, & omnem quam exinde contraxit maculam & infectionem,

Ier. 15. 10. dicens cum Propheta: Væ mihi mater mea, quare genuisti me? Hiscè porrò suspirijs & gemitibus, accedente divini amoris,

Lect. 13 radio, CORDIS durities sensim *emollitur*, ac tandem ab omni maculâ in Sanguine

Lect. 14 Agni emundatur.

His verò expiationis officijs expurgata Anima, digna redditur cælestis Sponsi connubio: quare ad tertium statum transiens, Christo jam disponenda, ei COR

Lect. 15 suum & se totam offert, atque in suavissimi

Lect. 16 odoris sacrificium immolat. Sponsus au-

Ier. 17. 9. tem, qui scrutatur renes & CORDA, non sine multiplici examine hanc CORDIS

Lect. 17 oblationem admittit. Primò enim an iusti ponderis illud sit, ad libram & *balances expendit*. Deinde, ne fortè reprobum sit, ve-

Lect. 18 lut aurum in fornace illud probat. Tertiò, ne qua in imo CORDIS iniquitas delite-

scat,

scat, profundum ejus submissa bolide curiosissimè *scutatur*. Quartò, num pravâ *Leet. 19*
intentione distortum tortè COR sit, illud
ad rectitudinem divini sui CORDIS, ceu infallibilem regulam, *collineat & exigit.* *Leet. 20*

Post hæc examina, & vitæ purgativæ exercitiâ, COR sincerum & sibi dignum Sponsus inveniens, Animam statim ad sublimiorem statum evehit : in quo COR illuminatur, & in Spiritu proficere edocetur, Atque hic est status quem diximus desponsationis, de quo per Prophetam Dominus promiserat : Et sponsabo te mihi *Osea 2.*
in sempiternum, & sponsabo te mihi in justitia, & judicio, & in miserationibus, & sponsabo te mihi in fide. Ut igitur Sponsam hanc sibi desponsset, eique vicem reddat, quemadmodum illa in arrham desponsationis COR suum ei obtulit, ita vicissim divinus hic Sponsus COR *novum*, COR, in *Lib. 3.*
quam, suum Sponsæ suæ tradit. Neque vero munera, & paraphernalia bona in hac desponsatione desiderantur. Ut enim Assue- *Leetio 1.*
rus mundum muliebrem, & omnem ornamentum selectis virginibus, è quarum numero Sponsam sibi assumeret, præbebat : ita quoque Rex regû, & Dominus dominantium, ipsemet comit, & ornat Animam, quam matrimonio suo destinaverit. Quare novum

- Leet. 2.* COR, quod Sponsæ suæ dedit, luce suâ *illu-*
minat; deinde legem suam, desiderabilem
Pf. 18. super autem & lapidem pretiosum, COR-
11. DI *inscribit*. Ne verò sterilis maneat tam
Leet. 3. speciosa Sponsa, & optato fructu hoc ca-
Leet. 4. reat; benignissimus Sponsus *agrum* COR-
 DIS *aratro profcindit*, divini verbi *semine con-*
Leet. 5. *spargit*, gratiæ fluentis *irrigat*, & exurgen-
 & *6.* tibus ex hac cultura floribus, candidissima
Leet. 7. CORDIS *filia colligit*. Ne quis autem eo in-
 vito, hortum hunc subintret, & fructus di-
Leet. 8. ripiat; ipsemet pervigil excubitor *custodit*
 & *9.* *illum*; & scuto laboris sui eundem *prote-*
Leet. 10. *git*. Docet deinde COR *ad superna elevare*,
 & ascensiones in eo disponere: illiusque
 spatia, ad uberiora charismatum dona re-
Leet. 11. cipienda, *dilatât*. Ornata monilibus his
 Sponsa, ingreditur nuptialem thalamum;
 & Dilecto votorum suorum copulatur, at-
 que unitur. Beatæ prorsus, ac ter beatæ nup-
 tiæ! quibus Epithalamium canens Isaïas
I/a. 62. dicebat: Gaudebit Sponsus super Spon-
 sam, & gaudebit super te Deus tuus, quia
 complacuit Domino in te, & terra tua in-
 habitabitur. Habitabit enim Juvenis cum
 Virgine, & habitabunt in te filij tui. Qua-
Leet. 12 re, *dilatato jam CORDIS adisecto*, inhabita-
 torem ei mittit Spiritum sanctum: æter-
 num scilicet amorem suum, ut eo Spon-
 sum

sum redamare discat: eumque, velut *signaculum* CORDI suo impressum, semper & ubique circumferat. Hinc porro novis amoris sagittis COR vulneratur: novo incendio magis ac magis *inflammatur*; ideo *Leet. 14* ut nec nocte, nec die quiescere possit: sed *§ 15*. Corpore dormiente, COR *vigilet*. Cum verò *Leet. 16* ignis sursum semper tendat, accensum charitatis ardoribus COR, *sursus evolat*, *ca-* *Leet. 17* lumque petit: ut cum Dilecto suo se *uniat*: *Leet. 18* & in eo tandem felicissimè *quiescat*. *Leet. 19*

ATQUE hæc sunt divini amoris exercitia, quibus COR in via unitiva, velut thalamo Sponsi, vacat & suavissimè fruitur. Quia verò matrimonij vinculum, omnium rerum, tam prosperarum, quàm adversarum communio consequitur: hinc in Quarto Libro instruitur COR, communi- *1. Pet. 4.* care Christi passionibus, & cum eo dulcis- *13.* simè conversari. Non enim habet amari- *Sap. 8.* tudinem conversatio illius. Instituit ergo *16.* fidelis Anima cum patiente Sponso peregrinationem, admodum sibi utilem; eumque sequens ad montem Myrrhæ, & ad *Cat. 4. 6* collem Thuris, ingreditur hortum Gethse- *Luc. 22* mani, ad Oliveti montem situm: ubi videns *43.* Dilectum suum in agonia prolixius orantem, & sanguineo sudore perfusum, *bal-* *Lib. 4,* *neum* CORDI suo invenisse sibi gratulans, *Lectio 1.*

in eodem illud abluit. Conspiciens verò Dilectum suum in exitu horti à truculentissimis Judæis capi, ligari, atque huc illuc immanissimè raptari; orat iisdem funibus amoris suo constringi, & *vinculis chari-*

Lect. 2. *Can. 1.* *tatis* trahi post illum, in odorem unguentorum suorum, Alligata verò illi, eundem

3. per compita, & plateas usque ad prætorium Pilati animosè sequitur. Ubi dum marmoreæ columnæ illum alligari vidit, eandem, jam Sacri Corporis illius contractu conse-

Lectio 3. cratam, *sustentaculum* & *fulcrum* labanti CORDI suo supponit. Quid verò ex flagel-

Pf. 128. *3.* lis, & virgis, quibus supra dorsum mitissimi Angeli fabricaverunt peccatores, gene-

Lect. 4. rosa Sponsa facit? His ipsis, seu stimulis quibusdam, tardum COR *impellit*, atque

ad Dei servitutem urget. Nec spineæ coronæ consortium abhorret: illam enim, velut

Lect. 5. *sepem*, CORDIS sui horto circumdat, & circumplectit? ut à feris, & à furibus tutus esse queat. Comitata deinde Sponsum

Joan. 19 *17.* exeuntem civitatem, & bajulantem sibi Crucem: cum in via animadvertit Dilecti

faciem, in oblato à Veronica sudario, ad vivum expressam; quid non ingeniosus amor hîc audet? proponit enim velut prototypon sibi, Veronicæ illud velum; & arti-

Lect. 6. *ficiosa acupicturâ illud in CORDE suo expri-*
mere

mere conatur. Sitiēti verò ante ipsam cruci-
 fixationem Dilecto, *COR suum, velut phialam* Lect. 7.
 vino compunctionis plenam, offert. Dum
 verò Salvatoris manus, & pedes clavis
 perfodi cernit; optat & ipsa *clavo timoris* Lect. 8.
Domini COR suum configi. Immò & to-
 tum COR *in Cruce extendi*, & cum Christo Lect. 9.
 crucifigi desiderat. Quanta verò bona in
 Cruce Domini Jesu Christi invenit! in
 qua sola gloriam suam, & honorem con-
 stituit. Hinc *arborem Crucis* CORDI suo in- Lect. 10.
serit. Hinc Titulo Christi capiti superposi-
 to, COR suum, *in aeternum habitaculum, cru-* Lect. 11
cifixo Jesu dedicat. Hinc *vulnerari Longini* Lect. 12
lancē; defluente è Crucis torculari *musto* & 13.
potari avidissimè concupiscit. Nec satis
 hoc; sed ultrà ascendens ad COR altum;
 ad exaltatum COR Dei sui, in latere vulne-
 rato *azylum* CORDIS sui constituit. Ne ve- Lect. 14
 rò Speculum tam speciosæ desit Sponsæ, è
 sacratissimis *quinque vulneribus pulcherri-* Lect. 15
mo ei Speculum proponitur. Sed nec mor-
 tuum quidem, ac sepultum deserit: verùm
 eodem quo amor ejus tumulatur monu-
 mento, & ipsa COR suum velut thalamo Lect. 16
includit: expectans cum eo gloriosam Re-
 surrectionem.

ATQUE hæc est totius Opusculi nostri
 Synopsis, & Anacephaleosis.

LECTIO XIV.

*Scholæ CORDIS Compendium, ejusq;
in Classis Distributio.*



UOD Mercatoribus in usu esse videmus, ut venditarum atque emptarum rerum pretia singulatim annotata in rationum Libros referant; atque omnia tandem, subductis calculis, ad unam quamdam summam, quæ omnes alias complectatur, reducant: id diligentiores quoque Discipulos in Scholis imitari conspiciamus. Quæ enim integris Libris, toto Anno à Magistris diffusè admodum trahi audierint, ea illi in brevissimum quoddam Compendium, ac Summarum redigere consueverunt: ut ita memoriæ labilitati aliquoulsque succurrant: quæ plurium ac variarum rerum non adeò facile reminisci potest. Ne verò hæc industria Scholæ nostræ deesset, visum mihi fuit operæ pretium, totius nostræ Cardiogogiæ quamdam Epitomen hîc Lectoribus exhibere; non tam nostrâ inventionem, quàm duorum peritorum hujus Scholæ Discipulorum

lorum ingenio compositam, atque elaboratam. Primum igitur Compendium, paucis verbis, nobis exhibet Angelicus Doctor Thomas Aquinas, quem quotidie flexis genibus ita, inter cetera, Domino supplicasse accepimus,

DA mihi dulcissime Iesu, COR pervigil, quod nulla abs te abducatur curiosa cogitatio; da immobile, quod nulla deorsum irahat indigna affectio; da invictum, quod nulla fatiget tribulatio; da liberum, quod nulla sibi vendicat violentia delectatio; & da rectum, quod nulla seorsum obliquet sinistra intentio.

Ex quâ precandi formulâ id discimus, sapientissimum hunc Doctorem totam CORDIS perfectionem in eo posuisse, ut illud cum Deo Creatore suo quàm intimè esset unitum. Omnium enim rerum perfectio (ut idem docuit) in eo sita est, ut S. Thom.
suo jungatur principio. Quare, ut in prin-
CORDIS perfectionem assequeretur, ro- cip. lib.
gandum sibi Omnipotentem Deum puta- advers.
vit, ut omnia illa auferret, quæ CORDIS impugn.
cum Deo unionem impedire possent: qua- relig.
lia in primis sunt, quinque illa ab eo recensita; videlicet curiositas, perversa affectio, tribulatio, in creaturis delectatio, & sinistra intentio. Contra quæ COR pervigil, immobile, invictum, liberum, & rectum
sibi

sibi dari postulat. COREnim hiscè qualitibus præditum? non potest non esse cum Deo conjunctissimum. Quinimmò si rectè rem expendere voluerimus, quidquid de CORDIS bonitate, & perfectione dicere possumus: id totum COR *rectum* complectitur: & ideò fortè id ultimo loco Sanctus Thomas expetebat. Quare si uno verbo totam Scholæ nostræ Doctrinam exprimere voluerimus; rectè dixerimus, eò omnia spectare, quæ hoc Opusculo traduntur, ut COR hominis sit rectum cum Deo suo: id est, ut humanum COR, divino CORDI: humana voluntas, divinæ voluntati per omnia, & in omnibus respondeat, atque consentiat. Quod quidem fusiùs explicabitur Lib. 2. Lect. 20. Hortor interim universos hujus Scholæ Discipulos, ut suprà scriptam illam Sancti Thomæ precationem, pro CORDIS perfectione, ne adipiscenda, quotidie. atque etiam sæpiùs, recitare non negligant.

ALTERUM ex Sancti Dominici Scholæ Compendium nobis offert pius, atque eruditus Pater Ludovicus Granatensis: qui considerans summam Christianæ perfectionis uno JUSTITIÆ nomine appellari; cujus proprium sit, unicuique dare quod suum est: Deo nimirum, Proximo,

&c

& sibi ipsi; ex eo conficit hominem qui triplici huic debito satisfecerit, omnem justitiam & perfectionem, quam profitetur, adimplevisse. Quòd si, ait, paucissimis verbis, *Granat. lib. 2.*
 & brevi collatione velis discere, quomodo *Duc.*
 id fieri possit, dicam: triplici hac obligatione reddet homo perfectissimè omne suum *peccat. C. 14.*
 debitum; hoc est, si erga Deum habeat COR filij; erga proximum, COR matris; erga se verò, COR atque Spiritum judicis. Sunt autem hæ tres Justitiæ partes, in quibus Propheta docet omnia nostra bona consistere, *Mich. 6.*
 cùm dicit: Indicabo tibi, ô homo, quid sit *8.*
 bonum, & quid Dominus requirat à te: utique facere judicium, & diligere misericordiam, & sollicitum ambulare cum Deo tuo. Ex his enim tribus officiorum generibus, primum quidem spectat ad nos, nempe facere judicium; secundū ad proximum; diligere misericordiā; tertium verò ad Deum, quod ipsa Prophetæ verba declarant, cùm ait: Sollicitè ambulare cùm Deo tuo. Singula verò hæc ita explicat. Cùm ordinata in homine charitas à seipso incipiat, primò omnium attendere oportet officium illud, quod sibi ipsi homo debet: id est, facere judicium, & COR Judicis assumere. Boni autem Judicis est, benè compositam & reformatam habere Provinciam. Et quia
 in

in homine, tamquam in parva Republica, duæ partes principales reformandæ sunt; Corpus scilicet, cum omnibus membris, & sensibus suis; atque Anima, cum omnibus affectibus, & potentijs: necesse est ut illæ partes reformentur, & benè ordinentur secundùm regulam virtutis.

Idem. SECUNDO, debet homo proximo exhibere misericordiam, & COR matris erga *Granat.* eum gerere. Considera autem quomodo *Cap.16.* prudens, & pia mater amans filium, admonet eum, si quod immineat periculum, succurrit illi in necessitate, suffert ejus delicta cum patientia, nunc castigans justitiâ, nunc dissimulans, & regens prudentiâ. Animadvertite quomodo eadem mater gaudet in bonis, & contristatur in malis sui filij: non aliter atque si propria illius essent; quanto cum zelo utilitatem & honorem ejus affectet; quàm piè, quamque diligenter Deo semper pro illo supplicet; denique quòd magis sollicita sit pro salute filij, quàm pro sua propria; & quòd in se crudelis sit, & severa; ut clemens sit, & pia erga filium. Si eò itaque pervenire tibi liceat, ut tali CORDE diligas proximum, jam ad perfectionem charitatis pervenisti. Si, inquam, hæc sex officia charitatis proximo præstiteris: Amare, Consulere, Subve-

nire,

nire, Sufferre, Ignoscere, Bonis exemplis docere; jam muneri tuo erga illum perfunctus es.

TERTIO, oportet hominem sollicitum *Cap. 17.*
 ambulare cum Deo suo, & COR filij erga
 illum gerere, eumque illo CORDE dilige-
 re, quo filius solet patrem. Est enim unum
 ex præcipuis Christi officijs, tale COR erga
 Deum homini immittere. Considera ita-
 que nunc diligenter, quale sit COR filij
 erga patrem suum: quo sit in illum amore,
 quo timore, quâ reverentiâ, quâ obedi-
 tiâ, quo zelo honoris illius, quomodo
 serviat illi gratis, quantâ cum fiduciâ re-
 currat ad illum in omni suâ necessitate,
 quàm patienter ferat correptionem, & ca-
 stigatorem illius, cum reliquis omnibus.
 Tali quoque & tu esto in Deum CORDE
 & animo; & absolute partem hanc Justi-
 tiæ adimplebis. Ad parandum verò COR
 hujusmodi, novem mihi præcipuè virtutes
 videntur esse necessariæ, quarum prima &
 principalis est amor: secunda, timor & re-
 verentia: tertia, fiducia: quarta, zelus ho-
 noris Dei: quinta, pura intentio in exer-
 citio divini cultus: sexta, Oratio & refu-
 gium ad Deum in omni periculo, & ne-
 cessitate: septima, gratiarum actio pro di-
 vinis beneficijs: octava, obedientia, &

conformitas nostræ voluntatis, cum voluntate Dei: nona, humilitas & patientia in omnibus flagellis, & tribulationibus, quæ nobis Deus immittit, quæ omnia pluribus idem Auctor persequitur. Nobis verò suffecerit pro Epitome hujus Libelli ostendisse, oportere unumquemque hominem habere

erga $\left\{ \begin{array}{l} \text{SEMETIPSUM} \\ \text{PROXIMUM} \\ \text{DEUM} \end{array} \right\}$ COR $\left\{ \begin{array}{l} \text{JUDICIS} \\ \text{MATRIS.} \\ \text{FILIJ.} \end{array} \right\}$

Sed nimis fortassè diu in primo limine hæsimus, & discendi avidos Discipulos in hoc vestibulo remorati sumus: quare postremò hoc tantum adjungendum videtur.

Prover.

9.1.

QUEMADMODUM domus illa, quam Salomon scribit Sapientiam sibi ædificasse, in qua Auditoribus suis lautissimum exhiberet convivium, septem erat subnixa columnis: ita tota hæc Schola, in qua æterna Sapientia spirituale epulum CORDATIS proponit Discipulis, septē omninò constat CLASSIBUS; quarū singulæ plures continent Lectiones, velut diversa fercula mystici hujus cōvivij. Nam ut Sapientia non modò prudentes, & eruditos; sed etiā rudes, & indoctos ad cœnā suam invitabat, dicens: Si quis est parvulus, veniat ad me; & insipientibus locuta est: Venite, comedite panē meum, & bibite vinum quod miscui vobis: ita in sequentibus

CLAS-

CLASSIBUS non Perfectiorū dumtaxat, sed & Insipientium, & Proficientium CORDA cibantur pane vitæ & intellectus. Quotquot enim triplicem illam unius charitatis, sive perfectionis viam decurrunt; omnes ad hanc Scholam pertinent: omnes ad hanc mensam adhibentur. Providit siquidem sapientissimus Magister noster, ut singulis, pro diversa conditione, & palato congruus esset cibus, & potus. PRIMA autem CLASSIS vecordes, vagosque habet Discipulos; qui necdum Scholā ingressi, necdum mensæ assidentes, ad utramque adducendi sunt. In SECUNDA CLASSE viam ingredimur Purgativam, in qua Insipientibus subministramus panem subcinericium cognitionis propriæ, panem lacrymarum; & vinum compunctionis. His enim COR expurgatur, atque enutritur: quod in TERTIA CLASSE purum, atque emundatum Deo in sacrificium offertur; ubi mox exactissimum subit examen, & an tantâ maiestate dignum sit, diligenti indagine disquiritur. QUARTA CLASSIS Proficientium est, qui Illuminativam viam perambulant: his, ne in via deficiant, panis mundus, candidus, & azymus exhibetur: qui CORDIS eorum illuminationem, & profectum in Spiritu Mysticè designat. QUINTA CLASSIS, ad

quam Perfecti admittuntur, vitæ Unitivæ
 habet exercitia: in quibus misericors Pater
 filiis suis panem Angelorum de cælo præ-
 stat; manna, inquam, absconditum, quod
Apoc. 2.
17. nemo novit, nisi qui accipit. Hoc pane enu-
 triti ad cælum subvolant, Deo uniri, & in
 eo quiescere cibum sibi gratissimum, & de-
 lectabilissimam refectionem reputant. In
 SEXTA & SEPTIMA CLASSE, quædam
 Dominicæ Passionis exercitia, tribus istis
 viis communia, continentur: è quibus ne-
 mini non gustare licet. Christus enim pas-
Zach. 9.
17. sus, est frumentum electorum; cibus viato-
 rum in hoc sæculo peregrinantium, donec
 ad cælestem patriam perveniant. In opipa-
1. Pet.
2. 2. ra hac Passionis mensa, modò geniti infan-
Pf. 103.
15. tes lac inveniunt: in hac, Adolescentibus
 panis COR hominis confirmans exhibetur:
 in hac, cibus grandium, solidus cibus perfe-
 ctorum copiosissimè ab illo subministratur,
Matth.
11. 28. qui omnes invitans dicebat: Venite ad me
 qui laboratis & onerati estis, & ego refi-
 ciam vos.

SED hæc satis. Ite nunc Lectores, &
 Condiscipuli mei: quisque vestras ingredi-
 mini CLASSES: & propositas à Magistro
 Lectiones ordine evolvite, & sedulò me-
 moriæ mandate.

FINIS LIBRI PRIMI.

SCHO.

SCHOLÆ
CORDIS
LIBER SECVNDVS.

*Aversi CORDIS ad Deum Conversio
& Directio.*

PRIMA CLASSIS.

CORDIS Aversio.



ILECTAM pacifico Salomo-
ni Sponsam Agricultura o-
peram dedisse, & custodien-
dis vineis propositam, ex sa-
cro Epithalamio satis con-
stat. Christus quoque Domi-

nus, verus Salomon, qui Patrem suum Agri-
colam; se verò vitem nominat, non aliam sibi
Sponsam querit, quàm quæ vineæ præfectu-
ram suscipere, & tueri possit. Vincam autem
hanc hominis esse Animam, Sancti Patres
passim affirmant Viva primum vitis (inquit Ambros.
Ambrosius) radix defigitur: Anima fidei
radice plantatur, vitis maritatur arboribus:

ita Corpus Animæ, Anima Corpori cōjugatur. Vitis dum ligatur, erigitur; & recisa non minuitur, sed augetur: ita sancta plebs dum ligatur, erigitur; dum humiliatur, attollitur; dum reciditur, coronatur. Vitis surculus veteri abscissus ab arbore, in alterius fœtu radicis inseritur: sic Anima ligni noxialis cicatricibus enodatis, in novo Crucis ligno, tamquam pia parentis gremio, fovetur & conquiescunt. Nos verò ut hujus Scholæ structuram per singulas Classes ostendamus, ea quæ Sp̃ñsa circa vineas in Cantico Canticorum egisse se narrat, Anima, & CORDI sic applicabimus, ut singulos CORDIS nostri status, ordine quodam, us designari demonstremus.

PRIMUS igitur CORDIS status is est, quo à Deo aversum, abiit post honores, voluptates, & vanitates suas: qui à Sponsa adumbratur, dum se ignorans abiit vaga post vestigia gregum, passens hædos suos; & cum ad mentem reversa conquiritur: Posuerunt me custodem in vineis, vineam meam non custodivi. Quod Bernardus explicans, ait: Quanto tempore inculta jacuit & deserta, redacta in solitudinem? prorsus defecerat vinum ex ea, arefactis præ sterilitate fidei, virtutum palmitibus. Erat fides, sed mortua. Quomodo enim non mortua sine operibus? Quantum nobis, ô vinea mea, furtivis surreptum est machinamentis, eo ipso tempore,

Cant. I.

7.

Cant. I.

5.

Bernard.

Serm.

30. in

Cant.

tempore, quo vigilantius intendere cœpimus
 cura & custodia nostri? Quot, & quales pro-
 rum boiros operum aut profocavit ira, aut
 iulit iactantia, aut fœdavit inanis gloria?
 Quanta ab illecebra gula, quanta ab acedia
 Spiritu, quanta à pusillanimitate Spiritus, &
 tempestate sustinuimus? Hac Bernardus. At-
 que hic est status vecordis Animæ, in frigidis-
 sima quasi hyeme constituta, quæ vineæ cultu-
 ram prorsus negligit, ac deserit. Nempe imi-
 tatur primum parentem suum, qui nec ipse
 vineam suam custodivit; sed permisit subre-
 pere sibi vulpeculam dolosam, quæ vineam
 suam defloravit. Primus enim ille homo cùm Ps. 48.
 in honore esset, non intellexit: comparatus est 13.
 jumentis insipientibus, & similis factus est illis.
 Talis quoque est illa Anima, quæ tota hac
 Classe vaga, sine CORDE oberrat, & de uno,
 in aliud vitium sese imprudens precipitat. Basil. in
 Anima enim (ut Basilus observavit) quæ in- cap. 5.
 dulgenter ac remissè vivere finitur, perinde Isaia.
 atque vinea quæpiam neglecta, eluxuriat; &
 silvescit sarmentis, seq̃ effundens circa in-
 commoda, nec ullam adferentia frugem; nati-
 vo succo exhauritur. Sed eam ita fugientem,
 & oberrantem ponè insequamur, & conside-
 rationis oculo diligenter observemus.

LECTIO PRIMA.

EMBL.

I.

CORDIS Fuga.

Columba seducta non habens COR.
Olex 7. 11.

*Quam fugeret, fugitiva, tuum COR, si COR
haberes*

Non meminisse mei, non meminisse sui?



CHOLAM CORDIS ingredi cupiens, antequam in ipsa penetralia te inferas, hîc in limine nonnihil subsiste : atque, ut ordine procedas, priusquàm CORDIS tui qualitatem considerare incipias, diligenti indagine disquire, an reverà etiam COR habeas, & ubi nam illud sit? Etsi enim nemini dubium videatur, quin omnis homo vivens COR habeat, illudque non alio loco sit, quàm in quo est ipsum animal : spirituali tamen loquendi modo, multi admodum inveniuntur CORDE prorsus destituti. Neque verò id paradoxum videri debet, cùm Spiritus Sanctus in Sacra Scriptura avertas à Deo mentes, sine CORDE esse, aut CORDE indige-





CORDIS FUGA .

Columba seducta non habens COR. *osca. 7. u.*

Quam fugeret fugitiua tuum COR, si COR haberes.

Non meminisse mei, non meminisse sui?

indigere pronuntiet. Quid enim est aliud quod Sapiens dicit: Qui Adulter est, propter CORDIS inopiam, perdet Animam suam. Itemque illud: Qui despicit amicum suum, indigens CORDE est: nisi quòd Adulteri, & amicorum contemptores, amentes, cæci, ac sine CORDE stolidi sint? Hinc insanos, stupidos, stultos, & ignavos; excordes, & vecordes Latinè dicimus: quasi sine CORDE. COR enim Sapientiæ sedes est. Nam ut Salomon dixit: In CORDE prudentis latet Sapientia. Sed alijs quoque Scriptoribus eadem phrasis usitatata est. Sic Plautus dixit de muliere: Cui pectus sapiat, nam COR non potest, quia nullum habet. Et Tertullianus contra Martionem scribens, ait: Eum nec COR, nec cerebrum habere. Et Ausonius, ludens in Rhetoricistrum quemdam quòd rememisco dixisset, ait:

Prover.

6. 32.

Prover.

11. 12.

Tertull.

lib. 4. c.

10.

Auson.

Epig.

47.

Epig.

48.

Reminisco Rufus dixit in versu suo

COR ergo versus, immò Rufus non habet.

Iterumque:

Qui reminisco putat se dicere posse Latinè

Hic ubi COR scriptum est, legeret COR, si

COR haberet.

CONSIDERA ergo PRIMO, Peccatorem qui seductionem CORDIS sui sequitur, verò non habere COR, quia illud tran-

stulit in illam rem, quam inordinate nimum concupiscit, & amat. Sic David dicebat: *Ps. 39.* COR meum dereliquit me. Quod exponens S. Gregorius: COR nostrum, ait, *Greg. 1.* nos derelinquit, quando sic à concupiscentijs carnalibus vincimur, ut intentionem CORDIS in terrenis, & carnalibus, *4. in 9.* atque corporeis; & non in cælestibus, & *c. 1. lib.* spiritualibus ponimus. Superbus, COR suum in honoribus, & vana gloria ponit; & ideò cum ipso non est. Unde Jeremias increpans dicebat: *Jer. 5.* Audi popule stulte, qui non habes COR. Luxuriosi, & *2. 1.* Gulosi COR, totum immersum est carnis voluptatibus, crapulæ, & ebrietati. Unde *Osea. 4.* Oseas: Fornicatio, vinum, & ebrietas auferunt COR. Atque idem de alijs omnibus *11.* peccatis verè dici potest: Qui enim peccat, fornicatur à Domino, & recedit COR ejus retrò, oblitusque Dei sui, declinat *P/ 43.* semitas suas, à via mandatorum ejus. *19.* Quanto igitur studio vitandum est peccatum, quod COR, mentem, & Sapientiam aufert!

CONSIDERA SECUNDO, Peccatorem comparari Columbæ excordi, & seductæ: ita enim apud Prophetam legimus: *Osea. 7.* Factus est Ephraim quasi Columba seducta, non habens COR. Nihil dici potuit de *11.* pecca-

peccatore elegantius: verè enim est quasi *Ribera*
columba seducta. Et cùm multa habeat *ibid.*

Columba, quæ laudat Scriptura (ut quòd
celerrimè volat, quòd felle & amaritu-
dine caret, quòd limpidas aquas amat,
quòd cadaverum passum refugit) hoc so-
lum in eâ peccator imitatur, quòd facilè
seducitur; quòd non habeat COR. Fallaci
quadam boni specie capitur, & brevi cadu-
cæque voluptatulâ illectus, ultro se in la-
queos, & in ipsas crudelissimorum ho-
stium manus conjicit. Spoliatur, laceratur,
nec irascitur spoliantibus, aut laceranti-
bus: sed libenter ad easdem ædes reverti-
tur, in quibus mala hæc pertulit, & gravi-
ter vulneratus est. Non habet profectò
COR, utinam saperet, atque intelligeret, *Deuter.*
& novissima provideret! vitaret certè la- 32.29.
queos paratos; & caveret, intelligeret sæpè
se cecidisse, nec fortiozem esse nunc, quàm
cùm caderet.

CONSIDERA TERTIO, Difficile ad-
modum esse COR ita custodire, ut à nobis
non fugiat. Petulantium enim puero-
rum more semper se domo proripit, ut
vanitatibus & lüsibus suis indulgeat. Est
veluti canis venaticus, pruriens pedi-
bus ad venationem, & ad prædam suam
omni momento exire gliscens: quare
cùm

cùm à sensuum oblectamentis nonnihil moveri cœperit, statim magno ardore in illa fertur; & ad ea, relicto Deo, cui adherere deberet, exire festinat. Magna hæc est, pro dolor! CORDIS nostri miseria,

August. in Psal. 85. quam agnovit, & deploravit Sanctus Augustinus: Vix, inquit, stat COR ad Deum suum, & vult se tenere ut stet, & quodammodo fugit à se, nec invenit cancellos, quibus se includat, aut obices quosdam, quibus retineat avolationes suas, & vagos quosdam motus. Diceret unusquisque sibi hoc contingere, & alteri non contingere; nisi inveniremus in Scripturis Dei Davidem oran-

2. Reg. 7.27. tem quodam loco, & dicentem: Quoniam inveni, Domine, COR meum, ut orarem ad te. Invenisse se dixit COR suum, quasi soleret ab eo fugere, & ille sequi velut fugitivum;

Psal. 39. & non posse comprehendere, & clamare ad Dominum: Quoniam COR meum

Bernar. in Medit. cap. 9. dereliquit me, Similis est Bernardi querela: Nihil est, inquit, in me CORDE meo fugacius, quod quoties me deserit, & per

pravas cogitationes diffluit, toties Deum offendit: sibi non concordat, à se dissonat, à se resilit, voluntates alternat, consilia mutat, ædificat nova, destruit vetera, destructa reædificat, eadem iterùm, atque iterùm, alio & alio modo mutat, & ordinat:

ordinat : quia vult , & non vult ; & numquam in eodem statu permanet. Et post pauca : COR meum dum futurum non curat gaudium , nec divinum quærit auxilium , ab amore cælestium elongatur , & in amore terrestrium occupatur. Cumque elabitur ab illis , & involvitur in istis , vanitas illud recipit , curiositas deducit , cupiditas allicit , voluptas seducit , luxuria polluit , torquet invidia , turbat iracundia , cruciat tristitia : sicque miseris casibus , submergitur omnibus vitijs , quoniam unum Deum (qui ei sufficere poterat) dimisit. Per multa dispergitur , & huc illucque quærit ubi requiescere possit , & nihil invenit quod ei sufficiat , donec ad ipsum redeat. Omni igitur custodia custodiendum est COR , ne à nobis recedat.

CONSIDERA QUARTO ; Maximum omninò damnum esse , CORDE carere : quemadmodum enim ab ipso vita procedit , & eo læso vicina est mors Corporis ; ita quoque in spiritualibus CORDIS inopia , ut dicebat Salomon , perdit Animam. *Prover.* Rem mirā narrat Appianus Alexandrinus 6. 13. de duplici victimâ excorde. Julius Cæsar *Plin. lib.* die quo in curiâ occubuit , Senatum ingres- *II. nat.* surus de more fecit : apertâ victimâ COR *Hist. cap.* defuit , Extispice nescio quid vaticinante 37.
de

de Imperatoris obitu; irritis Julius, & aliam admoventi jussit; sed & hæc CORDE

Cicero caruit. Quamvis verò id Cicero eludat,
lib. 2. de victima sine CORDE certus mortis nuntius
Divi- est: nam Ethelvio quoque Pertinace, eo
nat. die quo occisus est, sacrificante, negatur in

hostia COR repertum. Sed quid hoc in Ar-
 cano Sermonem designet videamus. Totos
 nos quanti sumus, Deo Optimo Maximo
 in sacrificium, & hostiam viventem offerre
 debemus: verum si CORDE destituta sit
 victima, non tantum Deo displicebit; sed
 & certissimum mortis Animæ nostræ indi-
 cium erit. Omnibus igitur modis providen-
 dum est, ne COR nostrum derelinquat nos,
 sed illud Deo in holocaustum offerre possi-
 mus: cui accepta non est oblatio, quæ COR-

Prover.

12. 8.

Pf. 77.

66.

Prover.

10. 13.

DE caret; ut enim Sapiens ait: Qui vanus
 & excors est, patebit contemptui. Oppro-
 brium siquidem sempiternum dabit ei Do-
 minus, nec evadet pœnas vitæ futuræ. Vir-
 ga enim in dorso ejus qui indiget CORDE.
 Virga autem in dorso (Beda allegoricè in-
 terpretante) est vindicta in posterioribus,
 id est, in sequenti vita, Utinam hæc recogit-
 et Anima, & horrore pœnarum perterrita,
 diligentissimè in CORDIS sui custodiam in-
 cumbat!





CORDIS VANITAS.

Qui minoratur CORDE, cogitat inania. Eccli. 16. 27.

Ambitio follis, vento distendit honorum—

COR vanum, hinc sperat nil, nisi grande NIHIL.

LECTIO II.

CORDIS Vanitas.

EMBL.

II.

Qui minoratur CORDE, cogitat inania.
Eccle. 16. 23.

Ambitio follis, vento distendit honorum
COR vanum, hinc spirat nil, nisi grande
NIHIL.



EQNERE etiam nunc Anima mea, vagi & aberrantis CORDIS tui vestigia; & omnes averfiones ejus, quibus recedit à Deo Factore suo, attentè confidera. Aliâ enim viâ CORDATUS, aliâ vanus & Excors incedit. Ille, quæ Dei sunt cogitat: hujus tota cogitatio CORDIS intenta est ad malum; quam differentiam ut significat Salomon, dixit: COR Sapientis in dextera ejus, & Eccles. COR stulti in sinistrâ illius. Quod explanans 10. 2. B. Saloni-
us: COR, ait, Sapientis in dexterâ B. Salo-
ejus, quia intentio & cogitatio viri Sapien-
tis ad hoc tendit, & ad hoc laborat, ut semper bona operetur, quatenus in die Judicij ad dexterâ Domini, id est, sortem justorum stare mereatur; & cum ipsis in æterna beatitudine gloriari. COR verò stulti in sinistrâ illius,

illius; quia & mala quæ cogitat, & malis operibus accumulât; in die Judicij à sinistris; id est, in sorte reproborum ponetur, & cum eis in æternum punietur. Sinistrorsum ergo abit Cor stulti, & viam perditionis perambulat. Sed nunc vade, Anima mea, & considera itinera ejus: non ut ea sequaris; sed ut præcipitia, & pericula animadvertens, discas ea declinare. Prima autem semita quam ingreditur, vanitatis est, in quâ honoris fumo, & magni nominis umbrâ præstrictos gerens oculos, gloriam dignitatis affectat, & primas salutationes in foro, primos recubitus in cœnis, primas in conventibus concupiscit Cathedras. Vanum omninò est Cor, quod miserrima ambitio, honorumque contentio occupavit: tumida omninò res est ambitus (inquit Seneca) vana, ventosa, nullum habens terminum; tam sollicita, ne quem ante se videat; quàm ne alium post se.

*Seneca.
Epist.
85.*

*Chrysof.
hom. 43
ad pop.*

Audi Chrysoctomum honorum vanitatem Graphicè depingentem: Nihil hominum gloriâ vilius. Nónne vides personas, quas in scenâ versantes induuntur, quàm sint pulchræ & splendida? potes mihi talem aspectum in veritate monstrare? Nequaquam. Numquid umquam earum amore captus es? Non. Quare? Quia vacuæ sunt,

sunt, & imitantur pulchritudinem; pulchræ tamen non sunt. Similiter & gloria inanis est, & gloriam quidem imitatur, non tamen est gloria. Dic enim mihi quid habet boni à multis circumspici? sicut enim larva occultat veritatem hominis usque ad vespèram, dimisso autem theatro, unusquisque apparet quod est: ita si post multas tuas laudes auditas domum revertare, & solus sis, omnis gloria defluxerit. In forum processisti, præsentem in te convertisti? quid amplius? nihil, extinctum est, & evanuit tamquam fumus diffusus. Quantæ sunt hæc quæso stoliditatis? quantæ dementiæ? ad unum itaque spectemus, quomodo Deus non laudet. Hæc Chrysostomus.

CONSIDERA quoque, comparari solere *Plin. lib. 11. cap. 32.* hanc gloriæ cupiditatem Chamæleonti, qui, ut Plinius ait, maximum habet pulmonem, & nihil aliud intus: ita quoque vani homines, præter ostentationem, & ventosam jactantiam, nihil prorsus habent. Utque idem Chamæleon non alio pascitur alimento, quàm aëris, ideoque ore est semper hiantes: similiter quibus COR vanum est, nihil captant præter popularem auram, & inanem laudem, quâ se sustentant. Sanctus verò Anselmus honoris cupidos, pueris papilio- *Anselm. lib. simil.* nes insequentibus, similes facit. Illi enim *lib. simil. dum cap. 72.*

dum hos insequuntur, sæpè pedes offendunt; cum alicubi resedisse viderint, cautè incedentes, & manibus ad invicem plaudentes, latenter eos comprehendere satagunt: sed cum jam apprehendere voluerint, papilio-nes subitò avolant: si quando verò eos apprehenderint, exultant de nihilo, quasi magnum quid fuerint adepti. Ita quoque gloriæ studiosi, sæpiùs in gravia crimina incidunt, quibus Animam vehementer lædunt: aliquando verò cum viderint eos sibi paratos, latenter accedunt, ut eos valeant obtinere, quò dum appropiant vehementer gaudent & exultant: sed cum propiùs accesserint, eosque se posse jam apprehendere putaverint, honores de manibus eorum se excutiunt, & aliqua de causa ad alios aliquos se transferunt. Quos, si quando adepti fuerint gratulantur, quasi aliquem verum honorem fuerint assecuti; cum ad veri honoris culmen pervenire non possint. Quid verò puerilis, aut vanius hoc studio concipi potest? Quid autem est honor & gloria, nisi vapor quidam; &, ut ait Propheta, flos fœni, qui subitò exarescit, & decidit? Totus enim, ut ait Augustinus, splendor generis humani, honores, potestates, divitiæ, typhi, minæ, tumores, flos fœni est. Floret illa domus, & magna domus; floret illa familia, & quàm

Isaia

40.6.

August.

in Psal.

102.

quàm multis floret? aut quàm multis Annis
vivunt? multi Anni tibi, breve tempus Deo,
in comparatione longorum, & longè viven-
tium sæculorum, omnis flos cujusque do-
mus, sic est quomodo flos agri, vix est an-
nua omnis pulchritudo Anni, Quidquid ibi
viget, quidquid ibi candet, quidquid ibi
pulchrum est, non perennat, immò per to-
tum Annum duci non potest, ergo

Carpe novos flores, dñe flos novus, & nova pubes

Et memor esto a vum sic properare tuum.

Quousque ergo filij hominum ambulatis in
vanitate CORDIS vestri? ut quid diligitis
vanitatem; & non quæritis veritatem? Quò
enim tendunt cogitationes; quæ exeunt de
CORDIBUS vestris, nisi ad vanitatem, & in-
fancias falsas? novit enim Dominus cogita-
tiones hominū, quoniam vanæ sunt. Et, qui
minoratur CORDE, cogitat inania. COR-
DIS vestri parvitatem, vanitatis studium
arguit, & vecordes vos esse indicat. Quis
enim CORDATUS illa tamquam delectabi-
lia, & vera bona confectetur, quæ non nisi
vana sunt, & verum dolorem adferunt? ta-
le autem est honoris & gloriæ studium. Ut
enim qui tabaci vaporem bibit, quantumvis
volupe id illi videatur, nil tamen nisi fu-
mū haurit, sædumque exhalat odorē. Quid
verò inde consequitur, nisi dolor? quem

Ps. 4. 3.

Ps. 39. 5

Ps. 93.

II.

Ecclesi.

16. 23.

stillantes ex oculis lacrymæ, capitis vertigo, anhela tussis satis superque testantur? ita qui honores consecantur, nihil solidi consequuntur: sed ut vanitatem avidè vorant, ita nil nisi vanitatis fumos emittunt, & magnum dedecus, pro quæsito decore, non rarò nauciscuntur. Avertat Deus à CORDIBUS nostris fascinationem vanitatis hujus, tribuense ei, ut non prævaleat in vanitate sua. Ego sentio (inquirebat Augustinus) quàm multa figmenta pariat COR humanum: & quid est COR meum, nisi COR humanum? sed hoc oro Deum CORDIS mei, ut nihil ex eis figmentis pro solido vero eructum.

Ps. 51. 9
August.
lib. 4. de
Trinit.
cap. 1.

CONSIDERA deinde COR nostrum esse instar thuribuli, aut cujusdam foculi prunis referti, cui quidquid injeceris illud recipiet, & quemadmodum si thuribulo imponas aromaticos pastillos, tota domus suavi replebitur odore & suffitu; sin autem immiseris sulphor, tota horribili fætoe contaminabitur. Ita prorsus CORDE nostro accidit: si salutaribus illud occupetur Meditationibus; de Christi Passione, de divinis beneficijs, memoriam abundantia suavitatis eructabit; sin autem mundi vanitates, sceptræ, diademata, honores, dignitates, & his similia CORDE versaveris, nil nisi fætidus

Ps. 143.
7.

tidus fumus ex illo egredietur. Non declines ergo, ô Anima mea, COR tuum in vanitates: & in res nihil; sed solida bona, quibus Animus pascitur, toto CORDE inquire. Non enim honores te facere possunt meliorem; sed si ijs delecteris, pejorem procul dubio efficient: experto id crede Salomoni; qui post Regalis solij sublimitatem, post divitias longè maximas, honorem, & famam toto orbe vulgatissimam, omnesque voluptates, & delicias, quibus humanum COR perfrui posset, quasi ex altissimâ cathedrâ quid de omnibus his sentiret, ita proclamavit. Vanitas vanitatum, & omnia vanitas. *Eccles.*
 Quid habet amplius homo de universo labore suo, quo laborat sub Sole? Itemque: *I. I.*
 Si Annis multis vixerit homo, & in his omnibus lætatus fuerit, meminisse debet tenebrosi temporis, & dierum multorum: qui cum venerint, vanitatis arguentur præterita. *Idem.*
 Quare per Ironiam tandem ita concludit: Lætare ergo Juvenis in adolescentiâ tuâ, & in bono sit COR tuum in diebus juventutis tuæ; & ambula in vijs CORDIS tui, & in intuitu oculorum tuorum: & scito quòd pro omnibus his adducet te Deus in judicium. Adolescentia enim, & voluptas vana sunt. *II. 8.*

LECTIO III.

EMBL.

CORDIS Gravitas.

3.

Elly hominum usquequò gravi CORDE ?

Psalm. 4. 3.

*Crapula & ebrietas solidi duo pondera plumbi
Nata polo sursum tendere CORDA vetant.*

Lactant.

li. 2. c. 1.

CONSIDERA PRIMO, quòd Pa-
rens ille noster, unus & solus
Deus, ut ait Lactantius, cùm
fingeret hominem, id est ani-
mal intelligens, & rationis capax, eum ex
humo sublevavit, & ad contemplationem
sui Artificis erexit: quod optimè ingenio-
sus Poëta signavit:

Ovidius

Meta-

mor.

*Pronaq, cum spectant animalia cetera ter-
ram,**Os homini sublime dedit, cælumq, videre**Passit; & erectos ad sidera tollere vultus.*

Hinc utique ἀδρᾶνον Græci appellarunt,
quòd sursum spectet. Spectare autem nos
cælum Deus voluit, utique non frustra;
nam & aves, & ex mutis penè omnia cæ-
lum vident: sed nobis propriè datum est
cælum rigidis, ac stantibus intueri, ut reli-
gionem




CORDIS AGGRAVATIO.

Filiū hominum usquequō graui CORDE? *psal. 4. 3.*

Crapula et ebrietas, solidi duo pondera plumbi,

Nata polo, sursum tendere, CORDA vetant.



gionem ibi quæramus, ut Deum, cujus sedes illud est, quem oculis non possumus, Animo contemplerur. Ut verò hoc faciamus, COR nostrum sursum tendere debet. Ipsi enim sibi renuntiant, seque hominum nomine abdicant, qui non sursum aspiciunt, sed deorsum. Humi enim miseri voluntantur, cùm deorsum quærunt, quod in sublimi quærere deberent. Quid ergo rebus inferioribus subjacet humanum COR? quid capiti suo terram homo superponit? cælum potius intueatur, ad cuius spectaculum eum excitat summus Artifex verus Deus. Ille sublimem vultum dedit: ut COR quoque ad sublimia conscenderet. At miser homo in terram suo vitio curvatur, pronusque in humum suâ sponte procumbit, altam mentem, & ad Patrem suum cum Corpore erectam ad inferiora deprimit, tamquam eum pœniteret non quadrupedem esse natum. Optimè proinde monet Boëtius:

*Qui recto cælū vultu petis, exeriq; frontē. B. et. de
In sublime seras Animum quoque, ne gravata pectus. Conso-*

Inferior fidat mens, Corpore celsius levato. lat. Me-

Sursum igitur COR, sursum Animus, sursum mens, totusque homo tendat, ut Auctori suo conjungatur.

CONSIDERA SECUNDO, Ut COR
sursum vergat, deberet esse leve, & à præ-
gravante pondere iniquitatis liberum; le-
via enim sursum, gravia deorsum feruntur.
Quemadmodum igitur Podagrâ laboran-
tem, vel aliter impeditos habentem pedes,
nihil juvat, si reliquum leve Corpus ha-
beat: ita quoque nisi COR nostrum leve
fuerit, ad cælum non conscendet. Quare
summoperè vitanda est CORDIS grave-
do: quod Regius Vates monuit, dicens:

- Pf.* 4. 4. Filij hominum usquequò gravi CORDE?
Quinam autem dicuntur gravi CORDE,
Zac. 5. nisi illi qui talentum plumbeum iniquitatis
7. in CORDE insidens gerunt, nec eo depo-
Matth. sito jugum Christi suave, & onus leve in
11. 29. humeros accipiunt? Quid autem rectius
peccato convenit, quàm nomen ponderis,
aut oneris; quo nimirum ita prægravatur
Exod. 7. peccator, ut in abyssum inferni submerga-
14. tur, sicut plumbum in aquis vehementibus.
Heb. 12 Hinc Apostolus monet, deponere omne
1. pondus, & circumstantes nos peccatum. Et
Pœnitens David deplorat iniquitates suas
Pf. 27. 5 supergressas caput suum, & sicut onus grave
gravatas super se. Ideoque se eorum pōdere
Pf. 37. 7 deorsum incurvatam: Miser, inquit, factus
sum, & curvatus sum usque in finem. Verè
enim miser, & infelix est omnis peccator,
qui

qui eò usque se inclinât, terræque affigit, ut
se malignis Spiritibus pontem substernat ;
& velut ab illis victus, eorum se pedibus
calcarî permittat. Hoc est quod Dominus
apud Isaiam dicit : Qui te humiliaverunt, *Isa. 51.*
dixerunt Animæ tuæ : Incurvare, ut trans- ^{23.}

eamus : & posuisti ut terram Corpus
tuum, & quasi viam transeuntibus. In quæ
verba Gregorius : Malignis Spiritibus in *Gregor.*
nobis locum damus, cùm terrena concupis- *hom. 31.*
cimus, cùm ad temporalia appetenda cur- *in Evāg.*
vamus. Pudeat ergo terrena concupiscere,
& dorsa mentium ascendentibus adversa-
rijs præbere. Quis non Persianum illud ex-
clamet :

O curvæ in terras Anima, & caelestium inanes!

Vel potiùs Davidicum Epiphonema de-
cantet : Filij hominum usquequò gravi *Pf. 4. 3.*

CORDE? ut quid diligitis vanitatem, &
quæritis mendacium? Verè enim (ut Chry- *Chrysos.*
sostomus observavit) optimè David COR *in Pf. 4.*

grave, malorum esse causam dixit, quod
cùm Aurigæ locum teneat, non solum
equum non cohibeat, sed etiam deorsum
præcipitet. Et cùm oporteat carnem alatam
efficere, cùm ægritudinum onere pessum-
datur. Quando ergo vel Auriga, vel Guber-
nator talis fuerit, quænam est spes salutis?

Ne faciamus ergo COR grave, ne, quem-
admodum

admodum navigia, quæ nimium habent saburræ, demergatur.

CONSIDERA TERTIO, Christum Dominum in Evangelio edocuisse, quænam illa sint quæ maximè COR. grave efficiant; *Luc. 21.* cùm dixit: Attendite ne graventur COR-
34. DA vestra crapulâ, & ebrietate, & curis
Chrysol. hujus vitæ. Sicut enim navis, ait Chry-
hom. 9. sostomus, aquis impleta ut exhauriri
in Genes. nequeat, statim submergitur: ita & ho-
 mo cùm crapulæ & ebrietati seipsum
Homil. suam submergit. Idemque alibi: Quem-
45. in admodum servus, quando supra vires
Matth. quidquam impositum est, domino suo
 impudentiùs maledicit: sic & venter ni-
 mium plenus mentem, & cogitationem
 plerumque corrumpit; hinc est quod se
 cognoscere minùs potest. Contrà verò, ut
August. Augustinus dixit: Cùm Anima ab esu,
lib. 99. & potu fuerit liberata, tunc se meliùs
vet. & cognoscit. Sicut enim in Speculo sordi-
nov. test. do non se talem homo aspicit, qualis est;
9. 10. ita & escâ, & crapulâ si quis fuerit gra-
 vatus, alterum se sentit, quàm est.
 Ita bonas omnes cogitationes, quas
 jejunos & sobrios Animus facilè concipit,
 conceptas retinet, retentas in opus
 educit, una crapula obruit, suffocat,
 extinguit.

extinguit. Quemadmodum enim famelici Animus ait Sanctus Maximus, panem *Maxi-* imaginatur, & sitientis aquam: sic homi- *mus lib.* nis crapulosi, & ventri servientis Animus *2. de* non nisi ciborum varias cupédias cogitat. *Charit.* Gnathonis Animus non nisi in patinis est, & culinæ vestibulum non egreditur. Eleganter Tertullianus de hujusmodi: Tota *Tertull.* eorum charitas in cacabis fervet, tota fides *li. contra* in culinis calet, tota spes in terculis jacet, *Ipsychos* quorum Deus venter est, pulmo Tem- *Phil. 3.* plum, aqualiculus Altare, Sacerdos co- *19.* quus. Voluptuarios hos homines porcis Nyssenus comparavit: Nam ut porcorum *Nyssen.* oculi naturâ in terram conversi, rerum cæ- *lib. de* lestium aspectum non habent; sic Animus *Virgini.* Corporis luxu perditus, cùm ad humilia, *cap. 5.* & ad ea quæ sunt pecudum inclinatus sit, non cælum ampliùs, neque reliquarum rerum convenientiam & decorem cernere poterit. Adeò nimirum obbrutescit, cui COR grave est, & terræ affixum; quòd jure merito COR luteum appellandum Chrylostomus censuit.

CONSIDERA QUARTO, Et crapula, & ebrietate, velut fœcundis parentibus, aliam nasci CORDIS gravitatem, quâ nimirum per libidinem terræ affigitur, aut potius in profundo terræ sepelitur: ita ut
homo,

homo, quasi CORDE privatus esset, omni Sapientiâ & intellectu destitutus. Accidisse id legimus prudentissimo Regum Sa-

3. Reg.

3. 12.

lomonî, cui cum ex voto Deus dedisset COR sapiens, & intelligens; in tantum, ut nullus ante eum similis ei fuerit, nec post

3. Reg.

4. 29.

surrexerit: (unde etiam dicitur, accepisse Sapiëntiam & prudentiam multam nimis, & latitudinem CORDIS quasi arenam quæ est in littore maris) hujus tamen tanti Regis depravatum est COR per mulieres;

3. Reg.

11. 29.

adeò ut sequeretur Deos alienos: Nec erat COR ejus perfectum cum Domino Deo suo, sicut COR David patris ejus. Ab illa igitur CORDIS celsitudine mortalium omnium prudentissimum luxuria detraxit; adeoque Excordem reddidit, ut Idololatra fana gentilibus dijs uxorum suarum exstrueret. Causam autem hujus reddit

Bern. l.

de nat.

Et dig-

nit. A-

moris c. 1

Psal. 2

15.

Bernardus: quòd carnalium hominum COR libidine prægravatum in ventrem eorum defluerit, & in brutum transierit, applicans enim eis illud Psalmi, Factum est COR meum tamquam cera liquecens.

in medio ventris mei, subdit: In angusta quippe Corporis parte COR locatum est, ubi quasi medium superiorum sensuum arcem, & Corporis inferioris, sicut populi humilioris, quasi quamdam regeret & dispen-

dispensaret Rempublicam, totamque circumquaque cogitatum & actionum regionem; sed ad concupiscentiæ carnalis ignem degeneri quâdam mollitie liquecens, totum diffluit in ventrem, & in medium ventris, videlicet non sapiens nisi ea, quæ ventris sunt, & de ventre in ventris inferiora omnia confundens, omnia degenerans, omnia adulterans, amoris naturalem affectum pervertens in brutum quemdam carnis appetitum; non solum quæ non licet appetentem cum contumelijs Corporis, in passionibus ignominia: sed adeo oblitum suæ antiquæ generositatis, ut qui creatus erat Deo soli, à corruptis, & corruptoribus suis æstimetur esse potius luxuriæ naturale domicilium, & vitiorum omnium prostibulum. Infelices qui tantum, naturâ reclamante, sibi viluerunt, ut Animæ suæ locum, qui proprius Dei Creatoris erat, & nulli creaturæ communicabilis; sedem satanæ, sedem spurcitiarum, & omnis immunditiæ constituerunt!

CONSIDERA QUINTO, Adversus hanc CORDIS noxiam gravitatem, optimum remedium esse, si illud à voluptatibus revocemus, & inordinatis ejus cupiditatibus fortiter resistamus. In toto enim isto Ani-

Isidor.

Clariss.

dit, orat. 50

2. Cor.
4. 16.

dit, (ut scripsit Clarius) quod in stateris; ut quod uni additur, alterius fiat detrimentum: ut quo magis Corpus alitur, hoc totum ad Animi infirmitatem redundet. Si cum his qui foris noster homo est, corrumpitur, is qui intus est renovatur de die in diem, ut Apostolus scripsit. Detrahendum igitur Corpori est, ut qui intus est CORDIS homo roboretur. COR nostrum in mari hujus sæculi navigat, mille periculis ac procellis expositum: quamobrem si nimium gravetur, exonerandum erit, ut portum cælestis patriæ feliciter attingat. Solent enim Nautæ tempestatis præscij, naufragium timentes, quæcumque in navi sunt fluctibus committere, ne cum navi submergantur. Idipsum nobis faciendum est, imminet enim omnibus horis horrenda tempestas, Mors, inquam; & illam subsequens extremum Dei Judicium, nemini non formidandum, de quo Job dicebat: Semper quasi tumentes super me fluctus timui Deum. Quid igitur nobis faciendum? projiciendæ merces mundanarum voluptatum, & inanes sollicitudines hujus vitæ. Velut tempestate depre-

Job 31.
23.

Greg. in henſi (ait Gregorius) pondus navis abjicimus, quando ab oppressa mente desideria cap. Job. terrena removemus; fitque ut sublevata navis

navis enatet, quæ mergebatur onerata: quia nimirum curæ, quæ in hac vita deprimunt, mentem trahunt in profundum. Opportunum sanè foret, ut unusquisque dispiceret quotannis, immò singulis Mensibus, ac Hebdomadibus, quænam voluptates, curæ, ac sollicitudines COR magis prægravarent, easque si posset omninò præscinderet; sin minus in parte minueret. Ita typicè legimus *2. Reg. 14. 26.* Abialonem gravantem cæsariem capitis semel in Annis totondisse, & ponderasse pondere publico. Quid enim hoc in Arcano sensu significat, nisi ut temporalium rerum voluptates, quæ COR nostrum prægravant, quantum licet abscindamus, easque jam præteritas non nostro affectu, non corrupto CORDIS iudicio, sed publico Sanctorum, & ipsius Dei pondere appendamus; easque ut verè sunt nihili, ac pili faciamus.



LECTIO IV.

EMBL.

CORDIS Avarities.

4. *Divitiæ si affluant, nolite COR apponere.*
 Psalm. 61. 11.

*COR ubi sit queris, vaga, & excors? scilicet
 hic est,
 Est ubi quòd proprio, plus tibi, CORDE placet.*



CONSIDERA PRIMO, Inter ea impedimenta, quæ COR nostrum maximè à Deo avocant, & terræ affigunt, cum primis numerari divitias; quarum vel amittendarum formido, vel acquirendarum aut retinendarum sollicitudo, ita totum hominis Animum occupat, ut nullum in eo divinæ bonitati locum relinquat. Nemo enim alius, ait Seneca, est Deo dignus, quàm qui opes contempsit. Si vis vacare Animo, aut pauper sis oportet, aut pauperi similis. Ut adamas si juxta magnetem ponatur, non patitur attrahi ferrum: aut si admotum magnes apprehenderit, adamas è diverso rapit, atque aufert: ita pecuniæ studium dissidet cum Christiana pietate, & modis omnibus avocat, nec finit adherescere Christo. Vocatur ipse Christus, & verè etiam est Sol justitiæ,

Seneca
 Epist. 18
 Idem
 Epist. 7.



CORDIS AVARITIA.

Diuitiæ si affluent, nolite cor
apponere. *Psal. 61. 11.*

COR ubi sit, queris vaga et excors? scilicet hic est.
Est ubi, quod proprio plus tibi corde placet.

4.

Pag. 112.



justitiæ, qui non nisi à mundo oculo videri potest, sicut scriptū est: Beati mundo Cor- *Matth.*
 DE, quoniam ipsi Deum videbunt. At si di- *5.8.*
 vitiarum pondera oculos nostros obstrin-
 gant, radios divini hujus Solis, velut inter-
 jectum Corpus, impediunt, ne in Animum
 nostrum illabantur; non secus atque umbra
 terræ Solem & Lunam intercurrentes, atrâ
 caligine Lunam obumbrat, ejusque Eclip-
 sim facit. Hinc qui divitijs student, nō tam
 divitiarum domini, quàm veri servi sunt;
 non tam opes habent, quàm ab ijs habeant-
 tur. Multò crebriores invenias, ait Petrar- *Francis.*
 cha, quos propheticus sermo notat viros *Petraro.*
 divitiarum, quàm divitias virorum: sic ni- *dial. 53.*
 mirum cæca cupiditas, vilitasque Animi de
 dominis, servos facit. Dormierunt som- *Pf. 75, 6*
 num suum, ait Regius Vates, & nihil inve-
 nerunt viri divitiarum in manibus suis. In-
 felices prorsus sunt hi viri divitiarum, vera
 potius ipsarum mancipia, Ditis, Plutonis,
 & Mammonæ servituti addicti, qui cæle-
 stem hereditatem negligunt, diversi ab
 Ethnico Poëta, qui dicebat: *Horar.*

Et mihi res, non me rebus, submittere conor, *li. I. Ep. I*
 Tolerabiliorem, ait Ambrosius, esse con- *Ambro.*
 ditionem servulorum: quia serviunt ho- *de Na-*
 minibus, divites Diti, & peccato, semper *bul. c. 6.*
 in vinculis & compedibus.

CONSIDERA SECUNDO, Non in facultatibus crimen hærrere, nec malas esse divitias : sed malam esse earum cupiditatem, Quare optimè admonet Psalmista dicens :

Ps. 61.

11.

Divitiæ si affluant, nolite COR apponere.

Jubet Basilius in homiliâ, cum admiratione hanc suspicere vocem, & animadvertere, quòd suos divitiæ possessores torrente prærapido ocyùs prætercurrunt, & alios alio modo mutant in dominos : sicut ex alto ruens loco fluvius accedit subitò, mox recedit; magis possibile esse ut aquam manu comprehensam contineas, quàm ut divitias

Elias in Orat.

43.

durabiliter conserves. Quemadmodum fieri nō potest, ait Nazianzeni Scholias, Elias : ut qui aquam manu ceperit, eam constringendo retineat (per medios enim digitos elabetur) eodem modo fluxæ divitiæ, si retinere tentes, effluent. Atque hæc est ratio cut divitijs COR non sit apponendum, ne

Aug. in

Ps. 61.

Idem in

Psal. 88

cùm fluxæ sint, simul COR effluat. Non vides, ait Augustinus, quia si ibi COR posueris, & tu flues? Sicut enim flumina currunt in mare: sic cupidi homines in amaritudinē hujus sæculi prolabuntur. Quare optimè ait

1. Tim.

6. 9.

Apostolus: Eos, qui volunt divites fieri, incidere in tentationem, & in laqueum diaboli, & desideria multa inutilia, & nociva, que mergunt homines in interitum, & perditionem.

ditionem. Quis igitur non vehementer timebit, ne COR divitijs appositum, ab illis, velut à molari lapide, in profundum abyssi detrahatur, prorsusque submergatur? Expende verò quid phrasis illa velit, *appondere* COR; idem enim est, ac magni facere, & valdè curare, ut ex alijs Scripturæ locis satis constat. Ita namq; Job Domino dicebat: Quid est homo, quia magnificas eum? aut *Job 7.* quid apponis erga eum COR tuum? Ita Sapiens monebat. Appone COR ad Doctrinam meam. Et ipse de se Salomon ait: Apposui COR meū ut scirem Sapiētiā. Contra verò de obdurato Pharaone Moysis & Aaronis, aut potiùs ipsius Dei minas, plagasque contemnente dicitur: Avertitque se, & ingressus est domum suam, nec apposuit COR etiam hac vice. Quod idem est, ac si dixisset; non animadvertit, non curavit, sed prorsus contempsit. Divitiæ igitur si habeantur, non ijs COR apponendum est; nec magni faciendæ, aut curandæ sunt. Ut enim Cicero ait: Nihil tam angusti, tamque parvi Animi est, quàm amare divitias: nihil honestius, magnificentiusque, quàm pecuniam contemnere. *Exod. 7. 23.* *Prover. 22. 17.* *Eccles. 8. 16.* *Cicero.*

CONSIDERA TERTIO, Quam ob causam COR divitijs non sit apponendū. Hanc autem tradens Augustinus, ita ad Probam

August. Epist. 121. *Pf. 21.* 27. *Math.* 6.21. *In vita ejus apud Saurium.* *Tom. 3.* *Luc. 16.* 22. *Conc. de CORDIS mundi-
tia.*


viduam scribit: Pertinet ad vidualem cu-
ram tuam, divitiæ si affluant, ne apponas
COR, ne in eis putrescendo moriatur, quod
sursum esse debet, ut vivat. Te in illorum
numero deputa, de quibus scriptum est: Vi-
vent CORDA eorum in sæculum sæculi. Mo-
ritur ergo COR, quod divitijs apponitur.
Quomodo enim illud viveret à Corpore &
anima tam longè separatum? Non enim in
Corpore esse putandum est, quod opibus
nimium adhæret: Ubi enim est thesaurus
tuus, ait Christus, ibi COR tuum erit. Quod
manifesto exemplo S. Antonius de Padua
comprobavit: Cùm enim in exequijs cujus-
dam usurarij prædicta Christi verba pro
Concione tractaret, inter cetera ait: Mor-
tuus est hic dives, & sepultus est in inferno;
ite ad thesaurũ ejus, & in illius medio inve-
nietis COR ejus. Corpore jam humato, ab-
ierunt homines, parentes & amici, & COR
adhuc calidum in medio nummorum ejus
invenerunt. Affine huic est quod ex Aucto-
re de dono timoris refert Gabriël Inchino
de Avaro quodam, post plurimas divitias
coacervatas, subitanè morte extincto:
cujus Corpus cùm amici, ut quo genere
mortis sublatus esset intelligerent, disseca-
ri curavissent: COR ejus minimè repere-
runt. Quamobrem attoniti, ac stupefacti,
ad

ad cistam, in qua thesauri illius asservabantur, cucurrerunt, eaque reſerat, COR illius ibidem invenerunt; ſed inter ungues diaboli, qui in ſpecie draconis theſauris illis incumbens, articulis, & unguibus ſuis miſerum COR Averi illius diſcerpebat, atque dilaniabat; his verbis eos alloquens: Amicus veſter propter aurum & argentum hoc COR ſuum mihi vendidit, atque idcirco jure optimo meum illud eſt; non ipſius, mihiſque inde licet facere quidquid mihi collibitum fuerit. Permiſit Deus id ita fieri, ut omnibus ad oculum oſtenderet, veriſſimam eſſe ſententiam illam Evangelicam: Ubi eſt theſaurus tuus, ibi eſt COR tuum. *Matth.*

CONSIDERA QUARTO, Alias rationes 6.21. cur divitijs COR apponi non debeat: quas Chriſtus Dominus indicavit, cum eas ſpi- *Luc. 8.* nis, verbum Dei ſuffocantibus, ſimiles eſſe 6. dixit. Spina enim primò & dolorem creat, *Ludolph* cum infigitur, & cum infixamaneſt, & cum *de vita* extrahitur: ſic divitiarum magno labore acqui- *Chriſt.* runtur, majore timore conſervantur, & *part. 1.* maximo dolore amittuntur, juxta illud *cap. 64.* B. Bernardi: Divitiarum, inquit, amor longe amplius deſiderio torquet Animam, *Bernar.* quàm refrigeret uſu; utpote quarum ac- *converſ.* quiſitio quidè laboris! poſſeſſio verò timo- *ad Cler.* ris, amiſſio plena doloris invenitur. Secun- *cap. 12.*

dò, ut colligi spinæ non possunt, quin manum lædant: sic comparari divitiæ vix possunt, quin Anima lædatur. Tertiò, quemadmodum spinæ non nisi in extremitate pungunt, cùm reliquum Corpus planum, & tractabile sit: ita divitiæ nunc quidem videntur dulces; sed in morte horribiliter pungunt, ut sanguinem CORDIS eliciant. Nemo moriens tãto dolore afficitur, quanto Avarus. Unde Sapiens: O Mors, quàm amara est memoria tua homini habenti pacem in substantia sua! Quartò, qui spinas laxâ, & apertâ manu tenet, illarum non pungitur aculeis: sin verò manum contrahat, quò magis contrahit, eò magis fauciat. Sic divitiæ, si expansâ & liberali manu ferantur, noxiæ non sunt, sed causa meriti; si verò arctiùs eas comprimis, si avidè constringis, & tenes, si difficulter eas à te, perinde ac si viscera tua essent, avelli sinas, jam Animum tuum mortiferis aculeis cruentant, Disce ergo illis COR non apponere; sed potiùs cum Sanctis illas contemplare, & nudum Christum nudus sequi: aut saltem, à nimio divitiarum amore expeditus, signata ab eo vestigia vel à longe subsequere.

Ecli.
41.1.





CORDIS DVRTIES .

COR suum posuerunt ut adamantem,
ne audirent legem . zach . 5 . 12 .

*Nec te verba mouent , nec verbera , nec mea dona ,
Ferreæ præduri COR adamantis habens .*

5.

Pag. 119.

LECTIO V.

CORDIS Durities.

EMBL.

5.

*COR suum posuerunt ut adamantem, ne
audirent legem. Zachar. 7. 12.*

*Nec te verba movent, nec verbera, nec mea
dona,
Ferreæ, præduri COR adamantis habes.*



CONSIDERA PRIMO, Nihil
esse quod COR ita à Deo
avertat, illiusque conver-
sionem impediat, quàm
ipsius CORDIS duritiem :
hæc ipsi Deo pertinaciter

resistit, omniaque media salutis respuit.
Hanc Judæis Sanctus Stephanus ita ex- *Act. 7*
probravit, dicens : Durâ cervice, & incir- *51.*
cumcisi CORDE, & auribus; vos semper
Spiritu Sancto resistitis! Sed quid est COR *Orig. l. 1.*
durum? COR durum, inquit Origenes, in *Epist.*
in Scripturis dici videtur, cùm mens hu- *ad Rom.*
mana, velut cera frigore iniquitatis ob- *Tom. 3.*
stricta, signaculum Imaginis Divinæ non
recipit. Cui consonat Philo, dicens: Ani- *Philo li.*
ma, ceræ more; (ut priscus quidam ait) *Quis*

devinar. si dura sit, formas respuit, nec sibi finit im-
verum primi: sin autem sit obsequens, aut medio-
heres? criter facilis, profundè sigilla recipit. Ita-

que durum COR omnes Dei impressio-
 nes, inspirationes, admonitiones rejicit,
 quibus COR molle acquiescit. Quare op-

Bern. li. timè dixit Bernardus: Nemo duri COR-

1. Cōsid. DIS salutem umquam est adeptus: nisi

cap. 2. quem fortè miserans Deus abstulit ab eo

Ezech. (juxta Prophetam) COR lapideum, & de-

36. 26. ditilli COR carneum. Pergit verò ipse

CORDIS duritiem Graphicè describere:

Quid igitur, inquit, COR durum? ipsum

est quod nec compunctione scinditur, nec

pietate mollitur, nec movetur precibus; mi-

nis non cedit, flagellis duratur. Ingratum

est ad beneficia, ad consilia infidum, ad ju-

dictia sævum, inverecundum ad turpia, im-

pavidum ad pericula, inhumanum ad hu-

mana, temerarium ad divina, præteritorum

obliviscens, præsentium negligens, futura

non providens. Ipsum est cui præterito-

rum, præter solas injurias, nihil omninò

non præterit, præsentium nihil non perit,

futurorum nulla, nisi fortè ad ulciscendum,

prospectio, seu præparatio est: & ut in

brevi cuncta horribilis mali mala comple-

ctar, ipsum est quod nec Deum timet, nec

hominem reveretur.

CONSIDERA SECUNDO, Eam esse
 CORDIS humani duritiem, ut rigidissimis
 omninò rebus, & quæ vix arte domari
 possunt, comparetur. Sanctus Gregorius
 ait: Ære, ac lapidibus insensibilium homi- *Greg. lib.*
 num CORDA signantur; qui sæpè & super- *7. Mo.*
 nos ictus accipiunt, & tamen nullâ disci- *cap. 9.*
 plinæ percussione mollescunt. Sed & ipsa
 sacra Scriptura easdem adfert compara-
 tiones, durum COR vocans lapideum; ho- *Ezech.*
 mines verò hoc CORDE præditos, Deus *36. 26.*
 vocat populum duræ cervicis, filios durâ *Exod.*
 facie, & indomabili CORDE. Sic Itaias *32. 9.*
 ait: Scio quia durus es tu, & nervus terreus *Isaia*
 cervix tua, & frons tua ærea. Nec diffi- *48. 4.*
 militer Jeremias ait: Induraverunt facies *Jerem.*
 suas supra petram, & noluerunt reverti. *5. 3.*
 Quorsum autem dicit supra petram? nisi ut
 designet majorem esse CORDIS duritiem
 quàm lapidis, ferri, & æris. Constat sanè
 metalla, etiam durissima, igne liquefie-
 ri, & à fabro edomari. At filij hominum
 indomabili sunt CORDE, quod nec igne
 divini amoris liquefcit, nec ictibus divi-
 narum comminationum emollitur. Mal- *Jerem.*
 leus conterit petras, & gutta excavat la- *23. 29.*
 pidem. In Christi Passione petræ quo- *Job 14.*
 que scissæ sunt, & monumenta aper- *19.*
 ta; sola autem hominum CORDA, pro *Matth.*
 H 5 quibus *27. 51.*

quibus solis Deus patiebatur, nullo pietatis sensu permoventur, aut ad poenitentiam scinduntur. Unde hæc dura, & obdurata **CORDA** adamanti à Propheta

Zachar. comparantur : Noluerunt attendere, &

7.11. averterunt scapulam recedentes, & aures suas aggravaverunt ne audirent, & **COR** suum posuerunt ut adamantem, ne audirent legem. In rerum universitate nihil

adamante durius esse multi scribunt; idque nomine suo Græco præfert, 'Αδάμας enim idem quod indomabilis dicitur, de quo tamen, ut Rupertus ait, illud mirandum, quòd cùm tantæ sit duritiæ, solo perfusus sanguine hirci, statim dissolvitur.

*Rupert.
in Zachar.*

Verùm superat adamantem durities **CORDIS** humani, illud enim nec sanguine hirci mollescit & sedatur, nec Sanguine illius Agni immaculati, qui se pro nobis in Crucis ara hostiam constituit, & Sanguinem profudit, ut Amicos nostros perturbationem callo efferatos mitigaret, viamque muniret ad vitam immortalem consequendam. Hoc intuens D. Bernardus exclamat: O duri & indurati filij Adam, quos non emollit tanta vis amoris? Miratur & nostro tempore hanc **CORDIS** duritiem Bernardus alter, eamque his versibus perstringit:

Caucasæa rupes dura, sunt robora dura, Bernar:
Duraq; tardipedem cornua torva boum; Bauhu-
Dura flex, vitreumq; gelu, dens durus aratri, fuis li. 1.
Duraq; de parijs marmora scissa jugis; Epigrā,
Duraq; quæ Siculis restant incudibus æra,
Ignibus ingenium vix domitura suum;
Et lassi quondam Brontes, Sieropesque fatētur
Durius aeterno nil adamante dari.
Dura hæc; sed qui oculis siccis te, Christe
tuetur
Pendentem teneras ad duo ligna manus;
Et tua purpureo rorantia membra cruore,
Diaq; vulnifico tempora cincta rubo,
Qui videt hæc lentus, celeri neque carpitur
igne,
Nec se Magdaleas eliquat in lacrymas,
Robore, rupibus, & silice hic, cornuq; geluq;
Ferro, adamante, ære, & marmore durior
est.

CONSIDERA TERTIO, Multiplicia
 mala, & maxima damna quæ CORDIS du-
 rities adfert. Primò enim deferuntur à
 Deo, qui durum COR habent; unde Apo-
 stolus ait: Tradidit eos Deus in desideria *Rom. 1.*
 CORDIS eorum, in immunditiam. Et ipse *24.*
 Deus per Psalmistam: Non audivit popu- *Pf. 80.*
 lus meus vocem meam, & Israël non inten- *12.*
 dit mihi. Dimisi eos secundum desideria
 CORDIS eorum, ibunt in adinventionibus
 suis.

- Pf. 72.* suis. Hi sunt qui transierunt in affectum
7. CORDIS. Quidquid enim CORDE affecta-
 runt, & concupierunt, hoc assecuti sunt,
 omniaque eis ex voto successerunt. Secun-
 dò, tales, ut ait Sapiens, latantur cùm
Prover. malè fecerint, & exultant in rebus pessimis,
2.14. quorum vitæ sunt perversæ, & infames
 gressus eorum. Et iterùm: Quasi per ri-
Prover. sum stultus operatur scelus. Tertiò, quòd
10.23. ex hoc sequitur, fiunt impudentes ad
 peccandum, unde Ezechiël ait: Omnis
Ezech. domus Israël attritâ fronte est, & duro
3.7. CORDE. Frontem, inquit Gregorius,
Gregor. CORDIS in impudentiam, atterit culpa
homil. frequens, ut quò crebriùs committitur,
10. in eò de illa committentis Animus minùs ve-
Ezech. recundetur. Atque ideò ad tantam COR-
 DIS duritiam quandoque peccator perve-
 nit, ut jam in correptione sensibilis non
 sit, quia qui usu peccandi induruit, nullo
 modo corripientis verbum, id est, ma-
 num palpantis sentit; sicut Judææ cre-
 briùs delinquenti dicitur: Frons mere-
 tricis facta est tibi, noluisti erubescere.
Jerem. Hinc Quartò ad omnes Dei monitiones,
3.3. & increpationes, aures, oculos, & COR
 clausum habent: Incrassatum est, inquit
Matth. Christus, COR populi hujus, & auribus
13.15. graviter audierunt, & oculos suos clau-
 serunt,

serunt , ne quando videant oculis , & auribus audiant , & CORDE intelligant , & convertantur , & sanem eos. Hinc sensim demerguntur in profundum , ut non tantum contemnunt remedia , salutis , sed omninò insensibiles fiant , ut medijs etiam periculis indormiant. Audi Scripturam : Eris sicut dormiens in medio Mari *Prover.* & quasi sopitus Gubernator amissio cla- 23.34. vo , & dices : Verberaverunt me , sed non dolui : traxerunt me , & ego non sensi. Quid verò malorum hanc ilia- dem consequitur , nisi quòd , Quintò , fiant omninò incorrigibiles ; unde de ijs ait Sapiens : Considera opera Dei , quòd *Ecclef.* nemo possit corrigere quem ille despex- 7.14. rit. Et Sapientia : Nequam est natio eo- *Sap. 12.* rum , & naturalis malitia ipsorum , & 10. non poterit mutari cogitatio eorum in perpetuum. Malum porrò hoc excipit malorum omnium maximum , finalis nempe impœnitentia , & vindicis Dei ira. Benignitas Dei (inquit Apostolus) ad *Rom. 2.* pœnitentiam te adducit , secundum au- 4. tem duritiam tuam & impœnitens COR thesaurizas iram in die iræ. Quàm meritò ergo dicit Scriptura : COR durum ma- *Ecc. 3.* le habebit in novissimo. Etenim sicut 27. *Ægyptij* , cum suo Pharaone obdurati , *Exod.* dum 15.5.

dum abeuntes Iſraëlitas perſequuntur, flu-
tibus Maris rubri involuti deſcenderunt
in profundum quaſi lapis : ita dura, &
obdurata CORDA, inſtar molaris lapidis,
magno impetu ſcunt in barathrum abyſſi
infernalis.

CONSIDERA QUARTO, Quantopere
timere debeas, ne ſenſim ſenſu ſpiritali
priveris, patiarisque te paulatim trahi,
Bernar. lib. 1. de & duci ad COR durum. Nec pergas quæ-
Conſid. lib. 1. de rere, ait Bernardus, quid illud ſit, ſi non
cap. 2. expaviſti, tuum hoc eſt. Solum eſt COR
durum, quod ſemetipſum non exhorret;
quia nec ſentit. Expaveſce ergo, Anima
fidelis, & audi Pſalmiſtam præclare ad-
Pſ. 94. hortantem: Hodie ſi vocem Domini au-
8. dieritis, nolite obdurare CORDA veſtra.
Hebr. 3. Audi & divinum Paulum: Adhortamini
13. voſmetipſos per ſingulos dies, donec ho-
die cognominatur; ut non obduretur
qui ex vobis fallaciâ peccati. Cave pecca-
torum fallaciam, quæ in duri CORDIS
ſcopulum, velut Syrenes fallaces, pertra-
hit. Dum enim peccato non reſiſtitur, ad
aliud mox prolabitur; atque ita in con-
ſuetudinem peccandi, & quamdam ve-
lut neceſſitatem homo adducitur. Vul-
Bernar. lib. 1. de neri vetuſto, ait Bernardus, & neglecto
callus obducitur; & eò inſanabile, quò
inſenſi-

insensibile fit. Enimverò nisi peccatrix *Consid.*
 Anima citò de remedio consolationem *cap. II;*
 recipiat, de assiduitate contrahit stupo-
 rem : ita nimirum in CORDIS duritiam
 itur, & ex illa, in aversionem. Quod
 à CORDE nostro Deus CORDIS nostri
 avertat.



LECTIO VI.

EMBL.

CORDIS Divisio.

6.

Divisum est COR eorum, nunc interibunt.
Olea 10. 2.

Me tibi cū totum dederim, vanissima,
CORDIS

Cur mihi Virgo tui pars aliquanta datur?



ONSIDERA PRIMO, Benignissimo Deum humani CORDIS tam esse amantem, ut solus sibi illud exposcat: adeò verò zelotypus est, nullum ut om-

ninò in ejus consortium admittat. Hinc est quòd semper totum COR sibi exhiberi postulet, vult enim nos toto CORDE ad se converti. Ita enim per Joëlem dicit: Convertimini ad me in toto CORDE vestro. Vult quæri toto CORDE; ita enim Moyles edixit: Cū quæsieris Dominum Deum tuum, invenies eum: si tamen toto CORDE quæsieris. Et ipse Dominus: Quæretis me, & invenietis: cū quæsieritis me, in toto CORDE vestro. Vult serviri sibi toto CORDE:

Quid

Joël. 2.

12.

Deuter.

4. 29.

Jerem.

29. 13.




CORDIS DIVISIO.

Diuisum est COR eorum, nunc
interibunt . *psa. 10. 2.*

*Ne tibi cum totum dederim, vanissima, CORDIS,
cur mihi virgo tui pars aliquanta datur.*

6.

Pag. 128.



Quid enim petit Dominus Deus tuus, ô *Deuter.*
 Israël, à te, nisi ut timeas Dominum Deum 10. 12.
 tuum, ac servias ei in toto CORDE tuo?
 Amari vult toto CORDE : scriptum est
 enim : Diliges Dominum Deum tuum, ex *Matth.*
 toto CORDE tuo, & ex tota Anima tua, & 22. 36.
 in tota mente tua. Laudantur quoque qui 3. *Reg.*
 ambulant coram Deo toto CORDE suo. 8. 23.
 Et qui toto CORDE sequuntur Deum. 2. *Paral.*
 Et qui custodiunt præcepta & testimonia, 34. 31.
 & justificationes Dei in toto CORDE suo. *Judith*
 Et qui orant Deum toto CORDE suo. 4. 17.
 Monemur quoque habere fiduciam in *Prover.*
 Domino ex toto CORDE nostro. Nullam 3. 5.
 igitur partem CORDIS abesse vult, qui
 toties totum COR postulat. Merito proin-
 de minatur Augustinus : Væ duplici COR- *August.*
 DE! de suo partem faciunt Deo, & par- *super Jo-*
 tem faciunt diabolo. Iratus Deus, quia sit *annem.*
 ibi pars diabolo, discedit, & totum diabo-
 lus possidet. Quare mirandum minimè est
 si dixerit Propheta : Divisum est COR co- *Osea 10*
 rum, nunc interibunt. Quis enim vivat 2.
 CORDE, vel Corpore diviso? Jure proin-
 de reprobi erant, & à populo Dei segre- 4. *Reg.*
 gati Samaritani, eò quòd & Dominum 17. 8.
 colebant, & pariter dijs Assyriorum ser-
 viebant. Jure quoque Deus per Prophe- *Sophon.*
 tam maledixit eis, qui jurant in Domino, 1. 5.

& jurant in Melchon, Idolo sic dicto?

3. *Reg.* Quàm graviter verò Elias increpat : Ut
18.21. quid claudicatis in duas partes? si Domi-
nus est Deus, sequimini illum; si autem

Baal, sequimini illum. Sic etiam Samuël

1. *Reg.* monebat : Si in toto CORDE vestro re-

7.3. vertimini ad Dominum, auferite deos a-
lienos. Quinam autem sunt dij alieni, nisi
ea quæ homines relicto Deo diligunt, ac-
colunt? atque hinc existit CORDIS divi-
sio, cùm fieri non possit ut Deum eodem

CORDE diligamur, quo diligimus mun-

1. *Cor.* 7. dicebat: Qui cum uxore est, sollicitus est
33. quæ sunt mundi, quomodo placeat uxori,
& divisus est. Quomodo verè divisus? in

multas nimirum curas distractus, ut uni

Domino vacare non possit; sed partem

Deus, partem, & potiozem uxor, & filij si-

bi vendicent. Ita quoque in alijs quæ ama-

Hugo. mus accidit: COR enim hominis, ut Hugo

ait, quod prius divino amori fixum, stabile

perstiterit, & unum amando unum perman-

sit, postquam per desideria terrena defluere
cœpit, quasi in tot divisum est, quot ea sunt,
quæ concupiscit.

CONSIDERA SECUNDO, Plurimis

typicis figuris Deum nos instruxisse, ut illi

1. *Reg.* totum COR offeramus, Non potuit stare

5.2. Idolum

Idolum Dagon in eodem Altari cum
 Arca Dei. Coangustatum est stratum, *Isaie*
 ita ut alter decidat, & pallium breve 28.20,
 utrumque operire non potest. Quæ enim
 hæc Arca? quis hic lectulus duos non
 admittens, nisi COR nostrum, gemi-
 nos non capiens amores. Noluit Do- *Levit.*
 minus agrum unum semine conseri di- 199.
 verso: noluit arari in bove, & asino *Deuter.*
 iugo jugatis uno: noluit vestes lanâ li- 22.10,
 noque mixtim contexi, vel Judæos ijs in-
 dui. Quæ omnia nihil aliud significant,
 quàm diversos affectus, sibi que dissimi-
 les in eodem CORDE existere non pos-
 se, Et quod Christus dixit: Neminem *Matth.*
 posse duobus Dominis simul servire: aut 6.24.
 enim unum odio habebit, & alterum
 diligit; aut unum sustinebit, & alte-
 rum contemnet. Prorsus enim ita est,
 non potest homo duos fines contrarios
 simul intendere; non potest ad opposi-
 tos terminos currere, & qui duos secta-
 tur lepores, neutrum capit. Sapienter
 Sanctus Anselmus. Sic est de CORDE *Anselm.*
 hominis & amore Dei, quomodo de *Epist.* 2.
 vasa & oleo. Nam sicut vas, quantò *ad Hu-*
 magis habet aquam, aut alium similem *gon.*
 liquorem, tantò minùs capit oleum:
 ita COR in quantum occupatur alio

amore, excludit divinum. Alia similitudine id exponit Nazianzenus :

*Carm. 2. Namque duplex veluti cernens caput, oraq;
bina.*

*Aut etiã geminas spectans in codice chartas
Non totam verè poterit comprehendere formã,
Id licet obnixè studeat, sed parte retentiã,
Effugiet sparsum, & tenuẽ pars altera visu:
Sic Christo & mundo quisquis partitur a-
morem,*

*Hujus amor planè levis est & frigidus : At
qui*

*Totã Animi flammã penitus defixit in uno,
Ille procul dubio cõstans, & certus Amator.*

CONSIDERA TERTIO, Eos qui partim mundo, partim Deo Cor suum tradunt, facillimè à diabolo superari. Similes enim sunt degeneri cuidam Aquilarum generi, quod in aqua venatur : unum enim pedem clausum, more anseris, habet, quo natat; alterum aduncum & acutum, quo, more ceterarum Aquilarum, prædam rapit. Tales sunt, qui volunt duobus Dominis servire ; Deo, appetendo cælestia ; & diabolo, amando terrena. Habent semper cum pede aquilino, pedem anserinum, cum affectu spirituali affectum terrenum. Ad utramque ripam volunt pascere, & hîc cum delitiosis natare in fluxis fortunæ bonis ; & sursum cum viris spiri-
tualibus

Pet.

Bercho.

redu-

etor. mo-

ral. lib.

7. cap. 2

tualibus evolare, ut prædam cælestem rapiant. Sed isti degeneres sunt, & à corvo, qui diabolum notare potest, facilè superantur. His accedat quòd qui Deo & mundo frui concupiscunt, omni prorsus voluptate (quam tamen tantopere ambiunt) destituantur. Mundi enim gaudijs se totos tradere reformidant; à spiritualibus verò excluduntur, quia COR mundanâ fæce infectum, divini favoris incapax est: itaque miseri penduli hærent; nec Deo, nec mundo conjuncti. Appositissimè proinde Virginem Nazianzenus hortatur, ut se totam Christo tradat, nullâ parte mundo relicta:

Sed te, ait, junge Deo, procul hostem pelle Nazia.

malignum,

carm. 3.

Christi tota manens; tenera nec subdita in præ-

carni.

cept. ad

Nec velut in lepida fieri solet orbe chorea, Virg.

Hunc dextrâ, hunc levâ teneas, quantumq;

propinqua

Tantum etiam à Christo sis omnipotente

remota,

Et simul addicas Animum carniq;, Deoq;.

CONSIDERA QUARTO, Quàm meritò Animarum nostrarum Sponsus totum COR nostrum desideret: cùm ille prior seipsum ultrò nobis totum impenderit. Nam, ut canit Ecclesia:

Arevia. Senascens dedit socium,
Roman. Convescens in edulium,
 Se moriens in pretium;
 Se regnans dat in premium.

Quidquid de nostro assumpsit, totum nobis contulit ad salutem. Expende verò
Andrea. eum qui præcipit se amari ex toto CORDE,
Capella. prius lanceâ latus suum transverberari vo-
Medi. 3 luisse, ut eo patefacto COR suum nobis
in Dom. donaret. Eum qui jubet se amari ex tota
12. p. st Anima, primò Animam suam pretiosissi-
Peni. mam, mœrore & tristitiâ confici, & ad
 mortem usque, nostri causâ, coangustari
 voluisse. Eum qui mandat se ex omnibus
 viribus amari, nostri amoris gratiâ, om-
 nes vires suas in Cruce consumpsisse;
 usque adeò, ut ijs contritis, & exhaustis,
 in manus Patris Spiritum exhalayerit.
 Quin igitur totum COR tradimus Deo,
 qui se totum nobis, & pro nobis obtulit?
 Poterat sanè clementissimus Redemptor
 noster Iesus, vel unicâ Sanguinis sui gut-
 tulâ, immò solo CORDIS gemitu, mille-
Ephes. nos, si fuissent, Mundos redimere: sed
2. 4. propter nimiam charitatem quâ dilexit
 nos, voluit totum Sanguinem suum, or-
 be toto pretiosorem, pro nobis effunde-
 re. Ut quid igitur avari, & parci erimus
 erga tam liberalem Amatorem, ut ei non
 nisi

nisi modicam particulam CORDIS nostri largiamur ? Quanam hæc ingratitude & illiberalitatis species est, ut tantâ dilectione præventi, tam exiguâ parte respondeamus ? immò ne respondeamus quidem, si adulterinis amoribus COR nostrum quoque pateat. Minùs enim te, Domine, amat; *August. cap. 19. soliloq.* qui tecum aliquid amat, quod non propter te amat. Ille quippe singularis amor est, qui soli, non adjungit alterum. Sufficis, ò Anima, Deo; sufficiat & tibi Deus, ut nullum præter eum Amatorem admittas; nulli partem CORDIS tribuas, sed totum da illi, qui se totum tibi dedit. Revoca omnem CORDIS tui affectum ab universis rebus creatis, eumque in unum coge, & uni Dilecto tuo totum impende, qui se tibi totum impendit.

Nam veluti latomi solertes, quiq; fabri- *Nazia.*
lem *de Laud.*

In lignis artem exercent; cùm linea recta *Virgin.*

Quaritur, exactâq; operâ captatur am-
fus,

Ex oculis unum claudunt, & lumine toto

In socium fuso, risus acieq; coactâ

Recta, sequente, tenent, duro, vestigia
ferro.

Sic collectus amor, propius conjungit a-
mantiam

*Pectora casta Deo ; cupientem qui cupit,
atque*

*Cernentem cernit, siq̃ obuius aduenienti,
Quem quò quis plusquam cupit, hoc mage
cernit eundem,*

*Quòque magis cernit, tantò magis expetit
illum*

*Cernere : siq̃ bonus semper conuoluitur
Orbis.*







CORDIS INSATIABILITAS.

Insatiabilis oculus Cupidi. *Echi. 12.9.*

Non triquetrum toto COR est satiabile mundo,

Solum, quæ fecit COR replet vna trias.

7.

Pag. 137.

LECTIO VII.

CORDIS Infatiabilitas.

EMBL.

7.

Infatiabilis oculus Cupidi.

Eccli. 14.9.

*Non triquetrum, toto, COR est satiabile,
mundo:**Solum qua fecit, COR replet una Trias.*

CONSIDERA, Eam esse
CORDIS tui capacitatem, ut
nulla creatura quantumvis
magna illud replere, ac sa-
tiare queat. Unde quidam

Cornel.

Philosophus interrogatus, *in præm*quid minimum esset simul & maximum; *in 12.*cùm unus dixisset esse oculum, eò quòd *minor.*membrorum sit minimum, & tamen *Proph.*

totum mundum, qui maximus est, visu

comprehendat. Respondit non esse ocu-

lum, sed COR: quia COR non solum

mundum, sed & ea quæ supra mun-

dum sunt; adeoque res infinitus mente,

amore, & affectu complectitur; nec ullâ

re, nisi Deo repleri, & satiari potest. Qui *Bernar.*pecuniam diligit (inquit Bernardus) non *lib. de*

Conver. satiatur: qui luxuriam diligit, non satia-
ad Cler. tur: qui gloriam quærit, non satiatur:
cap. 22. denique qui mundum amat, numquam sa-
 tiatur. Sic fatui filij Adam porcorum vo-
 rando siliquas, non esurientes Animas, sed
 esuriem ipsam pascitis Animarum. Sola
 nimirum hoc edulio inædia vestra nutri-
 tur, sola fames alitur cibo innaturali. Non
 prius satiabuntur CORDA hominum au-
 ro, quàm aurâ Corpora satientur, tantum
 enim

*Crescit amor nummi, quantum ipsa pecu-
 nia crescit.*

atque ut canit Seneca:

Seneca Cupit hic gazis implere famem,
in Herc. Nec tamen omnis plaga gemmiferâ
Orleo. Sufficit Istri; nec tota sitim
 Lydia vincit, nec quæ Zephyro
 Subdita tellus, stupet aurato
 Fulmine clarum radiare Tagum:
 Nec si totus serviat Hebrus,
 Rurâq, dives cingat Hydaspes,
 Intraq, suos currere fines
 Spectet toto flumine Gangem,
 Avidis. Avidû natura parum est.

Hinc optimè Avarorum cupiditatem cum
Chrysos. febricitantium siti Chrysostomus com-
hom. 28. ponit: Quemadmodum, inquit, qui acu-
in Mat. tæ bilis ardore febricitant, non solùm

ex-

extinguunt ardorem potu, verum etiam accendunt; sic qui Avaritiâ laborant, cum huic cupiditati, omnibili acerbiori, pecuniam offerunt, majori seiplos flammâ incendunt. Hinc insatiabile COR Avari, numquam dicit, Sufficit; nec libidinosus satiatur voluptate;

Nam sibi cuncta petens, numquam sat- Claud.
randa Cupido,

Quæ velut immanes reserat dum bellua ri-
ctus,

Expleri, pasciq, nequit.

Quis verò honorem titulis expleri COR-
DIS cupiditatem credat? cum de his
dicat Seneca: Numquam improbæ spei,
quod datur satis est: omnia meruisse
se existimat, nec satis pretio æstima-
tum putat. Majora enim cupimus, quò
majora venerint, intentioque concita-
tior est: ambitio enim, sive cupidi-
tas, ut flammæ infinita vis, acrior est,
quò ex majori incendio emicuit. Ve-
rè sic est: nullo termino clauditur dig-
nitatum ambitus, quantumvis enim
Deus.

Praclaris Avidos ornet honoribus.

Nil jam parva videntur,

Sed quasita vorans seva rapacitas

Alios pandit hiatus.

B. etius
lib. 2.

Metro
2.

Nil

Nil ergo in hoc toto terrarum orbe inveniri potest, quod CORDI nostro sufficiat. Quid enim sunt omnia quæ mundus continet? Audi Sapientem quemdam:

Lips. in *Humana cuncta fumus, umbra, vanitas,*
Epitaph *Et scenæ imago (S verbo ut absolvam)*
 NIHIL.

Quomodo autem Nihilum hoc immensum CORDIS nostri sinum replere posset? Nimirum ad imaginem Dei facta Anima (inquit Bernardus) ceteris omnibus occupari potest, repleti non potest. De se id Augustino loquenti credere possumus: Ego, ait, aliud, & aliud sequebar, & à nullo implebar: dum non in me inveni-
Bern. sup. *bam te, incommutabile, & singulare*
per E- *indivisum, unum bonum, quod consecu-*
vang. *tus non egeo; quod consecutus, non do-*
Ecce *leo; quod possidens, satiatur totum deside-*
non re- *rium meum.*
liqui-
mus.
August. *CONSIDERA SECUNDO, Ipsam CORDIS*
Soliloq. *humani figuram insinuare ejusdem immen-*
cap. 13. *sam capacitatem: habet enim formam Py-*
 ramidis, quæ, uti sensu clarum est, per-
 fectum efficit triangulum. Nulla autem
 alia figura triangularem replere potest, nisi
 ipsa quoque triangularis fuerit. Mundus
 autem, Cælum, Astra, Elementa, rotundæ,
 sive Sphericæ sunt figuræ: non igitur quod-
 libet

libet horum COR trigonum adimplere potest. Semper enim in tribus angulis vacuitas apparebit : atque hinc configitur, totum ne quidem mundum humani COR- DIS cupiditatem posse satiare. Declaravit id inexplebilis illa Alexandri Magni cupiditas, qui Anaxarcho comiti suo, ex aucto- *Valeri.* ritate Democriti Præceptoris innumeros *Max. li.* mundos esse referenti ; heu me (inquit) 8. c. 15. miserum, quòd nec uno quidem adhuc sum potitus ! Augusta homini (inquit Valerius Maximus) possessio gloriæ fuit, quæ deorum omnium domicilio sufficit. Hinc Curtius scribit quemdam Alexandro dixisse : Si dij habitum Corporis aviditati Animi tui parem esse voluissent, Orbis te non caperet. Alterâ enim manu Orientem, alterâ contingeres Occidentem. Quare de eo etiam Juvenalis cecinit :

Unus Pellao juveni non sufficit Orbis, Juvenal.
Æstuat infelix angusto limite mundi, Satyr.
Ut Gyare clausus scopulis, parvaq; Seri- 10.
pho.

Angustior quoq; desiderio illius fuit mundus universis ; de quo Petronius cecinit :

O bem jam totũ Victor Romanus habebat, Petron.
Quã mare, quã terra, quã sydas currit arbiter
utrumque, in Satyr.
Nec satiatus erat.

Admi-

Admirare ergo, & obstupelce hanc tantam CORDIS tui immensitatem. O cude interiori didicim, & cupidum COR habes; parvum est, & magna capit! Vix ad unius mulvi refecionem sufficere posset, & totus mundus ei non sufficit. Solo CORDE per totum mundum vago motu discurre, sine pedibus curris, sine manibus operaris, alas non habes, & volare non cessas. Divitias quotidie congregas; & satiari non potes. Idemque alio loco ait: Humanum COR per multa dispergitur, & hoc illucque quarit ubi requiescere possit, & nihil invenit, quod ei sufficiat, donec ad ipsum redeat. A cogitatione in cogitationem ducitur, & per varias occupationes, & affectiones variatur; ut saltem varietate ipsarum rerum impleatur, quarum qualitate satiari non potest. Sic labitur CORDIS miseria, subtractâ divinâ gratiâ. Contemne ergo, Anima mea, hæc omnia, quæ COR tuum implere non possunt.

Bernar. de interiori do- mo cap. 63. Contemne hæc visibilia, quia non satia- tur oculus visu. Contemne narratu jucunda, & curiosis grata mentibus; quia auris auditu non impletur. Contemne omnia, quæ etiam possessa vacuum, & inquit

inquietam te relinquunt. Ad quodcum- *August.*
 que me convertero (ait Augustinus) vi- *in Psal.*
 lescit mihi adeptum, quamvis acciderit *102.*
 desideratum. Quando satiabitur deside-
 rium meum in bonis? non satiabor de
 mortalibus, non satiabor de temporalibus;
 aliquid æternum donet, aliquid æternum
 concedat. Bonum tuum quære, ô Ani-
 ma mea, nemo bonus nisi unus Deus; sum-
 mum bonum, hoc est tuum bonum. Eri-
 ge spem tuam ad bonum bonorum om-
 nium, ad eum qui satiat in bonis deside-
 rium tuum.

CONSIDERA TERTIO, Solam San-
 ctissimam Trinitatem triangulare COR
 replere, & inhabitare. Anima mea quam
 creasti, Domine (ait iterum Augustinus)
 ita facta est capax majestatis tuæ, quod
 à te solo, & à nullo alio possit impleri;
 quando autem te habet, plenum est de-
 siderium ejus: & jam nihil aliud quod
 desideretur exteriùs, restat. Dum au-
 tem aliquid exteriùs desiderat, mani-
 festum est, quod te non habet interiùs;
 quo habito, nihil est quod ultrà deside-
 ret: cum enim sis summum, & omne bo-
 num, non habet quod desideret am-
 pliùs, sed possidet te omne bonum.
 Deus Pater enim memoriam, Filius
 intel-

*Soliloq.**cap. 30.*

- intellectum, Spiritus Sanctus voluntatem perfectè replet: & ideo homo dicitur ad
- Genes. 1.* imaginem, & similitudinem Dei factus; ut
 26. summum bonum intelligeret, intelligendo amaret, amando possideret, possidenda frueretur. Deus quoque in nulla alia creatura quievisse dicitur, quàm in homine. Creavit enim lucem, creavit firmamentum, creavit cœlum, creavit terram, creavit Solem, Lunam, stellas, creavit volucres, pisces, bestias terræ; in nullo autem horum quievisse refertur. Postquam autem creavit hominem ad imaginem
- Genes. 2.2.* suam, statim dicitur: Requievit ab universo opere quod patrarat; designans nimirum se hominis COR elegisse in habitationem, & locum quietis suæ. Beata Anima (inquit Bernardus) apud quam Deus
- Bernar. in Memoria. cap. 1.* requiem invenit, & in cuius tabernaculo requiescit! Beata, quæ dicere potest: *Eccli. 24. 12.* Et qui creavit me, requievit in tabernaculo meo: negare siquidem requiem cœli ei non poterit. Ita quoque Sanctus Paulus testatur, habitare Christum per fidem in
- Ephes. 3. 17.* CORDIBUS nostris. Quia Christus in fide, fides in mente, mens in CORDE est. Hic verò dulcissimus CORDIS nostri inquilinus, omnem ejus cupiditatem ita explet; ut alteri cuicumque rei nullum omninò locum relin-

relinquat. Vis igitur, ô Anima mea, Deum
 intra CORDIS sinum tuum possidere, ille
 prius COR tuum possideat, & inhabitet.
 Rectissimè enim monuit Sanctus Prosper:
 Quem possidendi delectat ambitio, Deum
 qui possidet omnia quæ creavit, expeditâ
 mente possideat; & in eo habebit quæcum-
 que habere sanctè desiderat. Sed quoniam
 nemo possidet Deum, nisi qui possidetur à
 Deo; sit ipse primivus Dei possessio, & effi-
 cietur ei Deus possessor, & portio. Et quid
 potest eo esse felicius, cui efficitur suus
 Conditor census, & hereditas ejus digna-
 tur esse ipsa Divinitas?

*Prosper
 de vita
 Con-
 templ.*



SECUNDA CLASSIS!

CORDIS Reverſio , & Expurgatio!



N alterâ hæc Claſſe, præ-
 varicatrix Anima ad COR
 reverſa , primam illam tri-
 plicis viæ ſemitam , quæ In-
 cipientium propria eſt , &
 ab officio Purgativa voca-
 tur . Deo duce ingreditur . Quæ enim hæc
 traduntur Lectiones , eò ferè ſpectant , ut
 COR coram Deo effuſum à vitijs , & concu-
 piſcentijs circumcidatur ; & per pœnitentiam
 conteratur , ac humilietur . Ut quod antea
 durum , & omni ſorde inquinatum fuit , jam
 prorsus emolliatur , atque emundetur . Statum
 hunc celeſtis Sponſus expreſſit , cùm vinea cu-
 Cant. 2. ſtodem Sponſam ita allocutus eſt : Jam hyems
 12. tranſijt , imber abiit & receſſit , tempus puta-
 tionis advenit . Ac ſi dicat , Bernardo inter-
 Bernar. prete : Tempus faciendi , ô Sponſa , quia hyems
 Serm. tranſijt , quando operari nemo poterat . Imber
 53. in quoque , qui inundatione factâ operiebat ter-
 Cant. ram , culturas impediēbat , & vel ſata neca-
 bat , vel ſeri vetabat , is inquam imber ex-
 currit , abiit , & receſſit . Nunc vernalis adeſt
 temperies , nunc operandi commoditas , nunc
 frugum,

frugum, ac fructuum vicinitas. Deinde sub-
dit, ubi, & quid primum operari oporteat.
Tempus, inquit, putationis advenit. Ad
vineas ergo excolendas ducitur, quæ ut possent
uberioribus fructibus respondere Colonis, ante
omnia necesse est, sarmenta sterilia projici,
succidi noxia, putari superflua. Quid autem
hoc est; nisi, ut Honorius Augustodunensis Honorius
dixit: Quotidie refecare superfluum folio- apud
rum, hoc est, cogitationum & verborum luxu- Belrio-
riam. Infructuosi, ait Philo Carpathius, præ- Philo
cidendi sunt rami, tollenda sunt omnia sce- Carpa-
lera, & Anima ab omni peccatorum labe pur- thius.
ganda ijs omnibus, quæ filij Dei, Sponsæ Christi
esse volunt. Vitis quippe quæ ritè putatur (ait Lib. 3.
Theophrastus) melius germen, & fructum de causis
adfert, vivereq; diutius potest. Hinc etiam plant-
calestis Agricola spiritalis vineæ palmites cap. 19.
non ferentes fructum purgat, ut fructum plus Joannis
adferant. Ad hanc vineæ CORDIS nostri 15.2.
putationem, & purgationem omnis ea Do-
ctrina pertinet, quæ Lectionibus hujus Classis
proponitur.

LECTIO VIII.

EMBL.

8.

CORDIS Reversio.

Redite pravaricatores ad COR.

Isaia 46. 8.

*Quin mihi jam toties revocata reverteris
ad COR?**Nolle redire, merum velle perire puta.*

AGATUM, & oberratum
jam satis, tempus tandem
receptui canere. Prosecuta
es hactenus, ô fidelis Ani-
ma, vestigia CORDIS tui,
ad omnia desiderabilia sua

Prono impetu protuentis. Vidisti, inquam,
V e cordis Animæ insanam stultitiam, cùm
non tantùm à Deo salutari suo longè re-
cessit, sed etiam à seipso; hoc est, à COR-
DE suo. Mali enim, ut inquebat Ro-
manus Sapiens, ubique sunt, præterquam
secum. Secum sanè non erat Augustinus
antequam ad Deum converteretur, qui sic
eidem conqueritur: Et ubi ego eram,
quando te quærebam. Et tu eras ante me,
ego autem & à me discesseram, nec me in-
veniebam, quantò minùs te. Sed audi tan-
dem,

Seneca.

August.
li. 5. cõ-
fess. c. 2.



CORDIS REVERSIO.

Redite præuaricatores ad COR *Isaiz 46. 8*

Quin mihi iam toties reuocata reuenteris ad COR?

Nolle redire, merum velle perire, puta.

8.

Pag. 148.



dem, & exaudi Sponsum tuum per Prophetam monentem : Redite prævaricato- *Isaie*
 res ad COR. Revertere, ô prævaricatrix *46.8.*
 Anima, ad COR tuum, nec te itineris pœ-
 niteat, etiamsi tibi grandis restet via.
 Quot enim passibus à CORDE tuo recessi-
 sti, totidem quoque ad illud redire debes.
 Si proinde post Idola sensuum tuorum
 COR abiit in regionem loginquam, mag- *Luc. 15.*
 na tibi emetienda sunt spatia, ut ad illud *13.*
 revertaris. Si cum filiis Israël CORDE re- *Act. 1.*
 versuses in Ægyptum, inde quoque tibi *7.15.*
 illud repetendum est, ne fortè vicinum
 tibi arbitraris. Quid vicinius nobis est
 (ait Magnus Gregorius) CORDE nostro? *Gregor.*
 Quid vicinius nobis est eâ re, quæ in- *26. Mo-*
 tra nos est? & tamen cùm per pravas *ral. cap.*
 cogitationes spargitur, à nobis COR *23.*
 longiùs evagatur. Longè ergo Prophe-
 ta prævaricatorem mittit, cùm eum ad
 COR suum redire compellit; quia quò se
 exteriùs fudit, eò ad se unde possit redire,
 vix invenit. Miserere ergo Animæ tuæ pla- *Eccl.*
 cens Deo, & congrega COR tuum in sancti- *30.24.*
 tate.

CONSIDERA deinde, quid sit rever-
 ti ad COR, sive ad seipsum? Id verò op-
 timè intelliges, si noveris quid sit exire
 à se, & recedere à CORDE. Utrumque

Gregor. lib. 2. Dial. cap. 3. porrò pulchrè explicatur à Sancto Gregorio: Duobus modis, inquit, extra nos ducimur; quia aut per cogitationis lapsum sub nosmetipsos recidimus; aut per contemplationis gratiam super nosmetipsos levamur. Utriusque verò exemplum assignans, ait: Ille (prodigus) qui porcos pavit, vagatione mentis & immunditiæ sub semetipsum cecidit, qui tamen cùm postmodum cœpit cogitare bona quæ perdidit, scriptum de illo est: In se reversus, dixit: Quanti Mercenarij in domo patris mei abundant panibus. Posterioris verò modi exemplum ponit Sanctum Petrum, qui de carcere ab Angelo eductus, dicitur ad se postea reversus; quia ejus mentem in extasin Angelus rapuit, itaque extra se quidem, sed super semetipsum fuit. Uterque ergo ad se redijt, quando & ille ab errore operis se collegit ad COR, & iste à contemplationis culmine ad hoc redijt, quod in intellectu communi ut priùs fuit. Hîc autem de priori CORDIS à nobis digressionem agimus, quam idem Gregorius ita delineat: Quoties per cogitationis motum, nimium extra nos ducimur, & nos sumus, & nobiscum non sumus: quia nosmetipsos minimè videntes, per alia vagamur. Hinc enim facilè apparet quid

fit reverti ad COR, vel semetipsum. Quod Richardus de Sancto Victore explicans, ait : Ab egressu , quasi ad conversatio- *Lib. 53*
 nis nostræ habitaculum revertimur, quan- *Con-*
 do post mundana negotia , ad circum- *templ-*
 spectionem morum nostrorum mentis no- *cap. 8.*
 stræ oculos reducimus, & intima nostra
 discutientes, quales ipsi simus studiosâ re-
 tractatione perscrutamur. Vis jam redire *Hector*
 ad COR (ait recentior Doctor) cognosce *Pintus*
 teipsum : cogita, & tecum ipse revolve, *in c. 46.*
 & interroga hæc omnia teipsum : Ego *Isaia.*
 ubi sum? quomodo vivo? quid ago? quid
 spero? quid desidero? quid erit si sic mo-
 riar? quò ibo? & quas tandem pœnas
 meorum scelerum persolvam? Ecce hæc
 sunt semitæ quæ ad amissum COR te ad-
 ducent. His enim considerationibus Ti-
 mor Domini in mente generatur: Qui au- *Eccli. 1*
 tem timet Dominum, convertetur ad COR *21. 7.*
 suum.

CONSIDERA TERTIO, Vivam Idæam,
 & exemplar, cùm abitus à CORDE; tum
 ad illud reditus, à Christo Domino ti-
 bi proponi in parabolâ filij prodigi. Hic *Luc. 15.*
 enim accepto patrimonio peregrè profe- *13.*
 ctus in regionem longinquam, ibi dissipa-
 vit substantiam suam vivendo luxuriosè.
 Et urgente fame adhæsit uni civium regio-

nis illius, qui misit illum in villam suam.
 Hic prodigi à CORDE suo abitus: hæc à
 seipso peregrinatio, quam peccator imi-
 tatur. Primò enim à Deo Patre suo rece-
 dens, abit in regionem longinquam. Re-
 gio hæc longinqua, ait Augustinus, obli-
 vio Dei est. Quantò enim quisque plus in
 pravo opere delinquit, inquit Beda, tan-
 tò à Dei gratia longiùs recedit, adeoque
 etiam à seipso. Quid verò longinquius,
 interrogat Ambrosius, quàm à se recede-
 re, nec regionibus, sed moribus separari,
 studijs discretum esse, non terris, & quasi
 interfuso luxuriæ sæcularis æstu, divortia
 habere Sanctorum? Etenim qui se à Chri-
 sto separat, exule est patriæ, civis est mun-
 di. In hac verò civitate quid agit? dissi-
 pat substantiam suam vivendo luxuriosè.
 Nam quando egreditur homo à Deo, ut
 Theophylactus interpretatur, & se à timo-
 re Dei elongat, omnia divina dona expen-
 dit. Propinqui enim Deo existentes, nihil
 tale, quod interitu sit dignum, facimus,
 juxta id quod dicitur; Providebam Domi-
 num in conspectu meo semper, quoniam à
 dextris est mihi ne commovear. Illo autem
 longè à nobis absente, efficimur Apostatæ;
 facientes, & ferentes pessima quæque, juxta
 illud: Ecce qui elongant se à te peribunt.

At non hîc stat miseria Peccatoris; adhæret enim uni civium, pascitque porcos. In terrâ enim oblivionis, & regione umbræ mortis cacodæmoni peccator servit, *Ps. 87.* qui illum porcorum ministerio mancipat. Unde Titus Bostrorum Episcopus: In turpitudinis, inquit, cœno, ultrò citròque aliquantisper volutans, meritò inter porcos censetur. Tandem in ejusmodi vitæ obscuritate diu multumque perstans, alijs quoque perditionis forma efficitur; lasciviæ, luxuriæque dogmatis certâ quadam ratione illos pascens, & nutriens. Vel porci sunt ipsi dæmones, qui Corporum vitijs saginantur & sordibus, ut loquitur Chrysologus. *Chrysol. Serm. 5.* Et Hieronymus: Dæmonum ci- *Hieron. Epist. ad Damas.* bus est ebrietas, luxuria, fornicatio, & universa vitia. Augetur porrò deinceps miseria, quòd cùm fame propè pereat, cupiatque implere ventrem suum porcorum filiquis, nemo tamen eas illi det. Cupit quidem Peccator vitiorum delectatione repleti; sed insatiabilis est peccandi libido. Hujusmodi enim dæmones, inquit Euthymius, neminem sinunt satiari voluptatibus, ne citiùs à peccato quiescat. *Euthym. min.* Semper enim excitant appetitum: atque hæc est Prodigium, & Peccatoris à Deo Aversio.

JAM verò ejusdem conversionem, & reditum ad Patrem CONSIDERA. In se

Luc. 15. autem reversus dixit : Quanti mercenarij
15. in domo patris mei abundant panibus ?

Ambros. lib. 7. in cap. 15. Luc. Ego autem hîc fame pereo. Benè in se re-
vertitur, ait Mediolanensis Præsul, quia
se recessit. Etenim qui ad Dominum regre-
ditur, se sibi reddit; & qui recedit à Chri-
sto, se sibi abdicat. Attende verò duabus

potissimùm rationibus eum ad reditum impelli. Prima est consideratio pristinæ felicitatis, & abundantix, quam habuit apud patrem; in cujus domo etiam Mercenarij abundant panibus; hoc est, ubi illi qui retributionis & mercedis intuitu Deo serviunt, plurimis affluunt spiritualibus beneficijs. Altera ratio est, expansio egestatis & famis, quæ ad necem usque eum opprimebat; dedit hæc vexatio intellectum ut ad COR suum rediret, & ad patrem properaret, unde ait: Surgam, & ibo ad patrem meum. Surrexit, ivit, peccatum agnovit, veniam petijt, & consecutus est. Quòd si & tu Anima mea, per hujus vestigia longè à CORDE tuo recesseris, & in peccatorum voraginem incideris, noli in regione longinquâ diutiùs permanere; secuta es errantem, sequere pœnitentē; secuta es abeuntem, sequere revertentem. Consideravit ille patriæ felici-

felicitatem, servitutis miseriam, & his se stimulis ad redeundum incitavit. Vade jam, *Luc. 10.*
& tu fac similiter. 37.

CONSIDERA ulteriùs, tam benignam super aliquos esse Dei misericordiam, ut eos quasi invitos, & vocanti Deo repugnantés, ad COR tamen efficacissimâ suâ gratiâ redire compellat. Quemadmodum enim cùm Loth ejusque liberi ab Angelis *Gen. 19.* admoniti de Sodomâ exire dissimularent, 16. apprehenderunt Angeli manus eorum, eduxeruntque de civitate: ita quoque cùm aliqui rebelles sunt lumini, & ad omnes *Iob 24.* Dei voces obsurdescunt, Deus eos quasi 13. manu apprehendens, potentissimo gratiæ auxilio tandem reducit ad COR. Evenit id Sancto Augustino, qui cùm Dei inspiratione quasi colluctans per multas ambages, & anfractus, tandem ad COR reversus est. Sed ipsum certamen hoc explicantem audiamus: Tu autem Domine, inter verba ejus (Potitiani) retorquebas me ad *August.* meipsum, auferens me à dorso meo, ubi *lib. 8.* me posueram, dum nollem me attendere; *Confess.* & constituebas me ante faciem meam, ut *cap. 7.* viderem quàm turpis essem, & quàm distortus, & sordidus, & maculosus, & ulcerosus. Ut videbam, & horrebam; & quò à me fugerem, non erat. Et si conabar à me
avertere

avertere aspectum, narrabat ille, quod narrabat. Et tu me rursus opponebas mihi, & impingebas me in oculos meos, ut invenirem iniquitatem meam; sed dissimulabam, & conveniebam, & obliviscabar. Quæ non in me dixi? quibus sententiarum verberibus non flagellavi Animam meam, ut sequeretur me conantem post te ire; & renitebatur? Recusabat, & se non excusabat. Consumpta erant, & convicta argumenta omnia. Hæc Augustinus. Utinam, benignissime Deus, ita quoque reducas me ad COR meum, & ad te meam rebellem compellas voluntatem. Vehementer enim reformido, ne serò forsitan, vel in die obitus mei, vel in extremo illo

Pf. 49. Judicio arguas me, & statuas me contra faciem meam. Quid enim tum faciam, cum tempus faciendi elapsum fuerit? quomodo revertar ad COR, cum æquissimo tribunali tuo COR sistetur, & nullum revertendi supererit tempus? Seriùs de reversione cogitat, qui vitæ periodum absolvit, & æternitatis terminum jam attingit. Intelligite hæc qui obliviscimini Deum, ne quando rapiat, & non sit qui eripiat.

Ibid.


CONSIDERA denique, fructum reversionis ad COR: præterquam enim quòd eodem

eodem motu quo ad COR homo redit,
 etiam ad Deum revertatur (quod sine du-
 bio maximi omninò emolumenti est) hoc
 insuper homo consequitur, ut veram &
 stabilem pacem, atque Animi tranquillita-
 tem nanciscatur. Testatur id Regius Va-
 tes, cùm ait : Dominus Deus loquetur pa- *P. 84.*
 cem in plebem suam, & super sanctos suos, 9.
 & in eos qui convertuntur ad COR. Pacem *Ioannis*
 utique quam mundus dare non potest : pa- *14. 27.*
 cem, quæ exuperat omnem sensum, quæ *Philipp.*
 custodit COR & intelligentiam nostram : 4. 7.
 quam Deus CONDIT nostri, Princeps pa-
 cis tribuit diligentibus se. Quisquis enim
 frequenter, & ferventer per accuratum
 conscientiae examen ad COR suum rever-
 titur, magnâ in interiori homine pace
 perfruetur. Experti id sunt Sanctorum
 plurimi, atque in primis Beatissimus Pater
 noster Benedictus ; de quo Sanctus Gre-
 gorius scribens, cum dissolutorum Fra-
 trum, qui oblato veneno eum interimere
 studuerant, fugisse consortium, ita ait :
 Tunc ad locum dilectæ solitudinis rediit ;
 & solus in superni Spectatoris oculis habi-
 tavit SECUM. Exponens verò quid sit se-
 cum habitare, ait : Si sanctus vir contra *Greg. 11.*
 se unanimiter conspirantes, suæque con- *2. dial.*
 versationi longè dissimiles, coactos diu *cap. 3.*
 sub

sub se tenere voluisset, fortassè sui vigoris usum, & modum tranquillitatis abscinderet, atque à contemplationis lumine suæ mentis oculum declinasset. Dumque quotidie illorum correptione fatigatus minùs curaret sua, & se forsitan relinqueret, & illos non inveniret. Hunc ergo venerabilem virum SECUM habitasse dixerim, quia in sua semper custodia circumspectus, ante oculos Conditoris se semper aspiciens, se semper examinans, extra se mentis suæ oculum non divulgavit. Imitare Anima mea exemplum hoc, & ad COR tuum reversa,

*Tecum habita semper, nec te quasi veris
extra.*







CORDIS EFFUSIO.

Effunde, sicut aquam COR tuum
ante conspectum Domini. *Tirren. 2. 19.*

*Vota quid oculo, quid vulnera pectore celas,
Ante Deum fusa COR natet, instar aque.*

2.

Pag. 158.

LECTIO IX.

CORDIS Effusio.

EMBL.

9.

*Effunde, sicut aquam, COR tuum ante
conspectum Domini. Thren. 2. 19.*

*Vota quid occluso, quid vulnera pectore calas?
Ante Deum fusa, COR natet, instar aquae.*



OSTQUAM Anima fugiti-
va ad COR suum rever-
sa est, id in primis agere de-
bet, ut COR suum etiam
repugnans & invitum ad
Dominum adducat, & in
illius sistat praesentia, immò illud velut
è Corpore suo effundat. Et hoc est quod
monebat Psalmographus, dicens: Effun- *Pf. 61. 9.*
dite coram illo CORDA vestra. Et Thre- *Thren.*
nodus Propheta: Effunde, sicut aquam, *2. 19.*
COR tuum ante conspectum Domini.
Nolite, inquit Augustinus, CORDA ve-
stra retinere intra CORDA vestra: effun-
dite coram illo CORDA vestra, non pe-
rit quod effunditis, ille enim susceptor
meus; si suscipit: quid times effundere?
jacta in Domino curam tuam, & spera in *Pf. 54.*
cum. Pluribus autem modis phrasis illa, *23.*
Effun-

Effunde COR tuum, exponitur, omnesque ad nostrum institutum faciunt. Primum enim intelligitur COR evacuandum esse peccatis & vitijs : unde Chaldaeus Paraphrastes vertit citatum ex Threnis locum. Effunde sicut aquam perversitatem COR. DIS tui ; illudque ad poenitentiam reducito. Et quod lib. 1. Regum cap. 7. dicitur : Convenerunt (filij Israël) in Maspha, hauseruntque aquam, & effuderunt in conspectu Domini, & jejunaverunt in die illa, atque dixerunt ibi, Peccavimus Domino. Idem exponit: Et effuderunt COR eorum in poenitentia, tamquam aqua coram Domino. Eodem modo S. Ambrosius ait: Evacuari COR omni labe malitiæ debet, ut capax fiat gratiæ spiritalis, ideoque Apostolus ait: Renovamini Spiritu mentis vestræ. Cùm enim effunditur vetus malitia, nova sumitur gratia, quâ unusquisque renovatur. Ita Medici non prius salutaria pharmaca exhibent, quàm vomitu materiam peccantem evacuaverint. Vas graveolente odore imbutum, odorati unguente influxum non recipiet, nisi diligenter prius eluatur: nec COR nostrum divinæ gratiæ capax erit, nisi pestilens vitiorum odor ex eo effundatur. Si igitur, O Anima, bono impleri desideras, effunde malum:

1. Reg.
7.3.

Ambr.
in P/al.
141.
Ephes.
4.23.

malum: melle te Deus implere vult, absyn-
 thium evome. Vinum in lagenam CORDIS
 infundere paratus est, si acetum effuderis.
 Expende verò moneri ut COR effundatur
 sicut aqua, non autē sicut oleum, cujus pars
 aliqua semper vasi adhæret: aqua verò ita
 tota effunditur, ut nihil in vase remaneat.
 Ita omnia peccata è CORDE prorsus effun-
 denda sunt, ut nec remaneat (inquit Hugo *Hugo in*
 Cardinalis) in signis exterioribus color, *cap. 2.*
 nec in verbis odor, nec sapor in affectu, *Thren.*
 Debet porrò hæc CORDIS effusio fieri non
 coram hominibus, ut ab illis videamur; nec
 alio quoquam sinistro respectu, sed ante
 conspectum Domini, cui nimirum pecca-
 vimus. Effundebat ita COR suum Pœnitens
 David, cùm Domino diceret; Dilectum *Pf. 31. 6.*
 meum cognitum tibi feci, & injustitiam
 meam non abscondi. Dixi, confitebor ad-
 versum me injustitiam meam Domino, &
 tu remisisti impietatem peccati mei. Tu igitur
 Anima, quæ secuta es Davidem erran-
 tem, sequere etiam hoc modo pœnitentem.

CONSIDERA SECUNDO, Ex modò di-
 ctâ CORDIS effusione, aliam quoque subse-
 qui, quam Propheta verbis designari Raba-
 nus, Rupertus, & Paschasius intellexerunt,
 qui ait: Ille ergo effundit sicut aquam COR
 tuum ante conspectum Domini, qui ex
 L intimo

intimo affectu CORDIS producit lacrymas compunctionis, quia sacrificium Deo

P/50. Spiritus contribulatus : COR contritum & humiliatum Deus non spernit. Huc facit expositio Gasparis Sanchez, quæ talis est : Ne cesses à lacrymis & precibus, donec exhaustis alijs lacrymarum fontibus,

19. COR ipsum extabescat, & per stillantes oculos liquefactum emanet. Exemplum

Luc.7. nobis hujus effusionis peccatrix illa Mulier exhibuit, quæ in domo Pharisei, Domini, ad prandium sedentis, pedes copiosissimis lacrymis rigabat : quas non solum ex compuncti CORDIS dolore emisit, sed inter ipsas quoque eliquatum COR suum, velut aquam, ante conspectum Domini effudit. Ignis enim divini amoris, quo intus ardebat, COR ejus adeò liquefecerat, ut illud in beatos Domini pedes effundere posset, unde de ea scriptum est :

Luc.7. Dimissa sunt ei peccata multa, quoniam dilexit multum. Sic quoque Anna illa

48. Phenennæ æmula, cum esset amaro Animo, & largiter flens oraret, multiplicaretque preces coram Domino, cum eam

I.Reg. Eli temulentam æstimaret, respondit : Nequaquam Domine mi, sed effudi Animam meam in conspectu Domini. Imitare per hoc, mulierem poenitens Anima, & è

CORDIS

CORDIS fonte deduc rivos aquarum, & lacrymarum flumina, ut inter illa fluat, & natet COR tuum ante Dominum : CORDIS enim lacrymæ omnes maculas delent. Sordentem Animæ vestem lacrymæ lavant, & dant illis remissionis candorem, ait Augustinus. Et Cassiodorus : Fletus compunctionis est cibus Animarum, solatium peccatorum, lavacrumque culparum. Sicut enim post vehementes imbres, mundus aër & purus efficitur : ita & post lacrymarum pluvias, serenitas mentis sequitur, atque tranquillitas. Quid verò lacrymæ in Oratione valeant, optimè explicavit Climachus : Mœstitia, inquit, & gemitus ad Dominum clamant, timoris autem lacrymæ legatione funguntur. Porro illæ quas sancta charitas fundit, susceptas atque exauditas esse preces nostras indicant nobis.

Aug. lib. de sal. docum. Cassiod. in Psal. 41.

Climach. grad. 7.

CONSIDERA TERTIO, CORDIS effusionem maximè fieri in Oratione, quæ per hanc effusionem designatur ; unde David dicebat : Effundite coram illo CORDA vestra, & dicite : Deus adjutor noster in æternum. Similique loquendi formulâ dicimur, effundere preces, vel Orationem. Sic populus in libro Judith scribitur communi lamentatione & fletu, unanimes pre-

Ps. 71. 9. Judith. 6. 14.

ces suas Domino effudisse. Et titulus Psalmi centesimi primi inscribitur : Oratio pauperis, cū anxius fuerit, & in conspectu Domini effuderit precem suam.

Pf. 141. Sic ipse David dicebat: Effundo in conspectu ejus Orationem meam, & tribulationem meam ante ipsum pronuntio.

3.

Effundere ergo COR in Oratione, est velut aperto vale omnes CORDIS affectus, omnes dolores, omnia sensa Animi, omnia vota & desideria coram Deo exponere, & in ejus sinum ac providentiam transfundere, ut ipse ijs succurrat, & provideat. Illustrissimum porrò hujus rei exemplum Christus Dominus exhibuit, qui instante Passione suâ oravit ad Patrem in horto, & tribulationem CORDIS ante ipsum pronuntiabat. Et factus in agoniâ

Luc.

22.43.

prolixius orabat : & factus est sudor ejus sicut guttæ sanguinis decurrentis in terram, ita ut simul preces funderet, & san-

Cornel.

in cap. 2.

guinem. Observa verò quintuplicem affectionem cum verbo isto, *Effunde COR tuum*, insi-

Thren.

nuari, qui omnes à pœnitentibus in Oratione usurpari possunt. Primus est ingentis doloris; sic enim valde afflicti, per lacrymas, gemitus, & quærimonias, solent suos dolores effundere in aures Amicorum, & audientium. Secundus humilitatis,

quod

quòd COR suum, instar aquæ in terram, coram Deo quasi profundat. Tertius sinceritatis, quòd omnes affectus coram Deo effundat; nil celet, nil reservet. Quartus resignationis, quòd omnia sua in Dei providentiam profundat & resignet. Quintus spei & fiduciæ, quòd omnes suos affectus, & vota à se quasi alienando, & abjiciendo, uni Deo credat & committat. Disce affectus hos inter orandum excitare: Convertere, Anima fidelis, ad Dominum 14.2. Deum tuum, & per quinque hos canales *Thren.* effunde velut aquam COR tuum ante conspectum Domini Dei tui. 2.19.



LECTIO X.

CORDIS Circumcisio.

EMBL.

10.

Circumcidite præputiam CORDIS vestri.

Deuter. 10. 16.

*Cruce capulum, chalybem cultro dat lancea,
clavi**Ferrum, hoc COR circumcide, Deoq. sacra.*Gen. 17
10.Josue 5.
2.Luc. 2.
22.1. Pet.
2. 22.

Heb. 29.

CONSIDERA PRIMO, Præceptum olim datum esse selectæ à Deo genti Judæorum de circumcidendâ carne suâ: cum ut à reliquis populis secernerentur; tum ut dolorosum pariter ac verecundum peccati Originalis cauterium in suo Corpore circumferrent. Christus verò Mediator noster, qui non venit legem solvere, sed adimplere, non secus ac alios ritus & instituta legalia, etiam hoc mandatum servare voluit; & qui peccatum non fecerat, debitum violentum vulnus pro peccatoribus ipsis sponte assumpsit: in quo summum erga nos amorem ostendit, cum non tantum propter nos homines, & propter nostram salutem minoratus est paulò minùs ab Angelis, humanam naturam induens; sed multum etiam



CORDIS CIRCVMCISIO.

Circumcidite præputium

CORDIS uestri. Deuter. 10. 16.

Cruce caputem, chalybem cultro dat lancea, clavi

Ferrum, hoc COR circum-cide deoq; sacra.

10.

Pag. 156.



etiam minoratus sit ab alijs, cum non solum formam hominis, ut ait Bernardus, *Bernard.* sed formam habet peccatoris, & infigitur *Serm. 3.* quasi quodam cauterio latronis. Quid est *de Circ.* enim circumcisio, nisi superfluitatis, & peccati indicium? Hanc autem non pro se, sed pro nobis membris suis suscipere dignatus est; pro quo infinitas ei gratias agere debemus. Verum in hac carnali circumcissione, id nobis Christianis agendum incumbit, quod mysticè in Deuteronomio *Deuter.]* præceptum est: Si ambulans per viam, in *22.6.* arbore, vel in terra, nidum avis inveneris, & matrem pullis vel ovis desuper incubantem, non tenebis eam cum filijs, sed abire patieris, captos tenens filios, ut benè sit tibi. Quid autem est matrem dimittere, & pullos retinere, nisi quòd dimittenda sit litteralis observantia quasi mater, & spirituales sensus quasi filij retinendi, ut *Ange. S. Thom.* licus Doctor exposuit. Invenimus modò in *1.2.9.* procerâ sacræ Scripturæ arbore circumcissionis nidum, matrem, hoc est, carnalem *102.* mortiferamque circumcissionis observantiam *art. 6.* dimittamus; pullos verò, hoc est, spirituales sensus, spiritalemque circumcissionem *ad 8.* retineamus. Hæc autem spiritalis, Christianorum circumcisio est, Judæorum illa carnalis erat.

CONSIDERA igitur SECUNDO, Cor-
 porali circumcissione Christum Dominum
 spiritualem, & interiorem CORDIS cir-
 cumcissionem nos docuisse: quemadmo-
Rom. 4. dum enim mortuus est propter delicta no-
25. stra, & resurrexit propter justificationem
 nostram; ita quoque asseverare licet, cir-
Eusebius cumcissus est propter circumcissionem no-
homil. in stram. Ideò, inquit Eusebius Emyssenus,
Octav. circumcissus est Christus, ut ejus nobis sig-
Nativi. nificationem commendaret, ut sicut occul-
 tum illud membrum per carnis circumci-
 sionem pelliculâ exspoliatur, sic COR no-
 strum illicitis desiderijs intus exspolietur.
 Hinc toties nobis spiritualis CORDIS cir-
 cumcisio in sacra Scriptura commendatur;
Rom. 2. de qua S. Paulus ait: Circumcisio CORDIS
29. in Spiritu non littera, cujus laus non ex ho-
Deuter. minibus, sed ex Deo est. Et Moyses: Cir-
10.16. cumcidite præputium CORDIS vestri. Et:
Ibidem. Circumcidet Dominus Deus tuus COR
30.6. tuum, & COR seminis tui, ut diligas Do-
 minum Deum tuum in toto CORDE tuo.
Jerem. Et Jeremias ait: Circumcidimini Domino,
4.4. & auferte præputia CORDUM vestrorum
 viri Juda. Contrà verò CORDE incircum-
 cisi in Scriptura reprobantur; conqueritur
Jerem. enim Dominus apud Prophetam: Omnis
9.26. domus Israël incircumcisi sunt CORDE.

Et

Et apud Ezechiëlem ; ad exasperantem domum Israël dici jubet : Sufficiant vobis omnia scelera vestra domus Israël, eò quòd inducitis filios alienos incircumcisos **CORDE**. Sanctus quoque Stephanus Judæis exprobrans, dicebat : Dura cervice, & incircumcisis **CORDIBUS**, vos semper Spiritui Sancto resistitis. Necessaria proinde est hæc **CORDIS** circumcisio : illa verò **Corporis** in Christo mortua, ac mortifera facta est. Et sicuti de hac Sanctus Paulus dixit : Si circumcidamini, Christus vobis nihil proderit. Ita de illâ meritò dicemus : Nisi circumcidamini, Christus vobis nihil proderit. Quis igitur non libenter admittat, immò etiam summis votis exoptet, hanc spirituales circumcisionem, sine qua à Christi consortio alieni sumus ?

CONSIDERA TERTIO, Non unum aliquod membrum, sed totum hominem spiritualiter circumcidi debere : Oculos oportet circumcidere, manus, pedes, linguam, memoriam, intellectum, voluntatem. Ab oculis vani, fallaces, turpesque aspectus ; à manibus tactus ; à pedibus itinera ; à lingua juramenta, mendacia, detractiones, obscœna verba : denique à memoria, intellectus, & voluntate quidquid Deo displicet resecandum est. Et si autem

L 3. omnem de rat.

*Cypr.**com. 3.*

omnem tam membrorum, quàm affectio-
num petulantiam, ut Cyprianus ait, gla-
dio Spiritus refecari immutabili decreto
Deus mandaverit, tota tamen illa perfici-
tur circumcisio, si solum Co- circumcida-
tur. Ut enim excisâ Arboris radice, omnes
rami facillimè exarescunt; ita circumcise
CORDE, omnes Animi affectiones, quæ ab
eo, ceu rami, pullulant, facilè amputabun-
tur. Quare videndum est, quid sit CORDIS

*Hier. in**Ezech.**cap. 44.*

circumcisio. COR, ait Sanctus Hierony-
mus, circumcidimus cultello Dei, & au-
fertur de CORDE nostro præputium,
quando turpes cogitationes nequaquam
exeunt de CORDE nostro, nec de nobis
dicitur: Impinguatum est COR populi
hujus, & auribus suis graviter audierunt.
Vanæ igitur cogitationes, inutiles solici-
tudines, & quidquid mentem inquinare
potest, à CORDE abscindendum est. Non
admodum dissimiliter hanc CORDIS cir-

*Bernard**Serm. 2.**in Qua-**drag.*

cumcisionem Bernardus exposuit: Quis in
vobis est, cujus voluntas circa unum ali-
quid solet obstinatio inveniri? Scindat
COR suum gladio Spiritus, quod est ver-
bum Dei: scindat illud, & in multas mi-
nutias festinet dispartiri, alioquin non est
converti ad Dominum in toto CORDE,
nisi scisso CORDE. Potest tamen & aliter
hæc

hæc scissio CORDIS intelligi, ut si quidem
 pravum fuerit, scindatur ad confessionem;
 si durum, ad compassionem. Quid ni scin-
 datur COR, ut visceribus effluat pietatis?
 Quid ni scindatur ulcus, ut sanies effluat?
 Quo verò cultro? non alio quàm petrino,
 ut illa olim à Josuè peracta fuit circumci- *Josuè 5.*
 sio: petra autem erat Christus, ait Paulus. 2.
 Christi ergo circumcisi exemplum, petri- *1. Cor.*
 nus est culter, quo suavissimè Christianus *10. 4.*
 COR suum circumcidit. Quisquis enim Ver-
 bum caro factum cogitaverit octavò die
 pro peccatoribus circumcisum, & primitias
 sanguinis sui pro ipsis Deo Patri abtulisse,
 non difficulter à CORDE rescindet omnes
 noxias voluptates. Pudeat enim Christia-
 num sub capite circumciso COR gerere in-
 circumcisum. Cùm autem ferreo cultro
 Judæos in circumcissione usos fuisse scribat *Iustin. in*
 S. Justinus Martyr, etiam hunc nobis ex *dial. cõ-*
 Christi Passione contemperavit Cardinalis *tra Trip.*
 Vitriacus: Christus, ait, in Cruce positus in *Vitriac.*
 quinque locis vulneratus fuit, nos autem *Serm. 3.*
 pro ipso spiritualiter circumcidamur cul- *de Cir-*
 tello, cujus manubrium sit de ligno Crucis, *cumcis.*
 ferrum de clavis ejus, chalybs de lancea,
 quâ apertum est latus ejus; ut omnem pec-
 cati sanguinem ab Anima nostra abstra-
 mus. Pugione enim Crucis debemus sen-
 sualitatem

Galat.
5.24.

fualitatem nostram transfigere, ut crucifigamur cum vitijs & concupiscentijs. Verè namque circumcidimur, cum omnem à nobis superfluitatem pro virili nostra refecamus.

Barrad.
tom. I.
lib. 10.
cap. 6.

I. Mach.
4.38.

2. Reg.
18.9.

CONSIDERA QUARTO, Spiritualis circumcisionis utilitatis, & expende quæso quid vineæ contingat, si non putetur? quid febre laboranti ardentissimâ, si vena non rescindatur? quid capillos numquam tondenti? ungues numquam refecanti? id spiritualiter homini illi, qui vitia cupiditatisque minimè rescindit, reperies evenire. In atrijs templi virgulta nata viderunt præsci illi viri, sicut in saltu, vel in montibus. Eodem pacto in ipsis Corporis nostri membris, animæque facultatibus spinas, vepres, vitiorumque dumeta nata cernes, si circumcisionis falce non rescindatur. Etenim in obscuras rediguntur silvas, & aspera nemora, in quibus leones, lupi, tygrides, id est, varia peccatorum monstra, odia, perjuria: libido, avaritia, ambitio, aliæque hujusmodi feræ pascuntur. Si capillos Absalon circumcidisset, ex illis quasi ex fune suspensus non periisset. Capillorum incircumcisio Absaloni interitum attulit, cogitationum, ac cupiditatum incircumcisio nobis perniciem parit. Lapidés nisi rescindantur,

adi-

ædificijs terrenis non sunt apti : homines
 verò nisi spiritualiter circumcidantur, ædi-
 ficijs cælestibus non sunt accommodati.
 Non rescissa, nec dolata ligna, ignis sunt
 pabulum : circumcissione spiritali minimè
 circumcisi homines, tartareæ flammæ sunt
 esca, quæ perpetuo editur, numquam absu-
 mitur. Eja igitur, Anima, si æternos ignes
 evadere desideras, circumcissionem hanc
 CORDIS non detrectes; quàm amas interio-
 rem CORDIS sanitatem, tam ejus quoque
 circumcissionem dilige; vis in cælestis ædifi-
 cij lapidibus connumerari, malleum, sectio-
 nes, & tunfiones ne refugias. Arripe po-
 tiùs cultrum, & amputa opprobrium Ægyp-
 ti: postquam enim Hebræi circumcisi es-
 sent, dixit Dominus ad Josuè: Hodie ab- *Josuè 5.*
 stuli opprobrium Ægypti à vobis. Quæ- *9.*
 nam hæc Ægyptus? nisi mundus. Quod-
 nam verò opprobrium Ægypti? nisi ea quæ
 in mundo sunt, Concupiscentia carnis, con- *1. Ioan.*
 cupiscentia oculorum, & superbia vitæ, *2. 16.*
 quæ non est ex patre. Ab his verò circumci- *Amb. in*
 dat te verbum Dei, ait Ambrosius, & gla- *Pf. 118.*
 dius oris ejus; & sic Ægypti carebis op- *Sermo 5.*
 probrio.

LECTIO XI.

CORDIS Contritio.

EMBL.

II.

*COR contritum, & humiliatum Deus
non despiciet. Psalm. 50. 19.*

*In partes quàm mille velim contundere COR
hoc,*

Quod fuit Auctori, sponte rebelle, sua.



CONSIDERA PRIMO, Cùm hæc-
nus vagum & fugitivum à Deo
COR, mundi ac carnis semitas se-
statum fuerit, illud simul in du-
rissimum saxum & lapidem abiisse, cui meri-
tò improperari posset Virgilianum illud :

Virgil. 4. Duris genuit te cantibus horrens

Æneid. Caucasus

Ad omnia enim Dei monita, minas, & sup-
plicia, durum COR obstinatissimè resistit,
ijsque non plus permovetur,

*Idem 6. Quàm si dura silex, aut stet Marpesia
Æneid. cautes :*

Hoc autem COR ut Deo suo cedat, ut
illi offeratur, tandemque uniatur, con-
teri debet, ac in multas partes commi-
nui. Quomodo verò perficitur ista duri

Isaie CORDIS contritio, & comminutio ?
*38. 15. Cùm pœnitens peccator recogitat omnes
Annos*



CORDIS CONTRITIO.

COR contritum et humiliatum,
Deus non despicies. *Psal. 50. 19.*

*In partes quam mille velim contundere COR hoc,
Quod fuit auctori sponte rebelle suo.*

ii.

Pag. 174.



Annos suos in amaritudine Animæ suæ,
 & peccata omnia & singula, quæcumque
 opere, verbo, vel solâ CORDIS cogitatio-
 ne commisit ita detestatur, ut, si fieri posset,
 omninò in nihilum ea redacturus esset.
 Mortarium igitur, in quo contundi & con- *Fornas*
 teri COR debet, est conscientia peccatoris; *rus in Pf.*
 pistillus verò, dolor de peccatis assumptus; *50.*
 quatenus illa Deo summam injuriam irro-
 garunt. Hæc autem minutatim conteri &
 confringi necesse est; ut satanas ea de-
 nuò se compacturum desperet; nam dum
 in duritie veteri sunt solida, periculum
 instat, ne rursus coalescant: Quod contra-
 ctum est, ait Propheta, nequaquam sar-
 cietur; quod contritum est, nequaquam re-
 surget. Scindite igitur, ô Peccatores, *Joel. 2.*
 CORDA vestra; contritio criminum fiat *13.*
 in tot, actam minutas particulas & frag-
 mina, nullum ut satanas idoneum repe-
 riat, vel ad exiguam guttulam noxiæ volup-
 tatis; aut ad exiguam scintillulam noxia-
 rum cupiditatum retinendam. Eveniat illi
 quod Propheta exoptat: Et comminuetur *Isaia*
 sicut lagena figuli conteritur contritione *30. 14.*
 pervolidâ, & non invenietur de fragmen-
 tis ejus testa, in qua portetur igniculus de
 incendio; aut hauriatur parum aquæ de
 foveâ. Nullum igitur peccatum, quan-
 tumvis

176 SCHOLÆ CORDIS
tumvis parvum, prætermittere debemus, a
quod se CORDIS nostri contritio, & intus
Animi dolor non extendat.

CONSIDERA SECUNDO, Quò solidior est lapis, eò difficilior est ad frangendum, adeoque malleo majore contundi debet. Quò duriora sunt aromatur grana, eò fortiori pistillo comminui, & conteri oportet. Cùm verò humanum COR peccandi consuetudine instar durissimi saxi, ac rupus cujusdam obriguerit magno procul dubio opus erit pistillo, ut illud in minutissimas partes conteratur.

Eusebi. Non sufficit, inquit Eusebius Emyssenus *homil. 7.* summis labijs dicere: Peccavi, parce, remitte. Et Saul dicebat: Peccavi; sed non *ad Monach,* obtinuit illam veniam, quam Divid unâ pœnitentiæ voce promeruit. Et hoc quare? quia confessionem illam nuda magis verba, quàm gemitus exprimebant; quia non compensabat magnitudinem criminis lenta humiliatio supplicantis. Non levi agendum est contritione, ut delicta illa redimantur, quibus mors æterna debetur; nec transitoriâ opus est satisfactione, pro malis illis, propter quæ paratus est ignis æternus. Si volumus intelligere quàm graves apud se faciat Judex noster hominum culpas, respiciamus ad pœnas. Similiter

liter alij Patres loquuntur. Alij Cyprianum : Quàm magna deliquimus , tam *Cyprian. Serm. de lapsis.* granditer defleamus. Alto vulnere diligens & longa medicina non desit ; pœnitentia crimine minor non sit. Putásne tu Dominum citò posse placari , quem verbis perfidis abnuisti : cui patrimonium præponere maluisti : cujus Templum sacrilegâ contagione violaſti ? Putas facile misereri tui , quem tuum non esse dixisti ? Consonam eidem Ambrosius pœnitendi formam præscribit : Audiant qui agunt pœnitentiam , quomodo agere debeant , quo studio , quo affectu , quâ mentis intentione , quâ intimorum concussione viscerum , quâ **CORDIS** conversione. Vide , inquit , Domine , quia tribulor , venter meus turbatus est à fletu meo , conversum est **COR** meum in me. Cognovisti intentionem Animi , fidem mentis cognosce , & habitum Corporis. Sederunt , inquit , in terra , tacerunt seniores filiæ Sion , & imposerunt terram super caput suum , præcinxerunt se cilicio virgines Jerusalem , defecerunt in lacrymis , oculi mei caligaverunt. Sic flevit & Ninive populus , *Joel. 3.* & denuntiaturum excidium civitatis evasit. *5.*

CONSIDERA TERTIO, Tunctionem pectoris, quam poenitentes sacrae Scripturae exemplis instructi usurpant, designare hanc CORDIS contritionem. Pectus enim tundimus tamquam COR, peccati sedem *Matth.* diverberantes : Ex CORDE enim exeunt 15. 19. cogitationes malae. Quare Augustinus ob-
Aug. in tritionem CORDIS, ait esse tunctionem pe-
Psal. 31. ctoris, eamque frequentari solitam ad
enar. 2. verba illa Orationis Dominicae : Dimitte
Idem li. nobis debita nostra, alibi testatur. Et San-
50. hom. ctus Cyprianus scribit, Publicanum pe-
Cypr. in ctus tundendo, peccata ipsa pulsasse in-
Orat. tus inclusa. Sanctus Hieronymus tradit,
Dom. Hilarionem pectus pugnibus percussisse,
Hieron. quasi cogitationes eade manus posset ex-
in vita cludere. Sed paulò fufius Sanctus Au-
S. Hilar. gustinus piam hanc caeremoniam expli-
August. cat : Tundere pectus, inquit, est arguere
Serm. 8. & castigare quod latet in pectore, & evi-
de verbis denti pulsu occultum castigare peccatum.
Domini. Publicanus percussit pectus suum, quòd
Luc. 18. plagis ipse esset dignus ob peccata. Percu-
 13. titur etiam pectus, & in eo COR; ut ex-
 citetur quod dormierat; dormit enim
 in peccati COR & conscientia, neque
 peccatis videt turpitudinem, deque sup-
 pliciorum aeternitatem. Tunctionibus ex-
 citatur, ut aperiat oculos, hostes quibus
 circum-

circumseptus est cernat, & summum periculum toto conatu effugiat. Disce igitur, cum pium hunc ritum in Oratione adhibes, toties eidem hosce affectus, & interiorum contritionis actum adungere; ut non tam simulachrum quoddam contritionis, quàm ipsammet substantiam & Animam Deo exhibeas.

CONSIDERA QUARTO, Fructum Contritionis CORDIS illum esse, quòd COR illud Deo maximè placeat; sicuti David ait: COR contritum & humiliatum Deus non despiciet. Quomodo autem despiceret ille, qui sanat contritos CORDE, & alligat contritiones eorum? Quomodo despiceret, qui habitat cum contrito & humili Spiritu, ut vivificet Spiritum humilium, & vivificet CONTRITORUM? Quomodo despiciat, qui non respicit nisi ad pauperculum, & contritum Spiritu, & tementem sermones suos? Respexit ita contritum COR Petri flentis amarè, immò ipso suo intuitu: & pietatis respectu vehementum illum dolorem in ejus CORDE excitavit. Respexit, contritionem peccatricis Magdalene, & superbo Phariseo ostendit, dicens: Vides hanc Mulierem? vidésne lacrymas? vides dolorem? vides amorem, quo

Pf. 50.
19.
Pf. 146.
3.
Isaie
57. 15.
Idem
66. 2.
Luc. 7.
38.

M 2 ejus

ejus conteritur, & quasi eliquatur? Respexit & Publicanum pectus suum tunderem, & dicentem: Deus propitius esto mihi peccatori. Respexit hos, aliosque contritos pœnitentes ille, qui à regalibus sedibus venit, ut medeatur contritis CORDIS & prædicet captivis indulgentiam, & clausis apertionem. Augustinus porro scribit etiam impij Regis Achab pœnitentiam Domino placuisse: Achab sacrificium contriti & humiliati CORDIS Deo offerri non distulit. Non despexit illud Deus sed maximè respexit, & Helix ostendit dicens: Nónne vidisti humiliatum Achab coram me? Quia igitur humiliatus est mei causâ, non inducam malum in diebus ejus. Exclamat hîc Hieronymus: O felix pœnitentia, quæ ad se Dei traxit oculos quæ furentem sententiam Dei confesso errore mutavit. Ulteriùs verò S. Gregorius hinc colligit, multò gratiore Deo esse contritionem CORDIS in homine prædestinato, si ei reprobandi Achab non displicuerit pœnitentia. Pensandum est, ait, quomodo & in electis suis mœror amaritudinis placeat, qui amittere timent Dominum, si si ei placuit & reprobi Achabi pœnitentia qui timebat perdere præsens sæculum. Aut quomodo ei grata non sit spontanea afflictio

Luc. 18. hi peccatori. Respexit hos, aliosque con-

13. tritos pœnitentes ille, qui à regalibus sedi-

Sap. 18. bus venit, ut medeatur contritis CORDIS

13. & prædicet captivis indulgentiam, & clau-

Isa. 61. 1. sis apertionem. Augustinus porro scribit

August. etiam impij Regis Achab pœnitentiam

Ser. 58. Domino placuisse: Achab sacrificium con-

de tem- triti & humiliati CORDIS Deo offerri

pore. non distulit. Non despexit illud Deus

sed maximè respexit, & Helix ostendit

3. Reg. dicens: Nónne vidisti humiliatum Achab

21. 29. coram me? Quia igitur humiliatus est

mei causâ, non inducam malum in diebus

Hier. in ejus. Exclamat hîc Hieronymus: O felix

Epitap. pœnitentia, quæ ad se Dei traxit oculos

Fabiola. quæ furentem sententiam Dei confesso er-

Gregor. rore mutavit. Ulteriùs verò S. Gregorius

hom. in hinc colligit, multò gratiore Deo esse con-

Ezech. tritionem CORDIS in homine prædestina-

to, si ei reprobandi Achab non displicuerit

pœnitentia. Pensandum est, ait, quomodo

& in electis suis mœror amaritudinis pla-

ceat, qui amittere timent Dominum, si si

ei placuit & reprobi Achabi pœnitentia

qui timebat perdere præsens sæculum. Au-

tomodo ei grata non sit spontanea affli-

ratio pro culpis, in eis, qui placent; si hæc ad tempus placuit, & in eis, qui displiceant.

CONSIDERA QUINTO, Quemadmo- *Petr. de*
 dum putrefacta lintea, & nullis usibus *valde-*
 apta, humanâ arte ita conteruntur, ut ipsâ *rama 1.*
 contusione in candidissimam, maximeque *p. exere.*
 perpolitam chartam convertantur: ita *profer.*
 quoque impurum COR, ad omnia pieta- *6. post.*
 tis officia inutile, ad divinæ gratiæ in- *Dom. 2.*
 fluxum clausum (utpote quæ non intrat in *Quadr.*
 CORDE subdito peccatis) si per pœniten- *Sap. 1. 4.*
 tiam, & Animi dolorem conteratur, pror-
 sus candidum efficietur, adeoque politum,
 ut in eo ipse Deus legem suam inscribat.
 Si fuerint peccata vestra ut coccinum, ait *Isaia 1.*
 Isaias, quasi nix dealbabuntur; & si fuerint *18.*
 rubra quasi vermiculus, velut lana alba
 erunt. Quis igitur hanc virtutem non toto
 CORDE amplectatur, quæ adeò nobis ne-
 cessaria est, ut sine ea ab æternâ salute exci-
 damus? Nihil enim coinquinatum intra- *Apoc.*
 bit in cælestem illam civitatem Jerusalem. *21. 27.*
 Omnia verò inquinamenta CORDIS ab-
 stergit & aufert contritio. Nisi pœniten- *Luc. 13.*
 tiam habueritis, omnes similiter peribit- *3.*
 tis, ait ipsa Veritas. O pœnitentia, excla- *Chrysof.*
 mat Chrysostomus, quæ peccatum mise- *Serm. de*
 rante Deo remittis, & Paradisum referas; *pœniten.*


quæ contritum sanas hominem, & tristem
exhilaras, vitam de interitu revocas, statum
restauras, honorem renovas, fiduciam
das, reformas vires, gratiamque abun-
dantiorum refundis. Itaque quàm chara
est unicuique CORDIS sanitas, Animæ sa-
lus, æterna beatitudo; tam ei displicere
non debet salutaris pœnitentia, & vera
CORDIS contritio. Pigeat sanè peccare, ait
B. Pacianus, sed pœnitere non pigeat: pudeat
periclitari, sed non pudeat liberari. Quis
naufrago tabulam ne evadat eripiet? quis sa-
nandis vulneribus invidet? Incumbe ergo
exercitio Contritionis pœnitens Anima,
incumbe CORDIS dolori, incurbe pœni-
tentia; ut ejus salutaris medicamento bonæ
valetudini restituaris.

*B. Pa-
cianus*

Epi. 1.

*ad Sym-
pronian.*







CORDIS HVMILIATIO.

Deprime COR tuum et sustine. *Ecdi. 2. 2.*

COR, nimis, heu sese, gaudens sublimibus, effert;

Ni super impositum, deprimat illud, onus.

12.

Pag. 183.

LECTIO XII.

CORDIS Humiliatio.

Deprime COR tuum, & sustine

EMBL.

12.

Eccl. 2. 2.

COR nimis, heu ! sese, gaudens sublimibus, effert; Nî super impositum deprimat illud onus.



GERMANÆ inter se Sorores sunt, Contritio & Humilitas : ideoque in sacra Scriptura sæpè conjunguntur; ut apud Isaiam : Qui

habitat cum contrito & humili Spiritu; ut *I/aia 57.*
vivificet Spiritum humilium, & vivificet *15.*

COR Contritorum. Nec Rex David socias has virtutes ab invicem separavit, sed maximo vinculo connexas ostendit, cum ait: COR contritum & humiliatum Deus non *P/al. 50.*
dispicies. Vel enim ad contritionem humi- *19.*
litas requiritur, vel sine illa contritio Deo non placet.

CONSIDERA ergo PRIMO, COR nostrum naturaliter sursum tendere, & exaltationis esse avidissimum. Cupidi siquidem *Bernar.*
sumus, ait Bernardus, ascensionis; exaltatio- *Serm. 3.*
nem concupiscimus omnes. Nobiles enim *de ascēs.*
creaturæ sumus, & magni cujusdam Animi, *Domini.*
ideo.

Isa. 14.
13.

ideoque altitudinem naturali appetimus desiderio. Sed vae nobis, si voluerimus eum sequi, quia ait : Sedebo in monte testamenti, in lateribus Aquilonis. Heu in lateribus Aquilonis ! frigidus est mons ille, non te sequimur. Illud enim, ascendere, superbiere est, & COR exaltare, atque elevare. Sic libro secundo Paralipomenon scribi-

2. Paral.
26. 16.

tur de Oziâ cum roboratus esset : Elevatum est COR ejus in interitum suum. Et Alexandri Magni, Nabuchodonozoris, & Ptolomæi Philopatris, qui superbissimi fuerunt, COR dicitur exaltatum & elevatum. Ascendere nobis sic non expedit, & ascendendi tamen tenemur concupiscentiâ. Quis docebit nos ascensum salubrem?

Ephes.
4. 9.

quis, nisi de quo legimus : Quoniam qui descendit, ipse est & qui ascendit ? ab ipso demonstranda nobis erat ascensionis via, ne ductoris, immò seductoris iniqui aut vestigium, aut consilium sequeremur Christus qui descendit, ipse est & qui ascendit, immò in hoc ipso quod descenderit, ascendit. Suo ergo nos exemplo docuit, descensum scalam esse ad ascendendum.

CONSIDERA igitur SECUNDA. Quàm meritò divinus Præceptor noster dixerit :
Matt. 11. 29. CORDE, & invenietis requiem Animabus vestris.

vestris. Ad quæ verba admirabundus ex-
 clamat Augustinus : Huccine redacti sunt
 omnes thesauri sapientiæ, & scientiæ ab- *Aug. (t.)*
 sconditi in te, ut hoc pro magno discamus *lib. de*
 à te, quàm mitis es & humilis CORDE? Ità- *sancta*
 ne magnum est esse parvum, ut nisi à te, *Virgin.*
 qui tam magnus es fieret, disci omninò non *cap. 35.*
 posset? ita planè. Non enim aliter inveni-
 tur requies Animæ, nisi inquieto tumore
 digesto, quo magna sibi erat, quando tibi
 sana non erat. Quid sit autem humilitas *Bernar?*
 CORDIS, exponit Bernardus, geminam di- *Serm. de*
 stinguens humilitatem: alteram cognitio- *Advent.*
 nis, alteram affectionis, quæ hîc dicitur
 CORDIS Priore, inquit, cognoscimus,
 quòd nihil sumus, & hanc discimus à nobis-
 ipsis, & ab infirmitate propriâ, Posteriore
 calcamus gloriam mundi, & hanc ab illo *Phil. 2.*
 discimus, qui exinanivit semetipsum, for- *7.*
 mam servi accipiens; qui etiam quæsitus in *Joan. 6.*
 regnum fugit, quæsitus ad tanta probra, & *15.*
 ignominiosum supplicium Crucis, spontè
 obtulit semetipsum. Priorem autem cogni-
 tionis non discimus à Christo. Non enim
 quomodo ego vel tu, ait idem, inveni-
 mus nos in veritate dignos dedecore &
 contemptu, dignos omni extremitate
 & inferioritate, dignos etiam supplicijs,
 dignos plagis, non inquam, ita & ille: quæ

tamen omnia expertus est, quia voluit tamquam humilis CORDE. Humilis videlicet illâ humilitate, quam CORDIS suavit affectio, non quam extorsit discussio veritatis. Tantò autem diligentius imitanda est hæc CORDIS humilitas, quantò illustriori exemplo nobis commendatur: præsertim verò quòd ipsa veritas contemptu & dedecore nos dignissimos faciat.

CONSIDERA TERTIÒ, Cum non utcumque Christus dixerit, qui humiliatus fuerit, exaltabitur; sed qui se humiliat, exaltabitur: necesse est, ut implete humilies, COR tuum deprimas, & humiliationem non exhorrescas. Humiliatio siquidem, Bernardo teste, via est ad humilitatem, sicut patientia ad pacem, sicut lectio ad scientiam. Onera igitur & pondera humiliationis CORDI superponenda sunt, ut postea sublevetur. Est enim COR nostrum palmæ non dissimile, cujus radix quantò plus opprimitur, tantò altius confurgit. Hinc inter Sponsæ laudes refertur: Statura tua assimilata est palmæ. Et David ait: Justus ut palma florebit. Licet enim justus hic conteratur & humilietur; copiosiores tamen, vel propter hoc ipsum fructus proferet. Terram igitur, unde sumpti sumus, consideremus, & velut pondus grave

CORDI

Luc. 14.

11.

Bernar.

Epist.

84.

Cant. 7.

7.

Psal. 91.

13.

CORDI nostro imponamus; ne vanè sese
 eleuet. Peccata nostra, quæ sicut onus gra- *Psal. 37.*
 ve gravata sunt super nos, ad COR revoce- *5.*
 mus; ut ejus elationem comprimant. Sicut *Amb. li.*
 apis, inquit Ambrosius, cùm aëris motus *2. de*
 suspectos habet, lapillis sæpè sublati, per *Virgin.*
 inania se librat nubilaria, ne leve alarum re-
 migium præcipitent flabra ventorum : sic
 si quis à vanæ gloriæ vento sibi timet, ne
 ejus impulsu in transversum rapiatur; sua-
 rum culparum & imperfectionum consi-
 deratione assumptâ, mentis suæ cogitatio-
 nes libret, ut quantum vana laus attollere
 potuit, tantum alia deprimat. Sanctus ve- *Chrysof.*
 rò Chrysostomus ait: Si vel unius diei pec- *ho. 20.*
 cata in memoriâ revoces, faciet illa re- *in Matt.*
 cordatio, ut facilè cristas demittas. Qui *Beyer-*
 cymbam contis per fluvium ducunt, cur- *linck in*
 runt per eam à prora ad puppim deor- *feriâ 2.*
 sum, ut ascendat sursum; revertuntur, *Pascha.*
 ut ultrò progrediantur: sic si ascendere vo-
 luerimus sursum, descendamus deorsum
 per CORDIS submissionem, & humilem
 sui existimationem. Regrediamur retrò
 per nostræ fragilitatis considerationem,
 ut in sublime progrediamur. Humiliemur *1. Pet. 5.*
 ergo sub potenti manu Dei, ut nos exaltet *6.*
 in tempore visitationis. Quemadmodum
 enim in aqua fit ut tantò altius ascendat,
 quantò

quantò illam quisquam ad ima deduxerit :
sic quò Animus humilior, eò altiùs atque
sublimiùs elevabitur.

CONSIDERA QUARTO, Hanc COR-
DIS humiliationem ac depressionem tan-
tam esse debere, ut illius etiam signa in ex-
teriori conversatione appareant. Unde
S. Bene- dict. cap. 7. Reg. Sanctus Pater noster Benedictus, erigens
Religiosis Discipulis suis cælestem quam-
dam scalam ad cælum, duodecim humilita-
tis gradibus distinctam; ultimo loco hunc
gradum posuit: Si non solùm CORDE Mo-
nachus, sed etiam Corpore humilitatem
videntibus se semper indicet, id est, in ope-
re, in Oratorio, in Monasterio, in horto,
in via, in agro, vel ubicumque sedens, am-
bulans, vel stans, inclinato sit semper capi-
te, defixis in terram aspectibus, reum se
omni horâ de peccatis suis existimans, jam
se tremendo Judicio Dei præsentari existi-
met: dicens sibi in CORDE semper illud,
quod Publicanus ille Evangelicus, fixis in
Luc. 18. terram oculis dixit: Domine, non sum dig-
13. nus, ego peccator, levare oculos meos ad
cælum. Et iterùm cum Propheta: Incur-
vatus & humiliatus sum usquequaque. Ita
enim conjungenda est humilitati CORDIS
3. Reg. humilitas Corporis, quæ externo illo ri-
21. 27. tu designatur. Sic Achab humiliatus am-
bulavit

bulavit demisso capite. Sic Esdras pro
 populo orans, dicebat: Deus meus confun- *1. Esdra*
 dor, & erubesco levare faciem meam ad te; *6.6.*
 quoniam iniquitates nostræ multiplicatæ
 sunt super caput nostrum. Et Manasses
 Rex: Non sum dignus intueri, & aspicere *Orae.*
 altitudinem cæli præ multitudine iniqui- *Manass.*
 tatum mearum. Junge igitur, ô Anima,
 utramque hanc humilitatem; ut humilitatis
 Magistro non displiceas. Formam tibi in
 hoc præbuit Hebræus Rex, qui Deo suppli-
 cans, dicebat: Domine, non est exaltatum *Ps. 130.*
 COR meum, neque elati sunt oculi mei. Ne- *1.*
 que ambulavi in magnis, neque in mirabi-
 libus super me. Sed quid: si non humiliter
 sentiebam, sed exaltavi Animam meam:
 sicut ablactatus est super matre sua: ita re-
 tributio in Anima mea. Id est, sicut Infans *Bellar.*
 recens ablactatus manet in sinu, vel super *in illum*
 genua matris suæ, mœstus & plorans, quia *Ps. al.*
 privatus est dulcedine lactis, quæ pro illo
 tempore summæ delitiæ ipsius erant; sic
 Anima mea privetur dulcedine consolatio-
 nis divinæ, quæ meæ potissimæ ac penè so-
 læ delitiæ sunt.

CONSIDERA QUINTO, Potissimos hu-
 militatis fructus esse, primò, quòd Deus
 humilium preces exaudiat. Respexit, in- *Ps. 101.*
 quit David, in Orationem humilium, 18,
 &

& non sprevit precem eorum. Et Ecclesia-
Ecclesi. sticus : Oratio humiliantis se penetrabit
 35.21. nubes. Secundò, humilibus Deus in hac vi-
 ta gratiam, in altera gloriam confert. Unde
Luc. 4. S. Jacobus ait : Deus superbis resistit, hu-
 7. milibus autem dat gratiam. De gloriâ ve-
Pf. 17. rò Psalmographus canit : Tu populum hu-
 28. milem salvum facies, & oculos superbo-
Job. 22. rum humiliabis. Et Sanctus Job : Qui hu-
 29. miliatus fuerit, erit in gloriâ ; & qui in-
 clinaverit oculos, ipse salvabitur. Tertio,
 præcipuus, & qui ex prioribus confurgit
 fructus est ; quòd per CORDIS humilita-
 tem homo Deo appropinquet, & ipse
 Deus proprior ei fiat. Quod pulchrè de-
August. clarat Augustinus ? Quisquis itaque pœni-
 40.50. tentiæ recusat humilitatem, Deo ptopin-
inter quare non cogitat. Aliud est enim levare
Quin- se ad Deum : aliud est levare se contra
quag. Deum. Qui ante illum se projicit, ab illo
Idem in erigitur. Qui adversus illum se erigit, ab
Pf. 74. illo projicitur. Certè altus est Deus, non
 eum attingit elatus. Omnia sublimia ut
 contingamus, attollimus nos : & si attingere
 non possumus, machinamenta aliqua,
 vel scalas quærimus ; ut sublimitati
 sublimia contingamus. Contrà, Deus &
 altus est, & ab humilibus contingitur.
 Scriptum enim est : Prope est Dominus
 his

his qui obtriverunt Cor. Tritura COR-
DIS, pietas, humilitas. Qui se conterit,
irascitur sibi: se habeat iratum, ut illum
habeat propitium: se habeat Judicem, ut
illum habeat defensorem. Humilia ergo
valdè Spiritum tuum. Deprime COR tuum, *Eccli. 7.*
& sustine; ut Deo conjungaris, & crescat *19.*
in novissimo vita tua. *Ibid. 2.*
2.



LECTIO XIII.

EMBL.

CORDIS Emollitio.

13.

Deus mollivit COR meum.

Job. 23. 16.

COR, marmor glaciale, Deus, ceu, cera liquescet, Urere cū tuus, hoc, cœperit ignis amor.



CONSIDERA PRIMÒ, Eam esse divinæ bonitatis clementiam, ut etiam obstinatissima CORDA nitatur emollire. Hinc Sanctus Job dice-

Job. 23.

16.

Nahum

1. 6.

bat: Deus molluit COR meum. Et Nahum Propheta: Dominus patiens & magnus fortitudine: indignatio ejus effusa est ut ignis, & petra dissoluta sunt ab eo. Quod Hieronymus interpretatur: Indignatio Dei, quæ diu sustentat peccantes, aliquando non tota quidem prorumpit in pœnam; sed stillat in modum ignis, ad dissolvendam duritiam CORDIUM, quæ per petram signatur. Quis verò explicet quod modis divina illa bonitas CORDIS nostri duritiam edomare, & expugna-

re



CORDIS EMOLLITIO.

Deus molliuit COR meum. *Iob. 23. 16.*

COR. marmor glaciale, Deus, ceu cera, liquefcet,

Vrere cum tuus hoc ceperit ignis amor.



LIBER II. LECTIO XIII. 193
restudeat ? Quemadmodum namque qui *Didac.*
aliquid mollescere vult, prius impressum *Stella in*
manibus huc illuc versat ; si adhuc resistit, *cap. 8.*
adhibet unctionem, post unctionem verò *Luc.*
in aquam conjicit, postea in ignem, deinde
ad incudem ducit ; quòd si nec hoc modo
mollire potest, tamquam omninò inutile
abjicit. Sic Deus erga humana se gerit
CORDA. Primo enim illa quasi manibus
suis contrectans, benignâ Passionis suæ,
grandiumque beneficiorum memoriâ mul-
cet. Gratulatur sibi de hoc Augustinus, *August.*
cùm Deo ita loquitur : Deinde paulatim, *lib. 6.*
tu Domine, manu mitissimâ & misericor- *Confess.*
dissimâ pertractans composuisti **COR** *cap. 5.*
meum. Secundò, illa inungit divinis auxi-
lijs, & inspirationibus; quibus faciliùs pec-
cati rigorem deponat. Tertiò, bonorum
temporalium aquis inundat, ut gratias
Auctori agendo, in memoriam veniant
delicti sui. Quartò, ignibus tribulatio-
num, & infirmitatum vexat. Denique icti-
bus mortis temporalis committit, ut vel
saltem tunc resipiscant, & convertantur. At
verò si nihil istorum potest deperditam
revocare voluntatem, nulla mora est,
quin hujusmodi miserrimi peccatores,
quorum **CORDA** marmorea ullis non po-
tuerunt mollescere viribus, in infernum

N

conjician-

conjiciantur. Ne verò hoc tibi contingat, Dominum ora ut emolliat COR tuum; & magno clamore, magni Præfulis hanc vocem usurpa : Rogo te Domine , per omnes miserationes tuas, quibus de morte æterna liberati sumus, mollicia COR meum durum & lapideum, saxeum & ferreum, tuâ sacratissimâ & potenti unctione, & fac me per ignem compunctionis, coram te, omni horâ hostiam vivam fieri.

CONSIDERA SECUNDO, Maximam efficaciam habere verbum Dei, ad humani CORDIS duritiam emolliendam. De eo siquidem scriptum est : Numquid non verba mea sunt quasi ignis, dicit Dominus, & quasi malleus conterens petram ? Ignis hic ænea hominum CORDA liquefcere facit : Malleus verò, saxeâ & lapideâ CORDA contundit, comminuit, & conterit. Noverat hujus ignis virtutem regius Vates, cùm diceret : Ignitum eloquium tuum vehementer, & servus tuus dilexit illud. Noverant & Discipuli illi Emmauntem petentes, qui cùm frigidi priùs essent, & Resurrectionem Domini penè desperarent, ab ignoto, & ignito ejus eloquio adeò accensi sunt, ut dicerent : Nòne COR nostrum ardens erat in nobis, dum loqueretur in via, & aperiret nobis Scrip-
turas

*Aug. in
Medit.
cap. 35.*

*Jerem.
23.29.*

*Pf. 118.
48.*

*Luc. 24.
32.*

LIBRUM II. LECTIO XIII. 195
 uras? Et sponsa nōne disertè protesta-
 ur, ad vocem Sponsi **COR** penitus lique-
 factum fuisse? Anima mea, inquit, lique- *Cant. 5;*
 facta est, ut Dilectus locutus est. Jam verò 6.
 quàm efficaciter malleus verbi Dei con-
 erat petras durissimorum **CORDIUM**, vel
 inde colligere licet, quòd ad solam ejus au-
 ditionem, vel lectionem: multi subito ad
 Christum conversi sint. Audito hoc ver-
 bo Evangelico in Ecclesia: Vade & veni *In vita*
 le omnia quæ habes, & da pauperibus, *per S.*
 & veni sequere me? Antonius fit Eremita. *Athan.*
 Audito illo verbo: Venite benedicti Patris *In gestis*
 mei, percipite regnum, &c. Apronianus *S. Mar-*
 timum in Christum credit, baptizatur, *celli Pa-*
 tris martyr. Audita illâ voce: Tolle, lege; *pæ.*
 tolle: lege; moxque lectis illis verbis Apo-
 stoli: Non in comestationibus, & ebrie- *Rom. 13.*
 tatibus, non in contentione, & æmula- *13.*
 tione, non in cubilibus, & impudicijs,
 sed induimini Jesum Christum; Augusti- *Confess.*
 nus plenè ad Christum convertitur. Nico- *l. 8. c. 12.*
 laus Tolentinas audiens pro Concione ex- *1. Joann.*
 plicari illam Joannis sententiam: Noli- *2. 15.*
 te diligere mundum, neque ea quæ in *Sur. 10.*
 mundo sunt, transit enim mundus, & con- *Sept. ex*
 cupiscentia ejus; subito in alium virum mu- *Antonio*
 tatus, Ordinem fratrum Augustinianorum *Senen. in*
 ingressus est. Quid verò contigit Moneto *Chron.*

illi, qui de industria Reginaldi Ordinis
Prædicatorum celeberrimi Ecclesiasticæ
Conciones declinabat, ne vel invitatus ad il-
lum Ordinem raperetur ? Hic in Sancti
Stephani Martyris Natali comitum impor-
tunitate tractus, primis statim verbis cap-
tus est, cùm illam vocem exponeret: Ecce
Act. 7. video cælos apertos. Ita enim differe-
55. bat, nunc quidem cæli portas ad beatitu-
dinem patere, ita ut quivis ingredi possit
qui autem negligentes essent, & qui Dec-
Cor suum clauderent, ijs vicissim cælos
claudi, ut deinde intrare non possint. Nec
pluribus opus fuit; statim enim CORDIS
immutato, qui ad eam horam tam alie-
nus fuerat à Religione, Religionis vo-
luntatem concepit. Finitâ Concione, Re-
ginaldum adiit, Animum suum expo-
suit, eumque voti etiam vinculo adjun-
cto confirmavit. Inclina & tu aurem
CORDIS tui, ô Anima fidelis, & excipe
dulcissima Sponsi eloquia in sacræ Scrip-
turæ paginis, & piorum librorum le-
ctione resonantia : Hæc enim duritiem
CORDIS tui efficaciam suam facilè emol-

Gilbert. lient. Ausculta (ait Gilbertus Abbas) &
Abbas, recale, quid locutus Mariæ Magdale-
Ser. 44. næ, quid mulieri in adulterio depre-
in Cant. hensæ, quid Samaritanæ, Chananæ,

Zac.

Laccheo, Petro, Centurioni ? Ad tot pietatis sermones & clementiæ, cujus, non mollescat affectus, viscera liquefiant ! Ad tam vehementes flatus Austrinos, etiam de durissimo pectore, quantumlibet annosa poterat glacies dissolvi.

CONSIDERA TERTIO, Benigno Christi Domini intuitu, quem ejusdem amor vel subsequi, vel comitari solet, maximè *CORDA* emolliri. Vide Sanctum *Pe-Marc.*
 trum frigidum ad prunas se calefacien- *14.64.*
 tem, Dominum negantem, & instar solidissimæ petræ obrigescentem : mox verò cùm idem benignissimus Dominus respexit Petrum, lapis solutus est, & profluxerunt aquæ, & Petrus flevit amarè. Et unde, quæso, Magdalena in lacrymas *Luc.22.*
 tam copiosas resoluta, & eliquata est, ut *63.*
 ijs Domini pedes rigaret, nili ab aspectu *Luc.7.*
 clementissimi Jesu : Id enim in Hymno *44.*
 asseverat Ecclesia :

Pater superni luminis,

Cùm Magdalenam respicis,

Flammas amoris excitas,

Geluq; solvis pectoris.

Breviar.

Rom.

Neque hoc mirum, aut à ratione alienum videri debet : Christus enim, cùm Sol Justitiæ sit, hoc sibi proprium habet, ut radiorum suorum calore, frigore constricta

CORDA, fluidæ instar aquæ resolvat. Unde quidam lacrymantem Magdalenam sic loquentem inducit:

Nix ego, Sol Christus; radiorū ardore liqueſco.

Nil mirum ex oculis, si fluat unda, meis.

Paschas. COR enim liquefactum (ut ait Paschasius
Ratber- præ amore Dei, quasi glacies ex calore re-
tus li. 2. solvitur, & sicut aqua effunditur. Agnovit
in lam. divini hujus Solis miram efficaciam Isaïas
Jerem. Vates, qui, quasi in Hyeme constitutus.
 Solis hujus ortum ardentibus hisce votis
Isaïa implorabat: Utinam disrumperes cælos,
 61.1. & descenderes: à facie tua montes deflue-
 rent? id est, superba mortalium COR-
 DA vi gratiæ tuæ ad humilitatem, patien-
 tiam, omnemque virtutem liquarentur.
 Sicut exustio ignis tabescerent, aquæ ar-
 derent igni, id est, mollia & concupiscen-
 tijs humecta, ac viscosa hominum COR-
 DA, igne charitatis exsiccata, inflamma-
 rentur. Quis non admiretur adeò ferven-
 tes Solis hujus radios, à quibus etiam saxa,
 & lapides dissolvantur, & liqueſcant!
 In hunc enim sensum Sanctus Gregorius
Job 28. interpretatur illud Job: Lapis solutus ca-
 2. lore, in æs vertitur. Tunc, ait, lapis solu-
Gregor. tus calore, in æs vertitur, cū COR durum,
lib. 18. & divini amoris igne frigidum, eodem
Moral. igne tangitur & liquatur; ut desideriorum
 cap. 17. æstu

estuardeat, qui prius insensibilis manebat. Ex quo ardore emollitur ad amorem, & roboratur ad operationem; ut sicut prius durus fuerat in amore sæculi, ita se postmodum fortem exerat in amore Dei. Quid verò congruentius est, quàm *G. fle-*
amori tribuere hanc liquefactionem, quàm *rus. ca.*
id, quod alioquin durum est, redditur *5.*
fluens? cùm exploratum sit eos esse præ- *Cant.*
cipuos amoris effectus, ut amantem im- *Expos.*
pellat ad amatum, eundemque cum illo
uniat; quæ certè unio tunc fit pulchrius,
cùm amor ipse fit mutuus, atque adeò am-
bos amantes ad alterutrum fluidos faciat.
Nec ignoramus, dilectum piarum Anima-
rum Jesum Christum dixisse: Factum est *Ps. 21.*
COR meum tamquam cera liquefcens. *15.*
Unde si liquefacta Anima fluat ad Jesum, &
Jesum liquefactus ut cera, fluat ad ipsam
Animam; quid exinde consequitur, nisi
perfecta unio? Res Corporeæ cùm per *Guilliel.*
calorem extrinsecus liquefcunt, in semet- *Abb. a-*
ipsas resolvuntur: Animæ verò cùm per *pod Del-*
calorem intimum liquefcunt, non in semet- *rio cap.*
ipsas resolvuntur, sed in solventem. Re- *5. Cant.*
solvuntur à semetipsis, sed non in semet-
ipsas; resolvuntur igne Dei, ab amore sui
in amorem Sponsi cælestis. Hoc Paulus
insinuans, qui adhæret, inquit, Domino,

1. Cor. unus Spiritus est. Et suam Animam hoc
 6. 17. modo liquefactam indicans: Vivo, inquit,
 ego, non jam ego, vivit autem in me
Gilbert. Christus. O quàm dulcis hora, quando
Abbas, Anima, huic igneo torrenti, liquefacta
Ser. 44. miscetur ! quàm subtilis est in illo mo-
in Cant. mento, quàm extenuata, quàm mobilis?
 Nihil tunc torporis habet, nihil duritiæ
 reliquum, nihil rigoris, tantummodò calens
 & liquens.







CORDIS MVNDATIO

Lava a malitiâ COR tuum . *Psalm. 4. 14.*

sem scabuit lateris transfixi, e vulnere, sponsi.

Ecce CORDIS maculas ablue sponsa, tui.

14.

Pag. 201.

LECTIO XIV.

EMBL.

14.

CORDIS Mundatio.

Lava à malitia COR tuum.

Jerem. 4. 14.

*Fos scaturis lateris transfixi è vulnere Sponsi,
Hoc CORDIS maculas abluè, Sponsa, tui.*



CONSIDERA PRIMO, In super-
nam illam civitatem Jerusalem,
quæ tota (ut scribit Discipulus
ille, quem diligebat Jesus) est *Apoc.*
aurum mundum simile vitro mundo, ornata 21.18.
omni lapide pretioso, illuminata claritate
Dei, non intrabit aliquid coinquinatum, aut
abominationem faciens; sed omnes illius
patriæ cives (ad similitudinem ipsius civi-
tatis) mundi, puri, & immaculati erunt, Pro-
pheta quoque ille, cui incerta & occulta
sapientiæ suæ manifestavit Deus, posita in- *Pf. 50.8*
terrogatione: Quis ascendet in montem *Pf. 23.4*
Domini? aut quis stabit in loco sancto
ejus? respondet, Innocens manibus, & *Nyssen.*
mundo CORDE. His autem duabus parti- *Orat. de*
bus, ait Nyssenus, omnem Justitiam com- *Ascens.*
N 5 prehen-

prehendi. Munditia, sive Innocentia manuum, operum puritatem designat: CORDIS verò munditia, cogitationem & intentionum sinceritatem declarat. Tam interna, quàm externa mundities requiritur, ut ad cælestem beatitudinem quis admittatur. Pharisei neglectâ interiori puritate, solam externam curabant; in quos gravissimè Salvator noster ita invectus est: Væ vobis Scribæ & Pharisei Hypocritæ! Qui decimatis mentham, & anethum, & cyminum, & reliquistis quæ graviora sunt legis, iudicium, & misericordiam, & fidem. Hæc oportuit facere, & illa non omittere. Duces cæci, excolantes culicem, camelum autem glutientes. Væ vobis Scribæ & Pharisei Hypocritæ! quia mundatis quod de foris est calicis & paropsidis, ut fiat id quod de foris est mundum. Væ vobis Scribæ & Pharisei Hypocritæ! quia similes estis Sepulchris dealbatis, quæ à foris parent hominibus speciosa, intus verò plena sunt ossibus mortuorum, & omni spurcitiâ: sic & vos à foris quidem paretis hominibus iusti, intus autem pleni estis Hypocrisi, & iniquitate. Ex Christi ergo mente priùs interior CORDIS munditia quærenda est, quàm exterior Corporis,

Matth.

23.23.

poris. Aranear hęc esse industria scribitur *Forne-*
ut ruptam à muscis telam, reficere vo- *rus*
lens, à medio incipiat, eamque ante So- *Cōc. 90.*
lis occasum perficiat. Nos jam inde à sus- *in Ps. 50.*
cepto Baptismo, in CORDIBUS nostris,
velut à centro telam æternæ salutis ordi-
mur; quàm sæpè autem eam infernales
muscæ ruperunt? quàm impetuosè per-
fregerunt? Si porrò eam reficere veli-
mus, à centro, à CORDE eam incipere
necesse est, & extrema huic operi ma-
nus imponenda, antequam Sol gratiæ,
& misericordiæ Dei nobis occumbat.
Clama igitur cum Propheta: COR mun- *Ps. 50.*
dum crea in me Deus, & Spiritum *12.*
rectum innova in visceribus meis. Ite-
rumque: Fiat COR meum immacula- *Ps. 118?*
tum in justificationibus tuis, ut non con- *80.*
fundar.

CONSIDERA SECUNDO, Si, ut Sanctus *Job 25.*
Job dixit, nemo mundus à sorde; & Sa- *juxta 70.*
piens: Quis potest dicere, mundum est *Prov.*
COR meum, purus sum à peccato! *20.9.*
quàm fœda, deformis, & squalida sis, ô
Anima, quæ hætenus in viam CORDIS
tui vaga abiisti post greges sodalium *Cā. 1.6.*
tuorum? Ambulasti enim in tenebris & *Isaia*
lubrico, & inquinasti vestimenta tua; *63.3.*
quin immò velut sus volutata es in vo-
lutabro

2. *Pet.* 2. lutabro luti, & maculata es in iniquitate tuâ. Quàm meritò igitur de mundanda fœditate tuâ cogitare debes; audi Dominum per Prophetam monentem: Lava à malitia Cor tuum Jerusalem, ut salvafias: Usquequò morabuntur in te cogitationes noxiæ? Quamobrem verò CORDIS immundi ablutionem omnipotens Deus requirit: nimirum cùm illud sibi sacrificium offerri velit, planè mundum esse oportet. Ita enim olim præcepit, ut intestina & pedes hostiæ lavarentur aquâ. Quid enim hoc designat, nisi quòd affectus CORDIS nostri (per pedes designati) & ipsius CORDIS interiores cogitationes (quas intestina denotant) ablui & purgari debeant, antequam ipsum COR offeratur in sacrificium acceptabile? Sed & templum Dei vivi est COR nostrum, ut proinde etiam hoc nomine magnâ puritate nitere debeat. Si enim scriptum est, vel pedem esse custodiendum, quo in materiale templum Dei ingredimur, ne quid contaminatum, aut immundum in illud ingrediatur, & si Moyses calceamenta deponere jubetur, id est, involucra carnalium cogitationum: Quantâ tandem puritate debet esse conspicuum COR nostrum spirituale templum Dei, de quo Apostolus
- ait;

ait: Vos enim estis templum Dei vivi, si- 2. Cor.
cut dicit Deus: quoniam inhabitabo in il- 6. 16,
lis, & inambulabo inter eos, & ero illorum
Deus, & ipsi erunt mihi populi?

CONSIDERA TERTIO, Ad ablutio-
nem CORDIS aquam cum primis esse ne-
cessariam; ne verò hanc per varia loca
anxiè nimis quæras, demonstrat tibi Za-
charias fontem copiosissimum: In die illa, Zachar.
ait, erit fons patens domui David, & ha- 13. 1.
bitantibus Jerusalem, in ablutionem pecca-
toris, & menstruatae. Quis verò hic fons,
nisi Christus Dominus; fons & scaturigo
gratiæ, justitiæ, & salutis? Sic enim hunc
locum interpretatur Sanctus Gregorius:
Fons quippe occultus est Unigenitus Pa- Gregor.
tris, invisibilis Deus. Fons verò patens, ho. 20.
est idem Deus Incarnatus: qui fons patens in Eze-
rectè domus David dicitur, quia ex Da- chiel,
vidis genere noster ad nos Redemptor
processit. Hi autem Jerusalem habitant,
qui in visione pacis intimæ mentem fi-
gunt. Peccator verò, & Menstruata est, vel
is qui delinquit in opere, vel mens quæ
labitur in prava cogitatione. An non fons
patens est Christus crucifixus, è quo quin-
que illi torrentes sanguinis profluxerunt?
In terrestri Paradiso fons erat, qui in Gen. 2,
quatuor capita dividebatur, ut ita totam 10.
terram

terram irrigaret. In Paradiso Ecclesiæ Jesus crucifixus fons est, è cujus sacris vulneribus quinque flumina scaturiunt, quibus abluuntur peccata totius mundi. Christus est probatica illa piscina, quinque vulnerum porticus habens, in quam qui descenderit post motionem aquæ, sanus

Joannis
5. 2.

Joã. 5. 4

fit à quacumque detinetur iniquitate.

Hebr. 9.

14.

Chrysol.

hom. 45.

in Joã.

Sanguis enim Jesu Christi emundat conscientias nostras ab operibus mortuis peccatorum.

Hic Sanguis, ait Chryso-

stomus, effusus, universum abluit orbem

terrarum; hic Sanguis Sancta Sanctorum

purgat. Quod si ejus figura tantam ha-

buit vim, in Templo Hebræorum, in

Exo. 12.

22.

Levit. 8

11.

medio Ægypti, liminibus aspersus, dum

ab Angelo percutiente servavit, dum po-

pulum emundavit: dum omnia sanctifi-

cavit; quantò magis, veritas ipsa Sangu-

nis hujus? Hic Sanguis aureum altare san-

ctificavit; sine hoc Princeps Sacerdo-

tum in penetralia ingredi non audebat.

Sanguis Sacerdotes faciebat, hic Sanguis

in figura peccata purgabat, hic Sanguis

nostrarum Animarum salus est. Hoc la-

vatur, hoc ornatur Anima, hoc incendi-

tur; hic, igne clariorem reddit mentem

nostram, & auro splendidior; hujus

Sanguinis effusio cælum pervium fecit.

Accipe

Accipe igitur situlam memoriæ, & in eâ hauri cum gaudio de fontibus his Salvatoris efficacissimam aquam, quâ pollutum COR tuum abluas. Adhibe, inquam, velut manus, intellectus considerationes, & affectuum excitationes, ijsque COR tuum perfrica, abluere, & emunda: immò verò totum COR in hoc Sanguineum lavacrum immerge; & sine dubio ascendet inde dealbatum. Beati; qui lavant *Apoc. 22* stolas suas in Sanguine Agni! Nihil enim *14.* tam efficax, ait Bernardus, ad curanda *Bern.* conscientię vulnera, nec non ad pur- *Ser. 62.* gandam mentis aciem, quàm Christi *in Cant.* vulnerum sedula meditatio. Recurre ergo ad lavacrum hoc, & dic cum Ecclesia: Dealba me Domine, & munda COR meum; ut in Sanguine Agni *Rom.* dealbatus, gaudijs perfruar sempiternis.

CONSIDERA QUARTO, Quò pertina-
ciùs maculæ vestibus inhærent, eò accura-
tiùs ac læpiùs ablui debent:

(*Quo semel est imbuta recens, servabit odore,* Horat.
Testa diu *lib. 1.*

inquiebat ille) frequentiori indiget emun- *Epist.*
datione vas fœdo liquore repletum: At-
que hinc leprosus mundandus septies *Levit.*
aspergi sanguine passeris immolati præ- *14. 5.*
cipitur,

4. Reg.

5. 14.

P/. 50.

3.

cipitur, ut jure purgetur, ac deinde totum Corpus ablui. Naamanem Principem leprâ infectum septies lavari in Jordane oportuit, ut curaretur. David Rex non ignorans nullam esse lepram peccato foediorem, eamque adeò tenaciter CORDI adhærere, ut unâ vice ablui non posset, identidem se lavari supplici voce obsecrat : Ampliùs, inquit, lava me ab iniquitate mea, & à peccato meo munda me. Age igitur Anima, vis alterum lavacrum CORDI tuo expurgando præparare ? admisce sanguineis Salvatoris fontibus aquam pluviam, & largissimos imbres calidarum lacrymarum, ex peccati consideratione distilantium ; ijsque Cor tuum ablue. Utenim pluvia ex densâ nube Soli oppositâ, ejusque calore resolutâ, è mediâ aëris regione decidit : Ita prorsus cùm in nubem peccatorum nostrorum (quæ Solis Justitiæ radios nobis occultat) divini amoris flamma inciderit, facilè nubem dissolvit, & abundantissimam lacrymarum pluviam progignit. Lubétne etiam hisce aquis acre lixivium adjungere, ad abluendas etiam inveteratissimas maculas vestis nuptialis, quam in Baptismo induisti ? Cola lacrymas tuas in vase CORDIS, per cineres Mortis, Judicij, & Inferni; &

assiduâ

assiduâ horum meditatione facilè pristinum
 Animæ splendorem recuperabis. Memora-
 re, ait Sapiens, novissima tua, & in æternum *Eccli.*
 non peccabis. 7.40.

CONSIDERA QUINTO, Ingens præ-
 mium, quod mundis CORDE promissum
 est: Beati, ait Christus, mundi CORDE, *Matth.*
 quoniam ipsi Deum videbunt. Hæc autem 5.8.
 visio Dei, ijs, tum in hoc sæculo, tum in al-
 tero conceditur. Hic quidem per Specu- *1. Cor.*
 lum in ænigmate, sive per contempla- 13.12.
 tionem Deus videtur: in altera verò vita
 perspicuè, & facie ad faciem. Deus au-
 tem cùm mundissimus sit, non nisi à mun-
 do CORDE videri potest; ut enim ait
 Plato: Impuro, purum attingere nefas
 est. Et Nyssenus: Quo enim modo Ani- *Plato in*
 mus noster, qui inferiori huic carnis vo- *Phædo.*
 luptati mancipatus est, atque in humano- *Nyssen.*
 rum affectuum appetitionem totus incum- *lib. de*
 bit, potest cognatum illud lumen, quòdve *Virg.*
 mente ipsa cernitur, vacuo, & libero sensu *cap. 5.*
 aspicere; cùm is prava quadam atque in-
 erudita anticipatione, ad humiles has
 res & lutulentas aciem intendat? In
 æternâ verò beatitudine felicissimè Deus
 à mundo CORDE videtur, amatur, & pos-
 sidetur. Ibi, inquit Augustinus, tota vir- *August.*
 tus erit videre, ò Anima mea, quod amas; *lib. 22.*

de civit. & summa felicitas, amare quod vides: &
Dei, ibi beata vita in suo fonte bibitur, ubi Ve-
 ritatis visio clarissimè aperitur. Ibi vacabi-
 mus & videbimus, videbimus & amabimus,
 amabimus & laudabimus ESSE quod erit in
 fine, sine fine. Quod enim, ô Deus, præpara-
 sti diligentibus te, fide non capitur, spe non
 attingitur, charitate non apprehenditur, de-
 sideria & vota transgreditur, acquiri po-
 test, æstimare non potest.



TERTIA GLASSIS.

CORDIS Oblatio & Examen.



OR à vitjs in precedenti
 Classe expurgatum, dignum
 est quod suprema Numini
 in gratissimum munus, &
 sacrificiunt acceptabile offer-
 ratur. Id autem in hac Classe


fidelis Anima Dilecto suo dicat, & conse-
 crat: Deus verò, qui à sacrificijs suis omnem
 nevum, & maculam abesse voluit, quiq;
 COR & renes scrutatur, non sine multiplici
 ac diligenti examine Sponse sue munus ad-
 mittit. Unde, velut Argentarius, in statera
 COR illius appendit, in igne probat, fundum
 illius scrutatur, & ad rectissimam CORDIS
 sui amussim, illius rectitudinem explorat.
 Eadem fuit Sponsi circa Sponse sue vineam
 cura & diligentia; ipse siquidem ait: Descen- Cant. 6.
 di in hortum nucum, ut viderem poma con- 10.
 vallium, & inspicerem si floruisset vinea.
 Vineam enim CORDIS nostri, quam planta-
 vit dextera ejus, quam Sanguine suo riga-
 vit, quam Angelice custodie maceriâ, &
 virentibus gratia sua sepibus circumdedit,
 ipsemet visitat, & diligentissimè inspicit,

num fructuum spem faciat; an verò conversa in prævum vinea aliena, igni sit destinanda eterno. Id verò Sponsæ adeò non ingratum est, ut ipsa etiam Sponsum ad hoc invitet, Dicens: *Veni Dilecte mi, egrediamur in agrum, commoremur in villis. Manè surgamus ad vineas; videamus si floruit vinea, si flores fructus parituriunt. Quid enim hoc aliud est, quàm rogare Sponsum, ut diligenter examinet, an vinea labori Coloni respondeant. Atque in hoc examine, via purgativa finitur. Flores enim vinea ad Incipientes, quemadmodum fructus ad Proficientes pertinent.*

Cant. 7.

II.







CORDIS DONATIO.

Præbe fili mi, COR tuum mihi. *Prou. 23. 26.*

*Vnice CORDIS amor, timor vnice CORDIS, Jesu,
COR tibi dono meum, COR mihi redde tuum.*

15.

Pag. 213.

LECTIO XV.

CORDIS Donatio.

EMBL.

15.

Præbe fili mi COR tuum mihi.

Proverb. 23.26.

Unice CORDIS Amor, timor unice CORDIS

JESU.

*COR tibi dono meum, COR mihi redde
tuum.*

ONSIDERA PRIMO, Quemad-
modum Regibus honoris &
subjectionis testandi causâ, mu-
nera deferri solent; ita Deum,

qui est Rex regum, & Dominus dominan-
tium, præcepisse ut ei quoque munera de-
ferrentur; unde dixit: Non apparebis in *Deutee.*
conspectu meo vacuus, sed offeret unusquis- *16.17.*

que secundum quod habuerit, juxta bene-
dictionem Domini Dei sui, quam dederit
ei. Ita prædictum est de pacifico Rege Salo-
mone Christo Domino: Adorabunt eum, *Pf. 44.*
quoniam ipse est Dominus Deus tuus. Et *14.*

filix Tyri in muneribus, vultum tuum de-
precabuntur omnes divites plebis. Quibus

verbis significatur, Gentilitatem ad Christum conversam, spiritualibus muneribus eum honoraturam, & deprecaturam; idque non tantum vilem plebeculam, sed ipsos etiam divites plebis, immò etiam Reges fa-

Pf. 71.

10.

Auros. Unde in alio Psalmo dicitur: Reges Tharsis, & Insulæ munera offerunt: Reges Arabum, & Saba dona adducent. Id autem in Magis Christi adoratoribus ad litteram adimpletum fuisse, ex communi Sanctorum, & Ecclesiæ consensu constat.

Math.

2. 11.

Illi enim apertis thesauris suis, obtulerunt ei munera, Aurum, Thus, & Myrrham; quibus eum Deum, Regem, & hominem esse confessi sunt. Tu verò, Anima mea, quo dono, quæve oblatione Regem, Deumque tuum honorabis? non aliâ prorsus, quam

Bernard

in Med.

cap. 7.

CORDIS tui. In omni namque Creatura, quæ sub Sole mundi vanitatibus occupatur, nihil humano CORDE sublimius, nihil nobilius, nihil Deo similius reperitur: quapropter nihil aliud quærit à te, nisi Cor tuum. Hinc est quòd per Salomonem dicit:

Proverb.

23. 26.

Præbe fili mi Cor tuum mihi. Quo loquendi modo, pulcherrimè indicat à cujus mane munus suscipere dignetur, quale illud esse debeat, & quo modo sibi præberi desideret. Singula proinde verba hæc attentius expendenda sunt.

CON-

CONSIDERA ergo SECUNDO , Cujus *Ex Ga-*
COR sibi dari petat , nullius enim nisi fi- *briete*
lij CORDE delectatur , ideoque dicit : Fi- *Inchino*
li præbe mihi COR tuum. Non alloqui- *pleraque*
tur ergo Judæos , Turcas , Ethnicos , Pu-
blicos , & qui in peccatis suis obdura-
ti perseverant : illi enim non filij , sed *2. Pet.*
inimici Dei sunt , & maledictionis filij. *2. 14.*
Eorum igitur CORDA postulat , quibus
dedit potestatem filios Dei fieri , qui cre- *Joannis*
dunt in nomine unigeniti Filij Dei , qui *1. 12.*
Spiritus adoptionis filiorum receperunt.
Qui Spiritu Dei aguntur (inquit B. Pau- *Rom. 8.*
lus) ij sunt filij Dei , coheredes autem *14.*
Christi : si tamen compatimur , ut & con-
glorificemur. Una ergo ex conditionibus
filij est , ut cum Christo patiaturs & susti-
neat : Flagellat enim Deus omnem filium *Hebr.*
quem recipit. Deinde eidem Patri filius *12. 6.*
obedire debet : Patres quidem carnis no- *Ibid.*
stræ (inquit Apostolus) eruditores habui- *v. 9.*
mus , & reverebamur eos : non multò ma-
gis obtemperabimus Patri Spirituum ? Pa-
cem prætereà filius in domo Patris cælestis
colere debet : Beati enim pacifici , quo- *Matth.*
niam filij Dei vocabuntur. Denique illi *5. 9.*
sunt filij , qui Patrem imitantes student
esse perfecti , sicut Pater cælestis per- *Matth.*
fectus est. Si ergo Deo vis COR esse *5. 48.*
gratum,

gratum, vide ne à numero filiorum excidas; in hoc unum incumbere, ut has filij proprietates assequaris, ut verè filius Dei nomineris & sis.

CONSIDERA TERTIO, Quo modo sibi dari COR tuum petat. Non enim vult sibi illud commodari, non vendi; sed liberali donatione præberi, sive dari. Commodare enim nihil aliud est, quàm alicui alicujus rei usum gratuitò concedere, ita ut dominium ejus maneat circa commodantem. Vendere, est accepto pretio rem aliquam distrahere. Donare verò, est gratuitò & liberaliter rem alteri dare, ac tradere. Qui commodat quidpiam, paulò pòst quod commodavit recipit. Qui vendit quidpiam, pretium illius quod vendidit accipit. Qui verò donat quidpiam, nec umquam recipit, nec ullum pro eo pretium flagitat. Commodant Deo COR suum, qui ad aliquod tempus illud divino cultui tradunt, postea verò illud rursus mundi vanitatibus implicant; qui in majoribus solemnitatibus pietatem colunt, deinde verò, ijs peractis, redeunt ad ingenium, & bacchanalia vivunt. Hi sunt quos temporalis Christus vocat. *Matth.* Qui ad tempus credunt, & in tempore *Luc. 8.* tentationis recedunt. Qui autem sunt qui *13.* Deo

Deo COR vendunt, nisi illi qui idē Deo serviunt, ut eis statim pretium servitutis suæ annumeret? tribuens illis divitias & prosperitates hujus sæculi: vel qui se ita Deo tradunt, ut id facturi non essent, nisi mercedem æternam, & præmium regni cælorum daturum se repromississet? Illi porro COR suum liberâ donatione Deo offerunt, qui nec mercedis, nec præmij intuitu, sed solo illius amore id illi ita tradunt, ut numquam velint id rursus fieri sibi proprium, dicentes cum Prophe- *Ps. 72.*
 ta: Quid mihi est in cælo, & à te quid vo- 25.
 lui super terram? Deus enim gratis vult diligere, gratis sibi serviri, non quasi propositâ acceptione mercedis, quia ipsa merces tua summa Deus ipse erit, quem gratis diligis. Gratis igitur & liberaliter Deo COR tribuendum est, ut COR nostrum habeat Deum.

EXPENDE deinde, quòd dicat Deus
 CORDIS tui: Præbe MIHI COR tuum. *Prover.*
 Non vult enim illud Mundo, non Carni, 23.26.
 non diabolo impendi. Tamen est COR-
 DIS tui amans & cupidus, ut illud totum
 possidere, nec aliquem in societatem illius
 admittere velit. Quòd si tamen proximus
 in CORDE nostro locum aliquem invenit,
 id illi contrarium non est: unicus enim

*Aristo-
teles.*

amor est, quo Deus & proximus diligitur; cum non nisi propter Deum hic diligatur. Ubi autem unum propter alterum, ait Aristoteles, utrobique tantum unum. Quemadmodum dum diligitur sanitas, & potio amara propter sanitatem, non illic duo sunt amores; sed unus tantum amor. Unico igitur & soli Dilecto CORDIS nostri COR largiendum est.

CONSIDERA QUARTO, Cur immensa illa majestas partem hominis tam exiguam, quam est COR, sibi dari flagitet. Cujus quidem cum plurimæ sint rationes, tum una hæc præcipua est; quod nemo tam pauper sit, qui illud dare non possit. Quis enim est qui CORDE careat? Alia verò si Deus exigat, plurimi se excusare possent. Aures, ad verbum Dei audiendum, non potest exhibere surdus. Oculos, ad peccata deploranda, aut Christum crucifixum intuentium, non habet cæcus. Os & linguam, ad preces fundendas, & divinas laudes celebrandas, non habet mutus. Manibus, ad eleëmofynas largiendas, caret pauper & egenus. Ventrem, ad jejunandum, non potest exhibere infirmus. Genua, ad orandum, non potest flectere debilis & decrepitus. Crura & pedes, ad peregrinationes faciendas, & Ecclesias frequentandas,

exhi-

exhibere non potest claudus, & pedibus destitutus. Nullam proinde harum partium Deus exigit; sed COR tantummodò, quod quilibet dare potest. Potes mihi dicere, ait Sanctus Augustinus, non possum vigilare, non possum jejunare, non possum peregrinari, non possum eleëmosynam facere, & mortuos suscitare: sed non potes mihi dicere, non possum diligere; quod CORDE fit. Adde his, & hanc rationem; quòd etsi Deo omnia Corporis nostri membra offerantur, unicum tamen COR absit, non erit ei munus hoc gratum; quod enim olim dixit: Populus hic labijs me honorat, COR autem eorum longè est à me: 13. idiplum de alijs omnibus membris verissimè dicere potuisset. Nulla enim opera Deo grata sunt, quæ ex CORDE non procedunt. Quod enim in arboribus est radix, id in homine est COR: vitiatâ radice, rami arboris arescunt, flores defluunt, frondes pallescunt, fructus putrescunt: sanâ autem permanente radice, vivaces sunt rami, firmi flores, virentes frondes, & fructus maturi. Ita quoque si CORDIS radix integra fuerit, bona erunt opera nostra. Si radix sancta, ait Sanctus Paulus, & rami. Si verò malitia COR infecerit, mala quoque ex eo prodibunt opera.

August.

I/a. 29.

13.

Rom. I L

16.

De

Matth. De CORDE enim, Christo teste, exeunt
 15.19. cogitationes malæ, homicidia, adulteria,
 fornicationes, furta, falsa testimonia,
 blasphemiæ. Quin & absque opere exter-
 no non rarò COR peccat, ut Psaltes testa-
 tur: Etenim in CORDE iniquitates opera-
 2. mini in terra. Cùm igitur omnes actus
 nostri valorem & pretium ex CORDE ha-
 beant, meritò illud Deus requirit: nec
 enim vel hominibus grata sunt munera,
 quæ non ex CORDE proficiscuntur. Displi-
 cet servus, qui non ex animo, sed ad ocu-
 lum, Domino servit. Nihil Sponsus Di-
 lectæ suæ dedisse censebitur, nisi COR lar-
 giatur: nihil ab eâ vicissim petit, nisi ut
Cant. 8. ponat eum sicut signaculum super COR
 6. suum.

CONSIDERA QUINTO, Quorsum
 Deo COR tuum tradere debeas, nempe
 ut illi fiat gratum habitaculum, illudque
 efficiat conforme imagini divini CORDIS
 sui. Debitum est ipsi COR multis omninò
 titulis, ob beneficia nimirum creationis,
 gubernationis, redemptionis, aliaque mi-
 nimè pauca. Accipitribus dari solet COR
 earum avium, quas prædati essent: Chri-
 stus ad prædam ascendit; dum Crucis lig-
 num conscendit, de quo vaticinatum Ja-
 cob multi intelligunt, cùm de Juda dixit:
 Ad

Ad prædam fili mi ascendisti. Christus *Gen. 49*
 enim ex tribu Juda prognatus, inter cete- 9.
 ra nomina habuit: Actelera spolia detra- *Isa. 8.3.*
 here, Festina prædari. Hic igitur è Cru-
 ce spoleans diabolus, prædatus est COR
 nostrum: quare meritò etiam illi dandum
 erit. Noli autem subducere COR tuum, eò
 quòd immundum fortè sit; ipse enim qui
 fons est, emundabit illud. Si pravum &
 distortum sit, ipse, qui diligit æquitatem,
 rectum efficiet illud. Si grave sit & pro-
 num in terram, ipse, qui de cælis est, sur-
 sum sublevabit. Si varijs cupiditatibus, ve-
 lut luto plenum sit, ipse, qui ignis est, con-
 sumet eas. Si durum sit, ipse, qui omni-
 potens est, emolliet illud. Tantùm tibi
 tortuositas tua displiceat, & ex tota Ani- *Matth.*
 ma, ex tota mente, ex totis viribus COR 22.37.
 totum illi devoveas, qui se totum CORDI
 tuo tanto amore dedit; & sine dubio fa-
 cilè reformabit deformitates CORDIS tui.
 Cùm Socrati, ut Seneca tradidit, multi *Seneca*
 multa, pro suis quisque facultatibus, *lib. 1. de*
 offerrent; Æschines pauper auditor: Ni- *benefic.*
 hil, inquit, dignum te, quod dare tibi *cap. 7.*
 possum invenio, & hoc modo pauperem
 me esse sentio. Itaque dono tibi, quod
 unum habeo, me ipsum; hoc munus rogo,
 qualecumque est, boni consulas, cogi-
 tesque

tesque alios cùm multum tibi darent, plus sibi reliquisse. Cui Socrates: Quid ni tu inquit, magnum munus dederis? nisi fortè parvo te aestimes. Curabo ergo, ut te meliorem tibi reddam, quàm accipi. Tu verò, si Æschinem imiteris, &, non Socrati, sed Deo COR tuum obtuleris, sine dubio multò melius illud efficiet, tibi que reddet. Sed opportunè admodum hic subji- cietur.

Modus COR Deo offerendi.

PRAXIM, modumque Deo spiritualiter COR nostrum, gratissimi instar muneris, offerendi, nobis tradiderunt SS. Gertrudis, & Mechtildis, duæ sorores, ambæ *Augst. Ser. 26. de verb. Domini. s. Mech- til. lib. I. cap. 42.* non solum carne, sed etiam Religione germanæ, ambæ Domino cohaeserunt, ambæ Domino concorditer servierunt. Sancta Mechtildis audiens aliquando in Offertorio cantari: Reges munera offerent tibi; dixit Salvatori nostro: Ecquid est, ô Dilecte CORDIS mei, quod tibi nunc offeram, cùm nihil dignum habeam majestate tuâ? Respondit Salyator: Quinque modis præbebis mihi COR tuum, & gratum mihi munus obtuleris. Primò, illud mihi offeres velut arrham desponsationis,

tionis, cum omni fidelitate CORDIS tui, incessanter me deprecans, ut igne amoris mei consumam quidquid per infidelitatem deliqueris. Secundò, offeres mihi velut munulam auream, aut amatorium monile, cum internâ abnegatione omnium voluptatum hujus mundi; quæ COR tuum occupare vellent. Tertiò, COR tuum velut Diadema mihi offerens, cum omni honore, qui tibi sive in hoc, sive in altero sæculo obtingere posset; ut ego solus sim gloria & corona tua. Quartò, mihi offeres instar phialæ, ex qua ipse meam bibam dulcedinem. Quintò, mihi offeres vas electum, in quo me ipsum reficiam. Ita Mechtildem suam erudit Dominus.

Sancta Gertrudis verò hanc, offerendi Domino COR, formulam tradidit, quâ ipsa sæpius uti consueverat:

Ecce Domine, COR meum abstractum ab Gertrud
omni *insinuat.*

Creaturâ, integrâ voluntate offero tibi; divin.

orans

Ut ablui illud in virtuosâ aqua sanctissimi *piet. li. 3*
Lateris tui; & decentissimè exornes illud. *cap. 30.*

In pretioso Sanguine dulcissimi CORDIS
tui,

Ac tibi convenientissimè coaptas illud, in
Aromatico vapore divini amoris tui.

Pulchrum

Pulchrum quoque & venustum est
carmen, quo pius & Religiosus Poëta
Bernardus Bauhusius, COR suum uni
Christo dedicat, quod ascribere non vere-
bor:

*Lib. E-
pigram.* Pallentes violas, immortalesq; amaranthos,
Et calice aureolas, Phœbisequaſq; comas,
Reginaſq; roſas, & florum, lilia, Reges,
Albaq; narcissi, flovaq; texta croci;
Iridaq; & nardum, ferrugineumq; hyacinthū,
Et quidquid florum denique Coloris habet,
CHRISTE, tibi pleno meditabar fundere
cornu,
Veris opes volucres, deliciaſq; breves:
Jamq; ardens ibam totū tibi spargere Maium
Purpureum, prasinum, coccineum, croceum;
Nam Maij omnigena pluma, omnigeniq; co-
lores,
Et multa in gremio florea meſſio erat.
Hanc mihi sed subito vertiſti in pectore men-
tem,
Et viſus tacitū es ſic mihi voce loqui:
Mitteroſas manibus vates mens; altera dona
Poſcimus; hæc olim Panq;, Paleſq; iulit.
Altera dona Deo vero, ſunt altera ſerta;
Non faciunt capiti talia ſerta meo.
COR peto, ꝑo dabitur, dabitur COR dulcis
JESU!
Mille darem, JESU, ſi mihi mille forent.

Eja COR; egredere: an clausa est via? pectora
rumpe,

Rumpe moras', rumpe & viscera, &
egredere.

Egreditur, Salve, ô Anima pars optima nostra!

Vita delictum, principiumq; mea!

CORCULUM, jo gaude, jam felicissima sies

Victima, Tergemino rota latanda DEO.

Ergo nunc viola, i, melior violâ hoc mihi

COR est:

I amaranthe, mihi hoc COR amaranthus
erit.

Punicae ite rosa, melior rosa nã mihi COR est:

Lelium i, melius liliolum COR erit.

Inarcisse, mihi melior narcissus erit COR:

Ihyacinthe, mihi hoc COR hyacinthus erit,

Icroce, cum nardo, caltheq; ac irides ite,

COR mihi caltha, crocus, nardus, & iris
erit.

CORCULUM, jo, JESU, sume hoc, mi dulcis

JESU;

Deq; haustũ latere hoc in latus abde tuum.

Vivo ego, non ego jam, vivit Nazareus in
me:

Ille mihi solus CORQUE, animamq; facit.

Ei vos Adamide, vos, ô! mecum pia CHRISTO

CORDA date. O, qui dat, quem sine CORDE

sapi!

LECTIO XVI.

EMBL.

16.

CORDIS Sacrificium.

Sacrificium Deo Spiritus contribulatus.

Psalm. 50.19.

*Non Vituli, casive Deo placet hostia Tauri,
COR mihi qui dedit, hic COR sibi poscit
amor.*



CONSIDERA PRIMO, Quem
admodum Regibus tributa,
& munera deferri debent :

ita supremo illi Numini,
omnium rerum Domino, sacrificia in
subjectionis protestationem offerenda sunt.

1. Tim. Satis proinde non est, ô fidelis Anima,
1.17. quòd Regi sæculorum immortalis atque
invisibili, COR tuum muneris loco tra-

dideris, verùm soli Deo in sacrificium
idem offerre te oportet. Hoc in arcano
sensu Sponsus Animarum nostrarum petit,
cùm ait : Sanctifica mihi omne primoge-

Exod. nitum. Et alibi : Jure perpetuo omne pri-
13.2. mogenitum erit meum. Quid verò? An

Num. suprema illa Majestas adeò desiderat :
18.15. ovium, boum, hircorum, caprarum, cete-

rarum.



CORDIS SACRIFICIVM.
Sacrificium Deo, spiritus
contribulatus. *Psal. 50. 19.*

Nōn vituli cæsiue Deo placet hostia tauri:

10. COR mihi qui dedit, hic COR sibi poscit amor

Pag. 226.



rarumque animantium primogenita, ut
 illa sibi offerri præcipiat? Numquid Deo *1. Cor.*
 cura est de bobus? ait Sanctus Paulus. *9. 9.*
 Quin & ipse Deus: Numquid manduca- *Ps. 49.*
 bo carnes taurorum, aut sanguinem hirco- *13.*
 rum potabo? Cur ergo omnia illa primo-
 genita Deo offerentur? Cur illa jure per-
 petuo vult esse sua? Si omnium legalium
 differentias hostiarum, unâ Corporis &
 Sanguinis Jesu CHRISTI Filij sui obla-
 tione consummavit, quid adhuc primo-
 genitorum victimas exquirat? Aliud er-
 go hîc sub litteræ cortice latet myste-
 rium, aliaque à nobis primogenita Deus
 per hæc verba exigit. Spirituale est pri-
 mogenitum, quod hîc Deus postulat;
 nempe COR nostrum: illud enim ante
 alia membra primò formatur, & ab Ari-
 stotele primum vivens, & ultimum mo-
 riens nuncupatur. Hoc gratum Domi-
 no sacrificium, quodque præ omnibus
 alijs illi placet. Hoc mysticè in Abraham *Genes.*
 Patriarchæ nostri sacrificio adumbra- *22. 2.*
 tum, teste Augustino, fuit. Quod Abra- *August.*
 ham illi dictum est, da mihi unicum *Serm.*
 dilectum filium; id ipsum dicit tibi Sa- *46. de*
 pientia: Da mihi fili COR tuum: ipsum *temp.*
 est Dilectus & unicus filius tuus. Quid
 metuis offerre COR tuum? offer sacrifi-
 cium,

Pf. 50.
18.

cium , contritionem CORDIS Domino Deo tuo , & dic ei cum Propheta : Holocaustis non delectaberis. Sacrificium Deo Spiritus contribulatus, COR contritum & humiliatum Deus non spernit. Nihil metuas , tali sacrificio oblato ; & illi acceptum erit & quod optuleris , integrum tibi permanebit.

Agnovit idipsum & Prudentius , qui Abrahæ sacrificio nos instrui docet , ut ea quæ nobis sunt gratissima , Deo offeramus Sic autem ait :

Prudēt. Senex fidelis prima credendi via est
praf. in Abram, beati seminis serus Pater,
Psicho- Adjecta cujus nomen auxit syllaba,
mackia. Senile pignus qui dicavit victima:
Docens ad aram cum litare quis velit.
Quod dulce CORDI est, quod pium, quod
unicum.

Deo libenter offerendum credito.

Sed nil CORDI gratius est , quàm ipsum sibimet COR ; unde amantes , Personas eas quas nimio amore depereunt , suum CORCULUM , Animæ suæ dimidium vocare soliti sunt , id insinuantes tam illas sibi charas esse , quàm proprium COR. Si igitur id quod maximè diligimus , Deo offerendum est , nihil dignius illi offerri potest CORDE nostro.

CONSIDERA SECUNDO, Quâ de causâ COR Deo sacrificari debeat. Israëlita enim illi idèò jubebantur primogenita sua offerre, ut haberent jugem memoriam liberationis suæ ex Ægypto. Hanc enim *Cornel. à Lap. in cap. 13. Exod.* effecit & procuravit Deus per eadem primogenitorum totius Ægypti. Quia ergo tunc cecidit Deus primogenita Ægypti; ut Hebræos, quasi primogenitos suos, inde liberaret; & quia tunc intacta servavit primogenita Hebræorum habitantium in Ægypto: hinc indictâ lege eadem sibi offerri, ac quasi sua, & à se conservata sibi reddi depoposcit: sed hæc in figura contigerunt eis. Nos verò de Ægypto hujus mundi, de domo servitutis, & manu inimicorum nostrorum per Christum *Luc. 1. 74.* liberati, majori jure illi primogenita nostra debemus. Ille enim non primogenita Ægypti pro nobis occidit; sed ipse Unigenitus Dei Patris, primogenitus Virginis Matris, pro nobis immolatus est. Quantis igitur titulis hostiam CORDIS nostri sibi vendicat; Adverte porrò mystice hujus sacrificij quemlibet Sacerdotem esse, magnos, parvos, nobiles, ignobiles, divites, pauperes, Ecclesiasticos, sæculares, feminas, viros. Quodnam verò hujus sacrificij Altare? munda conscientia. Quæ

victimâ ? COR contritum , Spiritus con-
 tribulatus , eadem enim hæc multorum
 sensu sunt. Quis culter , quo victima ex-
 coriatur ? scrutinium CORDIS, dolor Ani-
 mi, confitens lingua. Quis ignis , hostiam
Luc. 12. absumens ? ille , scilicet , quem Filius ho-
 49. minis venit mittere in terram , & voluit
 vehementer accendi ; divina , inquam,
 charitas , quæ totum sacrificium exurit.
 Quæ verò hujus ignis ligna ? attenta bo-
 nitatis Dei , & divinorum beneficiorum
 consideratio , ex quâ divinæ charitatis
Levit. flamma indefinenter accenditur ; hinc scrip-
 6. 12. tum est : Ignis in Altari semper ardebit,
 quem nutriet Sacerdos, subjiciens ligna ma-
 nè per singulos dies. Debet enim fidelis
Gregor. quisque (ait Gregorius) ne in eo charita-
 12. 27. tis flamma deficiat , in excitationem amo-
Moral. ris, exempla Patrum, vel præcepta Domini-
 cap. 7. ca ministrare. Congruitque hoc fieri manè,
 quia prima diei pars est. Postpositis ergo
 cogitationibus vitæ præsentis , hoc priori
 loco quisque fidelium cogitet , ut quibus
 valeat nisibus , studium charitatis inflam-
 met , atque ita succendatur sacrificium
 CORDIS sui.

CONSIDERA TERTIO , Neminem
Pf. 55. ab hoc sacrificio excusari posse , quia ut re-
 12. cte S. David ait : In me sunt Deus vota

tua, quæ reddam laudationes tibi. Ac si aperte dicat, inquit idem Gregorius : *Gregor.*
 Et si exterius munera offerenda non ha- *homil. 5.*
 beo, intra memetipsum tamen invenio, quod in aratuæ laudis impono : quia qui in *Evāg.*
 nostra datione non palceris, oblatione
 CORDIS melius placaris. Ante Dei ocu-
 los numquam est vacua manus à mune-
 re, si fuerit arca CORDIS repleta bonâ
 voluntate. De CORDIS igitur arcâ, ait *August.*
 Augustinus, profer laudis incensum, de *super*
 cellario bonæ conscientiæ profer sacrifi- *Psal. 55.*
 cium fidei, quidquid profers accende
 charitate. In te sint vota, quæ reddas
 laudes Deo. Idemque alibi : Si congerê- *August.*
 ris offerre Domino tuo sacrificium gra- *in Psal.*
 tum illi & acceptum, sicut antea vove- *134.*
 bantur sacrificia in umbrâ futurorum ;
 fortè non invenires in grege tuo placi-
 tum taurum, in capris hircum, aræ
 Domini dignum, nec in ovili tuo arie-
 tem dignum ad victimam Domino tuo :
 & non inveniens satageres quid faceres,
 & diceres fortè Deo, volui, & non habui.
 Numquid potes de laude dicere ; volui,
 & non habui ? ipsum voluisse, laudasse
 est. Non enim verba à te quærit Deus,
 sed COR. Eum potes ore confitere ad salu- *Rom.*
 tem : cùm non potes CORDE credere ad ju- *10. 10.*
 stitiam.

stitiam. CORDE laudas, CORDE benedici-
cis, CORDE in aram conscientiae victimas

Luc. 2. 14. sacras imponis; & respondetur tibi: Pax in
terra hominibus bonae voluntatis. Habe-

Luc. 19. 8. bat hoc sacrificium laudis Zacchaeus in
patrimonio suo, habebat vidua in sacculo
suo, habebat, nescio quis hospes, in dolio

Iob 1. 12 suo. Sed nec illo caruit Sanctus Job, dum
Aug. in omnibus caruit. Quidquid facultatum ha-

Pf. 55. buerat diabolus ademit, abstulit, Heredi-
tatem, interfecit filios, ablatis omnibus
solus remansit Job. Sed in illo erant

vota laudis, quae redderet Deo, in illo
planè erant. Arcam sancti CORDIS sui
fur diabolus non invaserat, plenus erat
unde sacrificaret. Audi quae habebat, audi

Iob 1. 21. quae protulit: Dominus dedit, Domi-
nus abstulit; sicut Dominus placuit, ita fa-
ctum est: sit nomen Domini benedictum.

O divitiae interiores, quò fur non acce-
dit! Has igitur Dominus requirit: has ei
libens offer.

CONSIDERA QUARTO, Nullum prò-
sus esse sacrificium, quo divina illa Maje-
stas magis placatur, quàm sacrificium COR-

Bernar. DIS. Apud homines enim (ut Bernardus
in Cant. ait) COR ex verbis; apud Deum verò verba

Gregor. pensantur ex CORDE. Et Gregorius: Deus
non attendit verba deprecantis, sed COR

orantis.

orantis. Ex hoc metitur, & æstimat bona nostra, quæ etiam si parva fuerint, magna erunt, si ex magno CORDIS affectu procedant. Quare idem Gregorius rectissimè inquit: COR Dominus, non substantiam pensat: nec perpendit quantum in ejus sacrificio, sed ex quanto proferatur. COR est quod Deum nobis propitium reddit, fleat, & quodammodo ad nos inclinat. Nam ut benè quidem cecinit:

Virga recens, Zephyris, nervo curvabitur Bapt.

arcus,

Mant.

Ignē chalybs, adamas sanguine, CORDE

Deus,

Cur verò ita ei præ omnibus COR placet; quia nimirum bonam voluntatem significat: vel potius ipsum nihil aliud est, quàm bona & prompta voluntas. Magis autem, Arist. 2. Philosopho teste, eligenda est voluntas lib. Ana- sine actione, quàm actio sine bona vo- ly. luntate. Quod luculentius Poëta effatus est, dicens:

Ut desint vires, tamen est laudanda voluntas: Ovid.

Hac ego contentos, auguror esse Deos. lib. 3. de

Hac facit ut veniat pauper quoq; gratus ad Ponio

aram,

Eleg. 4.


Et placeat cæso, non minus agna bove.

Quàm placuit Deo sine externo opere seria voluntas Abrahami, dum filium suum Gen. 12.

Iaac 18.

Isaac immolare voluit ? ex quo hoc consecutus est, ut ex semine ejus Christus nasceretur. Promptâ igitur voluntate COR tuum mystico Altari conscientiæ tuæ impone, ut in eo igne charitatis succensum, instar holocausti Deo offeratur in odorem suavitatis. Ora quoque cum Azariâ, ut possis invenire misericordiam, & in Animo contrito, & Spiritu humilitatis COR tuum suscipiatur. Ora, inquam, & dic: Sicut in holocausto arietum, & taurorum, & sicut in millibus agnorum pinguium; sic fiat sacrificium nostrum in conspectu tuo hodie, ut placeat tibi: quoniam non est confusio confidentibus in te.







CORDIS PONDERATIO.

Appendit CORDA Dominus. *proverbia*

Quod mihi donasti magno pro munere, non est,

Si neget hoc, iusti ponderis aqua bilanx.

17.

Pag. 235.

LECTIO XVII.

CORDIS Ponderatio.

EMBL.

17.

Appendit CORDA Dominus.

Proverb. 21. 2.

*Quod mihi donasti, magno pro munere; non est
Si neget hoc, justè ponderis aqua bilanx.*



CONSIDERA PRIMO, Non satis
esse Deo quomodocumque COR
offerre, nisi tale omninò sit
quòd oculis divinæ Majestatis
placeat. Probati Nummularij non tantùm
explorant an nummus sit probæ monetæ,
verum videlicet aurum, vel argentum, an
aurichalcum, vel stannum; verum etiam ne
quid illi (ut ait Cassianus) à legitimo pon- *Collat.*
dere diminutum sit censurâ trutinæ dili- *1. c. 20.*
genter inquirunt. Non secus Deus, qui
in mensura, numero, & pondere omnia *Sap. 11;*
disposuit, diligentissimè examinat an *21.*
CORDA, atque alia omnia, quæ ei offerun-
tur, integrum etiam pondus habeant.
Quòd si levioris illa invenerit ponderis,
tamquam adulterina rejicit. Hinc Spiri- *Proverb*
tuum ponderator Dominus à Salomone *16. 2.*
vocatur;

vocatur: quòd non tantùm internas COR-
DIS cogitationes penitus inspiciat; sed
etiam appendat, libret, & levésne sint, an
graves, lancæ suæ æstimationis expendat.

Ibidem

v. 11.

Hinc rursus dicitur: Pondus & statera ju-
dicia Domini sunt; qui in balance judicat
operum nostrorum integritatem; atque
hoc judicium justissimum est, quia à suo
æquilibrio numquam deflectit. Serio pror-
sus optabat Sanctus Job ad hanc trutinam
examinari, cùm diceret: Appendat me
Deus in staterâ justâ, & videat simplici-
tatem meam. Atque alibi ita loquitur:

Job 31.

6.

Idem 6.

2.

Utinam appenderentur peccata mea, qui-
bus iram merui, & calamitas, quam pa-
tior, in staterâ: quasi arena maris, hæc
gravior apparetur. Contrâ verò de impio

Dan. 5.

27.

Balthassar scriptum est: Appensus es in sta-
tera, & inventus es minus habens. Quod
idem est, ac si diceret: Appensa sunt in bi-
lance divinæ justitiæ, & examinas, opera
tua, bona & mala, ô Balthassar, atque in-
ventus es habere minus probitatis, & bo-
norum operum; plurimum verò habere
superbiæ, crapulæ: & iniquitatis: ergo non
mereris amplius regnare, nec vivere. Dili-
genter igitur attende, ô pia Anima, ne COR
illud, quod Deo offerre cupis, nimis leve
sit, adeoque ab eo reprobetur.

CON.

CONSIDERA SECUNDO , Non raro inveniri apud homines pondera duplicia, majus & minus ; & stateras iniquas, quibus fraudem fucumque alijs faciant, dum pro arbitrio suo appendunt, prout ipse volunt: Mendaces enim sunt filij hominum (ait Ps. 61. Psaltes) in stateris, ut decipiant de vanitate in idipsum. Verum non ita agitur apud justissimum illud **CORDIUM** scrutatorem, qui non nisi æquâ lance omnia pensat. Statera siquidem dolosa, abominatio est apud Dominum ; pondus æquum, voluntas ejus. Hinc fit, ut multa hominibus bona ac recta videantur, quæ tamen si ad divinitatis stateram librentur, reprobæ apparebunt: Omnis via viri recta sibi videtur, ait Sapiens, appendit autem **CORDA** Dominus. Qualecumque enim opus sit in externâ apparentiâ, & hominum æstimatione, Deus illud non ex opere, sed ex **CORDE** & affectu, à quo prodit, pensat. Atque ideò cum Cain & Abel ei sacrificia offerrent, scribitur, respexisse ad Abel, & ad munera ejus. Notat verò Gregorius, cur primò dicatur Deus respexisse ad Abel, quàm ad munera ejus: Quia omne quod datur Deo, ex dantis mente pensatur. Idcirco non Abel ex muneribus, sed ex Abel munera oblata placuerunt.

Ps. 61.

10.

Proverb.

11.1.

Proverb.

21.2.

Gen. 4.

4.

Gregor.

lib. 22.

Moral.

cap. 8.

cuerunt. Ex dantis quippe CORDE, id

Luc. 21. quod datur accipitur. Æra duo minuta

2. Hebrææ viduæ quantilli pretij credebantur, ad illam argenti molem, quæ à Phariseis jactabatur? & tamen hanc illa longè superabant; unde ipsius veritatis elo-

Ibidem quio ita commendatur: Verè dico vobis, quia vidua hæc pauper plusquam omnes misit. Quare autem plus misit?

Marc. quia de penuriâ suâ, omnia quæ habuit
12. 42. misit, quia promptiori Animo, & alacriori voluntate duo minuta dedit. Quare

Cypria. de ea ita Cyprianus: Dominus non de parat. de trimonio, sed de Animo opus ejus exami-
op. 6 nans, & considerans non quantum, sed
Eccemof. ex quanto dedisset, dixit: Vidua ista plus omnibus misit in dona Dei. Nihil enim

Deo offertur ditius bonâ voluntate, quam etiam pauperes & inopes exhibere possunt. Hæc verò cui deest, quantumvis magna offerat, Deo minimè grata erunt; quia videlicet justi ponderis non sunt. Magna in oculis hominum videbantur opera Sardicensis Episcopi, non tamen ita erant in oculis Dei; unde Apocalypti-

Apoc. 3. cus Angelus ei ait: Non invenio opera tua plena coram Deo. Appareant illa hominibus splendida, habeas nomen quod vivas, non tamen mensuram justam imple-

sti,

sti, quia mortuus es. Adimple ergo ea quæ adhuc desunt. Pone ergo, ô Anima mea, COR tuum in Dei statera, ut quantum tibi ad veram justitiam etiamnum desit liqui-
dò cognoscas: dic cum Sancto Augustino: *August. conf. lib.*
Domine ante te est omne desiderium meum, ante te tota cogitatio mea. Tu omnium *10.*
Spirituum ponderator, & utrùm radix sit dulcis an amara, de qua foris pulchra folia emittuntur, tu Judex interiùs meliùs nosti, & perscrutaris.

CONSIDERA TERTIO, Quòdnam sit pondus, ad quod COR tuum in staterâ expendi debeat: de eo autem ita in veteri lege olim Deus edixit: Omnis æstimatio, *Levit.*
siculo sanctuarij ponderabitur. Sola enim *27. 25.*
sanctuarij pondera fallaciarum erant expertia. Hinc oblationes, quas Principes Israël, & capita familiarum Domi- *Num. 7.*
no obtulerunt, semper expensa scribuntur juxta pondus sanctuarij; quasi ingratum Domino foret, aut ab integritate deficeret, quod hujus ponderis mensuram non æquaret. Quisnam verò sicus sanctuarij, nisi ipsum COR Dei nostri, juxta quod perfectio COR-
DIS nostri exigì debet? Hinc optabat Salomon, ut COR populi sui esset per- *3. Reg.*
fectum cum Domino Deo, & ambularet *8. 61.*
in

in decretis ejus. Ita COR Aſa ſcribitur perfectum fuiſſe cum Domino cunctis diebus ſuis. De Abiâ verò contrà aſſeritur, Nec erat COR ejus perfectum cum Domino Deo ſuo, ſicut COR David patris ejus. Sed quæ erat perfectio CORDE David? quod pondus in altera bilance poſitum fuit, ex quo perfectio Davidici CORDIS colligi deberet? non aliud ſanè quàm COR ipſius Dei. De eo enim ſcriptum eſt: Quæſivi ſibi Dominus virum juxta COR ſuum. Hinc ergo deducitur illud COR perfectum eſſe cum Domino, quod eſt juxta COR Domini; ſive ſecundùm meſuram & æqualitatem (quo ad ea homini eſt poſſibilis) CORDIS divini. Quid autem eſt quod COR noſtrum maximè demonſtret divino CORDI eſſe conforme, niſi recta intentio? Deus enim rectus eſt, & diligit eos qui recto ſunt CORDE. Prava, & diſtorta intentio à divino CORDE diſſidet; nec æquâ lance cum eo componi poteſt: hæc ſi operi admisceatur, reprobum eſt munus quod Deo offertur. Quod enim

Richard eſt Corpus ſine vita (ait Richardus de Sancto Victore) hoc eſt opus ſine intentione bonâ. Quælibet actio quamvis bona videatur, tamen quaſi mortua judicatur, ſi non per intentionem bonum animatur. Nove-

rat hanc S. David Deo cum primis cha-
 ram & acceptam esse ; ideoque dicebat :
 Holocausta medullata offeram tibi. Non *Psal. 65.*
 est Deo gratius holocaustum CORDE *15.*
 nostro : verumtamen si medullâ careat,
 jam acceptum non erit Deo. Medulla au-
 tem hæc est interior CORDIS nostri inten-
 tio. Nihil enim, ut Augustinus ait, interius *Aug. in*
 medullis nostris. Interiora ossa sunt car- *Ps. 65.*
 ne, medullæ interiores sunt ipsis ossibus.
 Quisquis ergo in superficie colit Deum,
 magis placere vult hominibus. Aliud au-
 tem intus sentiens, non offert holocausta
 medullarum, cujus autem medullam in-
 spicit, ipsum totum accipit. Illa igitur ope-
 ra medullata sunt holocausta, quibus vo-
 luntas, seu intentio bona inest : nullo mo-
 do vult Deus ossa exsucca, arida, emedul-
 lata. Reperias multos qui frequenter orent,
 Sacris etiam intersint, non rarò inediâ se
 macerent, stipem dent, sed, heu quàm ni-
 hil medullæ inest his operibus ! sunt hæc
 quidem velut candida, nitidaque ossa ;
 sed deest medulla, Spiritus, recta intentio,
 pius affectus, qui hæc opera subvehat ad
 Deum. Rectè proinde monet Gregorius : *Gregor.*
 ut omne bonum quod agitur per intentio- *lib. 1. in*
 nem, semper ad cælestia levetur. Hanc *Ezech.*
 enim velut medullam sacrificij sui Deus *hom. 4.*


Hebr. 4. ante omnia requirit; cujus sermo vivus &
12. efficax, & penetrabilior omni gladio ancipiti, pertingit usque ad divisionem Animæ ac Spiritus, compagum quoque ac medullarum, & discretor cogitationum & intentionum CORDIS.

CONSIDERA QUARTO, Ut CORDIS tui sacrificium, & munus non abjiciatur à Deo, tamquam levioris ponderis, non satis esse, si ei hoc examinandum committas; sed consultissimum omninò judicari, ut ipse ad trutinam respicias, & integritatem CORDIS tui priùs ad lancem expendas, quàm illud Domino Deo tuo offeras. Nam ut rectè Basiliius *Basil. in* inquit: Cuilibet nostrum statera à Con-
Pf. 61. ditore omnium apparatus, per quam rerum naturam possit probè discernere. Posui ante faciem tuam vitam & mortem, bonum & malum, duas inter se contrarias naturas, has tu examina, & diligenter expende, quid utilius sit. Tibi namque propria datur libra, quæ sufficiens discrimen boni & mali demonstrat; corporea namque pondera in libræ lancibus probamus: quæ verò ad instituentem vitam eligenda veniunt, per liberum Arbitrium decernimus, quòd momentum æquale ad utrumlibet possis capere.

re. In liberi ergo Arbitrij libra rectam
 constituè intentionem, sinistram verò &
 præposteram longiùs abjice. Recta verò *Ex med.*
 intentio hæc est, quæ bonum finem in *Iac. de*
 operando respicit; hic autem ut varius *Paz par.*
 esse potest, ita multiplex quoque est in- *1. cap. 8.*
 tentio bona. Primò enim, occurrit in- *10m. 3.*
 tentio servorum, qui ex timore servili,
 ne in æternum puniantur, Dei man-
 data custodiunt. Secunda intentio, Mer-
 cenariorum est, qui inclinant COR suum *Ps. 118.*
 ad faciendas justificationes Domini, *112.*
 propter retributionem. Tertia intentio,
 filiorum est, qui Deo obsequuntur, ut ei
 placeant, & quia illi, quem verâ chari-
 tate diligunt, displicere formidant. Hæc
 autem tres rursum habet gradus: quorum
 primus, intentio recta dicitur, quæ ope-
 ra non solum bona, sed etiam media,
 sive indifferentia purè facit ex amore Dei,
 ut ipsi placeant. In secundo gradu, sim-
 plex intentio ponitur, quâ quis Deo pla-
 cere, eumque honorare intendit, & in
 omnibus quæ agit Deo, intellectu, & affe-
 ctu inhzrere nititur, eumque providet *Ps. 15. 8.*
 in conspectu suo semper. Tertius gradus,
 intentionem Deiformem complectitur,
 quâ homo ita in Deum fertur, ut non
 magis consolationem, quàm desolatio-

nem; non magis prospera, quàm aduersa;
non magis honorem, quàm infamiam re-
quirat. Aspira, Anima mea; gradatim ad
hanc perfectionem intentionis, ut ita Cor-
tuum in divina lance appensum, inveniatur
integri & iusti ponderis, juxta pondus san-
ctuarij, Cor videlicet Dilecti tui,







CORDIS PROBATIO.

Sicut igne probatur argentum, et aurum camino,
ita CORDA probat Dominus. *proverb. 17. 3.*

*Cora, melle, dilata, tuam pietas hinc curo,
Impuram scoriæ si prius ignis edat.*
18. Pag. 245.

LECTIO XVIII.

CORDIS Probatio.

EMBL.

18.

*Sicut igne probatur argentum, & aurum
camino, ita CORDA probat Dominus.*

Proverb. 17. 3.

*COR rutilo, Dilecta, tuum pretiosius auro,
Impuram scoriâ se prius ignis edat.*



CONSIDERA PRIMO, Neuti-
quam satis esse, ut COR no-
strum, velut aureus nummus
Deo oblatum, iusti sit ponde-
ris; sed hoc insuper requiritur, ut non
sit adulterinus, peccans in materiâ. Ad-
peritum enim Argentarium, sive Num-
mularium spectat, probare an nummus
sit probæ monetæ, puta verum aurum, an
aurichalcum, aut verum argentum, aut
stannum præfulgens: qua de re consti-
tutio extat Gratiani & Theodosij Augu-
storum lib. 3. de Veter. Numisma. Exa-
minandum quoque est, an sit purum
putum, id est, nullâ alterius metalli per-
mixtione vitiatum: qua de re cautum est
lege Juliâ peculatus, ne quis in aurum,

L. i. ff.
ad leg.
Iul. pec-
cul.

- argentum, æs publicum quid indat, néve
L.9.ff. immisceat. Et expressius lege Corneliâ,
ad leg. ut qui in aurum vitij quid addiderit, qui
Cornel. argenteos nummos adulterinos conflare
de falsa. rit, falsi crimine teneatur. Inde æroſa
pecunia dicitur, quæ multum æris ad-
mixtum habet. Argentarius autem, ut
auri vel argenti puritatem cognoscat, il-
lud in igne conflatur. Illud porro officium
in Scripturâ sacrâ Deo ipsi tribuitur, qui
eo modo hominum **CORDA** probet, &
Malach. examinet. Ita enim apud Malachiam scri-
3.3. bitur de Christo: Ipse enim quasi ignis
conflans, & quasi herba fullonum: & se-
debit conflans & emundans argentum,
& purgabit filios Levi, & colabit eos
quasi aurum, & quasi argentum. Ignis
autem, in quo Deus hominem **CORDA**
probat, ex communi Patrum, & sacræ
Scripturæ sensu, est tribulatio, sive humi-
liatio. Unde Ecclesiastici secundo, dicitur:
Eccli.2. In igne probatur argentum, homines verò
4. receptibiles in camino humiliationis. Et
Sap.3. Sapientiæ tertio, de Justis scribitur: In pau-
5. cis vexati, in multis benè disponentur:
quoniam Deus tentavit eos, & invenit il-
los dignos se. Tamquam aurum in fornace
probavit illos. Disce ergo, ô Anima mea,
adversa non timere, aut illis imminenti-
bus,

bus, nimio Animo contrahi; hæc enim qualis sis probabunt.

CONSIDERA SECUNDO; Sicut ignis liquando aurum ab eo separat alia metalla, ostenditque an etiam verum aurum sit: ita etiam tribulatio ostendit probumne, an reprobum sit COR nostrum in conspectu Domini; ut per Ezechiëlem Dominus dicit: *Ezech.* Eò quòd versi estis omnes in scoriam, 22.20. propterea ecce ego congregabo vos in medio Jerusalem, congregatione argenti, & æris, & stanni, & ferri, & plumbi in medio fornacis, ut succendam in eâ ignem ad conflandum. Quod eleganter exponens Gregorius, ait: Purgare eos per ignem tribulationis volui, & argentum illos vel aurum fieri quæsi; sed in fornace mihi in æs, stannum, & ferrum, & plumbum versi sunt: quia non ad virtutem, sed ad vitia etiam in tribulatione proruperunt. *Greg. 1. part. cura past. cap. 14.* Æs quippe dum percutitur, amplius metallis ceteris sonitum reddit. Qui igitur in percussione positus, erumpit ad sonitum murmurationis, in æs versus est in medio fornacis. Stannum verò, cùm ex arte componitur, argenti speciem mentitur. Qui verò simulationis vitio non caret in tribulatione, stannum factus est in fornace. Ferro autem utitur, qui vitæ

Q4

proximi

proximi infidiatur. Ferrum itaque in fornace est, qui nocendi malitiam non amittit in tribulatione. Plumbum quoque ceteris metallis est gravius. In fornace ergo plumbum invenitur, qui sic peccati sui pondere premitur, ut etiam in tribulatione positus, à terrenis desiderijs non le-

Ezech. 24. 12. vetur. Hinc rursus scriptum est: Multo labore sudatum est, & non exivit de ea nimia rubigo ejus, neque per ignem.

Ignem quippe nobis tribulationis admovet, ut in nobis rubiginem vitiorum purget: sed nec per ignem rubiginem amittimus, quando & inter flagella vitio non caremus. Hinc Propheta iterum

Jerem. 6. 28. dicit: Frustrà conflavit conflator, malitiæ eorum non sunt consumptæ, argentum reprobum vocate eos. Tribulatio ergo instruet te, an sis plumbum, ferrum, stannum, æs; an verò argentum, an purum aurum: qualis erat S. David, qui de for-

Pf. 6. 3. nace probationis egressus, dicebat: Probasti COR meum, & visitasti nocte: igne me examinasti, & non est inventa in me iniquitas. Et S. Job: Probavit me quasi

Job 23. 10. aurum, quod per ignem transit. Et An-

Tob. 12. 13. gelus Tobix dixit; Quia acceptus eras Deo, necesse fuit ut tentatio probaret te.

Pf. 25. 2 Dic ergo & tu cum Propheta: Proba me Domine,

Domine , & tenta me : ure renes meos , &
COR meum.

CONSIDERA TERTIO, In fornace ignis aurum purificari, perfici, ac splendescere. Ad hoc autem admisceri solet argento purgando plumbum, ut ex Jeremia patet; Defecit sufflatorium, in igne Jerem. ne consumptum est plumbum, frustra 6.29. conflavit conflator. Plumbum, ait Matth. thiolus, miscetur conflationi, quia plumb. 5. c. bi adminiculo facilius metalla igni cedunt. 58. Eodem hoc modo sicut igne probatur argentum, ita CORDA probat Dominus. 17.3. Conflator enim Deus est, ignis Salaz. in autem tribulatio & tentatio, sufflatorium diaboli instigantis afflatus, qui tentationis ignem accendit. Proverb. Plumbum, quod maximè grave est, & præter aliorum metallorum morem, terræ infossum crescit: novissimæ mortis memoriam & metum significare docet Cyril. li. 2. us Alexandrinus. Mortis sanè memoria accommodatissima est ad COR præservandum, ne à tribulatione lædatur, sed eâ magis expurgetur. Sicut enim aurum, ait Chrysostomus, in camino Chrysos. non læditur; sic stabilem Animam tribulatio non lædit. hom. 14. Quid operatur cavariis in minus? aurum mundat: quid operatur Matth.

tribulatio ? tolerantiam , amplioremque patientiam : abscindit enim dissidium, & coadunat Animam , & sobriorem reddit. *fac. 1. 2.* Omne igitur gaudium existimare debet pius homo , cùm in tribulationes varias inciderit , cùm per illas purgetur, & ad virtutis perfectionem magnis passibus provebatur. Marcet sine adversario virtus. Tunc apparet quanta sit , quantum valeat , polleatque , cùm quid possit , patientia ostendit. Nempe , ut cocti lateres , nisi vehementi igne coquantur , mox ubi aquam biberint , dissolvuntur , & in minutissimas micæ abeunt ; igne autem , quo consumendi viderentur , & in cineres redigendi , ita roborantur & obdurescunt , ut nullâ aquâ dissolvi queant , fiantque ad ædificia aptissimi : ita omninò Justi , quos ingentes tribulationes frangere , & è statu mentis dimovere posse cuipiam videbantur , ex eisdem tantam Animi robur , fortitudinemque tantam concipiunt & acquirunt , ut nullis rerum adversarum fluctibus lædi queant , sed ad ædificium spirituale maximè idonei reddantur , qui vivi & electi lapides in eo fiant.

Pf. 33. CONSIDERA QUARTO , Tametsi graves
20. & multæ sint tribulationes justorum , necessarium

cessarium tamen esse, ut invictâ patientiâ
 illas sustineant, hac consideratione mu-
 niti, quòd nondum omnis scoria à COR-
 DIBUS eorum excocta sit. Potest enim, *Chrysof.*
Chrysostomo teste, Deus omnia gravia *hom. 4.*
 hodie solvere; sed donec nos purgatos *ad pop.*
 videat, donec videat factam conver- *Antioch.*
 sionem, & pœnitentiam firmam, &
 inconcussam, non dissolvit tribulatio-
 nem. Etenim Aurifex, donec aurum be-
 nè purgatum videt, de conflatorio non
 extrahit: sic & Deus non abducit tribu-
 lationem, donec nos penitus emundave-
 rit. Et S. Augustinus: Numquid lucet *Aug. in*
 aurum in fornace Aurificis? in monili lu- *Pf. 61.*
 cebit, patiatur, ergo fornacem ut purga-
 tum à sordibus veniat ad lucem. Fornax
 mundus, palea iniqui, aurum justî, ignis
 tribulatio, Aurifex Deus; quod vult Au-
 rifex facio, ubi me ponit tolero. Jubeor
 ego tolerare, novit ille purgare, ardeat
 licet palea ad incendendum me, illa in
 cinerem vertitur, ego sordibus careo.
 Quinimmò *Cassian.*
 Cassianus docet, viros san- *coll. 7.*
 ctissimos magnis infirmitatibus traditos, *cap. 25.*
 pro levissimis quibusque delictis: cùm
 in illis, ne tenuissimum quidem næ-
 vum in die Judicij inveniri patiatur divi-
 nâ clementia, omnem CORDIS eorum
 scoriam

Isa. 1.

25.

*Aug. in**Pf. 61.*

scoriam excoquens in præfenti, ut eos, tamquam aurum vel argentum ignitum, ad illam perpetuitatem, nullâ indigentes pœnali purgatione, transmittat. Et excoquam, inquit, ad purum scoriam tuam: & auferam omne stannum tuum, & post hoc vocaberis civitas iusti, urbs fidelis. Sed & Augustinus: Sic etiam, inquit, de puro argento sordidatur aurum, si admiscetur illi: sordescit enim aliquid cùm inferiori miscetur nature, quamvis in suo genere non sordideat. Sic Animus noster quibusdam sordescit, quæ etsi ex suo genere munda sint, tamen inferiora sunt; atque in his etiam expurgandis igne opus est. Sæpè enim accidit, ut Deus hominem in labores, molestias, & tribulationes, quasi in ignem conjiciat, ut Animum ejus à quibusdam infimis rebus minimè malis, aut turpibus secernat, & ad meliora traducat. Noli ergo abhorrere tribulationem, quæ tantum CORDE tuo bonum affert.

CONSIDERA QUINTO, Quemadmodum aurum etsi durissimum, virtute ignis molle & flexile redditur; ut Aurifabri malleo in certam formam, verbì gratia, calicis, thuribuli, candelabri, phialæ, & crateris, efformari queat, immò etiam in laminas tenuissimas, & subtilissima fila subinde pro-

producat : ita quoque COR hominis
 iusti in camino tribulationis excodum, &
 multis velut malleorum ictibus crebro con-
 tusum, magis ac magis dilatatur, ut à Deo
 optimo Artifice in omnem formam, juxta
 sanctissimum ejus beneplacitum, facile
 redigi possit. Docet id Augustinus, expla-
 nans illud Psalmi : In tubis ductilibus, & *Pf. 97.*
 voce tubæ corneæ : Ductiles, ait, tubæ, 6.
 æreæ sunt, quæ tundendo producuntur. *Aug. in*
 Si tundendo, ergo vapulando eritis tubæ *Pf. 2.*
 ductiles in laudem Dei productæ. Sic cum
 tribulamur, tribulatio, tunso; profectus,
 productio est. Quomodo sonuit, & quàm
 suaviter tuba ductilis, qui in tribulatione
 percussus, gratias agit ! Ecce, inquit fabri-
 cator Deus, illam tubam perficere volo :
 non perficiam, nisi fundam. Malè sonabat
 antequàm produceretur. Nunc produ-
 ctus, & facta tuba ductilis, laudes Dei so-
 nabit, quæ antea blasphemias intonuit.
 Disce ergo, ô Anima, in adversis & tribu-
 lationibus non obmurmurare, non con-
 queri de Deo; sed magis lauda Deum, quia
 ex spina quâ pungeris, nascitur rosa quâ
 coroneris. Id enim quod in præsentis est *Idem in*
 momentaneum, & leve tribulationis no- *Pf. 52.*
 stræ, supra modum in sublimitate æter-
 num gloriæ pondus operatur in nobis.
 Quin-

2. Cor.

4. 17.

Quinimmò non sunt condignæ passionēs
 hujus temporis, ad futuram gloriā quæ
 revelabitur in nobis. Age igitur Anima,
 quantumvis in camino probationis. Cor
 tuum diutiùs crucietur, gratias Deo age: &
 cum tribus pueris in fornace ardenti con-
 clusis lauda, glorifica, & benedic Dominum
 Deum cæli & terræ. Non enim combure-
 tur COR tuum in medio flammæ ardentis,
 sed purius, illustrius, & gloriosius inde
 egredietur.







CORDIS SCRVTINIVM.

Prauum est COR omnium et inscrutabile.
 Quis cognoscet illud? Ego Dominus
 scrutans COR et renes. *Jerem. 17. 9.*

Solus ego immensam CORDIS perscrutor abyssum.

Nautica quam potis est haud penetrare bolis.

LECTIO XIX.

CORDIS Scrutinium.

EMBL

19

*raum est COR omnium, & inscrutabile,
quis cognoscet illud? Ego Domi-
nus scrutans COR & renes.*

Jerem. 17. 9.

*olus ego immensam CORDIS perscrutor
abyssum,
Nautica, quam potis est haud penetrare,
bolis.*



CONSIDERA PRIMO, Humani
CORDIS Arcana adeò homines
latere, ut nullus ea cognoscere
queat. Quare Propheta COR ho-
minis inscrutabile nominavit. Verè enim
est, ut Bernardus dixit, abyssus multa. Sicut *Jer. 17. 9*
enim abyssus exhauriri non potest, sic COR *Bernard*
hominis à cogitationibus suis evacuari non *tract. de*
potest; sed continuò volubilitate in eo vol- *int. dom.*
vuntur. Mare magnum est, & spatiosum *cap. 44.*
manibus: illic reptilia, quorum non est nu- *Pf. 103.*
merus. Sicut enim reptile latenter repit, & *25.*
sinuosis anfractibus huc & illuc deambu-
lat: ita conscientiam hominis venenatæ
cogita

Joan. 3. cogitationes intrant, & exeunt; ut nesciant
8. homines unde veniant, aut quò vadant.
 Hoc benè cognoverat qui dicebat : Pra-
Jerem. vum est COR hominis, & inscrutabile :
17.9. & quis cognoscet illud ? Quòd scruta-
 tionem non recipit, nec cognitio-
Aug. in nem COR hominis, etiam Augustino
Pf. 41. abyssus est. Si profunditas, inquit, est aby-
 ssus, putamus quòd COR hominis abyssus
 est. Quid enim est profundius hac abyssò ?
 loqui homines possunt, videri possunt per
 operationem membrorum, audiri in ser-
 mone, sed ejus cogitatio penetratur? ejus
 COR inspicitur? Quid intus gerat, quid in-
 tus possit, quid intus agat, quid intus dis-
 ponat, quid intus velit, quid intus nolit,
 quis comprehendet? Hinc Philosophus
 quidam optabat CORDA hominum esse
 vitrea, ut fundus eorum perspici posset: ne
 quis in illo dolus, vel fraus resideret. Eà-
Lucian. dem de causâ Momus, apud Lucianum in
in Her- Hermotymo, reprehendit Vulcanum; quòd
mot. homini non dederit COR fenestratum, at-
S. Ma- que perspicuum. S. Macharius quoque di-
charius xit: COR esse infinitæ profunditatis, in
hom. 15 quo sint triclinia, cubicula, fores, vestibula:
 ad quæ nulli hominum pateat accessus,
 Quare latebræ ejus, nulli prorsus perspectæ
 sunt.

CONSIDERA SECUNDO, Solius Dei esse, intimas CORDIS cogitationes perno-
 scere: omnia enim CORDA scrutatur Do- 1. *Paral.*
 minus, & universas mentium cogitationes 28. 9.
 intelligit. Quinque enim habet Deus the-
 sauros absconditos, quos ita sibi soli asser-
 vat, ut eorum clavem nulli alteri umquam
 tribuat. Primus est, creatio ex nihilo; quæ
 ita cujuscumque creaturæ potestatem ex-
 cedit, ut nemini, præterquam soli Deo, at-
 tribui valeat: unde solus Creator omnium
 vocatur. Secundus est, gloria & honor; qui
 ipsi à creaturis debetur, dicente Apostolo: 1. *Tim.*
 Soli Deo honor & gloria. Et ipse Domi- 1. 17.
 nus: Gloriam meam alteri non dabo. Ter- *IJa. 42.*
 tius est, injuriarum vindicta: Mihi vindi- 8.
 cta, & ego retribuam, dicit Dominus. *Heb. 10.*
 Quartus, determinatum tempus extremi 30.
 Judicij de quo Christus Dominus: De die *Math.*
 autem illâ & horâ nemo scit, neque Angeli 24. 36.
 cælorum, nisi solus Pater. Quintus thesau-
 rus est, cogitationum CORDIS cognitio;
 unde Deus apud Prophetam ait: Ego Do- *Ier. 17.*
 minus, scrutans COR & renes. Altissimè 9.
 proinde CORDI nostro imprimendum est,
 Deum penitissimos ejus recessus intueri;
 ideoque nihil cogitatione volvendum,
 quod oculis omnia inspicientis Dei displicere crediderimus. Quamvis enim Domi-
 nus

nus sit in cælo, in aula sancta sua; tamen, ut
ex Prudentio canit Ecclesia,

Speculator astat desuper,

Qui nos diebus omnibus,

Actusq; nostros prospicit,

A luce prima in vespertum.

Aug. so- Quantâ verò diligentîâ vel unus solius
liloq. hominis actionis contempletur, Augusti-
cap. 14. nus agnovit; qui ita Deum alloquitur: Sic
gressus meos semitasque consideras, & die
noctūque super custodiam meam vigilas,
omnes semitas meas diligenter notans,
Speculator perpetuus, veluti si totius crea-
turæ tuæ cæli & terræ oblitus, tantum me
solum consideres, & nihil sit tibi curæ de
alijs. Neque enim tibi crescit lux incom-
mutabilis visionis tuæ, si tantum unum
aspicias; neque minuitur, si innumera
videas, & diversa. Sed perge ulterius,
Anima mea, cum eodem Augustino con-
siderare, quàm accurato scrutinio inti-
Ibid. ma CORDIS tui Deus rimetur. Quicquid
(inquit) facio, ante te facio; & illud quic-
quid est quod facio, melius tu vides,
quàm ego qui facio. Quicquid enim
semper operor, tu pariter semper præsens
ades; utpote perpetuus inspector omnium
cogitationum, intentionum, delectatio-
num, & operationum mearum. Et non so-
lūm

lùm intentionem, sed radicis ejus medullam intimam disertissimâ tuæ lucis veritate colligis, numeras, intueris, & consignas; ut reddas unicuique, non solum secundum opera, vel intentionem; sed etiam secundum ipsam interiorem absconditam medullam radicis, de qua procedit intentio operantis. Hoc est fortè, quod jam dixisti nobis : Considerabo novissima eorum. Et *Deut.* quod de te Domine dicitur: Universorum 32.20. finem ipse considerat, quoniam tu quidem in omnibus, quæ agimus, finem intentionis magis, quàm actum operationis attendis.

CONSIDERA TERTIO, Impiam prorsus esse malorum hominum persuasionem, qui ut peccatis suis fræna laxent, fingunt Deo incognita esse abscondita CORDIS: & quòd prævaricantes ab eo non videantur. Hos *Isaias* vocat profundos CORDE: Væ qui *Isa.29.* profundi estis CORDE, ut à Domino abscondatis consilium: quorum sunt in tenebris opera, & dicunt: Quis videt nos, & quis novit nos? Pluribus porrò eisdem perstringit *Ecclesiasticos*: Omnis homo *Ecclesi.* qui transgreditur lectum suum, contem- 23.25. nens in Animam suam, & dicens: Quis me videt, tenebræ circumdant me, & parietes cooperiunt me, & nemo circumspicit me,

quem vereor ; delictorum meorum non memorabitur Altissimus. Et non intelligit quoniam omnia videt oculus illius, & non cognovit quoniam oculi Domini multò plus lucidiores sunt super Solem, circumspicientes omnes vias hominum, & profundum abyssi, & hominum CORDA intuentes in absconditas partes. Domino enim Deo antequam crearentur omnia sunt agnita : sic & post perfectum respicit omnia. Quid luculentiùs dici potuisset ? sed ne Ethnicos quidem hæc veritas latuit.

*Laërt. in
ejus vita.*

Thales enim Milesius percunctatus, an facta hominum Deos fallerent ? Ne cogitata, inquit, ut non solùm manus, sed etiam mentes puras habere debeamus: cùm secretis cogitationibus nostris cæleste Numen adesse credimus. Hinc Ægyptij Deum hieroglyphicis notis adumbrare volentes, oculum pingebant sceptrò incumbentem, significantes Deum omnia regere, omnia videre. Oculatior enim est fictio Poëtarum

*Apoc. 4.
6.*

Argo, & symbolicis illis animalibus, quæ plena scribuntur oculis antè & retrò. Ille igitur tam perspicax, intima CORDIS penetralia diligentissimis oculis scrutatur, videtque quid in illis lateat. Danda igitur opera est, ne quid irrepat in COR nostrum, quod vel minimam mali speciem habeat. Sæpè enim


enim COR nobis rectum videtur, quod tamen CORDIS scrutatori Deo prævum, distortum, & malum judicatur.

CONSIDERA QUARTO, Non tantum Deo perspecta esse opera & cogitationes CORDIS humani, sed ea etiam publicè revelanda in extremo Dei Judicio: Tunc *1. Cor. 4* enim illuminabit abscondita tenebrarum, *5.* & manifestabit consilia CORDIUM. Tunc fundum CORDIS omnibus erit perspicuum; tunc in ipso CORDE, quasi in conscriptâ scedulâ, legetur quidquid homo umquam fecit, dixit, cogitavit. Tunc, secundum *Ambr. in Psal. 1.* Daniele, libri conscientiarum aperientur, scripti non atramento, sed flagitiorum inquinamento, inquit Ambrosius. Sed *Basil. li.* Basilium de his loquentem audiam: Quæ *de vera* prius corpore, quasi veste contecti, minimè *virgin.* habere putabamur, ea nudata se omnium oculis ingerent, nullusque jam vel negationi, vel defensionis erit locus; quando ipsa cernentur opera in suo Auctore conspicua. Non enim confusè, sed singula per partes, ut sese habeant, velut in pictura, noscentur. Et Sanctus Ephrem: Unusquisque cernet *Ephrem* ante faciem suam exposita opera sua, sive *lib. de* bona illa, sive mala præmisit. Formidabiles *vera pæ-* libri aperientur, in quibus scripta sunt *nit. c. 4.* opera nostra, & actus, & verba: & quæ-

cumque egimus in hac vita ; nec solùm actum , sed & cogitationes , & intentiones CORDIS. Quid tunc nobis miseris fiet (ait Chrysostomus) cùm omnia orbi universo palàm facta , in tam aperto , tamque illustri theatro denudata , hominum partim nobis cognitorum , partim incognitorum oculis subjicientur ? Unusquisque , cum Ambrosio , dicere posset : Væ mihi , quia latere cupio , & latere non possum ! quomodo enim latebo , qui inscripta in pectore meo gero meorum indicia peccatorum ? Quòd si tum in libro CORDIS nostri bona opera descripta invenire velimus ; satagamus modò , ut semper bonas cogitationes in CORDE foveamus , immò Deum , CORDIS scrutatorem , supplices invocemus , ut semper rationalia meditantes , eo inspirante , cogitemus quæ recta sunt ; eodemque gubernante , & illa faciamus. Pro quo hîc subnectitur

ORATIO ECCLESIAE.

DEUS, cui omne COR patet, & omnis voluntas loquitur, & quem nullum latet secretum; purifica per infusionem Sancti Spiritus, cogitationes CORDIS nostri: ut te perfectè diligere, & dignè laudare mereamur.





CORDIS RECTIFICATIO.

Rectis CORDI Lætitia. *Psal. 96. u.*

Ad rectam, persæpe, mei, COR, Cordis, amussim,

Si rectum cupias, exige nata, tuum.

20.

Pag. 263.

LECTIO XX.

CORDIS Rectificatio.

EMBL.

20.

Rectis CORDE letitia.

Psalm. 96. 11.

*Ad rectam, persapè mei, COR, CORDIS,
amussim.**Si rectum cupias, exige, nata, iuum.*

CONSIDERA PRIMO , Ultra
suprà dicta examina , Ama-
torem CORDIUM Deum,
alio etiam modo oblatis sibi

CORDIS explorare integritatem. Nam
instar fabrorum cæmentariorum , & Ar-
chitectorum , ad libellam , regulam , &
amussim , CORDIS rectitudinem explorat.

Voluntas Dei, ait Augustinus, sic est, quo-
modo regula, Ecce, puta, torsisti regulā; un-
de habes corrigi? Illa autem integra manet:
regula est enim incommutabilis. Quàm diu
integra est regula, habes quo te connectas, &
corrigas pravitatem tuam: habes unde cor-
rigas , quòd in te tortum est. Atque hinc
definit rectos CORDE esse , qui sequun-
tur in hac vita voluntatem Dei, non ei resi-

*August.**in Psai.*

93.

*Idem in**Pf. 35.**conc. 1.*

Idem in stantes ; neque diffidentes. Et rectum
Pf. 100. COR dicitur hominis, qui omnia quæ vult
 Deus, ipse vult. Rectus est enim Deus: &
 ideò COR recto adhærens, tamquam in-
 commutabili regulæ, rectum quoque di-

Idem in citur. Distortum verò & pravum COR
Pf. 146. vocat, quod non se corrigit ad Deum, &

Idem in Deum vult distorquere ad se. Quomodo
Pf. 31. distortum lignum, etsi disponas in pavi-

mento æquali, non collocatur, non com-
 paginatur, nec adjungitur; sed semper agi-
 tatur & nutat, non quia inæquale est, ubi
 posuisti; sed quia distortum est quod po-
 suisti; ita & COR tuum, quàm diu pravum
 est, & distortum, non potest collinari
 rectitudini Dei; & non potest in illo col-

1. Cor. 6 locari, ut hæreat illi, & fiat rectum. Qui

17. autem adhæret Domino, unus Spiritus

Pf. 77. est. Generatio autem prava, quæ non di-

8. rexit COR suum, nec est creditus cum

Deo Spiritus ejus. De his erat Simon Ma-

Actor. gus, cui Petrus Apostolus dixit; Non est

8.22. tibi pars, neque sors in sermone isto: COR

enim tuum non est rectum cum Deo. Ibi

enim ostendit, quia non potest esse re-

ctum sine Deo. Si ergo subrepperit tibi hu-

mana infirmitas, & cœperis aliud velle,

quàm Deus vult: videri pravitatem COR-

DIS tui extra regulam; figas illud ad regu-

lam,

lam, & dirigatur in Deum COR tuum, quod in homine cœperat esse pravum, ut fiat rectum secundum Deum.

CONSIDERA SECUNDO, Hanc esse in hominibus magnam & usitatam perversitatem, quia cum debeant vivere ipsi secundum voluntatem Dei, Deum volunt vivere secundum voluntatem suam. Et cum ipsi nolunt corrigi, illum volunt depravari: rectum non arbitrantur quod ille vult, sed quod ipsi volunt. Voluntas Dei est aliquando ut sanus sis: aliquando ut ægrotes. Si quando sanus es, dulcis est voluntas Dei, & quando ægrota-
August. in Ps. 48.
 tas, amara est voluntas Dei: non recto CORDE es. Quare! quia non vis voluntatem tuam dirigere ad voluntatem Dei, sed Dei vis curvare ad tuam. Sic agens, eris insulsus puer in domo patris, amans patrem si tibi blanditur; & odio habens, quando te flagellat: quasi non & blandiens, & flagellans hereditatem paret? Quapropter inter rectum COR, & pravum COR hoc interest: Quisquis
Idem in Ps. 31.
 homo quidquid patitur præter suam voluntatem, afflictiones, mœrores, labores, humiliationes, non tribuit nisi voluntati Dei justæ, non illi dans insipientiam, quod quasi nesciat quid agat, quia talem

flagellat, & talibus parcit; ipse est rectus CORDE. Perversi autem CORDE sunt, & pravi, & distorti, qui omnia quæ patiuntur mala, iniquè se pati dicunt, dantes illi iniquitatem, per cujus voluntatem patiuntur: aut quia non audente ei dare iniquitatem, auferunt ei gubernationem. Quia ipse, inquit talis, non potest facere iniquum; iniquum autem est, ut ego patiar, & ille non patiatur: concedo enim ut sim peccator, certè sunt peiores qui lætantur, & ego tribulor: quia ergo hoc iniquum est, ut etiam peiores me lætentur, & ego tribuler, qui aut justus, aut minus peccator quàm illi sum: & certum est apud me, quia Deus non faciet injustum. Deus non gubernat res humanas, nec cura est illi de nobis. Ergo pravi CORDE, id est, distorti CORDE, tres habent sententias: aut non est Deus, dixit enim stultus in CORDE suo; Non est Deus: aut injustus Deus est, cui hæc placent, & qui hæc facit: aut non gubernat Deus res humanas, nec cura est illi de omnibus. In istis tribus sententijs magna impietas est. Cave ergo Anima, hanc impietatem, ne distorto CORDE cum Deo tuo non consentias.

P/. 31.

I.

CONSIDERA TERTIO, Quo ad praxim & exercitium hujus virtutis, imitari nos debere

debere Heliotropium , de quo eleganter
 Plinius : Heliotropij miraculum , inquit, *Lib. 22.*
 sæpiùs diximus , cum Sole se circumagen- *Hist.*
 tis , etiam nubilò die : tantus sideris amor *nat. cap.*
 est. Noctu verò velut ejus desiderio con- 21.
 trahit cæruleum florem. Sol noster, volun- *Drexel.*
 tas Dei est : hæc nobis non semper extra *de con-*
 nubem illucet, serenis turbidi dies miscen- *formit.*
 tur , quos pluvix, venti, grandines infe- *volunt,*
 stant. Nemo Christianorum est , qui non *lib. 2.*
 sæpiùs sentiat hanc cæli gravitatem & tur- *cap. 2.*
 bulentas tempestates. At nos, instar He-
 liotropij , cum Sole nostro , cum divina
 voluntate , nos ipsos circumagamus, die-
 bus etiam nubilis ; tantus sit nostri sideris
 illius amor. Talis fuit Sanctus Job, qui in *Job 1.*
 medijs ærumnis dicebat : Dominus dedit, 21.
 Dominus abstulit ; sicut Domino placuit,
 ita factum est : sit nomen Domini bene-
 dictum. Et : Si bona suscepimus de ma- *Idem 2.*
 nu Dei , mala quare non sustineamus ? 10.
 Ecce rectum COR , ait Augustinus , nam *August.*
 quia fixum COR ejus erat in Domino, ideò *in Psal.*
 rectum. Quia enim rectus est Deus ; 93.
 quando in illo figis COR , forma tibi fit,
 ut sit tibi COR rectum. Conformaverat se
 huic formæ Sancta Gertrudis , quæ gra- *Insinua.*
 vi infirmitate detenta , cùm ei Dominus *divin. li.*
 appareret , unâ manu ferens sanitatem , al- 3. c. 53.
 terâ

tera infirmitatem, ut utram mallet, eligeret: illa utraque respuens, ac inter utraque Domini manus, procedens in fervore Spiritus, accedebat ad Cor illius, ipse laudabilissimam inquirens voluntatem, ac dicebat: **Toto CORDE** desidero, ut non meam respicias voluntatem; sed tuam in omnibus beneplacitum circa me perficias. Sed, quod vehementer admireris, Epictetus Ethnicus Philosophus in hoc sensu se fuisse scribit

Lib. 3. differt. cap. 26. Appetitum meum, inquit, obedientem præbui Deo: vult ille me febricitare? volo & ipse. Vult me aliquâ re potiri? volo & ipse. Non vult? nolo. Mori me vult? mori igitur volo. Quis adhuc me prohibere potest contra meam sententiam, aut cogere? Vir prudens ita rem considerat, hanc rationem secum init; si Deo se dediderit, se iter tutò confecturum. Quid est istud, dedere se Deo? ut quod ille voluerit, & ipse velit; & quod ille noluerit, & ipse nolit. Quê ergo istud fiet? quomodo fieret aliter, nisi considerandâ Dei voluntate & administratione. Idemque alibi: Melius, inquit, illud judico quod Deus vult, quàm quod ego. Adhæreo illi ut Minister & pedisequus: cum illo desidero, cum illo expeto. Denique quod ille vult, idem & ipse volo. Imitemur hanc vocem, vel potius

potiùs cum Christo dicamus : Non mea *Luc. 22.*
 voluntas , sed tua, ô Deus : fiat. Et meus *42.*
 cibus est , ut faciam voluntatem Dei Pa- *Joan. 4.*
 tris. *34.*

CONSIDERA QUARTO , Quemad-
 modum in majoribus civitatibus, plerum-
 que Horologium quoddam primarium
 est, ad quod cetera omnia ut plurimum di-
 riguntur : ita prorsus æquissimum est, ut
 nostra nos horologiola, voluntatem quis-
 que nostram, ad illud supremum , cæ-
 leste , magnitudinis infinitæ Horolo-
 gium, hoc est , ad divinam voluntatem
 attemperemus. Ut enim Thomas à Kem-
 pit ait: Nihil Domine , amatorem tuum, *Thom. à*
 & cognitorem beneficiorum tuorum, *Kemp.*
 ita lætificare debet , sicut voluntas tua *de imit.*
 in eo , & beneplacitum æternæ dispo- *Christi.*
 sitionis tuæ. Nam voluntas tua , & *lib. 3.*
 amor honoris tui, omnia excedere de- *cap. 22.*
 bet; & plus eum consolari, magisque pla-
 cere , quàm omnia beneficia sibi data,
 vel danda. Idemque Christum ita con-
 sulentem inducit : Opta semper , & ora, *Idem*
 ut voluntas Dei integrè in te fiat. Ecce *cap. 23.*
 talis homo ingreditur fines pacis & quie-
 tis. Quòd si ulteriùs praxim & modum
 hujus conformitatis cum divinâ volun-
 tate requiras , audi Deum ipsum S. Catha-
 rinæ

S. Cath. rinæ Senensis ita loquentem: Ad perfectio-
Senens. nem si pervenire desideras, tibi est in sum-
in Dial. mâ humilitate perstandum, & ex verâ
 atque intimâ miseræ & inopiæ tuæ cogni-
 tione, id unum jugiter, vehementerque
 affectandum, ut mihi soli pareas, meam-
 que solius voluntatem observes. Quò au-
 tem id præstare queas, necesse est, ut per
 mentis conceptum, & Animi existima-
 tionem, tibi habitaculum circum undique
 concameratum, ex solius meæ voluntatis
 materia construas; teque eo includas, &
 semper in habites, ut quocumque eas, num-
 quam egrediaris; quocumque prospicias,
 numquam extra aspicias; sed tuos mentis
 & Corporis sensus mea semper circumstat
 voluntas, nec quicquam aliud loquaris,
 cogites, aut efficias, nisi quod mihi placet,
 & meæ esse voluntatis credas; sicque te
 quidquid agendum erit, Sanctus Spiritus
 edocebit.

P/.72.1 CONSIDERA QUINTO, Quàm bonus
 Israël Deus his, qui recto sunt CORDE!
 Utenim taceam immensos fructus divini
 hujus exercitij, id sanè per illud fideles
 Dei servi assequuntur, ut maximo in gau-
Proverb dio perpetuò versentur: Non enim con-
12.21. tristabit justum quidquid acciderit ei.
P/.96. Et rectis CORDE lætitia. Atque ita San-
11, ctus

Sanctus Paulus dicebat: Repletus sum conso- *2. Cor.*
 latione, superabundo gaudio in omni tri- *7.4.*
 bulatione nostra. Quia, ut ait Ambrosius,
 non frangitur Sapiens doloribus Corpo- *Lib. 1. de*
 ris, nec vexatur incommodis; sed etiam in *Jacob.*
 ærumnis beatus manet. Quia non in dele- *cap. 8.*
 ctatione Corporis vitæ beatitudo, sed in
 conscientia pura ab omni labe. Hæc autem
 conscientia securitas, ex eo oritur, quod
 voluntas nostra cum Dei voluntate opti-
 mè consentiat. Quare Catharina illa Se-
 nensis, Virgo sanctissima dicere solebat:
 Bonæ mentis homines esse quàm simili- *Drexel.*
 mos Servatori nostro, qui, uti beatitudi- *de conf.*
 nem Animæ in ipsis etiam tormentis num- *volunt.*
 quam amisit: ita nec illos eam perdere: *lib. 3.*
 cum hæc consistat in conformatione pro- *cap. 6.*
 priæ voluntatis cum divinâ. Optimè ergo
 dixit Sanctus Dorotheus: Eum qui divi- *Dorothe.*
 nam voluntatem in omnibus sequi cona- *Serm. de*
 tur, in curru vehi cum omnibus Crucibus *obedien.*
 ipsi alioqui ferendis; alios qui hanc itine-
 ris agendi rationem & compendium igno-
 rant, ponè sequi peditus, & onerosas Cru-
 ces aut morosè trahere, aut laboriosè fer-
 re. Itaque expeditus & gaudens homo vo-
 luntati Dei conformis, per medias ærum-
 nas ad cælestem patriam securus pergit:
 Lætamini ergo in Domino, & exultate, *Ps. 96.*
 iusti: *11.*

justi: & gloriamini omnes recti CORDE.

OBSERVET hîc studiosus hujus Scholæ Discipulus, in omni Oratione, hac resignatione utendum esse, quam nos Christus Dominus, cùm in horto orans, tùm in Oratione Dominica docuit, præscribens dicendum: Fiat voluntas tua, sicut in cælo, & in terra. B. Gertrudis volens omnia Christi membra salutare, trecenties sexagies quinque dicebat: O benignissime Jesu, fiat voluntas tua, & non mea. Atque hoc Deo sacrificium longè omnium gratissimum esse intellexit. Narrat Alphonsus Salmeron fuisse hominum, qui Orationis loco, totum ordine Alphabetum recitarit (utique perplexâ necessitate pressus) & hanc apposuerit clausulam: Domine, junge tu litteras, & quod tibi magis placet, mihi que magis expedit, largire. Cùm quidam Fratres, ut Ruffinus refert, quemadmodum orarent, B. Macharium requisissent, respondit illis dicens: Non sunt nobis necessaria superflua verba, sed extendere tantùm manus, ac dicere debemus: Deus, quomodo vis, & sicut tibi placet, ita fiat, Optimus orandi modus. Nam & Pachomius assiduè precabatur, ut Domini voluntas in omnibus impleretur.

FINIS LIBRI SECUNDI.

SCHO.

C O R D I S

LIBER TERTIUS.

*Dei erga COR humanum
beneficia.*

QUARTA CLASSIS.

CORDIS illuminatio, & Spiritualis
profectus.



VÆ ad hanc Classẽ, post dili-
gens examen, promotã est Ani-
ma, illuminativã viã ingredi-
tur; atque inter Proficientes re-
censeri deinceps meretur. Hic enim Sponsa
vineã, quã antea floruit, optatos iam fructus
profert. Teste enim Gregorio, vineã florent, Gregor.
cũ CORDA fidelium bona opera proponunt; lib. 12.
sed fructum non pariunt, si ab eo quod proposue- Moral.
rint, aliquibus terroribus victi infirmantur. Fru- cap. 26.
ctus igitur bonorum operum, & virtutum exer-
citia in hac Classe proponuntur: nec iam am-
plius inquiritur, an vineã floruerit; sed qua-
si præteritã iam floritione, absolutè dicitur:

Cant. 2.

13.

Vinea nostra floruit. Et : Vineæ florentes dederunt odorem suum. Hac fragrantia ex vitis floritione fluit iam adultâ , quando nimirum flosculi incipiunt prodere minutas , & adhuc planè acerbæ gemmulas uvarum , quæ sensim Solis ardore in perfectos racemos maturescunt. Vineæ


Bernard.

Serm. 30.

in Cant.

ergo in hoc statu à Bernardo sic describitur : Vea sit in fide plantata , in charitate radicata , defossa sarculo disciplina , stercorata Pœnitentium lacrymis , rigata Prædicantium verbis , & sic sanè exuberans vino , in quo est lætitia ; sed non luxuria : vino totius suavitatis , nullius libidinis. Huius vineæ dicamus fidem , vitem ; virtutes , palmites ; botrum , opus ; devotionem , vinum. Quæ quidem omnia , C O R ad illuminationem & spirituales profectum disponunt : & talia sunt ea , quæ sequentibus Lectionibus elucidantur.







CORDIS RENOVATIO.

Dabo vobis COR novum, et spiritum novum
ponam in medio uestri. *Ezech. 36. 26.*

Cui nova cuncta placent, vetus ô, COR, pone; novumq; ,

Quod tibi pro veteri sponse repono, cape.

LECTIO PRIMA.

CORDIS Renovatio.

EMBLA

21.

*Dabo vobis COR novum, & Spiritum
novum ponam in medio vestri.*

Ezech. 36. 25.

*Cui nova cuncta placent, vetus, ô, COR pone,
novumq̃,*

Quod tibi pro veteri, Sponsa repono, cape.



CONSIDERA PRIMO, Dilectum
tuum desiderare, vt renoveris *Ephes. 4.*
Spiritu mentis tuæ, & induas no- *24.*
vum hominem, qui secundum

Deum creatus est in iustitiâ & sanctitate
veritatis. Quare admonet Apostolus eius,
ut deponas secundum pristinam conversa-
tionem veterem hominē, qui corrumpitur
secundum desideria erroris; & fias in Chri- *2. Cor. 5.*
sto nova creatura. Non potes autem nova *17.*
creatura, novusque homo fieri, nisi COR ac-
cipias novum. Renovatio enim hæc magis
interior, quàm exterior est, & nisi à COR-
de procedat, permanet homo in vetusta-
te sua. Ideò Deus admonens peccatores ad
pœnitentiam, præscribit vt COR novum *Ezech. 18*
sibi faciant: Proiicite, inquit, à vobis *31.*

*Fornerus
Concion.
52. in
Psal. 50.*

*Matth. 9.
17.*

omnes prævaricationes vestras , in quibus prævaricati estis , & facite vobis COR novum , & Spiritum novum ; & quare moriemini domus Israël ? Indicans sine dubio peccatorem moriturum , nisi faciat sibi COR novum. Ex quo iam facilè vides , quanta necessitas indicta tibi sit renovandi COR tuum. COR enim peccati facibus pollutum , emundari nullatenus potest , nisi omninò innovetur. Nam ut æneam, fusilemque statuam omninò deturpatam, scedèque mutilatam , Artifex pristino splendori nequit reddere , nî ea in partes diffracta , igne liquefacta, novæque formæ aptata, novo labore fundatur, & expoliatur : ita humanum COR spurcitiis contaminatum , pristinæ dignitati nunquam plenè restituetur , nisi per contritionem prius diffingatur , igne divini amoris lique scat , & à Dei manu renovetur , iterumque quasi creetur. Id verò per divinæ gratiæ infusionem , in iustificatione peccatoris , efficitur. Ex quo capite, augetur quoque necessitas renovandi COR. Cùm enim pretiosissimi illius vini, divinæ gratiæ receptaculum sit, mundum sine dubio esse debet. Quare Christus Dominus dicebat: Non mitti vinum novum in utres veteres , sed in utres novos. Designans multum

mustum Spiritus Sancti novo CORDE esse excipiendum.

CONSIDERA SECUNDO, Nec veteris CORDIS exspoliationem, nec eiusdem renouatiogem, solis naturæ viribus, absque divinæ gratiæ auxilio, ullo modo fieri posse, proindeque ferventibus precibus à Dei bonitate esse postulandam. Faciebat id Regius Vates, cùm ita Dominum alloquebatur: COR mundum crea in me Deus, & *Psal. 50.* Spiritum rectum innova in visceribus *12.* meis. Quid verò hoc est? an David COR non habebat, cùm Dominum deprecaretur? omninò: sed intelligebat se adeò corruptum & depravatam habere COR, ut novo penitus egeret, ut in virum alterum mutaretur. Fornicatio, ait Propheta, aufert *Osea 4.* COR. Carebat igitur CORDE, qui adult- *11.* rium commiserat. Quin ipse David ad ni- *Psal. 72.* hilum redactum se fatetur. Et de Peccatore *22.* Ezechiel ait: nihili factus es. Verè enim *Ezech.* nihil est Peccator, qui à charitate excidit, *18. 19.* quæ vita Animæ est. Quare Sanctus Paulus dicebat: Si charitatem non habuero, ni- *1. Cor. 13.* hil sum. Cùm igitur COR David quasi an- *2.* nihilatum esset, meritò rogavit, ut Deus illi COR novum crearet. Create enim, est aliquid de nihilo producere, quod solius Dei est. Invoca ergo, Anima mea, Deum COR-

Psal. 50. 12. **DIS** tui , ut **COR** mundum in te creet. In-
voca Patrem Spirituum , ut Spiritum re-
ctum innovet in visceribus tuis.

CONSIDERA TERTIO , Non fru-
strà te pro renovatione **CORDIS** Domino
supplicaturum ; adeò enim liberalis est , ut
Psal. 10. 17. non tantùm petitiones **CORDIS** diligen-
tium se , sed & præparationem **CORDIS**
eorum exaudiat. Sed & ulterius eò im-
mensa eius misericordia progressa est , ut
amplissimis verbis **COR** novum nobis
Ezech. 36 26. promitteret : Dabo vobis (inquit) **COR**
novum , & Spiritum novum ponam in
medio vestri : & auferam **COR** lapideum
de carne vestrà , & dabo vobis **COR** car-
neum. Et Spiritum meum ponam in me-
dio vestri : & faciam ut in præceptis meis
ambuletis. Quid dulcius , aut gratius
nobis polliceri posset ? Sed vide , quæso ,
quomodo **CORDIS** renovationem Deus
Exod. 13. 22. instituat. Primùm enim aufert **COR** la-
pideum , id est , durum & obduratum
Plin. lib. 11. 37. instar lapidis , quale fuit Pharaonis , &
Iudæorum. Tradunt non ignobiles Scri-
Plutarc. in ptiores , Plinius , Plutarchus , & Rhodigi-
Parall. & nus , Hermogenem , Leonidam , Aristome-
Rhodigin. nen , Messenum , Lysandrum , reipsa **COR**
lib. 4. cap. 26. hirsutum & pilosum habuisse ; quod eos
duri , asperi , & crudelis **CORDIS** fuisse , ac
veluti

veluti bruta quædam, significabat. Contra
 verò, Sanctus Basilius, lenitate CORDIS, *Basilius*
 ab Auctore naturæ repræsentari autumat in *Hexa-*
 CORDIS immunitatem ab omni malitiæ, *meron.*
 nequitiaæve pilositate, quâ illi sunt affecti;
 quorum CORDA carnalium ac terrena-
 rum rerum cupiditatibus, atque illece-
 bris, affluentissimæ instar fontium scate-
 bræ, exundant. Ablato autem bruto hoc at-
 que lapideo CORDE, tribuit Deus COR
 novum, COR carneum, leve, tersum, atque
 molle: quo nimirum intelligitur voluntas
 facilis, obsequens, & instar carnis flexilis:
 quæ Dei instinctus legem, & impressiones
 statim excipit, sibi quæ imprimens opere
 etiam exequitur. Quid autem dicam de hoc
 novo CORDE? An non ipsum est COR Do-
 mini nostri Iesu Christi? Postquam enim
 dixit: Spiritum novum ponam in medio
 vestri; paulò post quasi illud exponens sub-
 iunxit: & Spiritum meum ponam in medio
 vestri; innuens Spiritum novum, esse Spi-
 ritum suum. Cum autem Spiritus & COR
 hæc unum censeantur, facile conficitur
 COR novum, quod Deus dat, esse ipsum
 COR Dei. Admiretur sanè, & obstupescat
 B. Iob incredibilem illam supremi Nu-
 minis philanthropiam, quâ Deus homini
 benefacere, illiusque recordari dignatur:

Ezech. 36
 26.

- Iob 7. 17.** Quid est homo, exclamat, quia magnificas eum, aut quid apponis erga eum **COR** tuum? Maius profectò videtur, quod ipsum etiam **COR** suum homini donare Deus dignetur; id verò adeò ingenuo & amico facit modo, ut præ amoris magnitudine dicere non vereatur: Amantem Animam **COR** suum deprædari, atque eripere.
- Cant. 4. 9.** Ubi enim Vulgata lectio habet: Vulnerasti **COR** meum, soror mea Sponsa, vulnerasti **COR** meum; ex Hebræo vertunt Pagninus, & Vatablus: Abstulisti mihi **COR**. Eodemque sensu Septuaginta vertentes *ἐκκαρδιωσας*, ab aliis intelliguntur, tantundem dixisse, atque excordiaſti me. Sive, ut Ambrosius habet, **COR** meum cepisti.
- Serm. 16.** Hic enim est insignis ille amoris effectus, qui Animam rapit in rem amatam, ut magis sit ubi amat, quàm ubi animat. Ubi enim
- in Psal. 118.** sit ubi amat, quàm ubi animat. Ubi enim
- Mat. h. 6. 21.** est thesaurus, ibi est & **COR**. Trahit enim res adamata Amantis **COR** ad se. Unde optimè dicebat ille:

Ex Iubilo

S. Bern.

Matth.

11. 12.

COR meum à me transiit,

Simul post Iesum abiit.

Quemadmodum enim Regnum cælorum vim patitur, & violenti rapiunt illud: ita & Sponsus Animarum nostrarum, qui est ipsa felicitas Regni cælestis, vim patitur, & violenter abripitur ab uno oculorum

Sponsæ

Sponsæ suæ, & uno crine colli eius. Ligatur, inquam, & ad nos attrahitur vivâ fide, & integra obedientiâ; adeò quidem efficaciter, ut se dilectæ suæ negare non possit, sed COR suum illi libentissimè tribuat. Quare ulterius hîc considera.

Quomodo Christus Dominus quibusdam COR suum tribuerit.

NON desunt in Ecclesia Dei credibilia satis testimonia, quibus id quod iam dictum est, luculenter satis cõfirmetur. De S. enim Gertrude legimus, quòd cùm mœsta esset, quòd in horis Canonicis non rarò ex humanâ fragilitate laberetur, Dominus illi apparens, præsentaverit illi quasi propriis manibus suis COR suum Deifi- *Insinuat.*
catum, in similitudine lampadis ardentis, *Divina*
dicens: Ecce COR meum dulcissimum, *Pietatis*
semper venerandæ Trinitatis Organum, *lib. 3. cap.*
oculis mentis tuæ prætendo, cui omnia *25.*
quæ per te minus supplere sufficis, fiducia-
liter pro te supplenda commendabis. Et
sic omnia coram oculis meis apparebunt
summè perfecta. Sed ipsa quoque Gertru-
dis, de admirando hoc munere ita loqui-
tur: Addidisti etiam mihi inter hæc, in- *Lib. 2.*
æstimabilem amicitiae familiaritatem im- *cap. 33.*

pendere, diversis modis illam nobilissimam Arcam Deitatis, scilicet Deificatum COR tuum præbendo in copiam omnium delectationum mearum; nunc gratis dando, nunc, ad maius indicium mutuae familiaritatis, illud mihi pro meo commutando, cum quo multa occulta secretorum iudiciorum & deliciarum tuarum mihi manifestasti. Pari favore quoque sororem eiusdem S. Mechtildem divina bonitas prosecuta est. Cùm enim Feriâ quartâ post Pascha, in Introitu Missæ cantari audiret: Venite benedicti; mirabili gaudio repleta, Domino dixit: O utinam & ego una de benedictis essem Animabus, quæ aliquando illam tuam dulcissimam vocem audient. Cui respondit Dominus: Eris tu sanè una ex illis, idque certò credas, atque ideò COR meum tibi trado in pignus, quod semper tecum habebis, & cùm promissionem meam adimplevero, tum illud mihi, in huius rei testimonium restitues. Insuper, do tibi COR meum in domum refugij, ut ubi ex hac vita discesseris, alio loco non recipiaris. Hoc porrò munere suscepto, magno amore, & reverentiâ erga COR Iesu ferebatur. Instante autem horâ, quâ migratura erat ex hoc mundo, Dominus summæ Maiestatis Iesus eam lumine

Lib. 2.

Gratia

Spiritual.

cap. 16.

Ludovic.

Blosius in

append. ad

Monit.

mine divinitatis suæ totam illustrans, suavi *Spir. 6.*
 blandaque voce invitavit his verbis : Veni *14.*
 benedicta Patris mei , posside paratum tibi *Matth. 25*
 Regnum à constitutione mundi. Tunc ni- *24.*
 mirum ipse Dominus commonefecit eam
 doni illius excellentissimi, quo ante aliquot
 annos (cum eadem verba ad Missam can-
 tarentur) donaverat illi COR suum in pi-
 gnus amoris. Igitur illa beata Anima , in
 ipsum COR Iesu suavissimum admissa ,
 sempiternæ gloriæ , gaudiisque cælesti-
 bus feliciter fuit sociata. Stupendum verò *Raimund.*
 est quod de Sancta Catharina Senensi tra- *Capuan.*
 ditum accepimus Hæc die quadam, vehe- *lib. 2. in*
 mentissimè amoris Christi Domini Sponsi *vita cap.*
 sui vulnere sauciata , instanter ab eo petiit, *16. apud*
 ut à se COR suum , & propriam volunta- *surium*
 tem radicitus evelleret , quò omnibus in *tom. 2.*
 rebus sine ullâ tergiversatione se illi obse-
 quentem , atque morigeram præberet. Vi-
 debatur autem illi sic oranti in visione
 venire Christus , & latus sinistrum aperi-
 re , ablatoque CORDE recedere. Quod
 cum eius Confessarius parvi faceret ,
 eamque parum sanæ mentis esse crede-
 ret , ecce illi quadam die è Sacello Eccle-
 siæ exire volenti , cum multa luce Chri-
 stus apparuit , in manu ferens COR quod-
 dam rubicundum & illustre , propiusque
 acce-

accedens , illud in sinistrum Virginis latus imposuit , dicens : Ecce , filia mea , habes pro CORDE tuo COR meum ; clausoque latere recessit. Sed ne putaretur hoc inane phantasma , illo in loco cicatrix permanfit , quæ à sociis eius frequenter visa est. Quid autem ex hac adeò stupendâ CORDIS mutatione fuerit consecutum , facilè quisque poterit divinare. Non enim rerum omnium Conditor , hac mirabili ratione tam diu apud se COR illius retinere voluit , nisi ut illud ardentissimo amore , & gratiarum omnium affluentia repletet. Cuius rei eadem sancta Virgo certissima testis est , quæ incredibilem charitatis ardorem in CORDE suo sentiebat : prorsus ut diceret , tantam in Animâ suâ puritatis , & humilitatis renovationem existere , ut ad ætatem quatuor vel quinque annorum se rediisse putaret.

DE admirandâ verò hac CORDIS permutatione , non invenustum Epigramma in sanctam hanc Catharinam Senensem quidam panxit.

COR sine CORDE mihi est , sine vita vivere , vita :

Qui sine utroq₃ dedit vivere , utrumq₃ tulit.

Nec tulit ut sine utroq₂ forem , sed vivat ut in me ,

*COR sine CORDE , novum COR sibi finxit
amans.*

Nunc

Nunc neque velle meum est, neque nolle: at
Amantis utrumque,

Qui mihi me rapuit, COR mihi cùm rapuit.

Vive igitur, mea vita, meum COR: discet amare

Hinc, qui se nimium, dum sibi vivit, amat.

Non admodum dissimili amoris prærogativâ erga S. Lutgardem divina bonitas usa *Cantiprat.* est: cui, cùm velut alteri Esther facultatem *lib. 2. vitæ* fecisset petendi quod vellet, respondit illa: *eius cap. 6.* Volo, Domine, COR tuum. Et Dominus: Quin ego potius, ait, & COR tuum. Respondit illa: Sit ita Domine, at sic tamen, ut CORDIS tui amorem CORDI meo attemperes; & in te COR meum possideam, omni tempore tuâ protectione securum. Facta est igitur ab eo die quædam permutatio CORDIUM, vel potius unio Spiritus creati & increati, per gratiæ excellentiam. Deinceps enim ita Christus CORDI Virgini in hæsit, eam communiens & protegens, ut nec tentatio carnis, immò ne turpis quidem cogitatio mentem eius vel temporis puncto infestârit.

LECTIO II.

EMBL.

22.

CORDIS Illuminatio.

Illuminabuntur CORDA vestra.
Eccli. 2. 10.

*Lux de luce Deus, cæci, lux unica, mundi,
CORDE graves tenebras disjuncte luce tuâ.*



CONSIDERA PRIMO, Nihil miserabilius aut infelicius esse CORDE obtenebrato, & à divina luce prorsus excluso. Qui enim ambulat in tenebris, nescit quò vadat, atque hinc mille incurrit pericula. Versatur enim in perpetuâ quasi nocte, & densissimâ caligine, in qua justitiæ Solem, & veritatis lumen frustra requirat; quia nulla societas luci ad tenebras. Quàm meritò ergo exclamat Augustinus: Væ, væ tenebris meis, in quibus jacui! Væ, væ cæcitati illi, in qua videre non poteram lumen cæli! Væ, væ præteritæ ignorantiae meæ, quando non cognoscebam te Domine! Periculum verò quod hisce tenebris Anima incurrit, pulchrè descripsit Psalmista, cùm Deo ita loqui-

Ioan. 12.

35.

2. Cor. 6.

14.

August.

Soliloq.


cap 31.



CORDIS ILLUMINATIO.

ILLUMINABUNTUR CORDA uestra. *Eccli. 2. 10.*

*Lux de luce Deus, cæci lux vnica mundi,
CORDE graues tenebras discute luce tuâ.*



loquitur : posuisti tenebras , & facta est *Psal. 103.*

nox : in ipsâ pertransibunt omnes bestię 20.

silvæ. Catuli Leonum rugientes , ut rapiant, & quærant à Deo escam sibi. Quod

moralis sensu ita explicat Gregorius : Te- *Lib. 17.*

nebras Dominus ponit , eum peccatis iu- *Moral.*

dicia rependens , lumen suæ intelligentiæ *cap. 37.*

subtrahit. Ex nox efficitur, quia pravorum mens ignorantia suæ erroribus cæcatur.

In qua omnes bestię silvæ pertranscunt ,

dum maligni Spiritus sub opacitate frau-

dis latentes , in reproborum CORDIBUS

pravitates suas explendo percurrunt. In

qua & catuli Leonem rugiunt , quia ne-

quissimarum, sed tamen eminentium pote-

statum ministri Spiritus importunis tenta-

tionibus insurgunt. Qui tamen à Deo es-

cam appetunt , quia nimirum capere Ani-

mas nequeunt, nisi iusto iudicio prævalere

divinitus permittantur. Quis non exhor-

tescat immanes has ferās , præsertim in te-

nebris constitutus? Quis non timeat , ne ab

iis rapiatur & devoretur? Quis non aspiret

ad lucem veram , quæ illuminat omnem

hominem venientem in hunc mundum?

Illâ enim exoriente, omnes illæ feræ in an-

tra se recipiunt , ut ibidem Regius Vates

subdidit : Ortus est , inquit , Sol , & in

cubilibus suis collocabuntur. Exhibet ho-

mo

Ioan. I. 7.

mo ad opus suum. Ubi enim veritatis lumen obcæcatum COR collustrarit, fuggantur omnes effrænatae cupiditates, & illuminatus homo pergit ad opus suum, id est, mandatorum divinatorum observantiam, & virtutis studium; cui absque Dei luce vacare non potest. Nam ut Augustinus ait: Sicuti oculus Corporis etiam perfectissimè sanus, nisi luce adiutus, non potest cernere: sic etiam homo perfectissimè iustificatus, nisi æternâ luce iustitiæ divinitus adiuvetur, non potest rectè vivere. Ora ergo cum eodem Augustino: O splendor Paternæ gloriæ, qui sedes super Cherubim, & intueris abyssos: lumen veridicum, lumen illuminans, lumen indeficiens, in quem desiderant Angeli prospicere. Ecce COR meum coram te est: discute tenebras eius, ut amoris tui claritate plenius perfundatur.

*August.
lib. de
Nat. &
grat. cap.
16.
August.
in Medit.
cap. 18.*

Gen. 1. 1.

CONSIDERA SECUNDO, In principio cum Deus cælum & terram crearet, tenebræ erant super faciem abyssi, dixitque Deus: Fiat lux, & facta est lux. Super faciem quoque CORDIS nostri densissimæ sunt tenebræ ignorantiae & peccatorum, in quibus permanere nos oportet, nisi Deus, qui dixit de tenebris lumen splendescere, ipse illuxerit in CORDIBUS nostris,

*2. Cor. 4.
6.*

nostris, ad illuminationem scientiæ claritatis Dei. Aspira ergo ad hanc lucem, & dic: Illuminare his (qui in tenebris, & *Lucæ 1.* in umbra mortis sedent; ad dirigendos pe- 79. des nostros in viam pacis. Audi Augustinum multipliciter divinam lucem implorantem: Lux, inquit, invisibilis, cui omnis abyssus humani CORDIS est visibilis. *August. Soliloq. cap. 3.* Ecce, tenebræ sunt super faciem abyssi mentis meæ, tu es lumen. Ecce, caligo tenebrosa super aquas CORDIS mei, tu es veritas. O verbum, per quod facta sunt omnia, & sine quo factum est nihil! Verbum quod est ante omnia, & ante *Ioan. 1.* quod nihil. Verbum creans omnia, sine quo omnia nihil. Verbum regens omnia, sine quo nihil sunt omnia. Verbum, quod dixisti in principio: Fiat lux, & facta est lux. Dic etiam mihi: Fiat lux, & facta sit lux, & videam lumen, & cognoscam quidquid non est lumen, & lumen tenebræ ponantur. Et sic sine tua luce, non est veritas. Adest error, adest vanitas, non est discretio, adest confusio: adest ignorantia, non est scientia: adest cæcitas, non est visio: adest invium, non est via: adest mors, non est vita. Væ mihi misero toties obcæcato; quia tu lux, & ego sine te. Dic verbum, Do- *Cap. 4.*
T
mine,

mine, fiat lux, ut videam lucem, & vitem tenebras; videam viam, & vitem invium; videam veritatem, & vitem vanitatem; videam vitam, & vitem mortem.

Pf. 26. 1.

Idem Sol.

lil. c. 12.

Cant. 2.

17.

Pf. 28. 4.

Illuminare Domine, lux mea, illuminatio mea, & salus mea, quem timebo? Sunt umbræ tenebrarum, quibus operior in hac abyſſo caligiosi carceris hujus, in qua prostratus jaceo, donec aspiret dies, & inclinentur umbræ, fiatque lux in firmamento virtutis tuæ. Vox Domini in virtute, vox Domini in magnificentia, dicat: Fiat lux, & effugentur tenebræ: & appareat arida, germinetque terra herbam virentem, & facientem semen, fructum bonum justitiæ Regni Dei.

Num. 8.

2.

1. Cor. 3.

16.

CONSIDERA TERTIO, Præcepisse olim Deum, ut in Sanctuario suo ad Australem partem poneretur aureum candelabrum, habens lucernas septem. Tabernaculum hoc, quod Templorum figuram referebat, Animam hominis justī designat, ut enim ait Apostolus: Templum Dei estis vos, & Spiritus Dei habitat in vobis. Quid verò candelabrum hoc in spirituali CORDIS nostri Sanctuario collocandum aliud adumbrat, quàm lucem illam, quâ

quâ hominis Animus à Spiritu Sancto collustratur? Lucernæ autem in candelabro ardentes, illas lucernas denotant, de quibus Dominus dixit: Sint lumbi vestri præcincti, & lucernæ ardentes in manibus vestris. Sed audi Origenem eleganter admodum candelabrum CORDIS explicantem: Sciat, inquit, Christianus, si bi in Sanctis candelabrum luminis collocandum, ut sine ei lucernæ semper ardentes, & lumbi succincti, & ipse, tanquam servus, qui expectat Dominum suum redire de nuptiis. Sed istud candelabrum in Austro collocet, ut ad Aquilonem respiciat. Accenso enim lumine, id est, vigilantem CORDE, respicere semper debet Aquilonem, & observare eum, qui ab Aquilone est. Ab Aquilone enim accenduntur mala universæ terræ. Vigilans ergo, & sollicitus, & ardens, intueatur semper astutias diaboli, & semper aspiciat, unde sit ventura tentatio, unde hostis irruat, unde inimicus obrepit. Ut autem hoc videre, ô Anima, possis, ora Deum illuminatorem tuum, ut lumen hoc in CORDE tuo accendat; & dic cum Propheta: Quoniam tu illuminas lucernam meam: Deus meus illumina te nebras meas. Et cum Augustino: O lux

Lucæ 12.

35.

Origin.
hom. 9.
in Exod.Jerem. 1:
14.Psal. 17.
29.

*August.
Soliloq.
cap. 34.*

quæ semper luces, & numquam obfus-
caris, illuminam me. Aufer quæso squam-
mas caliginis antiquæ, radio tuæ illumi-
nationis, ô splendor inaccessibleis, ut
vidiam me, ut videam te. Væ cæcis ocu-
lis, qui te non vident, Sol illuminans
cælum & terram! Væ caligantibus oculis
qui te videre non possunt! Væ averten-
tibus oculis, ut non videant veritatem!
Væ non avertentibus, ut videant vani-
tatem! Nequeunt enim oculi assueti te-
nebris, summæ veritatis radios intueri;
nec sciunt de lumine aliquid æstimare,
quorum est in tenebris habitatio. Tene-
bras vident, tenebras diligunt, tenebras
approbant: de tenebris euntes in tene-
bras, nesciunt, ubi corruant. Miseri qui
nesciunt, quid amittant; & miseres
utique qui sciunt quid amittant; qui ca-
dunt apertis oculis, & descendunt in in-
fernum viventes.

CONSIDERA QUARTO, Magnum
beneficium, quod Deus CORDI tuo præ-
stat, cum illud illuminat. Primò enim
illud splendidum facit. Deinde ab omni
terrore ac metu liberat. Primum illud
exposuit Isaias, dicens: Orietur in tene-
bris lux tua, & tenebræ tuæ erunt sicut
meridies. Et requiem tibi dabit Dominus
sem-

*Isa. 58.
10.*

semper , & implebit splendoribus Animam tuam. Alterum autem illud David confitetur , dicens : Dominus illuminatio mea , & salus mea , quem timebo ? *psal. 29. 1.*

Quis enim timeat , si Deum illuminatorem sibi præsentem habeat , qui facem ei præferat , ut omnia pericula devitet ? Explicat utrumque hoc beneficium Chrysostomus : Non sic , ait , mundus est clarus oriente radio , ut Anima illustratur , & *Chrysost.*

splendidior sit à Spiritu gratiam suscipiens. *Hom. 21.*

Et diligentius rerum naturas disce. Nocte *ad pop.*

enim terras tenente , & tenebris caligantibus , sæpè funiculum quis cernens , *Antioch.*

serpentem esse putavit ; & amicum accedentem , tamquam inimicum fugit ; strepitum quempiam sentiens , trepidus factus est : factâ autem die , nihil tale fieret , sed omnia qualia sunt , apparent. Quod & in Anima nostra contingit. Postquam enim gratia veniens , mente tenebras expulit , rerum veritatem discimus , & nobis fiunt despicabiles res prius tremendæ : nec enim ampliùs mortem timemus , diligenter ex hac sacrâ introductione discentes , quòd mors non est mors , sed somnus , & dormitio temporaria ; non pauperiem , non morbum , non aliud quid hujusmodi timentes , scientes quòd

ad meliorem tendimus vitam , ab omni liberam inæqualitate. Si ergo in tenebris exortum tibi sit lumen CORDIS , gratus esto Deo tuo , & dic : En ego filius ancillæ tuæ , per fidem tuam flecto cervicem CORDIS mei , sub pedibus majestatis tuæ , gratias agens , quoniam dignatus es per tuam misericordiam illuminare me. Ecce video , gratias ago : ecce video lumen cæli , interlucet oculis mentis meæ radius desuper à facie luminis tui , & lætificat omnia ossa mea. O si perficeretur in me ! Auge , quæso , luminis Auctor , auge quæso quod interlucet in me. Dilatetur , obsecro , dilatetur ex te.

CONSIDERA QUINTO , Non satis esse , à Deo lumen in CORDIS lucerna accendi ; sed diligenter quoque providendum esse , ne fortè extinguatur. Quævis enim mala actio lucem istam extinguit. Unde quod S. Paulus dixit : Spiritum nolite extinguere : ita Chrysostomus interpretatur : Spiritum non extinguatis , hoc est , donum Spiritus. Extinguit autem Spiritum , vita impura. Nam quemadmodum , si quis lucis hujus lychno , & aquam inspergeret , & pulverem , & , si nihil horum inspergeret , sed oleum tantum eximeret , lucem extingueret : ita

habet

1. *Thess.*
5. 19.
Chrysost.
hom. 11.
in 1. Ep.
ad Thess.
cap. 5.

LIBER III. LECTIO II. 295
habet & donum Spiritus. Sive namque res terrenas, & rerum fluxarum curas insper-
feris, extingues Spiritum. Sive etiam, si tu nihil tale feceris, aliunde tamen tentationis vehemens impulsus, instar cujusdam venti irruerit, & flamma valida non fuerit, aut parum olei habuerit, aut foramen seu ostium non clauseris, omnia peribunt. Foramina in nobis sunt oculi, & aures. Ne si-
nas istis occurrere validum malitiæ flatum, alioquin lychnum extinguet: sed obtura foramina timore Dei. Janua os est, claude. Extinguitur quoque lucerna, si oleum deficiat: quando misericordiam non facimus, extinguitur Spiritus. Etenim ex misericordia Dei, Spiritus sancti lumen in nobis accenditur. Cautè igitur accensum lumen custodiamus, & ut filij lucis ambulemus: Fructus enim lucis est in omni bonitate, & *Ephes. 5.*
justitia, & veritate. 9.

Quàm necessarium, quamque utile nobis sit CORDIS lumen, Sancta Mater Ecclesia satis ostendit; quæ in quotidianis Hymnis frequentissimè illud à Deo flagitat: adeò ut hunc ex illis Centonem confecerimus.

HYMNUS.

Pro CORDIS Illuminatione.

Splendor paternæ gloria,
De luce lucem proferens,
Lux lucis, & fons luminis,
Dies diem illuminans:

Verusq₃ Sol illabere,
Micans nitore perpeti,
Iubarq₃ Sancti Spiritus
Infonde nostris sensibus.

Cedant tenebræ lumini,
Et nox diurno sideri,
Vt culpa, quam nox intulit,
Lucis labascet munere.

Phantasma noctis decidat,
Mentis reatus subruat,
Quidquid tenebris horridum
Nox attulit culpa, cadat.

Consors paterni luminis,
Lux ipse lucis, & dies,
Aufer tenebras mentium,
Novumq₃ lumen ingere.

Sunt multa fucis illita,
Quæ luce purgentur tuâ.
Tu lux Eoi sideris,
Vultu sereno illumina.

Mens ecce torpet impia,
 Quem culpa mordet noxia,
 Obscura gestit tollere,
 Et te Redemptor querere.

Repelle tu caligenem
 Intrinsecus quàm maximè,
 Vt in beato gaudeat
 Se collocari lumine.

Te te Redemptor, quaesumus,
 Reple tuo nos lumine;
 Per quod dierum circulis
 Nullis ruamus actibus.

Lux sancta nos illuminet,
 Manensq; nostris sensibus,
 Noctem repellat saculi,
 Purgata servet pectora.

Lucem fides inveniat,
 Sic luminis jubar ferat,
 Vt vana cuncta terreat,
 Hanc falsa nulla comprimant.

O lux beata Trinitas,
 Et principalis Vnitas!
 Nostris refulge sensibus,
 Infunde lumen CORDIBUS.

Præsta Pater piissime,
 Patriq; compar unice,
 Cum spiritu Paraclito,
 Regnans per omne sæculum.

Amen.

LECTIO III.

EMBL.

23.

COR Tabula Legis.

*Dabo legem meam in visceribus eorū,
& in CORDE eorum scribam eam.*

Jerem. 31. 33.

*Scribo novam, teneri nunc CORDIS in aquore,
legem,*

Cūm vetus in duris sit mihi scripta petris.



CONSIDERA PRIMO, Deum nolle oblatum sibi COR permanere vacuum; sed eo utens tamquam chartâ, legem suam illi inscribit, atque hæc est gratia Novi Testamenti. Cūm enim veterem legem olim in lapideis tabulis digito suo scripsisset, promisit in Novo Testamento, se eam scripturum in CORDIBUS fidelium; ita enim apud Ieremiam loquitur: Hoc erit pactum quod feriam cum domo Israël: Post dies illos, dicit Dominus, dabo legem meam in visceribus eorum, & in CORDE eorum scribam eam. Hæc autem legis scriptura in CORDE, fit per

Dent. 9.
10.

Jerem. 31.
33.



CORDIS TABVLA LEGIS.


Dabo legem meam in uisceribus eorum,
et in CORDE eorum scribam eam. *Jerem. 31. 33.*

Scribo nouam teneri nunc CORDIS in equore legem.

Cum vetus in auris sit mihi scripta petris.

23.

Pag. 298.



per Spiritum sanctum, discente Augustino: *Lib. de*
 Quid sunt ergo leges Dei, ab ipso Deo *Spir. &*
 scriptæ in CORDIBUS, nisi ipsa præsen- *lit. 6. 21.*
 tia Spiritus sancti, qui est digitus Dei, *Luc. 11.*
 quo præsentē diffunditur charitas in COR- *20.*
 DIBUS nostris, quæ plenitudo legis est, *Rom. 13.*
 & præcepti finis? Ex hoc capite B. Pau- *10.*
 lus vocat Corinthios, & in iis omnes fi- *1. Tim. 1.*
 deles, Epistolam Christi. Manifestati, in- *5.*
 quit, quod Epistola estis Christi, mini- *2. Cor. 3.*
 strata à nobis, & scripta non atramento, *3.*
 sed Spiritu Dei vivi: non in tabulis lapi-
 deis, sed in tabulis CORDIS carnalibus.
 Iam, si & tu Dei Epistola esse desideras,
 & gratiam Novi Testamenti percipere
 concupiscis, præpara COR tuum ad hanc
 scripturam recipiendam. Ad quod, primò
 requiritur, ut sit veluti charta munda,
 nullo peccati inquinamento maculata:
 Noli tollere de CORDE tuo legem *Ambros.*
 Dei, & afficere legem peccati. Noli *tom. 2.*
 scribere in sensibus tuis diaboli illicebras, *in Psal.*
 & Dei delere mandata. Noli, sæcula- *118.*
 rium more, COR tuum facere mappam *Osten. 14.*
 Geographicam, in qua totus mundus,
 cum suis regnis, provincijs, & civitatibus
 depictus sit; sed effice eam chartam mun-
 dam, cui lex Dei possit inscribi. Secundò, *Deut. 10.*
 quemadmodum Deus olim voluit dolari *1.*
 tabu-

tabulas lapideas , quibus digito suo legem inscripturus erat : ita COR tuum debet esse omninò planum , & levigatum , ita ut nulla omninò scabrities scripturam Dei impediat. Quare dolabrâ mortificationis continuò dolandum erit , ut legem gratiæ & amoris suscipere possit. Tertiò , debet COR esse molle instar ceræ ; in pugillaribus enim cerâ illitis nihil stylo exarari potest , nisi illa mollis ductilisque fuerit : ita requirit S. Paulus tabulas CORDIS carnei , id est non duri , instar lapidis ; sed teneri , tractabilis , atque docilis. Si igitur nonnihil induratum fuerit COR tuum , divino illud amore emollire , & liquefacere stude , ut in eo lex Dei conscribatur. Præparato ita CORDE tuo , scriptorem illius , cum Augustino ita invoca : Scribe Domine Deus digito tuo in pectore meo , dulcem memoriam tui melliflui Nominis , nullâ umquam oblivione delendam. Scribe in tabulis CORDIS mei voluntatem tuam , & justificationes tuas , ut te immensæ dulcedinis Dominum , & præcepta tua semper , & ubique habeam præ oculis meis.

CONSIDERA SECUNDO, Cur
Deus

*Aug. in
Med. cap.
36.*

Deus velit legem scribi in CORDE,
quia non satis est, ut illa servetur in arcâ, *Deut. 10.*
sicut tabulæ Moyſis; vel in tabernacu- 2.
lo, sicut Deuteronomium; illic enim *1. Reg. 10*
abeunt in oblivionem: unde filij Israël 25.
librorum horum non sunt recordati, im-
mò pro perditis eos habuerunt, donec
ſummus Sacerdos Helcias, regnante Io- 4. *Reg. 22*
ſiâ, eos in Templo invenit. Neque satis 8.
est legem scribere in veſtibus, ſicut fa-
ciebant Phariſæi, magnificantes ſim- *Matt. 23.*
brias, & dilatantes phylacteria. Nec li- 5.
gare eam in digitis, & quaſi ſignum in *Proverb.*
manu, vel inter oculos geſtare, nec ſcri- 7. 3.
bere in limine & oſtijs domus ſufficit: hæc
enim tantum externa quædam memoriæ
adjumenta ſunt. Neque verò in auribus
tantum lex Dei eſſe debet; poteſt enim
diabolus ab his auferre, & impedire ne
ad intima penetret. Nec ſolo intellectu,
aut memoriâ ſervari debet: ſic enim ſer-
vanti, teſte Bernardo, dicit Apoſtolus: *1. Cor. 8.*
quoniam ſcientia inflat. Denique & me- 1.
moriâ facilè delet oblivio. In ſolo ergo *Bern. ſer.*
CORDE lex Dei ſcribi, & ſervari debet. 5. *de ad-*
Quando verò cenſebitur Deus hanc in *vent. Do-*
CORDE ſcribere, niſi cum voluntati *mini.*
pias erga legem Dei affectiones, compla-
centias, impuſus, promptitudinem; &
tan-

tandem charitatem infundit; ut voluntas dicat: Domine da quod jubes, & jube quod vis. Hoc enim maximum est Dei erga nos beneficium, quod magnificere, & grato animo recolere debemus. Ita faciebat S. Ambrosius, dicens: O verè testator æternus, qui nostris CORDIBUS leges affigit suas, & scribit in ser fibus; ut nihil aliud cogitare, nisi divina præcepta possimus: nihil aliud sentire, nisi Dei oracula debeamus. Dedit gratiam, reformavit naturam, sibi que comminiscens, qui oblivisci nihil solet, memoriam meorum abstulit peccatorum, mihi que dedit legem præceptorum suorum.

Ambros.

tom. 2. in

Psal. 118.

Octon. 14.

CONSIDERA TERTIO, Exempla eorum qui legem Dei in CORDE suo posuerunt. Primus sit Christus Dominus, qui in Psalmo Deo Patri dicit: In capite libri scriptum est de me, ut facerem voluntatem tuam: Deus meus volui, & legem tuam in medio CORDIS mei. Quæ verba S. Paulus de Christo exponit; & sensus est, eum libentissimè acceptasse decretum Patris, de liberando per mortem humano genere, idque tam ardenti desiderio desiderasse, ut legem illam, non qualitercumque in CORDE, sed in medio CORDIS sui posuerit. Secundum exemplum

Psal. 39.

8.

Hebr. 10.

5.

plum sit sacratissimæ Virginis Mariæ, quæ *Luc. 2*;
omnia verba & mysteria Filij sui conser- 19.
vabat, conferens in CORDE suo. Tertium *Psal. 118*.
Davidis dicentis : In CORDE meo ab- 11.
scondi eloquia tua, ut non peccem tibi.
Itemque: Scrutabor legem tuam, & custo-
diam illam in toto CORDE meo. Nusquam
enim melius, quàm in CORDE custodi-
tur, quæ & ipsum COR custodit: quare
COR potius auferri, quàm de CORDE Le-
gem Domini, pati oporteret. Est enim
continuum justorum exercitium, legem
Dei habere in CORDE; ex quo provenit,
ut omnia eorum verba, & opera, legi Dei
sint conformia. Quod testatur Psalmista, *Psal. 36*.
cùm ait : Os justi meditabitur sapientiam, 30.
& lingua ejus loquetur judicium. Vis sci-
re unde hoc proveniat? quia lex Dei ejus
in CORDE ipsius. Et quia ex abundantia
CORDIS os loquitur, hinc secundum legem *Matth.*
Dei prudenter verba profert, & disponit 12.34.
sermões suos in judicio. Magnoperè igitur *Psal. 111*.
studere debemus, ut lex Dei sit scripta 6.
in CORDIBUS nostris.

CONSIDERA QUARTO, Consuevisse
olim Christianos verba quædam Evange-
lij, instar Bullæ, ex collo amuleti loco su-
spendere: quo nimirum significabatur, sa-
cri Christi Evangelium debere CORDI

*Breviar.
Rom.*

*Baronius
an. Chri-
sti. 232.*

*Hom. 19.
in Mat.*

*Greg. lib.
12. Epist.
7.*

*Chrysost.
loco citato.*

nostro esse insculptum. Ita de S. Cæcilia Virgine & Martyre, in ejusdem Officiò canit Ecclesia : Virgo gloriosa semper Evangelium Christi gerebat in pectore. Quod ab aliis quoque factitatum inveniri, Cardinalis Baronius asserit : Et si fidem, inquit, præstemus S. Andreæ Apostoli Actis, etiam Apostolorum temporibus id usurpatum apparet. Sancta, piaque majorum hæc fuit consuetudo, nisi aliquâ accedente superstitione labefactetur. Ejus meminit & Ioannes Chrysostomus, dicens : Non cernis, ut mulieres & parvi pueri pro magna custodia collo Evangelia suspendunt, & ubique circumferunt, quocumque abierint ? In more id quoque fuit tempore S. Gregorij, qui Theodelindæ Reginæ Longobardorum, cum Adalwaldum infantulum peperisset, misit pro munere phylacteria (sic vocat quas veteres nominare consueverant Bullas, ad collum appendi solitas) nempe Crucem cum ligno S. Crucis Domini, & lectionem S. Evangelij thecâ Persicâ inclusam. Hic autem mos etiamnum apud Christianos viget ; ex quo Chrysostomus hortatur, Evangelium in CORDE describi ; Tu Evangelij mandata, & leges mente describas ; non auro, nec argento hîc est opus, & pecunijs, nec li-

librum emere : voluntate solâ vobis est opus , & affectu Animæ expergefactæ , & securius habebis Evangelium ; non extrinsecus , sed in animæ penibus ipsum reponens. Eodem modo Augustinus , laudans Evangelium doloribus capitis opponi , jubet illud quoque ad Cor collocari. Cùm caput , inquit , tibi dolet , laudamus , si Evangelium ad caput tibi posueris , & non ad ligaturam cucurreris. Ad hoc enim perducta est infirmitas hominum ; & ita plangendi sunt homines , qui currunt ad ligaturas , ut gaudeamus , quando videmus hominem in lecto suo constitutum jactari febribus & doloribus , nec alicubi spem posuisse , nisi ut sibi Evangelium ad caput poneret : non quia ad hoc factum est , sed quia prælatum est Evangelium ligaturis. Si ergo ad caput ponitur , ut quiescat dolor capitis ; ad COR non ponitur , ut sanetur à peccatis ? fiat ergo : Quid fiat ? ponatur ad COR , ut sanetur COR.

*Tract. 7.
in Ioan.*

CONSIDERA QUINTO , Quid efficiat lex Dei in CORDE posita , hæc enim hominem præservat à peccato ; unde David dicebat : In CORDE meo abscondi eloquia tua. Quare autem ? ut non peccem tibi. Et in altero Psalmo :


Psal. 118.

II.

Psal. 36.
31.

Lex Dei ejus in CORDE ipsius, & non supplantabuntur gressus ejus. Id est, non nutabunt, non labentur pedes ejus. Liberat, inquit Augustinus, à laqueo, verbum Dei in CORDE. Liberat à viâ pravâ, verbum Dei in CORDE. Liberat à lapsu, verbum Dei in CORDE. Tecum est, cujus verbum à te non recedit. CORDE autem quid mali patitur, quē custodit Deus? Quemadmodum igitur Deus in arcâ undique auro testâ, jussit tabulas legis reponi: ita & nos in arcâ CORDIS nostri divini amoris auro rutilante, Evangelicam legem, velut pretiosissimum thesaurum, recondamus.







ARATIO CORDIS.

Conuerter ad uos, et arabimini et
accipietis sementem. *Ezech. 36. 9.*

CORDIS agrum, Crucis eia tuę proscindat aratrum,
Cui verbi inspergas semina, sponse, tui.

24.

Pag. 307.

LECTIO IV.

CORDIS Aratio.

EMBL.

24.

Convertar ad vos, & arabimini, & accipietis sementem. Ezech. 36.9.

CORDIS agrum, Crucis, eiâ, tua proscindat aratrum,

Cui verbi inspergas semina, Sponse, tui:



CONSIDERA PRIMO, COR tuum esse terram, sive agrum cælestis Agricolaë; in quem granum frumenti seminare decreverit. Hic porro ager priusquam semen suscipiat, subigendus primò, & aratro proscindendus est. Quodnam autem erit mysticum CORDIS nostri aratrum, nisi illud, quod è ligno Sanctæ Crucis, & Lanceâ, quæ sacratissimum *Lib. 1. de Christi transfixit latus, compingitur? Ob- Cruce.* servavit enim Iustus Lipsius, Aratrum *cap. 9.* Crucis figuram exprimere; quod Maximi *Maxim.* Taurinensis testimonio confirmat, qui ait: *Taurin.* Ut bonus Agricola, cum parat terræ so- *de Cruce* um vertere, non nisi per signum Crucis *Dom. hom.* d facere conatur. Dum enim aratro den- *2.*

tale subjicit, affigit aures, stivam inserit, figuram Crucis imitatur. Compactio enim ipsa, similitudo quædam est Dominicæ Passionis. Et S. Justinus Martyr: Considerate, inquit, omnia quæ in mundo sunt, an sine signo hoc Crucis gubernentur, an possint præbere sui usum. Terra non aratur sine eo. Hinc jam facilè colligitur, quid in spiritali sensu arare significet. Si enim Venerabili Bedæ credimus; arare nihil aliud est, quàm quasi quodam compunctionis instrumento, ligno, & ferro Dominicæ Passionis, duritiem sui CORDIS atterere, atque ad proferendos bonorum operum fructus aperire. Quod paulò fusiùs explicavit Hugo Cardinalis: Manum ad aratrum mittere, est per compunctionem, & Dominicæ Passionis memoriam; COR exarare. In aratro est stiva, lignum scilicet cui arans innititur; & aliud lignum, cui vomer infigitur. Per lignum ergo, cui arans innititur, intelligitur contritio CORDIS: per vomerem, qui terram scindit, intelligitur memoria Dominicæ Passionis, quæ quodammodo COR hominis scindit. Nemo enim tam saxei pectoris est, cujus COR non emolliat memoriâ Dominicæ Passionis. Et eam præcipuè debet homo habere in memoria, quia cùm tantum beneficium ad memoriam redu-
ducitur,

*Justin.
Martyr.
Apol. 2.*

*Beda c.
41. in
Luc. cap.
9.*

*Hugo
Card. in
Luc. 9.*

ducitur, ad amorem benefactoris amplius Animus accenditur. Pone ergo, ô Anima, acerbissimam Christi Domini Passionem super COR tuum, idque non perfunctoriè, aut leviter; sed in ea ita meditare, ut profundè COR tuum penetret, illud conterat, & frequentes in eo sulcos ducat.

CONSIDERA SECUNDO, Satis non esse, ut CORDE Passionem Christi consideres, nisi etiam ad praxin te convertas, eamque operibus ipsis, quantum quidem licet, imiteris. Hoc est enim quod Sponsus à fidei Animâ requirit, cum ait: Pone me ut signa- *Cant. 8.*
culum super Cor tuum, ut signaculum su- *6.*
per brachium tuum. Quasi enim non satis esset, passum pro nobis Christum Iesum in CORDE, velut impressum signaculum, circumferre; voluit insuper, ut idem ipsum brachiis nostris imprimeremus: quod utique facimus, cum omnes actiones nostras, mores, conversationemque vitæ Christi cōformamus. Vult ergo, inquit Theodoretus, *Theodor.*
Salvator noster, ut eum pro signaculo in *in catena.*
contemplationibus, & actionibus nostris habeamus; & notā ipsius in omnibus nostris tum dictis, tum factis imprimamus. Quod ipsum Deus insinuavit, cum Moyse dixit: *Exod. 25.*
Inspice, & fac secundum exēplar, quod tibi *40.*
in monte monstratum est. Non enim solum

dicat inspicere, sed inspicere & fac : quo nimirum monemur, non modò considerandum nobis esse eximium illud patientiæ exemplar, quod nobis in Calvariæ monte monstratum est : verum etiam juxta illud actiones nostras esse dirigendas. Quomodo igitur ad praxin revocabimus spirituale hoc aratrum Sanctæ Crucis, ut ejus vomere terram CORDIS nostri proficindamus? si nimirum exemplo Christi crucifixi, dolores omnes, cruciatus, & adversitates, quæ nobis in hac vita, sive à Deo immituntur, sive ab hominibus inferuntur, æquo Animo tolerare studeamus. Docuit hoc Chrysostomus, qui ita scribit; Quemadmodum aratrum immit- tens deorsum, terram aperit tutam seminibus custodiam parans, ne jacta in superficie remaneant, sed in ipsos terræ sinus immittantur, & in tuto radices figant; sic & nos facere necessarium; & tamquam aratro tribulatione utentes, CORDIS profundum scindere. Hoc enim & Propheta admonet, dicens : Scindite CORDA vestra, & non vestimenta vestra. CORDA igitur scindamus, ut si qua dolosa herba, & improba cogitatu nobis inest, radicitus eam vellamus, & puras pietatis seminibus terras exhibeamus.

*Chrysost.
hom. 4. ad
pop. Antio-
ch.*

*Joël. 2.
13.*

CON-

CONSIDERA TERTIO, Tum quoque spiritali modo COR arari, cùm illud mortificationis vomere proscinditur. Nihil enim terram CORDIS nostri tam aptam reddit ad divinarum inspirationum semina suscipienda, quàm veræ mortificationis studium. Hæcenim omnes noxias herbas, spinas, & tribulos ex CORDIS nostri agro radicitus exscindit. Mortificatio igitur aratrum est. Ager COR, boves verò, sive jumenta aratrum ducentia, ipsa est Anima; quæ COR suum conterere, sulcis variis discindere, & glebas dividere debet. Sed forsitan mireris, & cum S. Bernardo dicas: Ergone bestia sumus nos? bestię prorsus. Homo enim cùm in honore esset, non intellexit, comparatus est jumentis insipientibus, & similis factus est illis. Quid ni igitur brutorum labore exerceatur, qui iis se peccando æqualem fecit. Dignus est, ait S. Paulinus, opere jumentario, qui semetipsum lumine rationis orbaverit, & in similitudinem belluarum Corporis servus, abiecit. Noli ergo, ô Anima, ab hoc aratro te subducere, noli arandi laborem subterfugere: sed potiùs dic cum Propheta: Ut jumentum factus sum apud te, & ego semper tecum. Vis autem par boum tibi

assignari, qui hoc aratrum ducant? intellectum, & voluntatem tuam conjunge; illisque mortificationis studium perfice. Nihil enim juvat intellectu cognoscere, quæ mortificatione amputanda sunt; nisi etiam voluntas consurgat, ad eandem sedulo in opus producendum. Quis autem hic mysticus erit arator, nisi Christus Jesus, CORDIS nostri amor? Ille stivam tenebit, ille animalia diriget, ille aratrum terræ infiget, ille cessantes boves divini timoris flagello exstimulabit. Sine Christo enim, quantumcumque laboraverimus, nihil in mortificationis studio proficiemus. Ille exemplar nostrum, formam totius mortificationis in vita sua nobis expressit; ille scopus noster, ad quem studium hoc dirigamus; ille Amor, quo ad hoc incitamus, & impellimur, esse debet. Hic si nobis adsit, feliciter admodum procedet aratio CORDIS nostri. Rogandus proinde ille est, ut officium hoc subire non dedignetur, quod fecisse videtur Augustinus, cum ita rogavit: Mitte (quæso) manum pietatis tuæ in me? & tolle de me, quidquid offendit oculos pietatis tuæ in me. Coram te, Domine, est sanitas, & infirmitas mea. Illam precor serva, istam sana. Si enim dignaris in agro tuo

*August.
in Medit.
cap. 36.*

CORDE meo serere bonum semen, necesse est, ut manu pietatis tuæ spinas prius evel-
las vitiorum meorum.

CONSIDERA QUARTO , Ut
ager excultus dicatur , non satis esse ,
ut semel iterúmve per illum aratrum
ducatur , aut ut pauci in eo fiant sulci :
sed totus omninò quantus quantus est
exarari , & continuis sulcis describi de-
bet. Neque verò id sufficit , ut id uno
alteróve Anno fiat ; sed quotannis re-
sumendum est aratrum , si quolibet An-
no semine conspergatur. Ex hoc autem
discimus , non exiguo temporis spatio
mortificationis studium definiri debere ;
sed usque ad vitæ finem in ea per-
severandum esse. Quod exemplo suo
nos Christus docuit , qui de Cruce
descendere noluit nisi mortuus , quan-
tumvis Judæi clamarent: Christus Rex *Marc. 15.*
Israël , descendat nunc de Cruce , ut *32.*
videamus & credamus. Ita & nos (in- *Bernard.*
quit Bernardus) quicumque sequimur *Serm. 1.*
caput nostrum , tota die hac , quâ sal- *in die Pa-*
vati & redempti sumus , non cesse- *schæ.*
mus agere pœnitentiam ; non cessamus
tollere Crucem nostram , perseveran-
tes in ea , sicut ipse perseveravit , do-
nec dicat Spiritus , ut requiescamus à la-
V 5 bori-

Apoc. 14. 13. boribus nostris. Neminem audiamus, non carnem & sanguinem, non Spiritum quemlibet, descensum à Cruce suaderem. Persistamus in Cruce, moriamur in Cruce: deponamur aliorum manibus, non nostrâ levitate. Totâ igitur vitâ in spirituali aratione permanendum est, scri-

Exod. 23. 21. ptum est enim: Sex diebus operaberis, die septimo cessabis arare. Sex autem dies omne tempus hujus vitæ designant, septimus verò dies Sabbati & quietis, tempus futuri sæculi. Quid igitur, Anima, requiem speras ante Sabbatum? quid cessas ab opere, nondum consummatis sex diebus? persevera igitur in mortificationis agricultura, nec retrahas manum semel aratro impositam: Nemo enim mittens manum suam ad aratrum, & aspiciens retrò, aptus est Regno Dei.

Lucæ 9. 62. *Proverb.* 20. 4. *Salon.* CONSIDERA QUINTO, Quàm necessaria hæc sit CORDIS exaratio: quàm à Salomone discere potes, qui ait: Propter frigus piger arare nōluit, mendicabit ergo æstate. Quod Salonius ita interpretatur: Piger in hoc loco illum significat, qui propter desidiā, & hujus mundi adversitatem (quæ per frigus designatur) in Dei servitio negligit laborare: & idcirco in futuro Dei Judicio mendicabit; quia non habebit

habebit opera bona, pro quibus accipere mereatur beatitudinem: Quia quid- *Galat. 6.*
 quid seminaverit homo, hoc & metet. *Ac. 8.*
 cidit id fatuis Virginibus, quæ oleo de-
 ficiente, ad prudentes dixerunt? *Data Matth. 25*
 nobis de oleo vestro. Sed cur, inquires, 8.
 dies Judicij & Regnum Dei æstati com-
 paratur? quia tunc omnia nostræ tristi-
 tiæ nubila transibunt, & vitæ illius dies
 æterni Solis claritate fulgebit. Paulò ali-
 ter explicat Hugo Cardinalis, qui sic ait: *Hugo Car-*
 Vir frigore charitatis intepescens, sui *din.*


CORDIS agrum aratro pœnitentiæ pro-
 scindere non vult, & bonis operibus
 conferere: mendicabit ergo æstate. Ni-
 mirum, instante jam morte, morbo ingra-
 vescente, & febre exæstuante, postulabit
 tempus pœnitentiæ: & non dabitur ei. In-
 clamabit: Inducias usque manè; & tritum
 illud morientium canticum lugubri voce
 intonabit:

O mihi prateritos referat Deus optimus Annos.
 Clamabit, ejulabit, sed frustra: quia non
 dabitur ei. Hoc igitur te ad arandi labo-
 rem assiduum acriter exstimulet: magis
 autem spes fructus vitæ æternæ. Nam ut
 Sanctus Paulus ait: qui arat, arare debet *1. Cor. 9.*
 in spe fructus percipiendi. Ad spirituales *10.*
 igitur arationem, quam mortificationem
 esse

Eccli. 6.
19.

esse docuimus , eo modo accedendum est ,
quo Ecclesiasticus monuit ad Sapientiam
esse eundum. Quasi is qui arat , inquit , &
seminat , accede ad eam , & sustine bonos
fructus illius : in opere enim ipsius exi-
guum laborabis , & citò edes de generatio-
nibus illius.







SEMINATIO IN COR.

Verbum seminatum est in CORDE. *Nat. 13. 19.*

Semina iam terræ manda diuine colone,

Nē nostri, sterilis, sit tibi, CORDIS, ager.

25.

Pag. 317.

LECTIO V.

CORDIS Seminatio.

EMBL.

25.

Verbum seminatum est in CORDE.

Matth. 13. 19.

*Semina jam terra manda, divine Colone,
Ne nostri sterilis sit tibi CORDIS Ager.*



CONSIDERA PRIMO, Quo
fine creatus sis? quid agas?
quò tendas? cur in hoc mū-
do positus? quorsum vitam
hanc degas? Vis hoc scire?
audi veritatem ipsam: Ego posui vos, ut Ioan. 15.
eatis, & fructum afferatis, & fructus ve- 16.
ster maneat. Arbores omnes sumus, in Vi-
ridario cælestis Agricolaë plantatæ, ut fru-
ctum demus in tempore opportuno. At Matth. 3.
omnis arbor, quæ non facit fructum bo- 10.
num, excidetur, & in ignem mittetur:
Iam enim securis ad radicem arborum po-
sita est. Omnis proinde cura & sollicitu-
do CORDIS nostri hæc esse debet, ut fru-
ctum adferamus: nemo verò fructum ad-
ferre potest, nisi prius in se habeat semen
illius. Unde verò id homini pauperi &
inopi,

inopi, & qui ex se nihil habet? Non despondeamus hîc Animo, benignus est Dominus, qui implet omne animal benedictione, ipsemet sementem faciet. *Psal. 144. 15.* Ecce enim exiit qui seminat seminare; semen suum. Quis verò hic sator? nisi Christus Dominus; de quo Beda: Exiit seminans ad seminandum, quia Dominus è sinu Patris egrediens, venit in mundum, & verbum veritatis seminavit. Seminator ergo Christus, semen est verbum Dei, ager COR nostrum. Semen nisi in terram jaciatur, fructum non facit. *Barrard. tom. 2. lib. 9. cap. 2.* Sparge triticum in aëre, vel aqua, vel igne, nihil reportabis fructus. Eundem in modum Dei verbum, nisi in COR incidat, non pariet emolumentum. Si in aures tantum verbum auditum, si in oculos tantum verbum scriptum incidat, quid proderit? Id verò erit in aqua, vel aëre seminare. Quemadmodum terra in medio mundi sita, semen excipit: ita COR, quod in medio hominis est locatum, excipiat verbum, foveat, ad fructum ducat.

CONSIDERA SECUNDO, Quales dispositiones COR tuum habere debeat, ut recepto semine, fructum postea producat. Nam ut ex Christi parabola constat, tribus

tribus perditis partibus seminis, una tan- *Chrysof.*
tummodò salvatur; non quidem semi- *hom. 45.*
nantis causâ, sed suscipientis (ait Chry- *in Matt.*
sostomus) culpâ terræ: hoc est, propter
reluctantem, atque repugnantem Ani-
mam. Una enim pars seminis cecidit secus *Luca 8.*
viam, & conculcata est, & volucres cæli *5.*
comederunt illam. Secunda seminis pars
cecidit supra petram, & natum semen
aruit, quia non habebat humorem. Ter-
tia inter spinas, à quibus suffocata est.
Quarta in terram bonam, & fecit fructum
centuplum. Quæ Christus Dominus ipse-
met sic explicat; Qui secus viam, hi sunt
qui audiunt, deinde venit diabolus, &
tollit verbum de CORDE eorum, ne cre-
dentes salvi fiant. Qui enim secus viam *Stapleton.*
publicam ambulant, multas distractiones *in Domin.*
patiuntur, multum Animo vagantur, *Sexages.*
prout multa & varia ab illis cernuntur. At
in audiendo verbo Dei, Animo collecto,
& attento esse oportet; ne, si vel ad mo-
mentum vageris, aliud agens, aliud co-
gitans, de repente diabolus id rapiat, alias
atque alias immitens cogitationes. Sicut
enim semen negligenter jactum, nec po-
steà terrâ obductum, volucres cæli ra-
piunt, & comedunt: sic verbum Dei ne-
gligen-

gligenter acceptum, nec Animo reconditum, sed oscitanter auditum, atque ita à nobis contemptum, dæmones rapiunt, & comedunt; quia de nostro contemptu vehementer gaudent, & voluptatem magnam capiunt. Quare, ut inquit Chrysostomus, ne quid tale nos patiamur; diligentiam, magnitudine Animi, & jugi memoriâ semina obducamus.

Chrysost.
in cap. 13.
Matth.
hom. 45.
Matth. 13.
20.

CONSIDERA TERTIO, Semen quod supra petram cecidit, designare eos, qui cùm audierint, cum gaudio suscipiunt verbum, & hi radices non habent: quia ad tempus credunt, & in tempore tentationis recedunt. Verbum enim Dei, nisi ad ipsum CORDIS fundum penetret, altasque defigat radices, fructum non profert; quantumvis superficietentius Animum nonnihil moveat, & audientem oblectet. Quî enim crescere posset sine radice? Hi autem temporales, qui ad tempus tantum credunt, radices non habent; quia non sunt in charitate radicati & fundati, nec Christum habent per fidem in CORDE habitantem. Sicut ergo cadente pluviâ, lapides quidem foris madescunt, intus verò sicci & duri permanent: sic dura CORDA, imbrem

Ephes. 3.
17.

brem divini eloquij cum gaudio suscipiūt,
sed intūs ficci & aridi permanent, malā
consuetudine aditum gratiæ violenter pro-
hibente.

CONSIDERA QUARTO, Semen
quod in spinas cecidit, eos significare qui *Matt. 13.*
audierunt, & à sollicitudinibus, & divi- *22.*
tiis, & voluptatibus vitæ cunctes suffo-
cantur, & non referunt fructum. His enim
tribus suffocatur Dei verbum, etiam intimè
in CORDA receptum, & compunctiōne
vehementi consecutā; ita sanè ut fructi-
ficare incipiens, atque emendationem
conceptam operari, mox in ipso progrel-
sus exordio, quasi nascens herbula, re-
primatur, extinguatur, & velut onere
imposito suffocetur. Danda igitur est
opera, ne COR nostrum sit velut via
publica, in qua à prætereuntibus se-
men conculcetur: ne sit lapideum &
durum, quod semen non recipiat: ne
spinis divitiarum, voluptatum, ac sol-
licitudinum sit circumsectum, adeoque
semen verbi Dei suffocetur. Claudenda
igitur sunt ostia CORDIS, ne pervium ma-
neat: igne devotionis ipsum COR emol-
liendum, contra omnem duritiam: eradi-
candæ vepres & sentes, ne semen enatum

supprimant: sed fiat terra bona, & proferat fructum. Animadvertendum autem hîc est, defectum fructuum in hac parabolâ non referri in nimiam siccitatem, aut pluviae, vel Solis, vel frigoris, vel grandinis, vel venti defectum; sed totam culpam in ipsam terram conferri. Quod enim verbum Dei fructum in nobis non edat, non accidit ob defectum divinæ doctrinæ intus suadentis, vel gratiæ Dei, aut Spiritus sancti irrigationis, sed ex nostro vitio. Ille enim qui Solem suum oriri facit super bonos & malos, nihil debuit facere telluri suæ, quod non fecit: unde perditio tua ex te est, ô Anima mea, tantummodò in Deo tuo auxilium tuum.

Matt. 5.

45.

Osee 13.

9.

Luca 8.

15.

Salmeron.

rom. 7.

trakt. 5.

CONSIDERA QUINTO, Terram bonam vocari à Christo, eos qui in CORDE bono & optimo, audientes verbum retinent, & fructum afferunt in patientia. Terra bona est, COR ab humanis affectibus & terrenis perturbationibus vacuum, & liberum: quàm primùm enim vitia ab Animo tollimus, quæ nos nostrâ culpâ contraximus; & solum illud relinquimus, quod optimè ab optimo Opifice creatum est, continuò divi-

nium

tum semen in nobis fructum edit. Ve-
 rum, quia caro concupiscit adversus Spiritum *Galat. 5.*
 tum, & perpetua inter utrumque pug- 17.
 na est, magnâ est opus tolerantia, &
 fortiter in acie perstandum. Et ob eam
 causam dixit, per patientiam fructum
 afferri. Quare & in alio loco ait: In *Lucâ 22.*
 patientia vestra possidebitis Animas ve- 19.
 stras. Sine patientia enim non perseveratur:
 at nisi perseveraremus, expectari nequiret
 salus: Qui enim perseveraverit usque *Matth. 24.*
 in finem, hic salvus erit. Sed ut terra 13.
 hæc bona ex jacto semine fructum ad-
 ferat, retinendum est verbum Dei, nec
 permittendum ut unâ aure exceptum, al-
 terâ effluat; sed instar mundorum ani-
 malium quæ ruminant, vis & efficacia
 verbi Dei mente revolvenda, & sedu-
 to recogitanda est. Illi ergo qui cum
 Davide in CORDE suo abscondunt *Psal. 118.*
 eloquia Dei, & cum Sanctissimâ Vir- 11.
 gine Mariâ conservant ea, conferen- *Lucâ 2.*
 tes in CORDIBUS suis, sunt optima 19.
 illa terra, quæ copiosissimum fructum
 profert in tempore suo. Rogabo cælestem
 Agricolam, ut COR meum talem ter-
 ram efficiat. Etsi enim instar lapidis du-
 rum sit, potens est Deus de lapidibus *Matth. 3.*

suscitare filios Abrahæ. Et si vepribus ac
spinis repletum sit, divinâ aspirante gra-
tiâ, terra illa inculta fieri potest hortus vo-
luptatis.

Ezech.

36.35.







CORDIS IRRIGATIO.

Rigabo hortum meum Plantationum. Eccl. 24. 40.

Telluri clausum, celo patet: implue rorem,

CORDIS ab hoc vario flore virescet humus.

26.

Pag. 325.

LECTIO VI.

CORDIS Irrigatio.

EMBL.
26.*Rigabo hortum meum plantationum.*

Eccli. 24. 42.

*Telluri clausum, calo patet, implue rorem,**CORDIS ab hoc, vario flore virescet humus.*

CONSIDERA PRIMO, Satis non esse, bonum semen in terra esse seminatum, nisi illud superveniente pluvîa, aut aquis irrigetur. Testatur enim Christus, natum semen aruisse, quia non haberet humorem. Quare Axa querebatur datam sibi terram Australem & arentem, à qua ob defectum humoris, nullos, vel exiguos sperabat fructus: unde suspirans postulabat ei jungi irriguam. COR quoque nostrum, licet verbi Dei susceperit semen, nisi gratiâ Dei irrigetur, est velut terra sine aqua, ut inquebat David; hoc est, est veluti ager aridus, diuturnoque Sole perustus, qui idcirco quasi aperto ac hiante ore, præ nimiâ quâdam, ut ita dicam, siti, X 3 expetit,

Luca 8.

15.

Iosue 15.

19.

Lorinus in

Psal. 142.

expetit, & expectat à Deo ipso imbrem, ut afferre fruges queat, ut ornari floribus, vestiriq̃ue herbis possit. Aqua autem, quâ CORDIS hortulus irrigari debet, gratia est Spiritus Sancti, ut exponit Gregorius, in illa verba Job: Si continuerit aquas, omnia siccabuntur. Si emiseric eas, subvertent terram. Aquæ, inquit, nomine, Sancti Spiritus gratia designatur, sicut Joannes ait: Qui credit in me, sicut dicit Scriptura, flumina de ventre ejus fluent aquæ vivæ. Hoc autem dixit de Spiritu, quem accepturi erant, credentes in eum. Si continuerit aquas, omnia siccabuntur; quia si Sancti Spiritus gratia ab audientis mente subtrahatur, arescit protinus intellectus, qui jam per spem viridescere in audiente videbatur. Similiter Bernardus: Irrigationem maximè necessariam habent novellæ plantationes, alioquin aut minus proficient, aut ex toto peribunt præ siccitate. Quærat ergo devotionis aquas quisquîs seminaverit bonorum operum semina, ut irrigatus fonte gratiæ, bonæ conversationis hortus non arescat, sed in perpetuâ viriditate proficiat.

CONSIDERA SECUNDO, Gentiles olim Jovi Pluvio supplicasse, cum nimirum pluvias desiderarent, quem & ab Indis

*Lib. 10.
Moral.
cap. 6.*

*Ioan. 7.
38.*

*Serm. 2.
in Nat.
Dom.*

*Strabo
lib. 15.*

Indis hac de causa cultum Strabo testis
 est. Tertullianus quoque meminit aquili- *Tertull.*
 ciorum, quæ Jovi immolabantur ad aquas *Apolog.*
 eliciendas in magnâ siccitate. Nos autem *num. 40.*
 Deo fonti gratiarum, qui pluvix Pater, *Iob 38. 28.*
 & stillarum roris genitor in Scriptura di- *Psal. 67.*
 citur, supplicare convenit, ut pluviam *10.*
 voluntariam hæreditati suæ segregatam
 in COR nostrum demittat, ut terra nostra
 det fructum suum. Arentem CORDIS *Lib. 2. in*
 hortulum, inquit Paschasius Radbertus, *Lamen.*
 sicut terram sine aquâ penitus coram Do- *Ieremie.*
 mino Anima expandat, ut suis irriget im-
 bribus, qui siccâ de rupe aquas manare
 iussit. Clamabo ergo cum Propheta: *Psal. 142.*
 Extendi manus meas ad te, Anima mea, 6.
 sicut terra, sine aqua tibi; complue *Aug. in*
 me (ait Augustinus) ad faciendam fru- *Psal. 142.*
 ctum bonum. Dominus enim dabit be- *Psal. 84.*
 nignitatem, ut terra nostra det fructum *13.*
 suum. Sitire tibi possum Domine, me
 irrigare non possum, ideò sitivit Anima
 mea ad Deum vivum, quando veniam, *Psal. 41. 3.*
 nisi quando venerit? Sitivit Anima mea
 ad Deum vivum, quia Anima mea velut
 terra sine aqua tibi. Abundat mare, inun-
 dat, copiosum est, fluctuat, sed ama-
 rum est. Discreta est aqua, apparuit ari-
 da Anima mea, irriga eam, quia velut

terra sine aqua tibi. Citò exaudi me Domine. Quæ enim mora, quando sic sitio, ad inflammandam sitim meam? Pluviam differebas, ut hauriens imbibere, non respuerem quod influeres. Si ergo ideò differebas, jam da: quoniam Anima mea velut terra sine aqua tibi. Veni, ô fons aquæ vivæ, & irriga universam superficiem terræ CORDIS mei: cui roris abundantia longo ariditatis squalore marcescentia viscera visitando fecunda.

Psal. 146.
8.
Eccli. 24.
40.

CONSIDERA TERTIO, Deum valdè esse propitium, & benignum, ut preces has exaudiat. Ipse enim est, qui operit cælum nubibus, & parat terræ pluviam. Quin ipse hoc officio functurum promittit, cum ait: Ego sapientia effudi flumina, ego quasi trames aquæ immensæ de fluvio, ego quasi fluvij Doryx, & sicut aquæductus exivi de Paradiso. Dixi: Rigabo hortum meum plantationum, & inebriabo prati mei fructum. Quàm validè verò hæc spem nostram confirmant! Quis enim defuturas ærenti CORDI suo aquas suspicetur, cum audit horti sui plantatorem esse tramitem aquæ immensæ, fluvium, & aquæductum? Et ne de voluntate effundendi hanc aquam quis dubitet, ultrò testatur se non modò hortum

hortum rigaturum ; sed & undarum abundantiâ pratum inebriaturum. Quantumcumque igitur aridum, siccum, & inaquosum fuerit COR meum, in te Domine sperabo: Lignum enim habet spem, si præ- *Iob 14. 7.*
 cisum fuerit, rursus virescit, & rami ejus pullulant. Si senuerit in terra radix ejus, & in pulvere emortuus fuerit truncus illius ; ad odorem aquæ germinabit, & faciet comam, quasi cum primùm plantatum est. Quid ni ergo secundùm multitudinem miserationum tuarum, & mihi *Ps. 50. 1.*
 dederis, Domine, ut sit Anima mea quasi hortus irriguus, de te fonte vivo largiter *Ierem. 31. 12.*
 irrigatus, qui germinare eam faciat flores *Cant. 2. 1.*
 rosarum, & lilia convallium.

CONSIDERA QUARTO, Quemadmodum uberem fructuum proventum ager ille exhibet, qui irrigationi respondet : ita pœna, maledictio, & infelicitas eum consequitur, si post multos imbres, nullum proferat fructum. Dicit siquidem Apostolus : Terra sæpè venientem super *Hebr. 6. 7.*
 se bibens imbrem, & generans herbam opportunam illis à quibus colitur, accipit benedictionem à Deo : proferens autem spinas ac tribulos, reproba est, & maledicto proxima, cujus consummatio in combustionem. Cum timore, inquit
 X 5 Chry-

- Hom. 10.* Chrysostomus, audiamus sermonem Dei,
in Epist. cum timore & tremore multo; non sunt
ad Hebr. hæc minæ Pauli, non sunt hominis, verba
 Spiritus Sancti sunt, Christi sunt loquentis
 in eo. Infelix prorsus est Anima, quæ mon-
 tium Gelboë instar, maledicto subiacet, in
 quam nec ros, nec pluvia divinæ gratiæ
 descendit. Multò tamen infelicior est Ani-
 ma illa, quæ in vacuum gratiam Dei reci-
 pit, & eidem non cooperatur; sed Spiritui
 gratiæ contumeliam facit. Omni proinde
 sollicitudine id curandum est, ne gratia Dei
 in nobis vacua existat, idque omni ratione
 videamus, ne quis desit gratiæ Dei. Non
 enim tam illa (quod multi conqueruntur)
 nobis deest, quàm nos illi. Quanta enim
 passuri videmur, & subinde etiam pollice-
 mur, si divinæ gratiæ imber CORDIS nostri
 hortum irrigaret. At verò quòd nihil fa-
 ciamus, non inde evenit, quòd gratia no-
 bis desit; sed quòd eamdem negligamus,
 nec illi cooperari studeamus.







CORDIS FLORES.

Dilectus meus descendit in hortum
suum, ut lilia colligat. Cant. 6. 1.

Hæc tibi, nata tuo de semine, consecro Sponse
Lilia, et his patrium floribus addo solum.

27.

Page 331.)

LECTIO VII.

EMBL.

27.

CORDIS Flores.

*Dilectus meus descendit in hortū suū,
ut lilia colligat. Cant. 6. 1.*

*Hæc tibi, nata tuo de semine, consacro Sponse
Lilia; & his, patrium, floribus, addo solum.*



CONSIDERA PRIMO, Agricolam eâ potissimum de causâ hortum plantare, terram aratro proscindere, semen inspergere, sata & plantata rigare, ut tandem eorumdem fructu pascatur, aut florum amœnitate delectetur. Quis enim plantat vineam, ait Apostolus, & de fructu ejus non edit? Quorsum autem credis, ô fidelis Anima, Dilectum tuum, velut Colonum & Agricolam, in COR tuum verbum Dei seminasse, imbrem gratiæ suæ illi largiter impluisse, & multiplicem culturam adhibuisse; nisi ut flores & fructus illi proferret? An non ipse ait: Descendi in hortum nunc, ut viderem poma convallium,

1. Cor. 9.

7.

Cant. 6.

10.

lium, & inspicerem si floruisset vinea, & germinassent mala punica? Et ipsa Sponsa agnoscens se hortum conclusum, cujus emissiones paradisi malorum punice-

Cant. 4.
12.

Cant. 5. 1.

mè invitat Sponsum, dicens: Veniat dilectus meus in hortum suum, & comedat fructum pomorum suorum. Neque verò frustrata est desiderio suo, celerem enim Dilecti sui adventum, quidve in horto egerit gratulabunda decantat: Di-

Cant. 6. 1.

lectus meus descendit in hortum suum, ad areolam aromatum, ut pascatur in hortis, & lilia colligat. Diligit enim hortos

Luca 22.

39.

Ioan. 19.

41.

Ioan. 20.

14.

Prov. 8.

31.

1. Cor. 3.

7.

& flores, qui in florido Nazarethi agro concipi voluit, qui in horto Oliveti promore suo orabat, & Passionem suam in horto auspicatus est, qui in horto sepeliri, & velut hortulatus Dilectæ ille Magdalene apparere dignatus est. Hic ille, qui delicias suas testatus est esse cum filiis hominum; CORDA illorum floridos hortos fieri desiderat, ut in illis voluptatem capiat. Hinc ipse est, qui hortos hos plantat, qui rigat, qui incrementum dat, cui proinde meritò omnis eorum proventus debetur.

CONSIDERA SECUNDO, Quid Sponsus in horto CORDIS tui quærat,

rat, quid ibi faciat. Expressit id secreto-
rum dilecti sui conscia Sullamitis, cum
ait: Dilectum suum descendisse ad areolam *Cant. 6 1.*
aromatum, ut pascatur in hortis, & lilia
colligat. Flores ergo & lilia quærit flori-
dus Sponsus, qui pascitur inter lilia.
Quid ni lilia quærat, ipse flos campi, & *Cant. 2. 1.*
lilium convallium? Et quia similis simili
gaudet, non aliam sponsam desiderat,
quàm quæ & ipsa sit lilium. Item enim ait:
Sicut lilium inter spinas, sic amica mea in- *Cant. 2. 2.*
ter filias. Omnipotens enim (ut quartus
Eldræ liber habet) ex omnibus floribus *Cap. 5. 24*
orbis unum sibi lilium delegit. Hæc au-
tem est unica Columba, & dilecta Spon-
sa veri Salomonis. Sed jam ipsa lilia,
Bernardo ductore & Doctore, conside-
ra: Quærenda, inquit, in Spiritu hæc *Bernard.*
refectio inter lilia; nam corporea co- *Serm. 70.*
gitare, ridiculum est. Quin ipsa lilia *in Cant.*
spiritualia à nobis demonstranda erunt.
Quæ ergo sunt illa lilia, è quibus spe-
cies decoris ejus? Procede, inquit, & *Psal. 44. 5*
regna: propter veritatem, & mansue-
rudinem, & justitiam. Lilia sunt, lilia,
inquam, orta de terra, nitentia super
terram, eminentia in floribus terræ,
fragrantia super odorem aromatum. Ergo
inter hæc lilia Sponsus, & omninò ex
his

his speciosus, & pulcher. Bonum autem liliū veritas, candore conspicuum, odore præcipuum, cujus odor animat fidem, splendor intellectum illuminat. Est & mansuetudo liliū, habens innocentiae candorem, & odorem spei. Quod autem iustitia liliū sit, recordamini de Scriptura; quia iustus germinabit sicut liliū, & florebit in æternum ante Dominum. Nequaquam hoc liliū hodie est, & cras in clibanum mittitur, quia in æternum florebit. Et florebit ante Dominum, cujus in memoria æterna erit iustus. Sunt multa apud Sponsū, & alia lilia præter hæc: quis illa enumeret? nempe quot virtutes, tot lilia. Et fortassè propterea ipse se liliū appellavit, quod totus versetur in liliis; & omnia quæ ipsius sunt, lilia sint: Conceptio, Ortus, Conversatio, Eloquium, Miracula, Sacramenta, Passio, Mors, Resurrectio, Ascensio. Quid horum non candidum, & non suavissimè redolens?

CONSIDERA TERTIO, Ex ipso lilio Animam edoceri, quibus virtutum monilibus exornari debeat, ut cælesti placeat Sponso. Candor enim ille exterior & interior, qui in liliis relucet, illibatam Corporis & Animi puritatem designat. Lilia si attrectes, honorem & decorem suum perdunt;

sunt : Castitatis nitor quovis attractu , mi- *Delrio in*
 nimâ etiam cogitatione obfuscatur. Lilio- *Florid.*
 rum candor in ipsis præcipuè est foliis , *Marian.*
 quo instruimur non CORDIS modò , sed *Prima.*
 etiam linguæ & verborum castitatem re-
 tinendam. Quòd verò eadem folia ab imo
 sursum assurgant , & repandi in morem
 Icyphi compaginata labelli superioris ex-
 tima leniter fibris retortis obliquent : id
 innuit mentis devotione Animum in cæ-
 lum efferendum , reflectendam tamen cha-
 ritatem etiam erga proximos , quibus offi-
 cia pietatis , dum opus est , deferenda sunt.
 Adverte prætereà , ait Bernardus , de me- *Bernard.*
 dio floris hujus quasi virgulas aureas pro- *Serm. 70.*
 deutes , & cinctas candidissimo flore , *in Cant.*
 pulchrè ac decenter disposito in coronam.
 Aurum verò illud sex staminibus proten-
 sum , ardentem charitatem , quæ in COR-
 DIS nostri meditullio rutilare debet , de-
 signat. Sine hoc auro , vile est castitatis ar-
 gentum. Venale cælum est , sed non nisi
 obryzo emitur. Castitas sine charitate ,
 lampas sine oleo , hæc deficiat , cum fatuis
 Virginibus à nuptiis excluderis ; audies :
 Clausa est janua , nescio vos. Amoënis ille *Matth.*
 scapi viror , firmæ & erectæ spei sceptrum 25. 10.
 sibi vindicat. Bulbosa radix multis tunicis
 involuta , accuratissimam CORDIS & lin-
 guæ

Ps. 140.

3.

quæ custodiam nobis commendat : ut ostium circumstantiæ labiis nostris, & sedulam circumspeditionem omnibus sensibus apponamus. Caulis lilij rigidus, enodis, erectus; fortitudinem & perseverantiam in bonis propositis edocet, ut firmiter in benè deliberatis, absque ulla inflexione perpetuò persistamus. Scapi folia tactu lenia & glabra, mansuetudinem, & comem affabilitatem significant. Quòd verò ea, quæ radici propiora sunt cernamus majora, altiora verò minora; id indicare potest, opera nostra bona, quæ vixdum è CORDIS radice pullulant, magna hominibus principiò videri; quò verò quis majores in virtute progressus fecerit, cæloque abfuerit minus, tunc eum opinione suâ decrescere minimum, ac vilissimum sibi videri. Omnes has virtutes quæcumque Anima habuerit, verè lilium erit, verè ornata incedet in vestitu deaurato, circumamicta virtutum varietate; adeò, ut ne ipse Salomon quidem in omni gloria sua coopertus fuerit sicut illa. Quàm benè mecum agetur, si unquam ab hac pessima segete, iniquitatum videlicet atque vitiorum, tantillum terræ meæ vendicare extirpando & excolendo sufficiam, unde unum saltem tale lilium producere possim : si

fortè

Psal. 44.

10.

Lucæ 12.

27.

Bernard.

Serm. 70.

in Cant.

forte & penes me pasci interdum dignetur,
is qui pascitur inter lilia.

CONSIDERA QUARTO, & expende *Bernard.*
admonitionem S. Bernardi: Tu ergo qui *Serm. 71.*
hæc audis vel legis, cura habere lilia penes *in Cant.*
te, si vis habere hunc habitorem liliorum
habitantem in te. Opus tuum, studium
tuum, desiderium tuum, lilia esse prote-
stantur, moralis quidam rerum ipsarum can-
dor atque odor. Habent & mores colores
suos; habent & odores. Neque enim in
Spiritus idipsum est color & odor, non
magis quam in Corporibus. Ergo de co-
lore, conscientia consultetur; de odore, fa-
ma. Porro colorem operi tuo dat CORDIS
intentio, & iudicium conscientie. Nigra
sunt vitia, virtus candida est: inter hanc
atque illa, conscientia consulta discernit.
Quod ergo de CORDE puro & conscientia *1. Tim. 1.*
egreditur bona, candidum est, & est vir- *5.*
tus. Si autem & bona fama secuta fuerit,
& lilium est; quippe cui nec candor lilij
desit, nec odor. Sponsus itaque, & cum
sit virtus, in virtutibus complacet sibi: &
cum sit lilium, libenter inter lilia commo-
ratur: & cum sit candor, delectatur can-
didis.

LECTIO VIII.

EMBL.
28.

CORDIS Custodia.

*Omni custodia serva COR tuum ,
quia ex ipso vita procedit.*
Proverb. 4. 23.

*Quàm benè conclusum vigil hîc COR protegit
hortum ,
Pro stricto , munit , quem timor , ense Dei.*



CONSIDERA PRIMO, Humanum
COR esse pretiosissimum the-
saurum , à Dei benignitate no-
bis donatū; unde Christus Do-
minus dicebat : Bonus homo de bono the-
sauro CORDIS sui profert bona. Habemus
autem thesaurum istum in vasis fictilibus
Corporis nostri , quod supremus Plastes
de limo terræ formavit. Hic autem the-
saurus , quo pretiosior est , eò majori
etiam curâ , ac sollicitudine servari de-
bet. Deprædari enim desiderat (ait Gre-
gorius) qui thesaurum publicè portat in
viâ , aut eum non satis tuto loco collocat.
Quemad-

Matth.
12. 35.
2. Cor. 4.
7.

Gregor.
hom. i i.
in Evan.



CORDIS CVSTODIA.

Omni custodiâ serua COR tuum. *Prou. 4.23.*

Quam bene conclusum vigil hic COR protegit hortum.

Prostricto munit quem timor ense, Dei.

28.

Pag. 338.



Quemadmodum autem pretiosa in arca
occludi solent ; ita quoque COR nostrum
arcæ mandandum , ne diripiatur. Et sanè
locus , ubi natura COR reposuit , arca
à Medicis nominatur : sic enim totam
viscerum intercapedinem appellant. Quæ-
nam verò hæc arca sit , optimè exponit
Remigius : COR (inquit) mundum *Remig.*
qui servat , beatus est. Ejus autem mun-
ditia sic servanda est , quemadmodum
Virgo muliebrem mundum in theca re-
ponit , ne sordes attingant : sic Anima
COR suum in purâ abdit conscientiâ ,
ne labes inquinent peccatorum. Itaque
pura conscientia CORDI pro theca est ,
quæ designari potest in præmolli illo ,
firmoque membranæ involucro , quod
COR operit , & περιμέδριον Græcè ap- *Hypoc. l.*
pellatur , Latinè verò præcordium. Hæc *de Corde.*
autem tunica , vel potiùs sacculus , hu-
more quodam aqueo semper est plenus ,
qui humor eò spectat , ut COR , quod
affiduo motu cietur nantis in morem ,
leniter admodum , & sine labore , &
lassitudine motus explicet suos , ne si ad
latera præcordiorum impingeret , læde-
retur. Non aliter COR nostrum , si à *Salaz. in*
bonâ conscientiâ , quasi à sanis præcor- *Cap. 3.*
diis , undique cingatur ; leni admodum *Prov. 8.*
Y 2 atque

atque suavissimo motu impellitur. Si verò conscientiaῖ περιέργειον, ablato illo humore dulcissimo, per culpam deficiat, COR gravissimè torquetur. Constringitur igitur, atque custodit COR bona conscientia: quare danda est opera, ut bonum habeamus testimonium conscientiaῖ nostræ.

2. Cor. I.

12.

SED fortè non inutile fuerit, bonum hunc thesaurum CORDIS nostri, cui tot fures inhiant, apud fidum aliquem custodem & tutorem deponere, qui fideliter illum asservet. Quis verò melior,

Job 7. 20.

Psal. 126.

1.

2. Tim. I.

12.

Claud.

Aquaviva

in Ps. 118.

Apoc. 48.

22.

Gen. 48.

22.

Matth.

12. 29.

quàm Servator noster, qui Custos hominum appellatur? nisi enim Dominus custodierit hunc thesaurum, frustra vigilat qui custodit eum. Tu verò potens es, Domine, depositum meum servare, quod apud te deposui. Reserva tibi clavem CORDIS mei, ne quis alius aperire possit, & thesaurum suffurari. Tu es enim clavis David, quæ claudis, & nemo aperit. Obsigna annulo, & sigillo tuo, ne quis effringere audeat: ipse custodi partem tuam, quam de Amorrhæo tulisti in gladio & arcu tuo. Solus enim, ligato mundi Principe, vasa captivitatis diripuisti.

CON-

CONSIDERA SECUNDO, COR NO-
 strum esse quasi hortum voluptatis, in
 quo Sponsus Animæ nostræ deliciatur
 & quiescit. Deliciæ enim ei sunt esse cum *Prov. 8.*
 filiis hominum. Hortus hic bonarum cogi- *31.*
 tationum semine conspersus, profert flo-
 res honestatis & virtutis, & germinat fru-
 ctus bonorum operum. Qualis verò hic
 esse debeat, describit Sponsus in Cantico,
 cum Sponsam vocat hortum conclusum, *Can. 4. 12*
 fontem signatum. Debet enim hortus
 CORDIS nostri adversus mundi hujus
 turbines (ut inquit Ambrosius) septo *Ambros.*
 divinæ muniti protectionis, nullis sæ *lib. 10.*
 culi flabris inquietari. Variarum igitur sæ- *Epistol.*
 pe virtutum, humilitate, castitate, silen- *Epist. 82.*
 tio, modestiâ, aliisque hic hortus cingen-
 dus est, ne videlicet pateat ad rapinam, fu-
 ribusque inaccessus vitæ redoleat, fragret
 oleam, rosam renideat, ut in vite religio,
 in olea pax, in rosa pudor sacratæ Virgini-
 tatis inoleseat, ait idem Ambrosius. Nec *Ambros.*
 verò sepimento tantum opus est huic hor- *lib. 1. de*
 to; sed omnia etiam ostia diligenter ob- *Virgin.*
 seranda sunt, ne qua parte vulpes parvu- *Cant. 2.*
 læ subintrare possint, aut singularis fe- *15.*
 rus illum fortè devastet. Ostia porro *Psal. 79.*
 hæc, sensuum sunt organa, quæ dili- *14.*
 genter claudenda sunt, ne per illa mors

irrépat. Monet illud Sapiens, cum ait :

Eccli. 28. Sepi aures tuas spinis, & linguam nequam
29. noli audire : ori tuo facito ostia, & se-

Amb. l. 3. de virg. ras auribus tuis. Sponsus, ait Ambrosius,
vult clausam esse janua, cum pulsat :

janua nostra, os nostrum est ; Christo
propemodum soli debet aperiri : nec
aperiatur, nisi antè pulsaverit Dei ver-

1. Cor. 14. sto loquere, soli fabulare Christo : Si
34. enim mulieres in Ecclesia taceant, quantò
magis non decet patère Virginis janua.

Citò insidiator pudoris obrepit, cito ver-
bum excidit, quod revocare desideres. Si
Evæ clausa fuisse janua, nec Adam dece-
ptus fuisset, nec respondisset interrogata
Ierem. 9. serpenti; introivit mors per fenestram, hoc
21. est per Evæ ostium : ingreditur mors per
ostium tuum ; si falsum loquaris, si turpi-
ter, si procaciter ; postremò si ubi non
oportet loquaris.

CONSIDERA TERTIO, COR tuum
non quemlibet hortum esse, sed insignem

Gen. 2. 8. illum Paradisum voluptatis, quem plan-
taverat Dominus Deus à principio, quem
maximâ curâ custodiri voluit. Expulsis
enim inde prævaricatoribus parentibus

Genes. 3. nostris, Cherubim illi præstituit flam-
24. meum atque versatilem gladium vibran-

te m,

tem, omnesque ab ejusdem ingressu ar- *Machar.*
centem. Cum igitur (ait S. Macharius, & *hom. 37.*
Marcus Heremita) Scripturam audieris *Marc.*
enarrantem, quæ pertinent ad Paradisum, *Herem. l.*
ad Adamum, & ad Serpentem, omnibus *de Paradi-*
affectionibus semotis, ad COR tuum con- *so & lege*
verte Animum, & reperiies ibi Paradisum. *Spir.*

Quantum enim Paradiso potiti sunt primi
parentes, centies tantum in Paradiso spiri-
tali oblectamur, verè non & continenter
consolante gratiâ Dei. Quare nos quoque
summo perè desideremus, ipsum servare
mandatum: ut permanentes in verbo Do-
mini, fruamur nunc, & in futuro sæculo
deliciis Spiritus. Ut enim expulsus est Adâ,
qui gustarat de ligno scientiæ: ita qui ter-
rena sapiunt, permanere non possunt in ver-
bo Christi, quemadmodum scriptum est:
Amicitia hujus mundi, inimica est Dei. *Iacob. 4. 4.*
Quocircà jubet Scriptura, unumquemque
hominem omni custodiâ servare COR *Prov. 4.*
suum: ut conservans in eo verbum, tam- *23.*
quam Paradisum, fruatur gratiâ, nec audiat
Serpentem intus se implicantem, & consu-
lentem quæ faciunt ad voluptatem. Sed
quis æmulum hunc Serpentem ab horto
CORDIS excludat? Statuatur, Domine, *Gen. 3. 24*
ante oculos meos flammeus ille, atque
versatilis gladius; timor, inquam, Do-
mini;

mini ; timor pœnarum inferni , quarum recordatio hortum CORDIS muniat atque tueatur.

Breviar.

Rom.

*Hoc custode procul pelle ,
Rex Christe piissime ,
Omne nefas inimici ,
Mundo CORDE , & Corpore ,
Paradiso redde tuo
Nos solâ clementiâ.*

Vel quod magis mihi in votis est, ô dilecte votorum meorum , Tu ipse propugnare digneris hortum requiei tuæ , atque ab eo quàm longissimè insidiantes illi bestias propelle. Abige , ô Deus CORDIS mei , Serpentem insidiantem , Leonem rugientem , Lupum rapientem , Aprum vastantem , vulpes parvulas demolientes , omnes denique insidias inimici longissimè repelle. Floridum illum Salomonis lectulum sexaginta fortes ambiunt ex fortissimis Israël : omnes tenentes gladios , & ad bella doctissimi : uniuscujusque ensis super femur suum , propter timores nocturnos. Sed pro sexcentis illis fortissimis , satis mihi tu unus , & solus es Deus meus , misericordia mea , & refugium meum , susceptor meus , & liberator meus. Exurge ergo , protector meus , & dissipentur inimici tui , & fugiant qui oderunt me , à facie tua.

Ita,

Cant. 2.

15.

Cant. 3. 7.

Pf. 143. 2.

Pf. 67. 2.

Ita, quæso, per omnes miserationes tuas,
 CORDI meo contingat ; ut leto Animo E-
 pinicion Victori meo decantem, & dicam:
 Dextera tua, Domine, magnificata est in *Exod. 15.*
 fortitudine ; dextera tua Domine percussit 6.
 inimicum : & in multitudine gloriæ tuæ
 deposuisti adversarios tuos !

CONSIDERA QUARTO, Quantâ in pace
 & tranquillitate horius, & castrum COR- *Ps. 90. 1.*
 DIS versetur, quod habitat in adjutorio Al-
 tissimi, & in protectione Dei cæli commo-
 ratur. Solent dicere homines hujus sæculi,
 inquit Bernardus, bonum castellum custo- *Bernard.*
 dit, qui Corpus suum custodit, ego au- *serm. 46.*
 tem non sic: sed sterquilinum vile custo- *ex parvis.*
 dit, qui custodit Corpus suum: quoniam
 qui seminat in carne, de carne metet corru- *Galat. 6.*
 ptionem. Colendum igitur, custodiendum- 8.
 que magis Animæ castrum, quoniam ex
 ipso vita procedit. Sed castrum istud in
 terra inimicorum situm, undique impugna-
 tur, & idcirco omni custodiâ, id est infe-
 riùs, superiùs, antè & retrò, à dextris &
 à sinistris muniendum est. Occlude ergo
 valvas CORDIS tui pessulo timoris & amo-
 ris Dei, si velis in pace possidere atrium
 tuum.

EMBL.

CORDIS Protectio.

29.

*Dedisti eis scutum CORDIS, laborem
tuum. Thren. 3. 65.**Ægide COR tanti, mea lux, defende laboris,
Quem pro CORDE tuus, ferre coëgit, amor.*

Job 7. 1.



ILITIA est vita hominis super terram. Undique enim hostibus cingimur, qui COR nostrum oppugnare non cessant.

Theodor.

Serm. 3.

de prov.

Quid enim est COR nostrum, nisi præstantissima humani Corporis pars, quæ Regis instar, omnium totius Corporis membrorum imperium sibi commissum habeat? COR nostrum castrum Omnipotentis Regis est, ab eo nobis omni sollicitudine custodiendum traditum. Castrum verò hoc plurimi adversarij obsident. Hinc mundus, mundaniquè sagittarij dirigunt vanitatis jacula, ut sagittent in obscuro rectos CORDE.

Psal. 10. 3.

Psal. 54.

22.

Ephes. 6.

16.

Psal. 36.

44.

Illinc, blandiēs Caro emollit sermones suos super oleum, & ipsi sunt jacula. Isthinc, dæmon nequissimus tela ignea vibrat, & nihil non agit, ut COR sauciet. Quid verò, an non & gladium evaginaverunt peccatores, inten-



CORDIS PROTECTIO.


Dedisti eis scutum CORDIS laborem tuum. *Tha. 3. 63.*

Egide COR tanti mea lux defende laboris,

Quem pro CORDE tuus ferre cœgit amor

29.

Pag. 346.



intenderunt arcum suum, ut dejiciant pauperem, & inopem, ut trucident rectos CORDE? Quis verò à tanto hostium agmine infirmum COR liberabit? Quis proteget illud è timore nocturno, à sagittâ volante in die, à negotio perambulante in tenebris, ab incursu, & dæmonio meridiano? De nocte enim, & de die, palàm & manifestè COR nostrum jugiter impugnatur, ut meritò unusquisque laborare debeat, sicut bonus miles Christi, & fortissimo propugnaculo COR suum munire, ne ullis pateat hostium stratagematibus. Omnes, inquit Augustinus, munita CORDA habere volumus, ut nihil intret quod malè suggeratur. Unde autem intret, quis novit? Et pugnamus quotidie in uno CORDE nostro. Unus homo in CORDE suo cum turba luctatur.

SED quantumvis adversarij multi, etsi certamen forte, pugna quotidiana; neutiquam desperandum est. Dominus enim pugnabit pro nobis; ipse protector noster, & cornu salutis; ipse liberator CORDIS nostri.

CONSIDERA enim, quemadmodum carneum hoc Corporis nostri COR undique munierit, ut ex eo discas eundem minimè defuturum principali CORDIS tui, hoc

hoc est, menti & CORDI interiori. De illo autem audi Chrysostomum splendidissime eloquentem: Quoniam, inquit, COR membrorum nostrorum principalissimum est, & totius vitæ nostræ firmitas est ipsi tradita, & ipso quomodocumque percusso nascitur mors, solidis & duris ossibus hoc undique circummunivit (Deus) & pectoris prominentiis, & tergi ipsum posterius muniens. Ne verò continuè saliens, & in ira, hujusmodique motibus palpitans, Ossium asperitati circumstantium infligens, conteratur & doleat, multas membranas subextendit, & pulmonem supposuit, velut molle quoddam stratum ipsius saltibus apponens, ut impunè erumpens ex hoc nihil noxium patiatur. Hæc Chrysostomus. Ad hunc ergo, qui carnem CORDI tui ita undique protexit, intrepidus convola, hunc invoca contra omnes hostiles insultus, & dic: Protector noster aspice Deus, & veni in adjutorium CORDI meo. Expugna, Domine, impugnantes me: apprehende arma & scutum, & exurge in adjutorium mihi.

CONSIDERA deinde, multiplex scutum à Deo protectore tuo, CORDI tuo suppeditari. Primum enim divina gratia impenetrabile scutum est, quod contra omnes

Hom. 11.
ad pop.
Antioch.

Psal. 83.
10.
Ps. 34.2.

omnes inimicorum machinationes **COR** *Hebr. 3. 9.*
 reddit tutum. Unde Apostolus ait : Opti-
 mum est , gratiâ stabilire **COR**. Deinde va-
 lidum quoque scutum exhibet Oratio, quâ
 subsidium à Deo petimus , ipsumque ira-
 tum nobis , placamus. Sicut de Aaron scri-
 ptum est : Properans homo sine querela *Sap. 18.*
 deprecari pro populis , proferens servitu- *21.*
 tis suæ scutum, Orationē, & per incensum
 deprecationem allegans , restitit iræ , & fi-
 nem imposuit necessitati. Nec minus, velut
 umbone , **COR** defenditur à verbo Dei:
 Omnis enim sermo Dei ignitus, clypeus est *Sap. 5. 20.*
 sperantibus in se. Ita sacrarum Scripturarū
 scuto retudit Christus tela diaboli. Huic as- *Matt. 4. 4*
 sine omninò est scutum fidei; quo, ut Pau-
 lus ait , omnia tela nequissimi ignea possu- *Eph. 6. 6.*
 mus extinguere. Verumtamē cū universa *Ps. 38. 6.*
 vanitas sit omnis homo vivens , & fortissi-
 mum Antagonistam habeamus , mendacij
 patrem, qui mendacio Protoplastes fefellit, *Ioan. 8.*
 & nec ipse in veritate steterat , opus est & *44.*
 scuto veritatis, de qua Psalmista: Scuto cir- *Ps. 91. 5.*
 cumdabit te veritas ejus. Quisnam verò hic *Ioan. 18.*
 clypeus? nisi ipse qui ad hoc venit in mun- *37.*
 dum , ut testimonium perhiberet veritati, *Ioan. 1. 14*
 plenus ipse gratiæ & veritatis ; quiq̃ue de
 se verissimè pronuntiavit: Ego sum via, ve- *Ioan. 14. 6*
 ritas, & vita. Ipse **COR** nostrum protegit,
 &

& circumdat, ut undique nos paratos inveniat & clausos, omnesque aditus sensus nostri scuto veritatis tegantur.

SED attentius hîc expende, quomodo Christus Dominus scutum CORDIS nostri fuerit. Nullum sanè ei bellum cum Deo Patre umquam fuit, & tamen clamat in Psalmo: Sagittæ tuæ infixæ sunt mihi. Unde verò hoc in eo qui peccatum non fecit, nec Parentum suum umquam offendit? Hinc nimirum; quia vidit Filius Dei Parentem suum in nos armatum, vidit arcum & sagittas jam paratas, vidit gladium exacutum ac distinctum; vidit ab alterâ parte, nos omnes inermes, & qui neque viribus, neque prudentiâ tela iræ diviniæ declinare possemus. Quid igitur? Misericordiâ motus, inter nos & Deum se medium constituit, &, tamquam si clypeus noster fuisset, omnes plagas, omnes ictus, omnia vulnera, omnia tela, quæ in nos à Deo dirigebantur, in Corpore suo ipse excepit: Vulneratus est propter iniquitates nostras, & attritus est propter scelera nostra. Quid, quæso, magis præstare poterat, quam ut se clypeum CORDIS tui faceret, ut ipse percuteretur, & tu post terga ejus tutus maneres? Dilige, Anima mea, vicem-

Psal. 37. 3

1. Petri 2.

22.

Bellarmin.

Conc. 5. in

Psal. 90.

Isaiæ 53.

5.

vicemque redde huic protectiori tuo; cui
cum Davide merito decantes: Dominus 2. Reg. 22
petra mea, & robur meum, & Salvator 3.
meus. Deus fortis meus, sperabo in eum:
scutum meum, & cornu salutis meae: ele-
vator meus, & refugium meum: Salvator
meus, de iniquitate liberabis me.

CONSIDERA ulterius, non modo
Christum passum, clypeum nobis esse; sed
ipsam etiam ejus Passionem, alapas, fla-
gella, vulnera, Crucem, omnesque ejus do-
lores, munimentum CORDIS nostri esse;
de quo accipi potest illud Prophetæ: Da- Thren. 30
bis ei scutum CORDIS, laborem tuum. 65.
Quod perinde est, ac si diceret: Tu Christe Hec̃tor
Sancte, dabis hominibus laborem tuum, Pintus in
quem propter eos suscipies, ut sit illis scu- Thren.
tum, quo intimationibus suis protegan-
tur. Tua Passio, erit illorum protectio;
tuus labor, erit illorum clypeus. Nam in
labore, & in vulneribus Domini nostri Je-
su Christi, est remedium nostrum con-
stitutum. Experto id credamus Augusti- Aug. in
no, qui ait: Cum me pulsat aliqua turpis Manual.
cogitatio, recurro ad vulnera Christi. cap. 2.
Cum me premit caro mea, recordatione
vulnerum Domini mei resurgo. Cum
diabolus mihi parat insidias, fugio ad vi-
scera misericordiæ Domini mei, & rece-
dit

dit à me. Si ardor libidinis moveat membra mea, recordatione vulnerum Domini nostri, Fili Dei, extinguitur. In omnibus adversitatibus non inveni tam efficax remedium, quàm vulnera Christi. In illis dormio securus, & requiesco intrepidus.


Pf. 29. 2. Ibi securus decantabo: Exaltabo te Domine, quoniam suscepisti me, nec dele-

Pf. 26. 3. Etasti inimicos meos super me. Si constant adversum me castra, non timebit COR meum. Si exurgat adversum me prælium, in hoc ego sperabo. Meritò sanè in hoc scuto confidit Exercitus Christi, populus acquisitionis ejus, in quem rectè cadat illa Moysis benedictio: Beatus es tu Israël! Quis similis tui popule, qui salvaris in Domino? scutum auxilij tui, & gladius gloriæ tuæ: negabunt te inimici tui, & tu eorum colla calcabis.

Deuter.

33. 29.







CORDIS SCALE.

Ascensiones in CORDE suo disposuit. *Mat. 23. 6.*

Vin' scalis dilecta poli conscendere sedes,

Hic prius in proprio construe CORDE gradus.

LECTIO X.

CORDIS Scalæ.

EMBL.

30.

Ascensiones in CORDE disposuit.

Psal. 83. 6.

*Vin' Scalis, Dilecta, poli conscendere sedes?
Hic prius, in proprio, construe, CORDE, gradus.*



ON casu, neque absque rationabili causa factū est, ut in magnificū illud Salomonis Templum quindecim gradibus ascenderetur; ut enim S. Gregorius confiderat: Salomon cælestium scrutator secretorum, & divinæ receptaculum sapientiæ, sic *Gregor. Præfat. in 6. Ps. Pœnit.* Templum illud manufactum edidit, ut exinde Templum aliud non manufactum signaret, quatenus ex corruptibili terrenæ domus ædificio, incorrupta cælestis Templi quodam modo imaginaretur pulchritudo. At illud namque Templum, quod ex vivis in cælo lapidibus construitur, non planâ aut spatiosâ pervenitur viâ, vel gressu ascenditur corporeo, sed processu fidei, & charitatis ascensu. Hinc namque Propheta

Z dicit:

Ps. 83. 6.

dicit : Beatus vir, cujus est auxilium tuum abs te , ascensiones in CORDE suo disposuit. Dixit ascensiones in CORDE beati viri dispositas : & unde ascendere debeamus ostendit , cū ait : In valle lacrymarum. In eā namque exilij nostri damnationem deplangimus , & innumerabiles corruptionis humanæ deflemus molestias. Hæc est vallis , quam Sancti viri mentis affectibus indefinenter exire disponunt, & ad illud ineffabile bonum , ad illud inæstimabile gaudium ascendere , quod nec oculus vidit, nec auris audivit , nec in COR hominis ascendit. Sed quod in COR hominis non ascendit (inquit Augustinus) COR hominis illuc ascendat. COR tibi habeamus , & non sine causâ audiemus : Sursum CORDA. In valle lacrymarum ascensiones disponamus , ut perveniamus ad montem gaudiorum. Quā pauci , ait Bernardus , post te , ô Domine Iesu , ire volunt : cū tamen ad te pervenire nemo sit qui nolit, hoc scientibus cunctis , quia delectationes in dexterâ tua usque in finem. Et propterea volunt omnes te frui, at non ita & imitari ; conregnare cupiunt, sed non compati. Optant extrema justorum , sed non ita & principia. Non curant quærere , quem tamē desiderant invenire; cupientes consequi,

sed

1. Cor. 2.

9.

Serm.

126. de
diversis.

Bernard.

Serm. 21.

in Cant.

Psal. 15.

11.

sed non & sequi. Vis ergo, ô Anima mea, pervenire ad montem Domini, ad tabernaculum Dei, ad Templum non manufactum; non otiaudum tibi, sed gradatim ascendendum. Nisi enim per gradus, ad culmen non pervenitur. Ascendendo, non volando attingitur summitas scalæ, quam Jacob in somnis vidit. Nemo repentè fit summus; *Gen. 28. 12.* sed paulatim, quasiq̃ue per gradus ad perfectionem pervenitur. Qui enim intus est homo noster, renovatur de die in diem. *2. Cor. 4. 16.* Quamdiu igitur degis in convalle plorationis, in miserâ hac & ærumnosâ vitâ, mysticam scalam erigere, gradus Templi construere, ascensiones in CORDE disponere oportet. Quid autem est (ait Augustinus) ascendere in CORDE? Proficere in Deum. *Aug. in psal. 122.* Quomodo omnis qui deficit, non descendit, sed cadit: sic omnis qui proficit, ascendit.

CONSIDERA jam, quinam sint gradus sive ascensiones, quibus in Deum proficitur, quasq̃ue in CORDE disponere debemus. Cassiodorus ait, tot scandi gradus, quot quis auxilio Domini vitia vincit; tot quemque gradibus evehi, quot vitiis fuerit absolutus; & quantum in valle, seu convalle lacrymarum, pœnitentiæq̃ue humilitate satisfaciendo descenderit. Ex

Z 2

quo

quo sequitur , ut quis virtutibus etiam ascendat , & provehatur, atque quotidie proficiat, in priora extendendo seipsum , præteritorum autem obliviscens. Atque hic sensus ex ipso Psalmo elicitur. Explicans enim David quænam sint ascensiones in

Philip. 3. 13. CORDE disponendæ , ait : Ibunt de virtute in virtutem. Ascendunt quidē & mali, nam

Psal. 73. 23. superbia eorum, qui te, Domine, oderunt, ascendit semper. Et mali homines, & sedu-

2. Tim. 3. 13. ctiores , proficient in pejus. At hi ascensus meri sunt descensus, ut in eos quadrare possit quod ait Psaltes : Dejecisti eos, dum

Psal. 72. 18. allevarentur. Et rursus: Ascendunt usque ad

Psal. 106. 29. cælos, & descendunt usque ad abyssos; Anima eorum in malis tabescebat. Nam quanto plus ascendunt per elationem superbiæ, & incrementum malitiæ ; tanto plus in gehennam descendunt; & Anima, quæ videbatur pinguis in bonis , tabescit in malis.

CONSIDERA ergo , ascensiones has, five virtutum gradus , in CORDE esse ponendos ; non in manibus , non in pedibus, non in aliis tantum Corporis membris. Non enim actiones externæ , quantumvis bonæ videantur , (ut jam aliquoties diximus) Deo placent , nisi ex intimo CORDE procedant: Deus enim intuetur COR. Quare ferventes , & solidi virtutum actus , ex

1. Reg. 16. 7. intimo

intimo CORDIS affectu prodeuntes ; exercendi sunt , si verò proficere , & ascendere voluerimus. Errant porò , & verè descendunt , qui ascensiones has in CORDE quidem disponunt , sed non , suo in alieno enim eas constituunt , cùm virtutum opera ideò exercent , ut videantur ab hominibus , & ab iis æstimentur. Quid enim aliud hoc est , quàm ascensionem suam non in CORDE , sed in ore & opinione hominum ponere. *Matt. 6. 5.*

SI igitur , ô Anima mea , verè ascendere concupiscis , rectoq̃ue ordine ascensionis gradus disponere , primo loco humilitas tibi collocanda est. Quemadmodum enim ille , qui dixit in CORDE suo , in cælum ascendam , usque ad infernum demersus est : ita qui in CORDE humiliato , auxilio & gratiâ Dei , ascensiones disponit , verè exaltatur. Deus enim qui humilia respicit , COR contritum & humiliatum non despicit. Quomodo autem humilitas COR sursus erigat , optimè exponit S. Augustinus : Bonū est inquit , sursus habere COR , non tamen ad seipsum , quod est superbiæ ; sed ad Dominum ; quod est obedienciæ ; quæ nisi humilium non potest esse. Est igitur aliquid humilitatis , miro modo quod sursus faciat COR ; & est aliquid

*Isaia 14.**13.**Psal. 112.**6.**Psal. 50.**19.**August.**lib. 14. de**Civit. Dei.**c. 13.*

elationis, quod deorsum faciat COR. Hoc quidem quasi contrarium videtur, ut elatio sit deorsum, & humilitas sursum. Sed pia humilitas facit subditum superiori; nihil est autem superius Deo: & ideo exaltat humilitas, quæ facit subditum Deo. Elatio autē, quæ in vitio est, eò ipso, quò respuit subjectionem, & cadit ab illo, quo non est quicquam superius, & ex hoc erit inferius, & fit quod scriptum est: Dejecisti eos, dum extollerentur. In vanum ergo ascendit, qui ab humilitate non incipit, & per eam in semetipso prius descendit. Docuit hunc ascendendi modum veræ humilitatis Magister, Altissimi Filius; de quo legimus: Quoniam qui descendit, ipse est & qui ascendit. Ab ipso testante S. Bernardo, demonstranda nobis erat ascensionis via: ne ductoris, immò seductoris iniqui aut vestigium, aut consilium sequeremur. Quia erga non erat quò ascenderet, descendit Altissimus, & suo nobis descensu suavem ac salubrem dedicavit ascensum. Descendit de monte potentiae, carnis infirmitate circumdatis; descendit de monte scientiae, quoniam placuit Deo per stultitiam prædicationis, salvos facere credentes. Quid enim tenello Corpore, & infantilibus membris videtur infirmius? Quid indoctius apparet parvulo, qui

Psal. 72.
18.

Ephes. 4.
10.

Serm. 4.
de Ascens.
Domini.

I. Cor. 1.
21.

qui sola matris ubera noverit? Quis impotentior eo, cujus omnia membra clavis affixa, cujus omnia dinumerantur ossa? Quis insipientior eo, qui tradebat in mortem Animam suam; & quæ non repuit, tunc *Ps. 68 8.* exsolvebat; Vides quàm multum descendit, quantum è potentiâ suâ, quantum à sapientiâ suâ exinanierit semetipsū. Sed non potuit altiùs montem bonitatis ascendere, nec suam cōmendare expressiùs charitatem.

E I A igitur, Anima mea, ascensionis cupida, si de valle lacrymarum, ad Paradisum deliciarum ascendere concupiscis, sequere vestigia præcedentis te Ducis tui, curre in odorem unguentorū ejus, qui verè *Cant. 1. 4.* fuit humilis CORDE. Perge de virtute in *Ps. 83. 8.* virtutem, donec videas Deum deorum in Sion. Perge, inquam & ascende de deserto, *Cant. 8. 5.* innixa super Dilectum tuum. Si enim tibi innitaris, cades: nam perditio tua ex te; tantummodò in Deo tuo auxilium tuum. Et *Osea 13. 9.* maledictus, qui ponit carnem brachium suum. Habita igitur in adjutorio Altissimi, *Ier. 17. 5.* & in protectione Dei cæli commorare. *Ps. 90. 1.* Beatus enim, cujus est auxilium ab ipso! *Ps. 83. 6.* Etenim benedictionem dabit legislator, & qui dedit ascendendi consilium, dabit & auxilium; & innitentem sibi, perducet in Regnum Patris sui.

LECTIO XI.

EMBL.

CORDIS Dilatatio.

31.

*Viam mandatorum tuorum cucurri, cum
dilatasti COR meum. Psal. 118. 32.*

*Quàm volup^s est, quod amare prius, COR duxit
amarum,*

Angustam, lato, currere, CORDE, viam ?



CONSIDERA, Præsentem vitam
hanc, quam in exilio degimus,
aliud non esse, quàm viam quã-
dam ad vitam æternam; esse
spirituale stadium, quod nobis velociter est
decurrendum; esse iter ad cælestem Ierusa-
lem, ad quam continuò nos ambulare oport-
teat. Quàm multi verò ab hoc itinere de-
flectunt ? quanti stadium hoc detrectant ?

Psal. 106. 4. quot sunt, qui errantes in solitudine, in
inaquoso, viam civitatis habitaculi non
inveniunt ? quàm sæpè parum in viâ Dei

Eccles. 10. 15. progredimur ? Quoties subsistimus ? quo-
ties lassì, ab ambulando in totum desistimus,
atqui humi jacemus ? miseri sanè, & mise-
rabiles filij Adæ, quos labor stultorum
affligit, cum nesciunt in urbem pergere!

At



CORDIS DILATATIO.

Viam mandatorum tuorum. cucurri, cum dilatasti


COR meum Psal. 118. 32.

Quam volupe est quod amare prius COR. duxit amarum,

Angustam lato currere ^RCODE viam.

31.

Page 360.



At unde , precor , hæc miseria ? nisi quia
adhæret pavimento Anima nostra , adhæret *Psal. 118.*
huic pulveri & terræ ; corpori scilicet , quod 25.
corrumpitur , & aggravat Animam. Nam *Sap. 9. 15.*
(ut inquit Bernardus) quantævis perfe- *S. Bern.*
ctionis Anima , quamdiu quidem gemit sub *Serm. 21.*
corpore mortis hujus , & hujus sæculi ne- *in Cant.*
quam , retinetur inclusa carcere , vineta ne-
cessitatibus , torta sceleribus , lentiùs , segni-
usque assurgat necesse est , ad contemplanda
sublimia : nec omninò liberum habet sequi
Sponsum quocumque ierit. Hinc lacrymo- *Apos. 14.*
sa vox illa gementis : Infelix ego homo , 4.
quis me liberabit de corpore mortis hujus ! *Rom. 7.*
Sed & altera causa est ; quia dormitat Ani- 24.
ma nostra , præ tædio & defatigatione las- *Psal. 118.*
ta. Sunt enim (ait idem Bernardus) qui 28.
in studiis spiritualibus fatigati , & versi in *Serm. 32.*
teporem , atque in defectu quodam Spiritus *in Cant.*
positi , ambulant tristes vias Domini , COR-
DE arente , ac tædente , accedunt ad quæque
injuncta.

CONSIDERA SECUNDO , Ut ma-
lum hoc ex frigore , tristitiâ , & angustia
CORDIS oritur : ita ejusdem remedium ap-
tissimum esse , CORDIS dilatationem , id
est , gaudium in spiritu Sancto. Physicè *Lorinus in*
enim loquendo , tristibus comprimitur *Psal. 4.*
COR , in angustumque contrahitur , ac
Z 5 obruitur

obruitur noxio humore : lætis spargitur sanguis , ac laxantur quodammodo spatia CORDIS , ipsumque dilatatur. Quod indicat rubedo totius oris in ridentibus ; & in affectis contrariâ perturbatione , pallor ; sanguine ad COR sese cogente. Hinc

Psal. 4. 1. Augustinus exponit illud : In tribulatione dilatasti mihi : ab angustiis tristitiæ , in latitudinem gaudiorum me duxisti. Dilatato autem CORDE , inenarrabili dulcedine curritur via mandatorum Dei. Ex-

Psal. 118. 32. pertus id testatur David , dicens : Viam mandatorum tuorum cucurri , cum dilatasti COR meum. Neque enim , inquit Ambrosius , poterat viam currere , si COR ejus coarctetur angustiis. Idem prorsus & nobis accidit : dormitante enim Animâ præ tristitiâ , signes & lassî residemus , & tantum non currimus , sed & trahi indigemus. Quod optimè , suo more , exponit

Serm. 21. in Cant. Bernardus : Propterea , (inquit) opus habeo extrahi , quoniam refriguit paulisper

Psal. 50. 14. in nobis ignis amoris tui , nec valemus à facie frigoris hujus currere modò , sicut heri & nudius tertius. Curremus autem postea cum reddideris lætitiâ salutaris tui , cum redierit melior temperies gratiæ , cum Sol Justitiæ incaluerit , & pertransierit tentationis nubes , quæ hunc operire ad ho-

ram cernitur; atque ad levem flatum auræ
 blandioris, solito cœperint unguenta li-
 quescere, & aromata fluere, & dare odo- *Cant. 1.*
 rem suum. Tunc curremus, & in odore 3.
 illo curremus. Jam verò, si quæras quomo-
 do hæc CORDIS dilatatio fiat? quomodo
 spirituale hoc gaudium in CORDIBUS no-
 stris à Deo immittatur? audi eundem
 Bernardum: Ubi contigerit tale aliquid *Serm. 32.*
 pati (fastidium scilicet & tædium viæ) si *in Cant.*
 misertus Dominus appropiet nobis in viâ,
 quâ ambulamus, & incipiat loqui de cælo,
 qui de cælo est, nec non favorabile quip-
 piam cantare nobis de Canticis Sion, nar-
 rare etiam de Civitate Dei, de pace Civi-
 tatis: dico vobis; erit pro vehiculo Animæ
 dormitanti, & pigritanti læta narratio: ita ut
 pellat omne fastidium ab Animo audientis,
 & à Corpore fatigationē. An tibi aliud vel
 pati, vel petere ille videtur, qui ait: Dormi- *Psal. 118.*
 tavit Anima mea præ tædio, confirma me 28.
 in verbis tuis? Et nōne cū obtinuerit,
 clamabit. Quomodo dilexi legem tuam, *Ibidem.*
 Domine! tota die meditatio mea est. Co- *v. 97.*
 gitatio igitur, & desiderium cælestis patriæ,
 COR dilatat; quod hunc in modum explicat
 S. Augustinus: Desiderium, sinus est CORDIS *Tract. 4.*
 nostri. Quod autem desideramus, nondum *in Epist.*
 videmus, sed desiderando capaces effi- *Ioan.*
 cimus:

cimur : ut , cūm venerit quod videamus , impleamur. Sicuti enim si velles implere aliquem sinum , & nosti quāmagnum est , quod dabitur ; extendis sinum vel sacci , vel utris , vel alicujus rei : nosti quantum missurus es , & si vides quia angustus est sinus , extendendo facis capaciorem. Sic extendat oportet Anima nostra cupiditatem

Tract. 34. suam , & sinu capaciore quærat comprehen-

in Ioan. dere , quod oculus non vidit , nec auris au-

1. Cor. 2. divit , nec in COR hominis ascendit. Desi-

9. derio isto COR dilatante , graditur Justus

Prov. 4. semitas æquitatis , quas cūm ingressus fue-

12. rit , non arctantur gressus ejus , & currens non habebit offendiculum. Incipientes enim humi repunt , Proficientes ambulant ,

Isaiæ 40. Perfecti currunt ; immò ut Aquilæ volant ,

31. & non deficiunt. Quis det nobis , ut Salomoni datum fuit , latitudinem CORDIS , si-

Psal. 118. cut arenam maris , ut sine ullo impedimen-

32. to , viam mandatorum Dei transcurrere valeamus !

TERTIO CONSIDERANDA hîc , & exp-

pendenda est , non minus curiosa , quāmpia

Matt. 7. quæstio. Cūm arcta sit via , quæ ducit ad

14. vitam , cur David hîc dicat : Dilatatum

esse COR , & non potius ipsam viam ,

quæ dilatanda videbatur , sicut alibi di-

Pf. 30. 9. cit : Statuisti in loco spatioso pedes meos ?

Respon-

Respondet S. Hilarius : COR dilatatum *Hilar. in*
 esse, in quo Sacramentum Patris & Filij *Psal. 118.*

residet : in quo capaci habitatione Spiritus
 Sanctus dilatatur. Nec Davidem potuisse
 antè viam Dei currere, quàm ipse illa dig-
 na & ampla Deo efficeretur habitatio. Si-
 militer Ambrosius : Vide denique distan-
 tiam : Via fit angustior, COR latius, ut Pa-
 tris, & Filij, & Spiritus Sancti sustineat
 mansionem : ne veniat verbum Dei, & pul-
 set, & videns CORDIS ejus angustias, dedi-
 gnetur habitare. Admirans porrò S. Ber-
 nardus tantam CORDIS capacitatem, excla-
 mat : O quanta illi Animæ latitudo, quan-
 ta & meritorum prærogativa, quæ divi-

Bernard.
serm. 27.
in Cant.

nam in se præsentiam & digna invenitur
 suscipere, & sufficiens capere ! quid illa,
 cui & spatia suppetunt, & deambulatoria,
 ad opus quidem Majestatis ? Dicit enim
 Deus : Inhabitabo in illis, & inambulabo. *2. Cor. 6.*

Quàm autem latum est, ubi deambulat *16.*
 Deus ? in hac latitudine diffunditur chari-

tas in CORDIBUS nostris per Spiritum San- *Rom. 5. 5.*
 ctum, qui datus est nobis. Dicamus ergo

Deo : Angusta est domus CORDIS nostri, *Aug. l. 1.*
 quò venias ad eam, dilatetur abs te. Ruino- *Confess.*
 sa est, refice eam. *cap. 5.*

ALTERA quæstio hîc moveri potest,
 Quomodo dilatato CORDE, curratur via
 man-

mandatorum Dei , cū multum illum habeat mœroris , atque tristitiæ : Per multas enim tribulationes oportet nos intrare in Regnum cœlorum ? Multiplex ad hoc est responsio ; ostendens quomodo etiam in tribulatione COR dilatetur. Primò enim , dilatatione CORDIS , donum magnanimitatis Deus confer , quo infortunia quæque

2. Cor. 4. 8. generosè perferuntur , & qui tribulationes patiuntur , non angustientur , ita Didymus , Chrysostomus , & Euthymius observant , in illud Psalmi : In tribulatione dilatasti mihi.

Psal. 4. 1. Secundò , Liberiore , inquit Chrysostomus , campo fruitur , quem tribulatio compellit sese à turpibus amoribus abstrahere , quibus dum res secundæ erant , constringebatur , & affligebatur. Quemadmodum qui laborat febre , si voluptati vacet , majores experitur dolores : si abstineat , jucundam sanitatem recuperat. Tertiò , Justus , tamquam ductile aurum , tribulationis malleo percussus , in plures laminas distenditur ac dilatatur , itaque fit vas ad divina dona recipiendum capacissimum. Hinc de Paulo electionis vase Christus dixit : Ego autem ostendam ei , quanta oporteat eum pro nomine meo pati. Quartò , Quò pius magis coangustatur carne , hoc magis dilatatur Spiritu. Est enim veluti palma ; quæ in

infe-

2. Cor. 4.
8.

Psal. 4. 1.

Act. 9.
15.

inferiore parte angustior, in superiore la- *Psal. 91.*
 tius se diffundit. Unde illud: Justus ut pal- *13.*
 ma florebit. Quintò, Arcta & angusta est *Matt. 7.*
 via, quæ ducit ad vitam: sed spatia charita- *13.*
 tis sunt latissima, lætissimaque; & illius lex *Psal. 118.*
 vocatur, Mandatum latum nimis. Eo enim *96.*
 complectimur universa, transcendimus
 creata, immenso adhæremus Deo. Tem- *Ezech.*
 plum Ezechieli ostensum, latius erat in su- *40.*
 perioribus, quoniam, ut Hieronymus do-
 cet, semper angustiora sunt quæ sunt deor-
 sum, in jejuniis *caputivitas*, & victus conti-
 nentiâ, paulatimque dum ad summa con-
 scendimus (per illos veluti gradus) latior
 nobis aperitur via, & impletur quod scri- *Psal. 4. 1.*
 ptum est: In tribulatione dilatasti mihi.



QUINTA CLASSIS.

CORDIS Perfectio, & cum
Christo Unio.

POST flores fructusq^{ue}, & letam
vindemiam, ipsum vinum tan-
dem degustandum est. Id verò
quàm copiosè Dilecta Sullamitidi
indulserit divinus Salomon, ipsamet grata-
labunda decantat, cùm non unum aut alte-
rum calicem sibi propinatum; sed in cellam
vinariam admissam se asserit: Introduxit me
Rex, ait, in cellam vinariam. Quenam
verò hæc cella vinaria, nisi perfectorum
Via unitiva, in qua divini amoris musto
potantur,

Læti bibentes sobriam
Ebrietatem Spiritus?

Esse verò charitatem vinum illud, quod in Dei
vinariâ cellâ bibitur, ipsa Sponsa testatur, cùm
subdit: Ordinavit in me charitatem. Atque
hæc est salutaris Doctrina hujus Classis, sua-
visimus hujus promptuarij potus. Hic eum pri-
mò traditur, quomodo per inhabitantē Spiritum
Sanctum,

Cent. 2.

4.

Sanctum, charitas Dei in CORDIBUS nostris Rom. 5. 5. diffundatur. Quomodo per amorem COR nostrum Dilecti signaculo obsignetur. Quid verò non facit Spiritus Sanctus, dum Animam inhabitat! Sagittis suis COR vulnerat, igne suo illud incendit, ut exclamare cogatur: Fulcite me floribus, stipate me malis; quia amore langueo. Aut ut Septuaginta legunt: Vulnerata charitate ego sum. Quemadmodum autem languidus, & vulneratus, vix aliud quàm dolorem suum cogitare possunt, adeò ut dormientes de eo somnient; ita & Sponsa ait: Ego dormio, & COR meum Cant. 2. 5. vigilat. Hinc quoque more impatiens, ad Dilectum suum jugiter aspirat; & cum Corpore nequeat, COR suum sursum mittit, ubi pascit, ubi cubat Dilectus ejus in meridie. Quare nihil aliud affectat, quàm ut unum cum Dilecto suo efficiatur; ut invento eo, quem diligit Anima ejus, teneat eum, nec dimittat; sed mutuo semper intendat amorì, quod indicant illæ voces: Dilectus meus mihi, & ego illi. Itemq;: Ego Cant. 2. Dilecto meo, & ad me conversio ejus. Tandem 16. votorum hæc summa est, ut in Dilecto suo quiescat, & lava ejus sub capite suo posuâ, dextera illius amplexari mereatur. Itaq; sic quiescentem nulla filiarum Ierusalem suscitare, neque evigilare faciat, donec ipsa velit. Sed agendum nunc suavissimas has Lectiones ordine percurramus.

LECTIO XII.

CORDIS Inhabitatio.

EMBL.

32.

*Misit Deus Spiritum Filij sui in Corda
nostra. Galat. 4. 6.*

*Spiritus, ô mea lux ! CORDIS, tuus, incolat
adem,*

Sponse, ut amore tuo, mi redameres, Amans.



CONSIDERA PRIMO, Im-
mensum amorem Dei erga
humanum genus, cui usque
adeò deliciæ sunt esse cum
filijs hominum, ut ad eos

Prov. 8.

31.

Ioan. 14.

23.

etiam veni re, eos inhabitare, & mansio-
nem apud eos facere non dedignetur. Hæc
autem CORDIS nostri inhabitatio, etsi à
tribus Personis Sanctissimæ Trinitatis fiat,
potissimum tamen tribuitur Spiritui San-
cto, qui charitas & bonitas dicitur; ita S.
Paulus ait: Charitas Dei diffusa est in COR-
DIBUS nostris per Spiritum Sanctum, qui
datus est nobis. Ut autem Spiritus Sanctus
à Patre Filioque procedit: ita ab utroque
mitti dicitur. Christus enim ait: Mittam
vobis à Patre Spiritum veritatis. Eundem

Rom. 5. 5.

Ioan. 14.

26.

verò




CORDIS INHABITATIO.

Misit Deus spiritum filij sui in

CORDA nostra . *Ad Galat. 4. 6.*

Spiritus, ô mea lux, CORDIS, tuus, incolat ædem.

Sponsæ, vt amore tuo, mi redamæris, amans.



COPIES AVAILABLE
Sole for the purpose of
the collection of
the library of the
University of the
South
22

verò & Pater mittere dicitur, dicente
 Apostolo: Misit Deus (Pater) Spiritum *Galat. 4.*
 Filij sui in CORDA nostra. Expande verò, 6.
 & admirare stupendam Dei erga nos ho-
 mines misericordiam. Planè (inquit
 Guarricus,) ineffabilis divinæ circa nos *Serm. 1.*
 dignatio charitatis! Parum erat Patri tra- *de Pent.*
 didisse Filium, ut redimeret servum: nisi
 daret & Spiritum Sanctum, quo servum
 adoptaret in Filium. Dedit Filium in pre-
 tium redemptionis, dedit Spiritum in pri-
 vilegium adoptionis: se denique totum
 servat hereditatem adoptatis. O Deum (si
 fas est dici) prodigum sui, præ desiderio
 hominis! An non prodigum, qui non so-
 lum sua, sed & seipsum impendit, ut ho-
 minem recuperaret, non tam sibi, quàm
 homini ipsi? An non prodigum, qui sicut
 proprio Filio suo non pepercit, sed pro no-
 bis omnibus tradidit illum: sic nec Spiritui *Rom 8.*
 Sancto pepercit (ut ita loquar) sed novâ, 32.
 & mirâ largitate, super omnem carnem
 effudit eum? Quid, quòd & luteam carnis
 nostræ domum dulcis hospes Animæ inha-
 bitare non gravetur? Quanta verò dignitas
 est habere in CORDIS hospitio adventum
 Dei!

CONSIDERA SECUNDO, Præparan-
 dum, & exornandum esse CORDIS hâs

bitaculum, in quo tantus hospes excipien-
Homil. 30 dus erit. Certè, inquit Gregorius, si do-
super E- mum nostram quisquam dives, aut præpo-
vang. tens amicus intraret, omni festinantia do-
 mus tota mundaretur, ne quid fortassè ef-
 fect, quod oculos amici intrantis offende-
 ret. Tergat ergo sordes pravi operis, qui
 Deo præparat domicilium CORDIS:

Sap. 1. 4. Quoniam in malevolam Animam non in-
 troibit sapientia, nec habitabit in Corpore
 subdito peccatis. Spiritus enim Sanctus
 (qui sapientiæ auctor est) effugiet fictum,
 & auferet se à cogitationibus, quæ sunt si-
 ne intellectu. Hoc est, teste Hieronymo,
In c. 63. recedet à cogitationibus stultis. His ergo
Isaia. verbis innuitur, Spiritum Sanctum, & æter-
 nam Sapientiam non habitare cum mun-
 danis hominibus, quantumvis in oculis
 suis sapientes esse videantur: quantumvis
 prudentes, & sublimes secundum sæculum
 cogitationes in CORDE foveant, quæ apud
 Deum non nisi stultitiæ & insanix sint
1. Cor. 3. falsæ. Sapientia enim hujus mundi, stultitia
19. est apud Deum. Spiritus Sanctus verò eru-
Prov. 8. ditis interest cogitationibus. Hinc Chri-
12. stus Dominus dicebat: Patrem daturum
Ioan. 14. Spiritum veritatis, quem mundus non pos-
17. set accipere, quia non vidit eum, nec scit
 eum. Sic autem (ut exponit Augustinus)

mundum dixit non posse accipere Spiritum Sanctum, sicut etiam dictum est: Prudentia carnis inimica est Deo, legi enim Dei non est subiecta, nec etiam potest: velut si dicamus, iniustitia iusta esse non potest. Mundum quippe ait hoc loco, mundi significans dilectores, quæ dilectio non est à Patre; & ideò dilectioni hujus mundi, de qua satagimus ut minuatur, & consumatur in nobis, contraria est dilectio Dei, quæ diffunditur in CORDIBUS nostris per Spiritum Sanctum. Ita Augustinus. Aliam porro rationem assignat S. Gregorius: Quia sicut Spiritus Sanctus invisibilis est, ita omnem quem repleverit, ad desideranda invisibilia accendit. Et quoniam mundana CORDA sola visibilia diligunt, hunc mundus non accepit, quia ad diligenda invisibilia non assurgit. Sæculares enim mentes quantò se foris per desideria dilatant, tantò ad receptionem illius sinum mentis angustant. Relinquenda igitur prudentia Carnis, abjicienda sapientia mundi; immò totus mundus deserendus est, ut Spiritus Sancti tabernaculū effici mereamur; sed & ipse Deus invocandus est (sine cujus numine, nihil est in homine) ut Sancti Spiritus nobis absit gratia, quæ CORDA nostra sibi faciat habitacula, expulsis inde cunctis vitiis spiritualibus.

Tract. 70.

in Ioan.

Rom. 8. 7.

Rom. 5. 5.

Lib. 5.

Moral.

cap. 19.

Tom. 2.

*August.
Soliloq.
cap. 2.*

Ubi enim sunt, ô Spiritus Sancte, in homine deliciæ tuæ ? ubi præparasti in me dignum sanctuarium majestatis tuæ, ad quod introiens habeas delicias delectationis tuæ ? Mundum enim cœnaculum decet te mundans virtus, quæ non nisi à mundis CORDIBUS videri potes, multò magis nec haberi. In homine autem ubi est templū tam mundū, ut te suscipiat, qui regis mundum ? Quis potest facere mundum, de immundo conceptum semine ? Nōne tu qui solus es ? Ab immundo enim quis mundabitur ? Nam & secundū legem, quam dedisti patribus nostris in igne comburenti montem, & in nube tegente aquam tenebrosam; quidquid tetigerit immundus, immundum erit. Omnes autem nos quasi pannus menstruatae, de massa corrupta & immunda venientes, maculam immunditiæ nostræ, quam celare, præsertim tibi, qui omnia vides, non possumus, in frontibus portamus. Quare mundi esse non possumus, nisi tu mundaveris, qui solus es mundus. Ergo veni cœlitus, veni Sancte Spiritus, Consolator optime, dulcis hospes Animæ; jam CORDIS mei penetralibus potenti illabere virtute, & tenebrosa quæque neglecti laris laibula corusci luminis tui fulgore habitator lætifica; tuique roris abundantia, longo ariditatis

*August.
Medit.
cap. 9.*

mercentia squalore , visitando foecunda.
Credo enim quòd quemcumque inhabita-
veris, Patris ac pariter Filij domicilium con-
dis. Beatus , qui te merebitur hospitem ;
quoniam per te , Pater & Filius apud eum
facient mansionem !

CONSIDERA TERTIO , Differentem
admodum esse modum , quo Spiritus San-
ctus fidelium CORDA subintrat. In quo-
rundam etenim CORDA (ut Gregorius lo- *Hom. 30.*
quitur) venit; & mansionem non facit: quia *in Evang.*
per compunctionem quidem Dei respec-
tum percipiunt, sed tentationis tempore
hoc ipsum quòd compuncti fuerant, ob-
liviscuntur : sicque ad perpetranda peccata
redeunt, ac si hæc minimè planxissent. Qui
ergo Deum verè diligit, qui ejus mandata
custodit, in ejus CORDE Dominus & ve-
nit, & mansionem facit : quia sic eum di-
vinitatis amor penetrat, ut ab hoc amore,
tentationis tempore non recedat. Magnâ
igitur curâ providendum nobis est, ut Spi-
ritum hunc Sanctum in CORDE recipia-
mus, & receptum sedulò retineamus : ne
ullo, quod absit, peccato eum contriste-
mus ; atque ita à CORDIS nostri habitacu-
lo expellamus.

CONSIDERA QUARTO , Quæ sint si-
gna inhabitantis Spiritus Sancti. Hæc au-

In Moral.

tem optimè explicat Gregorius : Habitare in Corpore Animam , probant vitalis sensus Corporis : habitare in Anima Spiritum , probat vita spiritualis Illud ex visu , & auditu dignoscitur ; istud ex charitate , & humilitate , ceterisque virtutibus , iisque maxime , quas tamquam fructus Sancti Spiritus

Gal. 5.22.

enumerat S. Paulus , hoc modo : Chritas , Gaudium , Pax , Patientia , Longanimitas , Bonitas , Benignitas , Mansuetudo , Fides , Modestia , Continentia , Castitas . Commo-

Serm. de Pentec.

da porrò & utilitates inhabitantis in COR-
DIBVS nostris Spiritus Sancti , hoc modo
exponit Bernardus : Quia mādātum accepi-
mus , ut declinantes à malo faciamus quod
bonum est ; vide quemadmodum Spiritus
in utroque adiuuat infirmitatem nostram .
Ad declinandum enim à malo , tria opera-
tur in nobis : compunctionem , supplicatio-
nem , remissionem . Initium enim reverten-
di ad Deum , poenitentia est ; quam sine
dubio Spiritus operatur , non noster sed
Dei . Quis enim cūm ad ignem venerit
algens , & fuerit calefactus , dubitavit ab
igne ei venisse calorem , quem habere non
poterat sine illo ? Sic ergo qui prius in ini-
quitate fuerat frigidus , si postmodum fer-
vore quodam poenitentiae accendatur ,
alium sibi Spiritum , qui suum arguit , &
diju-

dijudicat, non dubitet advenisse. Secundò, quia non prodest pœnitere de culpa, nisi supplices pro venia; hoc etiam Spiritus operatur, qui postulat pro nobis gemitibus inenarrabilibus. Tertiò, qui donat ut postulemus, idem quoque quod postulamus ipse donat: & sicut in nobis, interpellat pro nobis; ita in Patre delicta donat cum ipso Patre, Advocatus noster ad Patrem in **CORDIBUS** nostris, Dominus noster, in **CORDE** Patris.

PORRO ad faciendum bonum, quid in nobis Spiritus bonus operatur? Profectò monet, & movet, & docet. Monet memoriam, rationem docet, movet voluntatem. Memoriam suggerit bona in cogitationibus Sanctis, atque ita ignaviam nostram, torporemque repellit. Propterea quoties hujusmodi suggestionem boni senseris in **CORDE** tuo, da honorem Deo, & age reverentiam Spiritui Sancto, cujus vox sonat in auribus tuis. Sed cum multi admoniti ut benè faciant, minimè sciant quid agendum sit, nisi adsit denuò gratia Spiritus Sancti; & quam inspirat cogitationem, doceat in opus proferre; vacua in nobis erit gratia Dei. Sed quid? scienti bonum, *Jacob. 4.* & non facienti, peccatum est illi gratia. *17.* Propterea non solum moneri, & doceri;

Rom. 8.

26.

Rom. 5. 5.*Psal.* 50.

12.

Gal. 5. 16.

verum etiam moveri , & affici ad bonum
neceſſe eſt , ab eo utique Spiritu , qui ad-
juvat infirmitatem noſtram , & per quem
in CORDIBUS noſtris diffunditur chari-
tas , quæ eſt bona voluntas. Orabo igitur
Deum , ut Spiritum rectum innovat in vi-
ſceribus meis , & Spiritum Sanctum ſuum
non auferat à me : ſed magis Spiritu prin-
cipali confirmet me Spirituum Pater , ut
Spiritu ambulans , deſideria carnis non per-
ficiam.







OBSIGNATIO CORDIS.

Pone me, ut signaculum, super
COR tuum. *Cant. 8. 6.*

*Quod gerit, inscriptum. COR Patris Epistola, verbum.
Sponsa, tibi dius, molle, sigillat amor.*

LECTIO XIII.

CORDIS Obſignatio.

EMBL.

33.

*Pone me ut ſignaculum ſuper COR
tuum. Cant. 8, 6.*

*Quot gerit inſcriptum, COR, Paris, Episto-
la, Verbum.*

Sponſa tibi dius, molle ſigillat amor.



ATTENDE, Dilecta Deo Anima,
ipſum Sponſum tuum amandi
præceptum tibi tradere, atque
à te expoſcere, ut jugiter ejus
recorderis, nec umquam ejus memoriam
deponas. Præceptum illud in amoris Can- Cant. 8. 6.
tico his verbis expreſſit: Pone me ut ſigna-
culum ſuper COR tuum. Quæ multiplici
ſenſuum varietate fœcunda, uberem medi-
tationis & inſtructionis materiam tibi ſug-
gerunt.

PRIMO enim CONSIDERA, Signacu-
lum hoc, ſive ſigillum, accipi pro inſtru-
mento, quo utimur ad obſignandum,
quod Annulus Signatorius apud antiquos

voca-

vocatur. Solebant autem in annulis exprimere effigies eorum, quos charissimos habebant, eosque in digito manus sinistræ, qui minimo proximus est, gestabant: in hoc enim digito nervulus quidam, qui à CORDE procedit, terminatur; cui dum annulus imponitur, COR quasi coronâ honestatur, simulque id significatur, eum nobis maxime CORDI esse, cujus imagine pala annuli insignita est; hoc sensu loquitur Dominus, cum Zorobabel sibi charum fore significans, ait: Assumam te Zorobabel serve meus, & ponâ te quasi signaculû, quia te elegi. Et Jerem 22. apud Jeremiam idem Dominus: Vivo ego, inquit, si fuerit Jechonias annulus in manu dextera mea, inde evellâ eum. Juxta hunc Gifler. in Cant. c. 8. igitur sensû, quod Dilectus tuus à te requirit. ô Anima, hoc est, ita me charum & dilectû habeas, quemadmodû hominibus chara sunt propria signacula; & sic me in tuo gestes CORDE, ut in digito deferri solet annulus signatorius, quem nullus inde eripiat.

CONSIDERA SECUNDO, Annulis hisce obsignari solere litteras, unde in Scriptura sæpius legimus, nomine Achab, vel Asueri missas litteras, ejusdem Regis annulo obsignatas: ut secretum ac ratum id haberetur, quod in illis continebatur. Proinde hoc sensu Sponsus requirit, ut Anima sit

Aggai 2.
22.

Jerem 22.

24.

Gifler. in

Cant. c. 8.

3. Reg. 21
8.

Esther. 3.

13.

et quasi viva Epistola, in qua Verbum Patris digito Dei, qui est Spiritus Sanctus, exaratum sit; utque eadem Epistola Sponsi sigillo obfignetur: nimirum ut CORDI, tamquam emollitæ ceræ, ipsa Dilecti effigies imprimatur, atque ita agnoscaturn à quo litteræ istæ scriptæ sint.

ANNULO quoque obsignantur, quæ diligenter custodiri volumus; sic Scriptura ait: Regem Darium misso Daniële in lacum leonum, posuisse lapidem super os lacu, quem obsignavit annulo suo, & annulo Optimatum suorum, ne quid fieret contra Daniëlem. Et Clemens Alexandrinus in *Lib. 3.* hunc usum scribit à viris Annulum aureum *Pedag. 9.* dari solere Sponsis, non quidem ad ornatum, sed ut ea obsignent, quæ domi digna sunt quæ custodiantur, propterea quòd servandæ domus ad eas cura pertineat. Exigit ergo Sponsus hisce verbis CORDIS custodiam. COR enim receptaculum est cælestium thesaurorum, in quo gratia, charitas, sapientia, & ipse Spiritus Sanctus diffunditur, ac habitat. Cùm autem CORDE nihil sit instabilius maximâ indiget custodia; ac propterea Sponsus ait: Pone me ut *Cant. 8.* signaculum super COR tuum, ut ego ipse *6.* custodiam illud, & cuncta quæ in illo habes; ne hostes audeant illud contingere, quod

quod tanto vident munitum sigillo. Idcirco (inquit D. Gregorius) signaculum rebus ponitur, ne quâ diripientium præsumptione temerentur. Sponsi ergo in CORDE signaculum ponitur, quando fidei ejus mysterium in custodiam nostræ cogitationis imprimitur; ut illi infidelis servus, nimirum noster Adversarius, cum signata CORDA fide considerat, tentando in ea irrumperere non præsumat.

CONSIDERA TERTIO, Morem esse quarundam gentium, eorum quos diligunt notas, & signa quædam sibi imprimere, vel super CÔR, vel super brachia: ut eos licet absentes, quoquo modo habeant præsentem, nullaque illos ex ipsorum CORDE deleat oblivio. Ita Sponsus nobis portandus in CORDE est, & quasi cælo insculpendus; ut cum Paulo dicere possimus: Ego enim Stigmata Jesu in Corpore meo porto; id est, mancipium Christi sum, miles, & vehemens illius amator sum: & ideò ejus Stigmata inusta, vel insculpta in Corpore meo gero, ut omnes sciant interiùs, & exterioriùs; CORDE, & opere, non meum jam esse, sed Christi; & illum vivere in me ut Crucifixum, quia Christo confixus sum Cruci, & semper mortificationem Christi Jesu in Corpore meo

Galat. 6.

17.

Lud. de
Pont. in
Cant.

Gal. 2. 19.

2. Cor. 4.

10.

meo porro, ut vita illius manifestetur in *Apo. 13.*
 neipso. Quemadmodum igitur Antichri- *16.*
 sti servi habituri dicuntur characterem
 bestiae in dextra manu, aut in frontibus *Apo. 7.3.*
 suis: ita Animæ Christo desponsatae, sig-
 num Dei vivi non tantum in frontibus,
 non tantum in manibus, aut aliis Corporis
 membris, sed in intimo CORDE gestare de-
 bent infixum; ut sicut portavimus imagi- *1 Cor. 13.*
 nem terreni hominis, ita portemus & cæ- *47.*
 lestis. Optimè in hunc sensum dixit Am-
 brosius: Signaculum Christi in fronte est, *Lib. de Isa.*
 signaculum in CORDE. In fronte, ut sem- *c. 8. Tom.*
 per confiteamur; in CORDE, ut semper dili- *1.*
 gamus; signaculum in brachio, ut semper *Cant. 6.*
 operemur. Luceat ergo imago ejus in con-
 fessione nostrâ, luceat in dilectione, luceat
 in operibus & factis, ut si fieri potest, tota
 ejus species exprimatur in nobis.

CONSIDERA QUARTO, Oportere
 Cor nostrum esse velut numisma summi
 Regis: gerens impressam illius imaginem.
 Vult Salvator noster (ait Theodoretus) ut
 eum pro signaculo in contemplationibus,
 & inactionibus nostris habeamus, & no-
 tam ipsius tum dictis, tum factis imprima-
 mus. Sic enim erunt numismata regia,
 non adulterina, sed regiam imaginem
 præferentia. Quemadmodum ergo numi-
 mi,

mi, valorem suum habent à Regis effigie: ita opera & cogitationes, quæ ex CORDE prodeunt, meritum omne à Christo habent; & in quantū COR est conforme CORDI ejus, cujus imaginem gerit; in tantum erit Deo acceptum. Agnosce quoque, Ani-

Psal. 4. 7. ma, te Dei denarium esse, signatum lumine vultus ejus; atque ideò te non tui ipsius esse, sed illius cujus imaginem & superscriptionem geris. Dominus enim, viso Cæ-

Matth. 22 saris nummo, dicens: Reddite ergo quæ sunt Cæsaris Cæsari, & quæ sunt Dei Deo, tantum dicere voluit, ut Augusti-

In Psal. 4. nus exponit: Quemadmodum Cæsar à vobis exigit impressionem imaginis suæ, sic & Deus: ut quemadmodum illi redditur nummus, sic Deo Anima lumine vultus ejus illustrata, atque signata. Non

Lib. I. de
Virginib.

Tom. 4.

Ephes. 4.

30.

immeritò nos monet Ambrosius, ut imaginem hanc nitidam & splendentem conservare studeamus: Apostolus, inquit, in Spiritu nos dicit esse signatos: quoniam Patris imaginem habemus in Filio, sigillum Filij habemus in Spiritu. Hac Trinitate signati, caveamus diligentius, ne quod accepimus, pignus in CORDIBUS nostris, aut morum levitas, aut ullius adulterij fraus resignet. Sed quia, nisi Dominus custodierit COR, in vanum laborant, qui custodiunt

illud:

illud : rogandus est Deus CORDIS, ut illius splendorem conservare dignetur. Illumina Domine vultum tuum super nos. Impressisti nobis vultum tuum, fecisti nos ad imaginem & similitudinem tuam, fecisti nos nummum tuum, sed non debet imago tua in tenebris remanere. Mitte radium sapientiæ tuæ, repellat tenebras nostras, & fulgeat in nobis imago tua.

*Aug. in
Psal. 66.*

CONSIDERA QUINTO, Praxim & fructum huius exercitij. Praxis enim ejus consistit in continuâ memoriâ præsentis Dei in CORDE nostro existentis, & velut Templum suum inhabitantis. Templum enim Dei Sanctum est, inquit 1. Cor. 3. Apostolus, quod estis vos. Commendat 17. hoc exercitium S. Basilus: Agendum assidue, ut ex perpetuâ ac purissimâ recollectione impressam in CORDE nostro de Deo cogitationem, veluti indelebile aliquod signum circumferamus. Idemque rursus: Epist. 1. Est verò Dei inhabitatio, insidentem intus Deum memoriâ complecti; hacque nos ratione Templum Dei efficimur, quando nec terrenis curis perpetuus tenor memoriæ interpellatur, nec improvisis perturbationibus intellectus tumultuatur: sed hæc omnia effugiens vir amore Dei præditus, ad Deum ipse secedit. Sed de hoc

*In Reg.
fuse diss.*

exercitio alij fufius. Fructus autem ut multiplex eft, ita cum primis eminet gaudium in Spiritu Sancto, quo abundè perfunduntur illi, qui Dei memoriam CORDI fuo altiffimè imprimunt. Expertus id teftatur

ps.76. 4. Regius Propheta, dicens: Memor fui Dei,
2. Mach. & delectatus fum. Et Judas Machabæus,
15.26. & qui cum eo erant, manu quidem pug-
nantes, fed Dominum CORDIBUS oran-
tes, fcribuntur proftitiffe non minus tri-
ginta quinque millia, præfentiâ Dei mag-
nificè delectati. Gaudebant hi, & exulta-
bant infestiffimorum hostium agmine cir-
cumdati, ob folam præfentis Dei memo-
riam. Nam

Ex Iubilo
S. Bern.

Iefu dulcis memoria

*Dat vera CORDIS gaudia;
Sed super mel, & omnia,
Ejus dulcis præfentia.*

*Nil canitur fuavius,
Auditur nil jucundius,
Nil cogitatur dulcius,
Quam Iefus Dei Filius.*

Etenim eft ipfe benigniffimus Dominus

*Iefus decus Angelicum,
In aure dulce canticum,
In ore mel mirificum,
In CORDE nectâr calicum.*

Exempla quaedam huc spectantia.

VISUM est hanc Meditationem exemplis quibusdam illustrare, quibus admirando modo divina bonitas ostendit, quàm gratum sibi sit, per piam memoriam in humano CORDE commorari. Primum *B. Thom.* autem sit, quod Angelicus Doctor in hunc *in opusc.* modum enarrat: Beatus Ignatius in tan- *de expos.* tum nomen Christi dilexit, ut cùm Traja- *orat. Do-* nus requireret ab eo, ut nomen Christi *min. secu-* negaret, respondit: Quòd de ore ejus re- *tus Adonem,* moveri non posset; & cùm ille minaretur, *Trevir. in* ipsi caput abscindere, & Christum de ejus *Martyrol.* ore removeri, dixit: Etsi de ore abstuleris, numquam tamen de CORDE abripere poteris. Hoc enim nomen CORDI inscriptum habeo, & ideò ab ejus invocatione cessare non valeo. Quod audiens Trajanus, & probare cupiens, servi Dei abscisso capite, COR ejus extrahi jussit, & inventum est habens nomen Christi in se scriptum litteris aureis. Posuerat enim super COR suum hoc nomen quasi signaculum.

AFFINE huic est, quod de Beata Margarita de Castello Ludovicus Granatensis refert: Cùm enim frequentissimè in Na-

*Granat.**Conc. 3.**de Nat.**Dom. n. 3.*

tivitatis Domini nostri mysterij contemplatione versaretur, maximisque in eo deliciis frueretur, ac post mortem intestina ab ejus Corpore extraherentur, ubi COR ejus ab eâ, quâ pendebant intestinorum parte, abscissum fuit, unio quidam insigni magnitudine & pulchritudine, non sine ingenti miraculo inde erupit: in qua, velut in tabula quadam, Dominicæ Nativitatis imago sculpta erat, eademque Virgo genibus flexis ibidem ante Dominicum Præsepe collocata. Qui quidem unio ad hunc usque diem in Sacrario domus Beati Domini (cujus illa tertium Ordinem professæ erat) servatur. Aliud exemplum Thomas Bozius recenset, & asserit se vidisse Corpus Claræ Virginis de monte Falco, & COR ejus, in quo insculptus est Christus Cruci affixus, ex eadem carne flagra, quibus est cæsus; columnam cui alligatus, omnia denique simulachra, quibus ejus perpeffiones referuntur.

Lib. 15.

de sign.

Ecc. c. 3.

Tom. 2.

Lib. 1.

Apum

cap. 15.

part. 8.

CANTIPRATANUS aliud nobis sup-
peditat, & ait: De quodam Martyre, pro-
pe nostra tempora, veridicâ relatione sus-
cepi: cum captus quidam gentili tyranno
serviret, & ille eum honestissimè tractaret,
Martyr autem gemebundus incederet, mi-
ratus Tyrannus causam tristitiæ, quærit,

& quare cum servis alijs non gauderet? cui Martyr: Cum alijs, inquit, gaudeo; sed semper tristis incedo, quia mortis Dei mei memor, continuè in CORDE meo Passionis ejus stigmata porto. Hæc mox ut Tyrannus audivit, graviter indignatus; Et ego, inquit experiar quæ dixisti. Nec mora, exemplo vocato, jubet aperto pectore Martyris, COR ejus evelli, & per medium cultro secari. Ubi statim, mirante Tyranno cum suis, res miranda conspicitur; quia pro sigillo, pars vna CORDIS Crucifixi Christi imaginem continens, reperitur. Quo viso, Tyrannus mox credidit, & cum omnibus suis sacrum Baptisma suscepit.

CUIDAM personæ Deus revelare dignatus est, quanto amore S. Gertrudem Illebiensem Ordinis S. P. N. Benedicti prosequeretur: ei enim inter cetera dixit: Nusquam optatiori, congruentiorive modo me invenire potes, quàm aut in Sacramento Altaris; aut in hujus meæ Dilectæ CORDE, ac Anima. Paria de ejusdem sorore S. Mechtilde referuntur, quæ Christum Dominum in CORDE suo, velut in vineâ quadam pulcherrimâ deambulantem vidit.

*Insinuat.
divin. piet.
l. 1. c. 4.*

*Mechtil.
lib. 1. de
grat. spir.
cap. 41.*

LECTIO XIV.

EMBL.

34.

CORDIS Vulneratio.

*Tetendit arcum suum , & posuit me
quasi signum ad sagittam.*

Thren. 3. 12.

*Mile COR hoc validis , mea lux , transfige sa-
gittis ;*

*Pharmaca sunt , tua quæ , vulnera , dextra
facit.*

Pf. 44. 3.

1. Pet. 1.

12.



Pf. 44. 5.


P E C I O S U S ille formâ præ
filijs hominum , in cujus
vultum etiam desiderant An-
geli prospicere , CORDIS no-
stri regnum sibi vindicare delectatur ;
dum amore nos possidere , unus nobis-
cum fieri , & verus Emmanuël , id est,
nobiscum Deus esse concupiscit. At qui-
bus armis hoc regnum sibi obtinet ? iis
proculdubiò , de quibus David ad eum ait:
Specie tuâ & pulchritudine tuâ intende ,
prosperè procede , & regna , ac si diceret,
Insignis illa species & pulchritudo, instru-
menta sunt, quibus pacificus Rex intendit,
sive pergit in victoriâ , prosperè procedit,
regio



·CORDIS VVLNERATIO.

Tetendit arcum suum, et posuit me quasi
signum ad sagittam. *Thren. 5. 12.*

Mille COR hoc validis, mea lux, transfige sagittis,
Pharmaca sunt tua quæ vulnera dextra facit.



regio & triumphali more equum vel quadrigam ascendit; & gloriosissimè regnat. Ipse enim est imago Dei invisibilis, *Pri-Coloss. 1.* *mogenitus* omnis creaturæ, in omnibus *15.* primatum tenens; quia in ipso complacuit omnem pulchritudinem inhabitare. Quare non immeritò bis speciosus à Dilectâ Sullamite prædicatur, dum ait: Ecce tu pulcher es, Dilecte mi, & decorus. Divina *Cant. 1.* ergo illa pulchritudo est, quæ *CORDA 15.* nostra domat, sibi quæ subjicit, ut in iis regnare delitiosissimè possit. Quod pulcherrimè declarat Magnus Basilius: Cùm *In Reg.* præceptum nobis sit, ut charitatem in *fus. disp.* Deum habeamus, in ipso confestim ortus *quæst. 2.* nostri initio vim quamdam nanciscimur, per quam nostrapte sponte ad ipsum diligendum impellamur; nam rerum pulchrarum naturâ appetentes sumus. Verùm, quid est, quæso, pulchritudine divinâ admirabilius? quæ notio Dei majestate excogitari gratiosior potest? quod ejusmodi desiderium, quis secum comminisci queat, cujusmodi est illud, quod Animæ vitiis omnibus perpurgatæ divinitus ingeneratur adeò vehemens, adeove intolerandum? quæ verè, sincere quæ dicere illud possit: *E-Cant. 2.* go amore langueo. Et: Vulnerata charitate *5.* ego sum. Inexplicabiles prorsus, nec ulli pro

dignitate enarrabiles, quæ è fulgurantissimo fonte illo divinæ pulchritudinis intermicant, ac profiliunt fulgetræ. Ex hac pulchritudine, velut è pharetrâ quadam, sagittæ illæ procedunt, de quibus David: Sagittæ

Psf. 44. 7. tuæ acutæ, in CORDA inimicorum Regis, Exivit enim Rex noster cum arcu & corona, ut populos sibi subiiceret & vinceret, sed vicit sagittis, quas infixit in CORDA inimicorum Regis. Quos enim inimicos invenit, jaculis transfixit amoris, & amicos sibi fecit. Hæc sunt vulnera diligentis; quæ, Salomone teste, meliora sunt, quàm oscula odientis.

Prov. 27. 6.

CONSIDERA SECUNDO, Sagittam hîc & sagittarium eundem esse: sagitta enim charitas est, sagittarius Deus: Deus autem est charitas. Quisquis diligit Deum, sagitta hæc in CORDE ejus hæret, & sagittarius sagittam sequitur, & ambo manent cum amante. Qui enim manet in charitate, in Deo manet, & Deus in eo. Sed audi Nyssenum eleganti oratione hoc explicantem: Sagittarius, ait, eiaculatus hoc telum, est ipsa dilectio; & Deum esse dilectionem, sacris è Litteris didicimus, qui quidem telum electum, Deum illum unigenam ad eos mittit qui servantur, Spiritu vitæ triplicem cuspidis aciem inungens,

Ioan. 4. 16.

Ibid.

Nyssen. orat. 4. in Cant.

gens, ut eum in quem immissa fuerit, unâ
 cum telo & ipso sagittario in unum colli- *Hom. 2. in*
 gat. Itaque videt jam Anima, per divinos *Cant.*
 gradus in sublime deducta, dulcedinem
 dilectionis, tanquam telum in sese, quo
 vulnerata est. O præclarum vulnus! ô dul-
 cem plagam, per quam vita ad interiora pe-
 netrat, quasi quoddam ostium & januam
 sibi aperiens ipsâ divisione! Quàm pul-
 chrum est, inquit Origines, quàm deco-
 rum, vulnus è charitate accipere! Alius
 jaculum carnei amoris accepit, alius terreno
 cupidine vulneratus est; tu nuda membra
 tua, & præbe te jaculo formoso; siquidem
 Deus sagittarius est. Audi Scripturam de
 hoc eodem jaculo, immò ut ampliùs ad-
 mireris, audi ipsum jaculum quid loquatur:
 Posuit me in sagittam electam, & in phare- *Isa. 49. 2.*
 tra sua servavit me, & dixit mihi: Magnum
 est tibi hoc vocari puerum meum. Intelli-
 ge sagittam, quid dicat, & quomodo à
 Deo sit electa. Quàm beatum est, hoc ja-
 culo vulnerari!

CONSIDERA TERTIO, Quàm neces-
 sarium sit, ut COR nostrum hâc sagittâ
 transfigatur. Hæc est enim sagitta salutis *4. Reg. 13*
 Domini. Hæc sagitta, cum adducat ipsum *17.*
 sagittarium Jesum, veram quoque adfert
 salutem. Hoc vulnus, inquit Augustinus, *In Ps. 37.*

Lib. 6.
Moral.
cap. 14.

Cant. 2.
5.

ad veram salutem rapit ; & qui hoc vulnere non fuerit vulneratus , ad veram sanitatem non poterit pervenire. Magis verò id explicat Gregorius , dum ait : CORDA nostra malè sana sunt , cùm nullo Dei amore sauciantur , cùm peregrinationis suæ ærumnam non sentiunt , cùm erga infirmitatem proximi nec minimo affectu languescunt. Sed vulnerantur , ut sanentur : quia amoris sui spiculis mentes Deus insensibiles percutit , moxque eas sensibiles per ardorem charitatis reddit. Unde & Sponsa dicit : Vulnerata charitate ego sum. Malè enim sana Anima , atque in hujus exilij statu cæcâ securitate prostrata , nec videbat Deum , nec videre requirebat : percussa autem charitatis ejus spiculis , vulneratur in intimis affectu pietatis , ardet desiderio contemplationis , & miro modo vivificatur ex vulnere , quæ prius mortua jacebat in salute. Transige ergo , ô Divine sagittarie , tam salutaribus , tamque efficacibus sagittis COR meum , ut tui amore & desiderio langueat.

CONSIDERA QUARTO , Effectus piæ hujus sagittationis. Ut enim penetrante sagittâ COR nostrum , cum sanguine simul exit & vita : ita intrante charitate & sagitta amoris Dei , exit à nobis amor proprius.

prius. Testatur id saucia Sponsa, dum non
 femel ait: Amore langueo, ac si diceret: *Cant. 2. 5.*
 Sagitta illa electa, quâ me dilectus meus
 vulneravit, ignita est, æstum inducit, & lan-
 guorem: languorem salubrem, languorem
 vitalem, quo quis sibi moritur, ut Christo
 vivat. Nam (ut benè Guilielmus Abbas) *Apud Del-*
 languor iste intelligitur etiam defectus sui- *rio in cap.*
 met ad se. Quantum quis proficit in amore *2. Cant.*
 Dei, & quantò quis propitius accedit ad
 Deum; tantò plus deficit in amore sui, &
 tantò longius à se divellitur: ideò quò quis
 in Deo validior, in se est languidior; quò
 quis plus amat Deum, hoc seipsum magis
 contemnit. Alios porrò effectus exponens
 Gregorius, ait: Mens quæ jam talis est, nul- *Hom. 15.*
 lam præsentis sæculi consolationem reci- *super Eze-*
 pit; sed ad illam quam diligit, medullitus *chiel.*
 suspirat, fervet, anhelat, anxiatur: vilis ei fit
 ipsa salus sui Corporis, quia transfixa est
 vulnera amoris. Mala autem est salus Cor-
 dis, quæ dolorem hujus vulneris nescit.
 Cùm verò anhelare jam in cælesti deside-
 rio, & sentire vulnus amoris cœperit, fit
 Anima salubrior ex vulnere, quæ prius æ-
 grotabat ex salute.

CONSIDERA QUINTO, Salutares
 hos effectus in Sanctis apparere, quo-
 rum pectora Dei amor penetravit, de qui-
 bus

Quaest. 2. in Reg. fus. disp. bus Basilii: Si quando Sanctorum virorum quempiam Dei pulchritudo circumfulsit, intolerabilem illorum in Animis defixum desiderij aculeum reliquit: quippe qui, cum vehementer eos vitæ hujus tœderet, in voces illas erumpere soliti essent: Hei mihi, quia incolatus meus prolongatus est! Et: Quando veniam & apparebo ante faciem Dei? Et: Dissolvi, & esse cum Christo melius est. Et: Sitivit Anima mea ad Deum fortem vivum. Et: Nunc dimittis servum tuum Domine. Vehementer enim vitam hanc, veluti tetrum quemdam carcerem abhorrebant; usque adeò difficiles ad cohibendum Animis erant ij, quorum mentes Dei amor perstrinxerat. Ecce hæ sunt sagittæ potentis acutæ. His sagittis, ait Hieronymus, & Cleophas in itinere, cum altero vulneratus aiebat: Nonne COR nostrum ardens erat in nobis? & in alio loco legimus: Sicut sagittæ in manu potentis, ita filij excussorum. His sagittis totus mundus vulneratus & captus est. His sagittis vulnerata Magdalena ad Christum in domo Pharisei accumbentem cucurrit, ut peccatorum veniam obtineret. Quàm verò charitate vulnerata esset, exteriora ejus quæ faciebat opera, facilè declarabant, de quibus canit Ecclesia:

*Amore currit saucia**Breviar.**Pedes beatos ungere,**Rom.**Lavare fletu, tergere**Comis, & ore lambere.*

Nec spe suâ frustrata est; quæ enim venerat ægra, reversa est sana. Tactus & hisce iaculis fuit B. Augustinus, cum de se aiebat: In- *Lib. 8.*
 saniebam salubriter, & moriebar vitaliter; *Confess.*
 gnarus quid mali essem, & ignarus quid *cap. 8.*
 boni post paululum futurus essem. Freme-
 bam ego Spiritu, indignans turbulentissi-
 mâ indignatione; quod non irem in placi-
 tum & pactum tecum Deus meus, eò quò
 eundum esse omnia ossa clamabant. Sa- *Lib. 9.*
 gittaveras tu Co R nostrum charitate tuâ; *Confess.*
 & gestabamus verba tua transfixa visceri- *cap. 2.*
 bus: & exempla servorum tuorum, quos
 de nigris lucidos, & de mortuis vivos
 feceras. Congesta in sinum cogitationis
 nostræ urebant, & absumebant gravem
 torporem, ne in ima vergeremur, &
 accendebant nos validè. Sed stupendum
 prorsus est, quod hoc in genere Sanctis-
 simæ Virgini Theresæ accidit: Astantem *Ribera l.*
 quippe ad latus sinistrum sibi vidit An- *1. c. 11.*
 gelum, formâ corporeâ indutum, quem *ejus vita.*
 de Seraphinorum numero fuisse ex miro
 oris splendore Sancta Mater credidit.
 Hic aureum manu iaculum oblongum,
 &

& loco cuspidis flammulâ obarmatum vibrabat, quod ipse CORDI illius, ut videbatur, infixum cum educeret, ipsa simul evelli præcordia credebatur, & ingenti divini amoris æstu COR penitus flammescere. Sed & longè antè S Gertrudis idem charitatis beneficium à divino amore consecuta est; ut enim ipsa refert, personam quamdam obligaverat, ut singulis diebus ante Imaginem Crucifixi hæc verba diceret: Per tuum transvulneratum COR, transfige amantissime Domine, COR ejus jaculis amoris tui; in tantum, ut nihil terreni continere possit; sed à sola efficacia tuæ divinitatis contineatur. Cujus precibus confidebat se assecutam, quod postea ei evenit. Die enim Dominicâ sensit se appropinquasse divino CORDI Christi Domini, idque tam per interioris gratiæ infusionem, quam per evidentis signi in Imagine Crucifixi demonstrationem. Videbatur enim ei de vulnere dextri lateris Crucifixi prodire, tamquam radius Solis, in modum sagittæ acutos, qui affectum ejus blandè allexit. Sed non ita satisfactum fuit desiderio amanti Sponsæ, donec alio quodam die Christus Dominus ei adfuit, velut ex improvilo infigens vulnus CORDI ejus, cum

his

Lib. 2.
 Insinuat.
 divin.
 piet. c. 5.

his verbis : Hic confluat tumor omnium affectionum tuarum. Alio quodam tempore dum quidam Frater in Capella prædicans inter cætera dixit : Amor est aurea sagitta, quâ si quid sagittaverit homo, hoc sibi quodammodo vendicat : ergo stultus est, qui amorem suum terrenis occupat, cælestia negligendo. Ad hæc verba eadem Sancta Gertrûdis inardescens, dixit ad Dominum : O utinam ego haberem hanc sagittam ! quia absque dilatione te unicum Dilectum Animæ meæ transfigere vellem, ut te semper retinerem. Quod cùm diceret, vidit Dominum versus eam tenentem auream sagittam, & sic respondentem : Tu proponis me vulnerare, si auream sagittam haberes ; ergo, cùm ego hanc habeam, volo te transfigere in tantum, quòd numquam amplius ad priorem redibis sanitatem. Jam dicta ergo sagitta videbatur tripliciter reflexa, scilicet in prima parte, in media, & prope finem. Per quod dabatur intelligi triplex vis amoris, quam in Anima effecit eam vulnerando. Prima enim reflexio, cùm pertransierit Animam, eo modo ipsam vulnerat, ut more languentis, omnia transitoria penitus sibi reddat insipida ; in tantum, ut de cetero in nullo talium valeat delectari, aut consolari. Secunda

*Lib. 5. in-
sinuat. di-
vin. piet.
cap. 27.*

cunda autem pertransiens, facit Animam more febricitantis (qui ex acerbitate doloris cum maxima impatientia expetit medicinam) supra modum impatienti desiderio æstuarè, ad hærendum Deo: cum omninò sibi impossibile videatur, citra ipsum aliquo modo posse respirare. Tertia deinde pertransiens, Animam ad tam inæstimabilia perducit, quòd nulla alia similitudo dici potest, quàm quòd Animam quasi à Corpore separando, nectareis torentibus divinitatis facit iucundè ingurgitare.

EIUSDEM gratiæ quoque consors fuit germana S. Gertrudis soror Mechtildis, quæ è medio Crucis auream sagittam probè acutam exilientem vidit, quæ amantissimè COR ejus transfixit. In ipsa verò CORDIS sui vulneratione, Dilectum Animæ suæ hæc dicentem audivit: Dilecta mea, tota hujus mundi substantia impar est, ut oblectare possit unicam Animā, cujus suprema gloria & salus in eo consistit, ut pœnas, & tribulationes sustineat. Quis mihi det, Domine Deus, ut cum his Sanctis tuis salubriter vulnerari merear! Saucia, quæso Domine, interioris hominis arcana tui amoris iaculo; & tepentis iecoris medullas sagittis salutaribus penetrando succende, atque amore tuo intima mentis & Corporis universa depasce.

*Lib. 2.
grat.
spirit.
cap. 20.*

*Aug. in
Meditat.
cap. 9.*

depasce. Pone me ut signum ad sagittam, *Thren. 3.*

& percutere obsecro durissimam petram *12.*

CORDIS mei, piâ & validâ cuspide dilectionis tuæ; & altius ad ima potenti virtute penetra, ut lugeam, & langueam desiderio amoris & pulchritudinis tuæ; quam ostendes mihi cùm apparuerit gloria tua.



LECTIO XV.

EMBL.

CORDIS Inflammatio.

35.

*Concaluit COR meum intra me, & in
meditatione mea exardescet ignis.*

Psal. 38. 4.

*Perge Amor, & succende mei penetralia COR-
DIS;*

Vivat ut in patrio, ceu Salamandra, rogo.

Deut. 9. 3.



CONSIDERA PRIMO, COR-
DIS nostri amator Deus no-
ster, ignis devorans atque con-
sumens est: devorat enim pec-
cata, & consumit veterem vitam, invo-
catque totum hominem. Quare etiam fla-
grantia, ardentia, atque ignita CORDA
desiderat; ut his se jungat, ac uniat.
Uniri enim non possunt nisi ea, quæ aliquo
modo sunt similia. Cum autem humana
CORDA multo gelu constricta, & prorsus
algida essent, adeoque à Deo maximè dista-
rent, missus est Unigenitus Dei Patris, ut
CORDA hominū præpararet, quò Auctori
suo conjungi possent, Testatur id ipse Chri-
stus, cum ait: Ignem veni mittere in terrā

Luc. 12.

49.



CORDIS INFLAMMATIO.

Concaluit COR meum intra me, et in meditatione
meâ exardescet ignis. *Psalm. 38. 4.*

*Perge Amor et succende mei penetralia CORDIS;
Vivat ut in patrio, ceu Salamandra, rogo.*

35.

Pag. 402.



& quid volo nisi ut accendatur? Hæc terra,
 COR nostrum est : quemadmodum enim
 frigidum, & infimum terræ elementum, in
 media est mundi sede conglobatum ; sic
 COR humanum in medio Corporis est con-
 stitutum, terram amans, & terrena sapiens.
 Terra, ait Gregorius, vocata sunt CORDA *Hom. 30.*
 terrena, quæ dum semper in se infimas co- *in Evang.*
 gitationes congerunt, à malignis spiritibus
 conculcantur. Sed ignem Dominus in ter-
 rā mittit, cū afflatu Sancti Spiritus COR-
 DA carnalium incendit. Et terra ardet, cū
 COR carnale, in suis pravis voluptatibus
 frigidum, relinquit cōcupiscentias præsen-
 tis sæculi, & incenditur ad amorem Dei. De
 hoc igne præclare Ambrosius : Dominus *In Psal.*
 ignem Novo sparsit Testamento, qui se- *118.*
 cretos mentium divinæ ardore cogniti-
 onis inflammaret affectus ; qui vaporem fi-
 dei, & devotionis adoleret ; qui cupidita-
 tem virtutis accenderet. Hoc igne cælesta-
 ctus dicit Jeremias : Et erat ignis flammige- *Thren. 1.*
 rans in ossibus meis. Hoc sermonum igne *13.*
 cælestiū vaporati Cleophas, & ille alius qui
 simul cum Domino ab Jerusalem usque ad
 castellū confecerant iter, dicebant : Nōne *Luc. 24.*
 COR nostrum ardens erat in nobis, cū *32.*
 aperiret nobis Scripturas? Vis etiam accen-
 di divino hoc igne ? invoca eum qui solus

dare potest , & cum Ecclesiâ supplici voce clama: Veni Sancte Spiritus, reple tuorum CORDA fidelium , & tui amoris in eis ignem accende.

*Missal.
Rom.*

CONSIDERA SECUNDO , Nefas olim fuisse sommo Sacardoti Aaron , ingredi in Sancta Sanctorum , nisi prius assumpto thuribulo , quod de prunis Altaris impleffet , compositum thymiama in incensum obtulisset. Quid autem hoc significat , nisi quòd CORDA nostra , tamquam aurea quædam thuribula , igne Spiritus Sancti replenda sunt, quibus thymiama variarum virtutum, & suffragis Orationum imponantur, atque ita ad cælestium promissorum habitudinem desideria nostra extendantur? Quantum verò scelus sit, thuribulum CORDIS nostri alieno igne implere, stupendo exemplo Nadab & Abiu filij Aaron demonstrarunt. Qui alienum ignem thuribulis suis imponentes , ut eum coram Domino offerrent , egressus ignis à Domino devoravit eos, & mortui sunt. Ignis hic alienus , est quævis cupiditas , quæ igni sacro , id est , charitati est contraria. Charitas enim est ignis è cælo missus , & Animæ à Deo inditus ; ignis vorò alienus est, cum Anima ardet irâ, avaritiâ, luxuriâ, inquit Radulphus. Hæc enim non Deus,

sed

*Levit. 10.
1.*

*Radulph.
in Levit.*

sed caro, vel dæmon Animæ suggerit & indit. Habet enim, ut Bernardus loquitur, *Serm. 2.* etiam Adversarius noster (utpote perversus divinatorum operum æmulator) habet, *B. Maria.* inquam, ignem suum & ipse? ignem concupiscentiæ carnalis; ignem invidiæ & ambitionis; quem Salvator in nobis non accendere, sed extinguere venit. Denique si quis alienum hunc ignem in divino offerre præsumperit sacrificio, etiam si Patrem habeat Aaron, morietur in iniquitate suâ. Avertat benignissimus Deus, ne alienis hic ignis in nobis succendatur, sed potius ignem sui amoris accendat Deus in CORDIBUS nostris. Dulcis Christe, bone Jesu, charitas, Deus meus, accende me totum igne tuo, amore tui, suavitate & dulcedine tuâ, jucunditate & exultatione tua, voluptate & concupiscentia tuâ; ut totus dulcedine amoris tui plenus, totus flammâ charitatis tuæ succensus, diligam te Deum meum ex toto CORDE meo, totisque medullis præcordiorum meorum, habens te in CORDE, in ore, & præ oculis meis semper, & ubique: ita ut nullus pateat in me locus adulterinis amoribus.

CONSIDERA TERTIO, Præcepisse olim Deum, ut ignis in Altari suo semper arderet, quem nutriret Sacerdos, *Levit. 6.* subji- 12.

*Lib. 27.
Moral.
cap. 7.*

ciens ligna manè per singulos dies. Præceptum hoc accommodatissimè ad nostrum propositum ita explicat S. Gregorius: Altare Dei, inquit, COR nostrum est, in quo jubetur ignis semper ardere: quia necesse est, ex illo ad Dominum charitatis flammam indefinenter accendere. Sacerdos ligna subiciens, est fidelis quisque, qui, ne in eo charitatis flamma deficiat, debet in excitationem amoris exempla Patrum, vel præcepta Dominica ministrare. Debetque hoc fieri manè, quia manè prima diei pars est: postpositis cogitationibus vitæ præsentis, hoc priori loco quisque fidelium cogitet, ut quibus valeat nisibus, studium charitatis inflammet. De hoc igne ibidem Dominus ait: Ignis iste perpetuus erit, qui numquam deficiet in Altari. Numquam enim charitas à CORDE nostro abesse debet, quæ, nisi ipsi nos extinguamus, durabit in omnem omninò æternitatem: sive enim Prophetiæ evacuabuntur, sive linguæ cessabunt, sive scientia destruetur, charitas numquam excidit. Cave igitur, Anima mea, perpetuum hunc ignem extinguere; ne in perpetuas detrudaris tenebras. Ignis autem iste, ut idem Gregorius ait, in CORDE nostro citius extinguitur, nisi adhibitis

*1. Cor. 13.
8.*

Vbi supr.

exem-

exemplis Patrum , & Dominicis testimoniis reparetur. Amplectere igitur , Anima mea , Sacerdotale hoc ministerium ; & per singulos dies manè per aliquod tempus ignem hunc nutrias , & nunc ligna Dominicæ Crucis , nunc divinorum beneficiorum materiam Altari subjas ; ut in eo divini amoris flamma exardescat : nam vir perfectus , ut Radulphus ait , totâ nocte *In Levit.* hujus sæculi , & præsentis vitæ , ignis sui , id est , charitatis & fervoris flammam illustrare servare debet : ut vero manè (æternæ gloriæ) illucescente , sub Dei præsentia in æternum fulgeat. Succende ergo , *August. in* Domine , COR meum succende mentem *Medit.* meam igne illo tuo , quem misisti in terram , & voluisti vehementer accendi , ut Sacrificium Spiritus contribulati , & Corporis contriti obortis lacrymis quotidie offeram tibi Dulcis Christe , bone Jesu , *Ibid. cap.* reple semper COR meum inextinguibili dilectione tui , continuâ recordatione , *35.* adeò ut sicut flamma urens , totus ardeam in tui amoris dulcedine ; quem & aquæ multæ in me numquam possint extinguere.

CONSIDERA QUARTO , Varias ignis proprietates , ex quibus facilè cognosces , num in thuribulo & Altari CORDIS tui ,

divini amoris ignis impositus sit. Pluri-

Lib. de ca- mas enumerat S. Dionysius Areopagita,
lesti Hie- ex quibus paucas hîc adferemus, Primò
rarch. cap. enim cùm lucidissimus sit, ipse tamen non
 15. admotâ materiâ, in qua suam vim, suum-
 que ostendat officium, in seipso occultus
 atque incognitus manet: ita ignis divini
 amoris, non nisi in benè compositâ Animâ
 relucet, non nisi in moribus cœlestis con-
 versationis apparet, ut videant homines

Matt. 5.
 6.

& glorificent Patrem, qui in cœlis est, tanti
 ignis Auctorem. Secundò, ignis omnia su-
 perat, & ea quibus insederit, in suum tra-
 ducit officium. CORDA etiam charitas
 accendit, eaque lucida atque ardentia effi-
 cit. Considera ferrum, quid illo durius?
 quid frigidius? & tamen si ignem concipiat;
 nō tantùm in se mollescit, & ardet; ve-
 rum etiam alia incendere potest. Idipsum
 in duro & frigido CORDE Dei charitas
 efficere valet. Tertiò, & ignis, & Amor,
 omnibus sibi appropinquantibus sui con-
 sortium tradit: cùm enim

Flammescit igne charitas,

Accendit ardor proximos:

nec tamen propterea mutuati luminis,
 aut ardoris detrimenta sentit. Quartò, ig-
 nis renovat omnia calore vitali, fulgori-
 bus apertis illuminat, teneri misceri que
 non

non potest : Divinus Amor COR renovat,
 mentem illuminat, nec terrenis miscetur
 affectibus. Quintò, ignis superiora semper
 petit, nullaque vi ad inferiora adigi potest:
 ita quos Amor Dei tetigit, quæ sursum *Col. 3. 1.*
 sunt sapiunt, quæ sursum sunt quærunt,
 & Corpore in terris positi, CORDE ver-
 santur in cælis. Sextò, in qualibet susci-
 piente materia, suæ majestatis potentiam
 ignis indicat, efficax, potens, omnibus in-
 visibiliter præsens. Quàm aprè verò hæc
 in charitatem quadrant : charitas enim pa- *1. Cor. 13.*
 tiens est, benigna est, non æmulatur, non *4.*
 agit perperam, non inflatur, non est am-
 bitiosa, non quærît quæ sua sunt, non irri-
 tatur, non cogitat malum, ipsisque operi-
 bus ostendit, quid in hominum CORDI-
 BUS efficiat. Septimò, ignis si negligatur,
 non esse videtur; attritu autem veluti irri-
 tatione quadam, continuò lucentem exci-
 tatur in flammam : quid hoc aliud est,
 quàm quòd divina beneficia, & fidei no-
 stræ mysteria, quæ hujus ignis ligna &
 materia sunt, nisi confricentur, & assiduâ
 meditatione ac vehementi desiderio atte-
 rantur, flamma hujus ignis minimè appa-
 ret? O igitur, Deus meus, ignis qui semper
 ardes, & numquam extingueris, accende
 me! ô lux quæ semper luces, & numquam

*August.**Solil. 34.*

410 SCHOLÆ CORDIS
obfuscaris, illumina me ! ô utinam arde-
rem ex te ! Ignis Sancte, quàm dulciter
ardes, quàm secretè luces, quàm deside-
ranter aduris ! Væ iis, qui non ardent
ex te ! væ illis, qui non illuminantur
ex te ?



1875

1875

1875

1875



CORDIS VIGILIA.

Ego dormio, et COR meum uigilat. *Mat. 26. 75.*

Te vigil exquirat COR, dum sopor occupat artus,

Nec sine te noctu, nec potis esse die.

36.

Pag. 411.

LECTIO XVI.

CORDIS Vigilia.

EMBL.
36.*Ego dormio, & COR meum vigilat.*
Cant. 5. 2.*Te vigil exquirat COR, dum sopor occupat
artus,
Nec sine te noctu, nec potis esse die.*

CONSIDERA, ô fidelis Anima, quid divinis amor in eorum CORDIBUS operetur, quos semel occupavit: id enim efficit, ut etiam dum dormiunt, mens tamen eorum vinculis Corporeis soluta, sui que juris Animus, solitas suas cogitationes volvere non desinat. Nam, ut ait Chrysostomus, consuevit Anima, quæ interdum cogitat, eadem in de pœnitomnis per phantasiam cernere. Testatur *ten.* id Dilecta Deo Sponsa, cum in sacro Epithalamio ita canit: *Ego dormio, & COR meum vigilat.* Quod Justo Orgelitano exponente: *Ego à temporalibus delectationibus, consopitis quodammodo sensibus, conquiesco; sed futura desidero, æterna- que*

que conquiro, si dormio, sic vigilo. Hunc verò Sponsæ somnium, & CORDIS vigiliam non uno modo SS. Patres exponunt, omnes tamen ad CORDIS institutionem maxime conducunt. Quare

CONSIDERA PRIMO, Intelligi hîc dormitionem illam, quâ justus dormit vitiis, & concupiscentiis carnis, vigilet verò virtutibus. Est enim somnus Sanctorum, ait

Epist. 21. ad Anisium Ambrosius, feriatuſ ab omnibus Corporis voluptatibus, ab omni Animi perturbatione
l. 3. Epistolarum. tranquillitatem menti invehens, & placiditatem Animæ; ut tamquam soluta nexu Corporis, se ablevet, & Christo adhæreat.

Quare idem Antistes alibi sic exhortatur: Cùm Christus venerit, vigilantem te inveniat, ut paratus sis; dormiat caro tua, vigilet fides; dormiant illecebræ Corporis, vigilet CORDIS prudentia; membra tua redoleant Crucē Christi, & sepulturæ odorē, ut nihil iis somnus caloris infundat, nullos excitet motus: ipsa est Anima, quæ se Christo aperit, quam nulli vapores carnis exagitant.

CONSIDERA SECUNDO, Quomodo S. Augustinus Sponsæ somnum intelligat cessationem ab operibus externis, bonis etiam & licitis, à quibus abſtineat, ut mens internæ vacet sapientiæ; quod eleganter sic
Tract. 57. in Ioan. explicat: Titius, inquit, veritas auditur, quam

quàm prædicatur ; vix non subrepat cuivis
 hominum quantulacumque jactantia , in
 qua urique coinquantur pedes. Et paulò
 post : Proinde in iis qui libenter & humi-
 liter audire moverunt, & vitam quietam in
 studiis dulcibus & salubribus agunt, sancta
 deliciatur Ecclesia , & dicit : Ego dormio ,
 & COR meum vigilat. Quid est hoc, nisi ita
 quiesco, ut audiam ; otium meum non impe-
 ditur nutriendæ desidiæ , sed percipiendæ
 sapientiæ. Ego dormio, & COR meum vi-
 gilat ; vaco , & video quoniam tu es Do- *Psal. 45.*
 minus, quoniam sapientiam scribo tempore *11.*
 otij, & qui minoratur actu , ipse percipiet *Ecc. 38.*
 eam. Ego dormio, & COR meum vigilat ; *25.*
 ego requiesco à negotiosis actibus, & Ani-
 mus meus divinis se intendit affectibus.

CONSIDERA jam TERTIO , Ut affinis
 sit huic S. Augustini explicationi, ea quæ
 somnum explicat per quietem ab exterioribus
 Marthæ operibus , CORDIS verò vigiliam *Luc. 10.*
 meliorem Mariæ partem , studium Ora- *42.*
 tionis intelligit : quo sensu S. Petrus mo-
 net : Vigilate in Orationibus. Quin & ip- *1. Pet. 4.*
 sum Petrum , & dormientes cum eo Apo- *17.*
 stolos Christus Dominus hortatur : Sic *Matt. 26.*
 non potuistis unâ horâ vigilare mecum ? *40.*
 Vigilate , & orate ; ut non intretis in
 tentationem. Clarè insinuans , se Apo-
 stolis

stolis eam vigiliam commendare, quæ fit non solum oculis corporeis, sed mentis.

*In Orat.
Domin.*

Quare S. Cyprianus ait : Alienari & rapi ineptis cogitationibus inter orandum, esse vigilare oculis, & CORDE dormire: cum debeat Christianus, & cum dormit oculis, CORDE vigilare, sicut scriptum est ex per-

Cant. 5. 2. corum : Ego dormio, & COR meum vigi-
lat. Quapropter sollicitè, & cautè Aposto-
Col. 4. 2. lus admonet, dicens : Instate Orationi, vigilantes in eâ, docens scilicet & ostendens, eos impetrare quod postulant de Deo posse, quos Deus videat in Oratione vigilare. Cum ergo ad orandum te contuleris, ô Anima mea, intra in cubiculum tuum, dicito Corpori & sensibus, ac omnibus terrenis curis & cogitationibus : Manete foris ad ostium, & requiescite ibi donec ego orem, & COR meum coram Deo vigilet.

Intenta (enim) supplicatio.

Dormire COR mundum verat.

Sed & meditatio CORDIS, quæ in conspectu Dei fit, somnum ab oculis mentis, & à palpebris CORDIS dormitationem excludit. Ut enim Clymachus asseruit: Anima quæ verbum Domini quotidie sine intermissione meditatur, solet per soporem

*psal. 131.
4.
Grad. 19.
ad fin.*

rem quoque in eodem immorari. Somni ipsi (inquit Basilii) pietatis exercendæ *Hom. ad Iulian.* meditationes quædam sint; quæ enim nobis sopore depressis occurrant imaginationes, consueverunt ut plurimum contingere ceu extremus quidam tenor susurri lenis, aut soni editi, idque ex curis quas tecum agitaveris interdiu. Tantisper enim dum vivitur, cuiusmodi fuerint studia, exercitationesque nostræ, istiusmodi necesse sit in somnia se dormientibus nobis ingerere. Sane ad eum modum indivulsè, & continenter oraveris. Talis somnus fuit Sacratissimæ Virginis Genitricis Dei Mariæ, de qua hæc ait Ambrosius: Dormire non prius *Lib. 7. de Virgin.* cupiditas, quàm necessitas fuit. Et tamen cum quiesceret Corpus, vigilaret Animus, qui frequenter in somnis aut lecta repetit, aut somno interrupta continuat, aut disposita gerit, aut gerenda prænuntiat.

CONSIDERA QUARTO, Sublimiorem CORDIS vigiliam, quæ per contemplationem fit, sopitis Corporis sensibus, SS. Patres hîc agnoscere. Gregorius Papa ait: *In Cant.* Sancti viri, dum terrena omnia despiciunt, dum tumultus mundi omninò fugiunt, dum otium in via Dei assumunt, nequaquam ut torpori vacent ea dimittunt: sed interiùs laborantes, quæ sint illa, ad quæ facti

Hom. 10.
in Cant.

facti sunt, in CORDE aspicere contendunt. Neque enim ut torpeant dormiunt, sed ut liberiùs æterna contēplentur, à transitoriis rebus quiescunt. Pulchrè autē hunc somnū & vigiliam contēplationis explicavit Gregorius Nyssenus: Somnus simulachrū mortis est; nam per somnum omnis sensuum affectio in Corporibus remittitur, & Corporis ipsius velut omnis intensio laxatur, & curarum in homine velut oblivio inducitur, & metus sopitur, & ira mitigatur, & malorū omnium sensus adimitur. Hinc discimus, eam quæ se jactat Corpore dormire, ac mēte vigilare, ipsam seipsā sublimiorem esse redditam. Reverà enim in illo, in quo mens sola sibi vivit, à nullo sensu molestata, quasi quodam somno Corporea natura libratur, vereque visio tranquillitate quādam sopitur. Nimirū tunc oculus Animæ liber, ac solutus est; nec patitur se deorsum trahi, intuens dumtaxat ea, quæ celsiora sunt rebus sub aspectū cadentibus: tunc auditus, velut amissis effectiōibus suis, mortuus jacet, occupatā mente rebus iis quæ rationem omnem longè superant. Reliqui sensus, qui ad brutorum naturam aliquantò propiùs accedunt, ne recenseri quidem hīc debent. Etenim cadaverosi cujusdam fœtoris instar, longè tum ab Ani-
mo

mo renoventur , & odoratus sagaciter
 odores peruestigans , & gustatus obsequio
 gulæ destinatus, & præter hos etiam tactus,
 organum illud sentiendi servile & cæcum ,
 quod fortassè tantum cæcorum causâ na-
 tura condidit. Atque his omnibus quasi in
 quodam somno quiescentibus , effectio
 CORDIS pura est , & sursum spectat ratio ,
 nullo eam motu sensus circumstrepente.
 Eam ob causam Anima, quotiescumque se
 solâ veri boni contemplatione oblectat,
 omni rei voluptuariæ dormit : & omni
 motu Corporeo sopito, nudâ purâq; men-
 te , quasi per divinam quamdam vigiliam ,
 Dei patefactionem recipit. Hactenus Nys-
 senus. Cujus ultima verba de arcanorum
 revelatione confirmans Ambrosius, ait: Se- *Epist. 60.*
 cundum hoc S. Iacob divina dormiens vi- *ad Ani-*
 debat misteria , quæ vigilans non viderat, *sum.*
 de cælo ad terras aërem pervium Sanctis
 Angelis, respicientem Dominum, & polli-
 centem terræ ejus possessionē, itaque brevi
 somnio dormiens impetravit , quod mag-
 no labore postea acquisivit. Felix profectò
 Anima, quæ ita in pace , in idipsum dormit *Psal. 4. 9.*
 & requiescit ! cui nox illuminatio in deli- *Pf. 138.*
 ciis ejus ! quàm meritò hæc dicere poterit: *11.*
 Consolabitur me lectulus meus, & releva- *Job. 7. 13.*
 bor loquens mecum in stratu meo. Felix

Psal. 15.

11.

Cant. 2.

7.

Luc. 12.

37.


Ambr. in
hymn.

Sponsa, quæ vacat, & videt, quàm suavis
est Dominus; cujus sanè somnum ipse Spon-
sus interturbari vetat, dum ait: Adiuro
vos filiæ Ierusalem, per capreas cervosque
camporum, ne suscitetis, neque evigilare
faciatis Dilectam, quoadusque ipsa velit.
Quis mihi det suavi hoc sopore ita obdor-
mire, ita CORDE vigilare ut cum venerit
Dominus, inveniat vigilantem: & cum sa-
pientibus Virginibus introducat ad nup-
tias. Tribue mihi, ô Dilecte votorum meo-
rum,

*Vt cum, profunda, clauserit
Diem, caligo noctium;
Fides tenebras nesciat,
Et nox fidei luceat.*

*Dormire mentem ne sinas
Dormire culpa noverit;
Castos fides refrigerans,
Somni vaporem temperet.*

*Exuta sensu lubrico,
Te CORDIS alta somnient:
Nec hostis invidiâ dolo
Pavor quietos suscitet.*





CORDIS VOLATVS.

Quæ sursum sunt quærite, quæ
sursum sunt sapite. *conoss. 3.2.*
Quis mihi Chaonij geminas dabit alitis alas,
Pertasum terre queis cor ad astra volet.
37.

Pag. 429.

LECTIO XVII.

CORDIS Volatus.

EMBL.

37.

*Quæ sursum sunt quarite, quæ sursum
sunt sapite. Coloss. 3. 1.*

*Quis mihi Chaonij geminas dabit alitis alas,
Pertasum terra, queis COR, ad astra volet;*



U A M diu sumus in hoc Cor- 2. Cor. 5.
pore, peregrinamur à Domino. 6.
Exules, eheu! filij Evæ in hac
lacrymarum valle erramus, &
vagamur instabiles, longè remoti à patriâ:
non enim hîc habemus manentem civita-
tem, sed futuram inquirimus. Quænam ve- Hebr. 13.
rò hæc, nisi illa quæ sursum est Ierusalem 14.
mater nostra? Ascendit in illam, qui de Galat. 4.
cælis descendit Mediator Dei & homi- 26.
num, homo Christus Iesus; ut & nos ad Tim. 2. 5.
illam suspirare, & ascendere doceret.
Quò enim præcessit gloria Capitis, eo Leo Ser.
spes vocatur & Corporis. Liberos igitur de Ascens.
CORDIS oculos ad illam altitudinem, in
qua Christus est, erigamus. Sursum vocatos Idem
Animos, desideria terrena non deprimant; Serm. 2.

*Bernard.
in Cant.*

*Philip. 3.
20.*

*Aug. in
Psal. 85.
post prin.*

*Idem
Serm. 50.
de temp.*

*Lib. 6.
Moral.
cap. 17.*

ad æterna præelectos, peritura non occupent; viam veritatis ingressos, fallaces illecebræ non retardent. Non discordet COR nostrum à facie nostrâ; non habeamus faciem sursum, & COR deorsum; non itemus recti Corpore, & CORDE repamus in terrâ: & si peregrini sumus in viâ, levemus CORDA in cælum, ut imitemur eum qui ait: Nostra autem conversatio in cælis est. Sursum ergo COR, sursum cogitatione, sursum amorem, sursum spem ne putrescat. Quia laborasti & messuisti, triturasti & ventilasti: quæris locum tritico tuo, & non quæris locum CORDI tuo? & non quæris locum thesauro tuo? Ecce Dominus Deus dat tibi consilium de CORDE tuo: Ubi enim, inquit, fuerit thesaurus tuus, illic erit & COR tuum. Leva, inquit, COR in cælo, ne putrescat in terra. Consilium est ejus, qui te vult salvare, non perdere. Sequere, Anima mea, consilium hoc; & stans in terrâ, COR affige cælo. Vis sciri quomodo; Deum diligendo. Machina enim CORDIS (ut inquit Gregorius) est vis amoris, quæ dum COR à mundo extrahit, in alta sustollit.

CONSIDERA verò, hanc CORDIS elevationem, quæ per amorem fit, ipsâ CORDIS figurâ & qualitatibus nobis insinuari.

ejus pars superiorem occupet locum. Quo sanè innuitur, amorem Dei in CORDIBUS nostris diffusum, COR ad superna dilatare, & quasi additis alis ad sublimia, cælumque evehere. COR igitur, quod Dei amore ardet, rectà cælum petit; quod autem non amat, nec sapit ea quæ sursum sunt, ad terram vergit, & luto infigitur: idque totum inde accidit, quod frigidum sit, & superabundante iniquitate refrixerit charitas, atque hinc COR grave efficitur, quod pondere suo deorsum tendit. Magna sanè est ejus, qui talis est, miseria: COR enim habet inversum, & superiori parte acutum, inferiori dilatatum; cælum unico puncto vix tangens, ad infima verò latissimè diffusum. Contra naturam igitur facit, qui CORDE in terrâ hæret, quod ad cælestia bona natum, & destinatum est. Quis dabit CORDI meo pennas sicut columbæ, & volabo, & quiescam? Volabo ad patriam illam supernam, patriam cælestem, in qua requies & pax summa est: in terrâ autem hac non est CORDI requies, sed labor, & dolor, & afflictio Spiritus. Da igitur, ô Deus CORDIS mei, da, quæso, toto desiderio, & omni studio tendere quò te ascēdisse credimus, ut in præsentī quidem miseriâ solo tenear Corpore, tecum autem sim cogitatione semper

Coloss. 3.
2.

Psal. 54.
7.

Eccli. I.
17.

August. in
medit. cap.
17.

& aviditate; ut tibi sit COR meum, ubi tu es thesaurus meus desiderabilis, & incomparabilis, multumque amabilis. Assumat, Domine, Assumat, rogo, Spiritus meus pennas, & volitet, & non deficiat; volet, & perveniat usque ad decorem domus tuæ, & locum habitationis gloriæ tuæ. Requiescat in te, Deus meus, COR meum. Præbe mihi, rogo, contemplationis pennas, quibus indutus, ad te volitem sursum; & quia omne sinistrum deorsum jacet, tene COR meum, ne ad ima tenebrosæ vallis corruat; ne interveniente umbrâ terræ, à te vero justitiæ Sole separetur, & obductâ tenebrarum nebulâ, prohibeatur alta respicere. Idcirco sursum tendo ad pacis gaudia, lucisque delectabilem & serenissimum statum. Tene COR meum manu tuâ, quia sine te ad altiora non rapitur. Illuc festino, ubi summa pax regnat, & jugis tranquillitas rutilat. Tene, & rege Spiritum meum, & assume illum secundum voluntatem tuam, ut te duce, ascendat in illam regionem urbertatis ubi pascis Israël in æternum pagulo veritatis.

ps. 25. 8.

LECTIO XVIII.

EMBL.

38.

CORDIUM Unio.

Dabo eis COR unum.

Ezech. 11. 19.

*Vnanimis Anima, concordia vivite CORDA,
Unum quies velle, & nolle, dat unus Amor.*



CONSIDERA PRIMO, Inter præclaros illos, & prorsus eximios favores, quos Animarum nostrarum Sponsus Dilectis suis exhibet, principem facile locum insignis illa prærogativa obtinet, quòd per amorem CORDI nostro intimè jungatur, & quodammodo uniatur. Amor enim strictissimo vinculo CORDA connectit; est enim, ut Augustinus dixit, quasi junctura quædam duo aliqua copulans, vel copulare appetens, amantem scilicet, & quod amatur. Hoc est quod S. Dionysius refert de Sancto Paulo: Amor, inquit, vim habet uniendi res inter se; nec finit, ut qui, amat, sit Dominus suiipsum, sed transfit in rem amatam; idcirco magnus ille Amator dicebat: Vivo, jam non

*Lib. 8. de
Trinit.*

Dionys.


*Gal. 2.
20.*



CORDIS VNIO.

Dabo cis COR unum. *Ezech. ii. 19.*

*Vnanimis anime, concordia viuite CORDA,
vnum quæis velle, et nolle dat vnus amor.*



non ego, vivit autem in me Christus. Ut autem quàm arctum sit hoc vinculum, quo amantium **CORDA** invincem colligantur, Scriptura declaret, assimilat illud unioni isti, quâ glutino res conjungi solent. Ita explicare volens amorem, quo Sichem Dinam filiam Iacob deperibat, ait: Congluti- *Gen. 34.* nata est Anima ejus cum eâ. Et de Deo ipso 3. Moyses ait: En Domini Dei tui cælum est, *Deut. 10.* & cælum cæli, terra, & omnia quæ in eâ 15. sunt: & tamen patribus tuis conglutinator est Dominus, & amavit eos, elegitque semē eorum. Sic de duobus amantiſſimis illis legitur: Anima Ionathæ conglutinata est 1. *Reg.* Animæ David, & dilexit eum Ionathas 18. 1. quasi Animam suam. Quibus verbis significatur, Animas illas, quasi glutino quodam amoris inter se strictiſſimè conjunctas fuisse. Hæc enim est natura amoris, quam *Super* pulchrè explicat Hugo de S. Victore: Ve- *Dionys.* rus amor, inquit, sive charitas, nullū patitur *cap. 7. de* medium inter se, & objectum; quòd Deus, *Angel.* sed vehemētur tendit in ipsum immediatè; *Hierac.* & ideò numquam quiescit, donec omnia transeat, & ad ipsum Dilectum, & in ipsum veniat. Unde subdit ibidem: Dilectio sive amor, impetum sequens ardentis desiderij sui, nec dissimulare valens, donec ad amatum pervenerit, amato appropinquat quan-

tum potest; & cò ampliùs sitiens intrare ipsum, cupit esse cum ipso, & esse tam propè, ut si fieri posset, hoc idem ipsum sit quod ipse. Nihil enim velocius, nihil acutius, nihil subtilius amore aut penetrabilius: quia naturâ suâ non quiescit, donec naturaliter amabilis totam penetraverit virtutem, & profunditatem, & totalitatem quantum potest. Quantum autem gestiebat illa Dei amatrix S. Thresa, amoris funibus Deo intimè connexa, dum ita caneret:

B. Theres.
in Cant.

Illæ Diæ charitatis

Vincla, quæ me implicant,

Deum mea potestatis

Et capitivum indicant.

Indicant capitivum Deum,

Et in libertatem, meum

COR ligando, vindicant.

Sed dum video capitivum,

Me tenente, Deum vivum,

Præ dolore morior!

Morior, dum cesso mori,

Tacta spe sublimiori

Vitæ de qua glorior.

CONSIDERA SECUNDO, CORDIUM hanc conjunctionem ita ab aliquibus explicari, quasi duæ Animæ conflarentur in unam. Ita Augustinus dicebat: Amicos, & se invicem diligentes, signis illis à CORDE aman-

L. 4. conf.
cap. 8.

amantium & redamantium procedentibus, per os, per linguam, per oculos, & per mille motus gratissimos, quasi fomiti-
 bus Animos conflare, & ex pluribus unum *Christop.*
 facere. Huc spectat Platonis commentum: *Fonsæca*
 Olim Vulcanus, inquit, obvius fuit duobus *lib. de*
 conjunctissimè amicis, quibus cùm pluri- *amore cap.*
 ma benevolentia signa ostendisset, jussit 7.
 eos rogare aliquid, presertim quod in
 officinâ eis suâ placere posset. Illi cùm
 præsentem occasionem prehendere vellent,
 supplices rogarunt, ut (cùm faber Deorum
 esset, cui non difficile est artis suæ poten-
 tiâ, instrumentorumque usu accommodo,
 quidvis efficere) colliquaret eos, unumque
 ex duobus redderet: atque ita consequen-
 rentur amoris sui finem, qui est Animæ
 Corporisque unitas. Votum hoc amam-
 tium homines explere non possunt: at spi-
 rituali quodam modo hominum Condi-
 tor Sanctis Animabus id largiri solet. Non
 semel enim legitur Christus COR suum
 univisse CORDI S. Mechtildis: Cùm *Lib. 1.*
 enim hæc Sancta à communione Deo gra- *grat. Spi-*
 tias egisset, multumque cum illo collocuta *iii. c. 1.*
 fuisset, visum ei fuit Christum Dominum *cap. 42. &*
 COR ejus assumere, effundere, liquefacere, *l. 2. c. 14.*
 & in divinum COR suum illud exprimere,
 ita ut duo illa CORDA in unum coalesce-
 rent.

Lib. 3. rent. Illique dixit : Dilecta mea , id unicè
cap. 27. volui , & desideravi , ut per flagrantia desi-
 deria hominum CORDA ita mihi unirentur,
 nihil ut ipsi proprio voto expectant, sed
 omnia sua desideria secundum COR meum
 disponant : non secus ac duo venti simul
 spirantes , non nisi unicum & eundem aë-
 rem impellunt. Propius porrò ad Platonis
 figmentum accedit , quod reverâ Deus
In append. cum S. Gertrude egit , de qua Blosius re-
monil. fert Dominum de hac sua Sponsa cuidam
Spirit. dixisse : Ego totus sum illius, & jam per
 amorem inseparabiliter mihi univi , sicut
 argentum & aurum per ignem in unum
 metallum conflantur. Quàm felix Anima
 est, quæ taliter Dilecto suo adhæret ! quàm
 dulcis unio , quâ Sponsum suum Dilecta
 strictissimè tenet , nec dimittit , sed in ip-
 sum quodammodo mutatur ! Pulchris ve-
 rò similitudinibus hanc conjunctionem
 Nazianzenus explicat : Quomodo , inquit,

Orat. 21. stilla aquæ modica , multo infusa vino , de-
 ficere à se tota videtur , dum & saporem
 vini induit , & colorem ; & quomodo fer-
 rum ignitum & candens , igni simillimum
 fit , pristinâ propriâque formâ exutum ; &
 quomodo Solis luce perfusus aër , in eam-
 dem transformatur luminis claritatem ,
 adeò ut non tam illuminatus , quàm ipsum
 lumen

lumen esse videatur: sic omnem tunc (id est, eo tempore, quo Anima Deo est intimè unita) in Sanctis humanam affectionem quodam ineffabili modo necessa erit à se ipsâ liquefcere, atque in Dei penitus transfundi voluntatem.

CONSIDERA TERTIO, Amorem non tantum Amantium CORDA unire, in unum conflare; sed unum quodammodo alterum se efficere: amans enim velut in amatum transformatur. Si terram amaveris, inquit Augustinus, fies terra; si dilexeris cælum, cælum eris; si Deum, audeo dicere, Deus quoque fies. Immò id ipsum Propheta insinuavit, dicens: Facti sunt abominabiles, sicut ea quæ dilexerunt: quasi hoc vellet, mutari amantem in amoris objectum. Hanc ob causam Aristoteli, amicus dicitur alter ego. Marsilius Ficinus dicit, amorem esse amici Speculum, in quo sui imaginem atque veram effigiem speculari queat: & si amor reciprocus sit, reciprocum quoque esse ejus effectum. Videndum igitur in quem scopum CORDIS nostri desideria tendant; si enim ea in Deum ferantur, Deo conjungemur & divinæ efficiemur patricipes naturæ. Quo sanè nihil dignius, nihil excellentius excogitari potest. Quantæ, quæso, nobilitatis, quantæ digni-

In Canonic. Ioan.

Osea 9. 10.

In comment. ad Platon.

tatis

1. Cor. 6. tatis est, Deo uniri? qui enim adhæret
17. Deo, unus Spiritus est.

Lud.

Gran. de

perfect.

amoris

Dei. c. 1.

CONSIDERA QUARTO, Unionem, ac transformationem hanc non esse naturalem, sed spiritualement; non enim mutatur natura unius rei in aliam, sed mutantur CORDA, affectus, desideria, & tota vita. Ita mater, quæ impensè filium diligit, sui oblita, id agit quod filio suo utile noverit; flet cum flente, arridet ridenti, cum infirmo infirmatur, omnisque ejus cura & cogitatio in illo, & pro illo est: adeò quidem, ut quemadmodum umbra Corporis imitatur omne id quod facit Corpus, & sequitur ejus motus atque figuras; sic etiam, si videre possemus duo illa CORDA, cerne-remus quale unum est, tale & alterum esse, accidentiaque & motus, quæ in uno mutantur, in illo quoque mutari. Anima igitur, quæ sic Deum amat, transformatur in illum, ita ut quidquid ille vult, & ipsa velit; & quidquid Deo displicet, & Animæ displiceat: quidquid ille vel amat vel odit, idem & illa amet atque oderit; nec rationem habet sui, sed solius Dei, ejusdemque gloriæ. Itaque in omnibus, & per omnia, est ipsi & Deo,

Velle duobus idem, nolle duobus idem.

Mutatâ porrò voluntatē propriâ in vo-
lun-

luntatem Dei, confestim mutatur & vita,
 & omnia opera, quæ ab illa procedunt.
 Quemadmodum enim cùm rescatur ab ar-
 bore ramus, & surculus illi inseritur, fru-
 ctus qui in illo surculo nascuntur, non jam
 ampliùs sunt naturæ illius rescati rami, sed
 inserti surculi: sic abscissâ voluntate homi-
 nis, & insertâ illâ Dei, fructus verborum,
 operum, & cogitationum, quæ ab illâ pro-
 cedunt, non sapiunt jam ampliùs volun-
 tatem hominis antiquam, sed Dei novam.
 Vis ergo cognoscere, ô Anima, an Cor
 tuum unitum sit CORDI Dilecti tui, vide
 an amet ea, quæ ille diligit; oderit, quæ illi
 sunt adversa: & in omnibus cum ejus vo-
 luntate consentiat.

CONSIDERA QUINTO, Cùm
 unio fieri non possit, nisi inter res quo-
 dammodò similes (neque enim aqua uniri *Lud. gra-*
 potest igni, nec oleo; neque ferrum cretæ, *naten. de*
 eò quòd hæc dissimilia sint) debet Cor *perfect.*
 Deo uniendum aliquam illius gerere si- *amor.*
 militudinem, quæ quò major erit, eò etiam *Dei c. 10.*
 perfectior erit cum Deo conjunctio. Tres
 autem proprietates in Deo observavit
 Plotinus Philosophus, quas homo habe-
 re debeat, si Deo uniri desideret: Deus
 enim est unus, & summus, & bonus. Pro-
 inde, inquit, qui uniri vult bono, ei quæ
 similis

similis effici, debet abstinere ab omnibus malis; qui summo, ab omnibus inferioribus; qui uni, à multis. Quo loco, paucis verbis tres gradus tradit ad hanc unionem necessarios. Primus, & maximè necessarius est, abstinere ab omnibus rebus malis: hoc est, ab omnibus peccatis. Secundus, & perfectior est, abstinere ab omnibus rebus inferioribus, vilibus, & abjectis; etiam si malæ non sint: ut vacare negotiis sæcularibus, contractibus, commerciisque & negotiationibus; etsi enim hæc illicita non sint, tamen excercitia sunt vilia, abiecta, & servo Dei indigna: nisi fortè aut obedientia, aut charitas aliud postulent. Tertius est perfectissimus, abstinere scilicet à πολυπραγμοσύνη, hoc est ob occupationum multitudine: etiam si nec malæ sint, nec viles; sed bonæ, dummodo sint superfluæ, hoc est, quando occupationes plures sunt & graviores, quàm ut debilitas Spiritus & Corporis nostri ferre queat. Visne igitur, Dilecta Deo

Psal. 36. Anima, uniri bono? declina à malo, & quasi à facie Colubri fuge peccatum. Vis

Ecc. 21. 2. conjungi summo? quæ sursum sunt quæ-

Col. 3. 1. re, quæ sursum sunt sapias, non quæ super

Luc. 10. terram. Vis unico adhærere? noli turbari

erga plurima, neque in multis sint actus
tui; sed unum petere, unum require, uni
intende, qui tibi intendit, unico Dilecto
CORDIS tui; ut illi dicere queas: Dilectus
meus mihi, & ego illi. Et rursus: Ego
Dilecto meo, & ad me conversio ejus.

Eccli. 11.

10.

Cant. 2.

16.

Ibid. 7. 10



E c

L E-

LECTIO XIX.

EMBL.

39.

CORDIS Quies.

*Convertere Anima mea in requiem
tuam. Psal. 114. 7.*

*Mobile COR, nullâ poris est requiescere sedē,
Vnus ei centrum nam Deus, una quies.*



CONSIDERA PRIMO, Omnia quæ à Deo Optimo Maximo creata sunt, certum locum & terminum habere, in quo, tamquam in suo centro & fine, permaneant ac requiescant. Creavit Deus cælum, & Angelis implevit, Creavit terram, & animantibus, reptilibus, fructibus, ac plantis eam implevit. Creavit mare, & piseibus implevit. Quis homini locus proprius restat? aut quid nunc homini Deus dabit, in quo quiescat? cetera omnia præoccupata sunt. Nam ignis elementum homini convenire non poterat facilè, quo ad Corpus corruptibili, & quo ad Animam variis cupiditatibus per peccatum plus satis accenso & inflammato. Cùm nihil ergo donandum su-



CORDIS QVIES.

conuertere anima mea, in
requiem tuam. Psal. 114. 7.

Mobile cor nullâ potis est requiescere sede,

Unus ei centrum nam Deus vna quies.

superesset, Deus homini seipsum dedit,
 solus Deus hominis hereditas esse voluit.
 Dominus pars hereditatis meæ; & portio *Ps. 15. 5.*
 mea in terra viventium. Hinc quàm diu *Ps. 141.*
 homo peregrinatur à Domino, irrequie- 6.
 tum est COR ejus, ut testatur Augustinus: *In Manu.*
 COR humanum, inquit, in desiderio æter- *cap. 25.*
 nitatis non fixum, numquam stabile potest
 esse: sed omni volubilitate volubilius, de
 alio in aliud transit, quærens requiem ubi
 non est. In his autem caducis & transito-
 riis, in quibus ejus affectus captivi tenen-
 tur, veram requiem invenire non valet,
 quoniam tantæ est dignitatis, ut nullum
 bonum, præter summum bonum ei suffi-
 cere possit. Ab hoc vero bono dum elon-
 gatur, per multa dispergitur, & prorsus
 diffluit in varias ineptias. Conqueritur de
 hoc graviter S. Bernardus: COR meum *In Medit.*
 COR vanum, vagum, & instabile, dum suo *cap. 9.*
 ducitur arbitrio, & divino caret consilio,
 in seipso non potest consistere; sed omni
 mobili mobilius, per infinita distrahitur,
 & hac atque illac per innumera discurret.
 Et dum per diversa requiem quærit, non
 invenit; sed in labore miserum, à re-
 quie vacuum manet. Causam verò hu-
 jus Hipponensis Præsul assignans, ait: *Aug. l. 1.*
 Quia fecisti nos Domine ad te; & in- *Conf. 6. 1.*
 quietum

quietum est COR nostrum, donec requiescat in te.

CONSIDERA SECUNDO, Omne studium in eo te ponere debere, ut relictis omnibus, COR tuum redeat ad Deum, in quo solo Animæ quies, & tranquillitas invenire potest. Merito enim monet Propheta: Surgite, & ite, quia non habetis hâc requiem. In universis enim quæ fiunt sub Sole, labor, & dolor, & afflictio Spiritus est. Hinc COR impij, qui Deum non quærit, ab Isaia dicitur, quasi mari fervens, quod quiescere non potest. COR enim nostrum in hoc Corpore, quasi in carcere compeditum detinetur, unde in eo minime quiescere potest. Avicula caveâ inclusa, etsi optimis cibis abundè nutriatur, numquam tamen quiescit, sed perpetuò saltitat, exitum è caveâ quærens; ut malit foris simplici herbâ sustentari, quàm in caveâ delicatissimè ali. Sic Anima, ergastulo Corporis inclusa, utcumque falsis cupiditatibus obsequatur, requiem tamen & satietatem, nisi in solo Deo non invenit. Festinemus igitur appropinquare Deo, festinemus ingredi in requiem Domini. Columba emissâ ex Arcâ Noë, cum non invenisset ubi requiesceret pes ejus, reversa est ad eum in Arcam. COR nostrum,

Mich. 2.

10.

Eccles. 1.

18.

Isaia 57.

27.

Stapl. in

prompt.

moral.

Dom. 12.

post Pent.

Gen. 8, 9.

nostrum, in diluvio aquarum multarum,
 quibus hic mundus undique inundatur,
 nullam prorsus invenire requiem potest;
 revertatur ergo ad Noë, cujus nomen re-
 quiem significat: revertatur ad Deum, unde
 exivit; Deus enim refugium, & requies A-
 nimarum nostrarum. Audi Christum ad re-
 quiem invitantem: Venite ad me omnes *Math. 11*
 qui laboratis, & onerati estis, & ego reficiam *28.*
 vos. Tollite jugum meum super vos, & in-
 venietis requiem Animabus vestris. Audi *Aug. l. 4.*
 & servum Christi increpantem, & tantum *conf. cap.*
 non compellentem: Redite prævaricatores *12.*
 ad COR, & inhærete illi qui fecit COR. Sta-
 te cum eo, & stabitis. Requiescite in eo, &
 quieti eritis. Quò itis in aspera? quò itis?
 bonum quod amatis, ab illo est: sed quan-
 tum est ad illum, bonum est & suave. Sed
 amarum erit justè, quia injustè amatur de-
 fertio illo, quicquid ab illo est. Quò vobis
 adhuc & adhuc ambulare vias difficiles &
 laboriosas? non est requies, ubi quæritis
 eam. Quærite quod quæritis, sed ibi non
 est, ubi quæritis. Beatam vitam quæritis in
 regione mortis, non est illic. Quomodo
 enim beata vita, ubi nec vita? Sed qui ita
 vitam & requiem quærendam monet, do- *Idem in*
 ceat idem quænam sit vera CORDIS quies. *Manu.*
 Reverà hæc est (inquit) vera CORDIS re- *cap. 29.*

quies, cùm totum in amorem Dei per desiderium figitur, nec quidquam aliud appetit; sed in eo quod tenet, felici quadam dulcedine delectatur, delectando jucundatur. Si verò vanâ aliquâ cogitatione, vel rerum occupatione inde aliquantulum abstractum fuerit, summâ cum festinatione illuc redire festinat, exilium reputans, alibi quàm ibi moram facere. Sed hoc scio, Domine Deus meus, quia ubicumque sum sine te, malè est mihi præter te, non solum extra me, sed etiam in me; quia omnis copia quæ non est Deus meus, mihi est egestas. Satiabor tunc, cùm apparuerit gloria tua.

*Idem Solil.
lib. 6. 13.*

*Psal. 16.
15.*

CONSIDERA TERTIO, Quanto desiderio Sancti viri ad hanc CORDIS requiem aspirarint, quàm graviter conquesti fuerint se adhuc Corporeo carcere conclusos, ab illâ requie præpediri. Audi Davidis suspiria: Heu mihi, quia incolatus meus prolongatus est! habitavi cum habitantibus Cedar, multum incola fuit Anima mea. Iterumque: Educ de custodia Animam meam, ad confitendum nomini tuo. Et: Quemadmodum desiderat Cervus ad fontes aquarum, ita desiderat Anima mea ad te Deus. At si diceret: O fons vitæ, vena aquarum viventium, quando veniam ad aquas dulcedinis tuæ, de terrâ desertâ, inviâ & iniquosâ.

*Psal. 119.
5.*

*Psal. 141.
8.*

Psal. 41. 2.

*Aug. Solil.
c. 35.*

Psal. 63. 3.

quosâ, ut videam virtutem tuam & gloriam tuam, & satiem ex aquis misericordiarum tuarum? Sitio, Domine, fons vitæ es, satia me. Sitio, Domine, sitio te Deum vivum. Sitivit in te Anima mea, quàm multipliciter tibi caro mea. O quando veniam, 2. *Psal. 62.*

& apparebo ante faciem Dei! Quis dabit mihi pennas sicut columbæ? & volabo, & requiescam. Nihil, ait Augustinus, mihi tam *Psal. 41.*

dulce, quàm cum Domino meo esse: præbe mihi rogo, pennas, quibus indutus, ad te volitem sursum. Non minoribus æstuabat *In Medit. cap. 27.*

desideriis vas illud electionis S. Paulus, qui coarctatum se scribit, desiderium habens dissolvi, & esse cum Christo. Quàm graviter alibi exclamat: Infelix ego homo! *Philip. 1. 25.*

quis me liberabit de corpore mortis hujus? Quorsum autem liberari optabat, nisi quia *Rom. 7. 24.*

suspirabat ad patriam, & requiem Domini sui? Quis non similiter cum his Sanctissimis viris suspiret, & anhelet ad Deum finem suum, & centrū Animæ suæ? Si enim aves *Hector.*

quærunt aërem, pisces aquam, ignis terræ ignem elementarem (cujus locus est spatium inter convexum aëris & concavum lunæ) si omnia denique quærunt suum locum & centrum, & illuc tendunt; cur nos *Pint. in cap. 23. Ezech.*

non quæremus Deum, qui est quies nostra, nostrum centrum, & summum bonum?

Eccle. 1.

7.

Si flumina magno impetu tendunt in mare, quia, ut ait Salomon, exeunt è mari; cur nos non amabimus, non aspirabimus, non tendemus omni conatu amoris in Deum, in illud immensum mare bonitatis divinæ, unde processimus?

*Pf. 35. 9.**Eccle. 24.*

11.

*In Man.**cap. 35.*

CONSIDERA QUARTO, Quanta sit lætitia illius CORDIS, quod in summo bono quiescens, inebriatur ab ubertate Domus Dei! quæ voluptas illius Animæ, quæ postquam in omnibus requiem quæsiuit, in hereditate Domini moratur. COR humanum (inquit S. Augustinus) COR indigens, COR expertum ærumnas & miseras, immò obrutum miseriis, quantum gauderes, si in his omnibus abundares? Interrogo ultima intima tua, si capere possent gaudium suum, de tantâ beatitudine suâ. In hac enim beatitudine invenit homo quem diligit Anima sua. Invenit post longam peregrinationem, civitatem habitationis; post navigationem, portum; post exilium, patriam; post diurnum opus, lectulum quietis; post laborem, mercedem; post pugnam, præmium. Hedera, arborem quâ sustentatur, & in altum surrigitur, mille ramis quasi brachiis stringat, eamque amplexatur; quia suam ab illâ perfectionem & erectionem accipit.

Quis

Quis mihi det, ô Dilecte mi, gaudium & felicitas CORDIS mei, ut inveniam te, ut requiescam in te ! apprehendam te, & in-
 nitar super te, nec dimittam te in æternum:
 Mihi enim adhærere Deo bonum est. Quod *Psal. 72.*
 si torpida sit Anima mea, & tantæ bonitatis *28.*
 intuitu non moveatur, trahe me post te, ô *Aug. in*
 Magnes CORDIS mei, ut post te expeditè *Medit.*
 in odorem unguentorum tuorum currens, *cap. 35.*
 usque ad tuæ pulchritudinis visionem effi- *Cant. 1.3.*
 caciter satiandus quantocius, te quoque
 duce merear pervenire. Factus sum Do-
 mine ad videndum te, & nondum feci pro-
 pter quod fecisti me. Miserere mei, & ex- *Psf. 26. 8.*
 audi me. Tibi enim dixit COR meum; ex-
 quisivit te facies mea, faciem tuam Domine
 requiram. Eja nunc ergo tu Domine Deus *Ansel. in*
 meus, doce COR meum, ubi & quomodo *prosoleg.*
 te quærat ? ubi & quomodo te inveniat ? *cap. 1.*
 ubi & quomodo in te requiescat ? Tu es
 enim Animæ meæ centrum, Tu CORDIS
 mei requies, Tu cupiditatis meæ satietas,
 Tu votorum summa meorum, Tu deside-
 riorum omnium consummatio.

Tu requies tranquilla piis, te cernere Finis, Boët. l. 3.
Principiū. Rector, Dux, Semita, Terminus idem. Metro. 9.

FINIS LIBRI TERTII.

C O R D I S

LIBER QUARTUS.

Exercitatio CORDIS *in Christi*
Passione.

PRÆFATIO.

De utilitate meditandi Passionem
Domini nostri Jesu Christi.

Fasciculus Myrrha Dilectus meus mihi,
inter ubera mea commorabitur.

Cant. I. 12.



CONFECIMUS Divi-
nâ adjuti gratiâ, trium-
dierum iter; & aver-
sum olim à Deo COR,
per triplicis vitæ spiri-
tualis semitas ad felicissimum, cū be-
nignissimo Animarum Sponso, unio-
nem

nem adduximus: adeò quidem, ut ad consummatam hujus Scholæ perfectionem, nihil jam ampliùs superesse videri posset. Verùm, cum inter omnia pietatis exercitia, nihil sit quod efficacius Cor à peccatis avertat, ad omnem vehementius virtutem impellat, & divini amoris flammis ardentius succendat, quàm sedula Meditatio acerbissimæ Passionis Domini nostri Jesu Christi; utilè omninò, immò penè necessarium est, ut in ea quoque COR nostrum frequentissimè exerceatur, & maximo studio illi incumbar. Certum enim est (ut Orig. in genes dixit) quia ubi mors Christi *Orig. in c. 6. ad* Animo circumfertur, non potest *Rom.* regnare peccatum. Est enim tanta vis Crucis Christi, ut si ante oculos ponatur, & in mente fideliter retineatur, nulla concupiscentia, nulla libido, nullus furor, nulla superare possit invidia; sed continuè ad ejus præsentiam, totus ille peccati, & carnis

carnis fugatur exercitus. Hæc Origenes. Cui consonat mellifluus Bernardus, dicens: Mirabilis Passio tua Domine Jesu, quæ passiones omnium nostrum propulsavit, propitiata est omnibus iniquitatibus nostris, & nulli umquam pesti nostræ invenitur inefficax. Quid enim tam ad mortem, quod non tuâ morte salvetur? Jam verò quis explicet, quot & quàm eximiæ virtutes in sacra Domini Passione resplendent? Quamvis enim in omni vitâ suâ Salvator noster omnium virtutum Magistrum se exhibuerit, multò tamen perfectiùs, ac luculentius in morte sua eas toti mundo spectandas proposuit. Non ita elucet candidum Liliū inter spinas, quàm pulcherrimæ Christi virtutes in medio atrocissimarum poenarum coruscant.

I. Pet. 2.
21.

Optimè proinde dixit Apostolus: Christus passus est pro nobis, vobis relinquens exemplum, ut sequamini vestigia ejus. Tota enim Christi Passio

Passio nihil aliud fuit , quàm Schola
virtutum, in qua (ut Augustini ver- *August.*
bis utar) lignum , cui affixa sunt *tract. 119*
membra patientis , cathedra fuit *in Ioan.*
Magistri docentis. Quid verò de di-
vino amore dicam, cùm hîc non tam
scintillæ quædam, aut flammæ erum-
pant ; sed maximi incendij fornax
succensa videatur. Quis enim cum *Vbi supr.*
Bernardo non obstupescat excessum
divini amoris , quem Christus in
Passione ostendit ? Propter nimiam
charitatem suam , quâ dilexit nos *Eph. 2.4.*
Deus, ut servum redimeret, nec Pa-
ter Filio, nec sibi Filius ipse pepercit.
Verè nimiam , quia mensuram exce-
dit, modum superat, planè superemi-
nens universis. Majorem , inquit, *Ioan. 15.*
charitatem nemo habet , quàm ut *13.*
Animam suam ponat quis pro ami-
cis suis. Tu majorem habuisti , Do-
mine , ponens eam etiam pro inimi-
cis. Cùm enim adhuc inimici esse-
mus , per mortem tuam , & tibi re-
conciliati sumus , & Patri. Quænam
alia

alia videbitur esse, vel fuisse, vel fore

Rom. 5. 7. huic similis charitati? Vix pro iusto quis moritur, tu pro impiis passus es; moriens propter delicta nostra, qui venisti iustificare gratis peccatores; servos facere fratres; captivos, coheredes; exules, reges. Hæc tanta charitas planè digna est cujus Meditatio sic mentem occupet, sic totam sibi vendicet Animam, ut omninò vitium curiositatis exsufflet. Ita Bernardus. Ob hos tam eximios fructus, Alberto etiam Magno iudice, simplex recordatio, vel Meditatio Passionis Christi, pluris æstimanda, quàm sextâ qualibet Feriâ jejunare, vel se verberare, vel dietim Psalterium integrum recitare. Meritò proinde aure CORDIS excipienda est brevis illa quidem, sed optima S. Augustini ad Virgines exhortatio: Totus, inquit, vobis figatur in CORDE, qui pro vobis fixus est in Cruce. Fecit id amans & amata cælesti Sponso Anima, quæ dicebat: Fasciculus

Myr-

*Tract. de
Missa.*

*Lib. de S.
Virgin. c.
54.*

*Cant. i.
12.*

Myrrhæ Dilectus meus mihi, inter
ubera mea commorabitur. Id est:
Sponsus meus, ob Passionis asperi-
tatem, & mortis amaritudinem, est
mihi velut Myrrhæ fasciculus, quem
in medio CORDIS mei gestabo,
ut ejus odore recreer. Quàm pru-
denter verò hîc monet Bernardus:
Tu quoque si sapis, imitaberis Spon-
sæ prudentiam, atque hunc Myrrhæ
tam charum fasciculum, de Princi-
pali tui pectoris (nec ad horam) pa-
tieris avelli; amara illa omnia quæ
pro te pertulit, semper in memoria
retinens, & assiduâ meditatione re-
volvens, quò possis dicere & tu: Fa-
sciculus Myrrhæ Dilectus meus mi-
hi, inter ubera mea commorabitur.
Quod ut omninò persuadeat, pro-
prium subjungit exemplum. Sed &
ego, inquit, Fratres, ab incunte meâ
conversatione, pro acervo merito-
rum, quæ mihi deesse sciebam, hunc
mihi fasciculum colligare, & inter
ubera mea collocare curavi, colle-
ctum

*Serm. 43.
in Cant.*

Ibidem.

ctum ex omnibus anxietatibus, & amaritudinibus Domini mei. Primum videlicet infantilium illarum necessitatum, deinde laborum quos pertulit in prædicando, fatigationum in discurrendo, vigiliarum in orando, tentationum in jejunando, lacrymarum in compatiendo, insidiarum in colloquendo, postremò periculorum in falsis fratribus, convitiarum, sputorum, colaphorum, subsannationum, exprobrationum, clavorum, horumque similium, quæ in salutem nostri generis sylva Evangelica copiosissimè noscitur protulisse. Hæc meditari dixi Sapientiam, in his justitiæ mihi perfectionem constitui, in his plenitudinem scientiæ, in his divitias salutis, in his copias meritorum. Ex his mihi interdum potus salutaris amaritudinis, ex his rursum suavis unctio consolationis. Propterea hæc mihi in ore frequenter, sicut vos scitis: hæc in CORDE semper, sicut Deus scit: hæc stylo meo ad-

mo-

modum familiaria, sicut apparet :
hæc mea sublimior interim Philoso-
phia, scire Iesum, & hunc cruci- *1. Cor. 2.*
fixum. Hunc & vos dilectissimi tam *2.*
dilectum fasciculum colligite vo-
bis; hunc medullis inserite **CORDIS**,
& hoc munite aditum pectoris, ut
& vobis inter ubera commoretur.
Hactenus Bernardus, more suo sua-
vissimè. Cujus quidem tam Sancti
Patris ut monitis obtemperaremus,
extremo hoc libro præcipua Do-
minicæ Passionis mysteria & instru-
menta **CORDI** meditanda propo-
nimus, ut illa in Myrrhæ quemdam
fasciculum colligata, in medio ube-
rum, in meditullio, inquam, **CORDIS**
collocari queant. Ut autem (quod
maximè hîc spectandum est) affe-
ctus magis inardesceret, Soliloquio-
rum stylo usi sumus: quòd omninò
consideremus id Lectoribus, hujus-
que Scholæ Discipulis fore gratius.
Venite igitur ad mensam hanc, &
comedite, & inebriamini charis- *Cant. 5. 1.*
simi,

limi. Comedite, hîc, coctum in ligno

Ps. 103. Crucis, panem, qui COR hominis
16. confirmat. Bibite, de calcato à Di-

Ibid. v. 15. lecto votorum vestrorum torculari,

*Hier. in
Epist. ad
Eustoch.*

vinum COR hominis lætificans.
Quotidie aliquam Libri hujus Le-
ctionem discite, quotidie hujus Le-
ctionis sumite bolum; hunc non
transglutiendo, sed magnâ morosi-
tate mastigando, hinc inde trans-
ferte per ora, ut sentire dulcedinem
valeatis. Audite denique quid uni-

Lib. 6.

Ecclesiæ Præsul dicat Gregorius:

Mor. c. 6.

Compatere, inquit, Salvatori nostro
Iesu, memoriam Passionis & vulne-
rum ejus, in CORDE tuo, habendo:
certissimè confidens, quòd ejus con-
solationis socius in futuro efficieris, si
ejus tribulationis in præsentì socius
inveniris: nec enim pro ipso piè lu-
gentibus, gloriam suam negabit; qui
nec Magdalensæ dolenti, & ipsum
quærenti, resurrectionem suam oc-
cultari voluit.

Ioan. 20.

15.

RHYT-

RHYTMICA

S. BONAVENTURÆ

CARDINALIS

PARÆNESIS;

Ad Dominicæ Passionis medi-
tanda Myſteria.

Recordare, frater pie,
Septem vicibus in die,
Passionis Domini.

Per quam sumus liberati,
Et æternæ vitæ dati,
Et supremo lumini.

Quando sedes, stas, & jaces,
Quando loqueris, & taces,
Fessus cūm quieveris:

Christum queras, in quo speras:
Crucifixum CORDE geras:
Ubicumque fueris,

*Diligenter pone mentem,
Super Christum patientem,
Ut ei condoleas.*

*Christi mortem, Christiane,
Plange serò, plange manè,
Et in planctu gaudeas.*

*Quàm despectus, quàm dejectus
Rex calorum est effectus,
Ut salvaret seculum!*

*Esurivit, & sitivit,
Pauper, & egenus iuit
Vsque ad paribulum.*

*Recordare paupertatis,
Et extremæ vilitatis,
Et gravis supplicij.*

*Si es compos rationis,
Eslo memor Passionis,
Fellis, & absynthij.*

*Cogitans hæc ingemisce,
Et in istis planctum misce,
Et CORDIS mæstitias.*

*Corpus ange, CORDE plange,
Mentem frange, manu tange,
Christi mortis semitas.*

Virum

Virum respice dolorum,

Et novissimum virorum,

Fortem ad supplicia.

Tibi gratum sit & equum,

Iam in Cruce mori secum,

Compati convitia.

Quando vides te afflictum,

Desolatum, ita victum,

Vt quasi deficias;

Christi cogites dolores,

Graves pœnas, & mœrores,

Sputa, contumelias.

Bone frater, quidquid agas,

Crucifixi vide plagas,

Et ei compatere.

Omni tempore sint tibi

Quasi spiritales cibi,

His gaudenter frueri.

SEXTA CLASSIS.

Peregrinatio CORDIS cum
Christo patiente.

UAM ignominiosa Discipulis ,
tam Christo tristis admodum fuit,
fuga illa, quâ Apostoli omnes reli-
cto eo , jam Iudeorum manibus
comprehenso , turpiter fugerunt. Tantum verò
hæc desertio Salvatori nostro dolorem attulit, ut
de ea non semel in Sacra Scriptura conquestus
sit. Noti mei, ait apud Iob , quasi alieni recesserunt à me. Iterumq³: Fratres mei præterierunt
me, sicut torrens, qui raptim transit in convalli-
bus. Et per Psalmistam: Qui juxta me erant de
longè steterunt. Contrà verò, eximiam laudem
merentur illæ Mulieres, quæ secutæ fuerunt Ie-
sum à Galilæa , & baiulantem sibi Crucem co-
mitabantur , plangentes & lamentantes eum ,
quarum etiam lacrymæ Christo Domino non in-
gratæ fuerunt. Piæ hæc femina , SEXTÆ hujus
CLASSIS Hypodidasca læ erunt , suq^q, ex-
emplo

Luc. 14.
50.

Iob. 19.
13.

Iob. 6.

15.

Pf. 37.

13.

Matt. 27.

55.

emplo fidelem Animam docebunt, ut toto COR-
 DE sequatur Dilectum suum, non tantum usque
 ad nuptias Cana Galilæa, ubi bonum vinum ex
 aquâ factum fuit; & el in desertum, ubi panes mul-
 tiplicavit; aut ad montem Thabor, in quo bonum Matt. 17.
 videbatur Petro esse; vel hortum tandem Geth- 4.
 semani, in quo ille dormiebat: sed usque ad ip- Idem 26.
 sum montem Calvaria. Maxima enim hominis 40.
 gloria est, cum Deo ambulare, Christum sequi,
 & ejus vestigia imitari. Cum Rex David rebel-
 lus filij persecutionem declinans, nudis pedibus 2. Reg.
 Oliveti montem ascenderet, suamq; calamita- 15. 30.
 tem, calentibus lacrymis, aspectu lamentabili
 defleret, plangens & ejulans, universus populus,
 & ipse lacrymando sequebatur. Sequere &
 tu, Anima mea, Dilectum tuum, à Discipulo
 venditum, trans torrentem Cedron hortum
 Gethsemani subeuntem. Sequere ligatum, per
 vicos & plateas immaniter protractum, sequere
 diversa tribunalia subeuntem, sequere ad Pilati
 prætorium, in quo durissimè flagellis ceditur,
 spinis coronatur, & tandem morti adjudicatur.
 Vade cum illo Cruce onusto usque in Calvaria
 montem; & ibi cum eodem te, & COR
 tuum crucifige, ut cum Apostolo dicere possis:
 Christo confixus sum Cruci, & mihi mundus Gal. 2. 19.
 crucifixus est, & ego mundo. Hac est enim
 salutaris peregrinatio, quam Lectionis hujus Ibid. 6. 14.
 Classis te docebunt, hac est digna Christi sponsa

- Apoc. 14. fidelitas, ut sequatur Agnum quocumque ierit.
4. Sequere ergo audacter & generosè, quia ut
Ioan. 8. Sponsus tuus ait: Qui sequitur me, non ambulat
12. in tenebris, sed habebit lumen vite.







BALNEVM CORDIS, EX
SVDORE SANGVINEO.

Multo labore sudatum est, et non exiuit
de eâ nimia rubigo eius. *Ezech. 24. 12.*

Balnea, sanguinei sponsi sudata cruore.

COR ægrum hic tibi quæ dat Paradisus, adi.

40.

Pag. 457.

LECTIO I.

EMBL.

Balneum CORDIS, ex sudore
Sanguineo.

40.

*Multo labore sudatum est, & non exi-
vit de ea nimia rubigo ejus.*

Ezech. 24. 12.

*Balnea sanguinei Sponsi sudata crnore
COR agrum, hic tibi quæ dat Paradisus, adi.*



USCULTA, ô Anima mea,
vocem Dilecti tui, ad Para-
disum suum te invitantis :
Veni in hortum meum, so- *Cant 5.*
ror mea Sponsa, messui *1.*
myrrham meam cum aro- *Judith.*

matibus. Nō vereatur bona puella introire *12. 12.*
in Paradisum Dilecti sui, ut honorificetur
ante faciem ejus. Quia enim primus parens *Gen. 3. 7.*
tuus in Paradiso peccavit, ubi & sub arbore *Cant. 8.*
malo corrupta est mater tua, ubi violata est *5.*
genitrix tua : Ingressus est Sponsus tuus
alium hortum, ut ibi progenitorum tuo-
rum, tibi que congenitum delictum expia- *Missale*
ret ; ut unde mors oriebatur, inde vita re- *Rom.*

Ff 5

sur-

surgeret. In horto, propter vetiti cibi esum,
primus parens in lethalem morbum incide-
rat: venit secundus Adam in hortum, ut
pestiferum humorem, quem in eo prior
suxerat, per sudorem foras expelleret;

Et medelam ferret inae,

Hofsis unde laferat.

Breviar.

Rom. ex

Fortun.

Ier. 4. 14.

Dan. 13.

15.

Ps. 50. 8.

Gen. 2. 6.

Joël 3. 18.

Hier. in

Joël.

Ingredere & tu coinquinata Anima, in
hortum Sponsi tui, sanguineo ejus sudore
irriguum, ingredere ut laves à malitia COR-
ruum. Ingressa est aliquando Susanna in
pomarium suum, ut lavaretur: at depre-
hensa ab impuris senibus, in angustias in-
cidit longè maximas, & grave mortis pe-
riculum. Ad Sponsi verò tui hortum si la-
vanda accesseris, nullum adibis discrimen;
sed magis lavaberis ab iniquitate tua, &
super nivem dealbaberis. Ut enim in vete-
ri illo Paradiso fons ascendebat de terra,
irrigans universam superficiem terræ: ita
& in novo hoc Dilecti tui Paradiso, de
sacro ejus Corpore fons scaturit aquæ vi-
tæ, ut irriget superficiem terræ CORDIS
tui. Hic est ille fons, qui de domo Domini
egreditur, irrigans torrentem spinarum.
Sanguineus, inquam, de Domini Corpore
profluit fons, ut spinas CORDIS nostri, vi-
tia & peccata, quæ nullam frugem habuere
justitiæ, commutet in Domini novalia;

& ariditatem nostram riget aquis largissimis; & pro spinis ac vepribus, flores multiplices virtutum germinemus, & lilia castitatis, & rosæ pudoris ac virginittis exuberent: ut in terra CORDIS nostri appareant flores rosarum, fusi cruoris colore vernantes. Hic est, ô Sponsa, fons patens domui David, & habitantibus Ierusalem, *Zachariæ* in ablutionem Peccatoris & menstruatae. 13. 14

Hic igitur lavare, & mundaberis. Benedictus sis tu Domine Deus meus, qui in sudore vultus tui præparasti lavacrum immundo CORDI meo. Temperasti mihi, ô Sponse sanguinum pretiosissimum balneum, de cruore tuo calidum, de admixtis lacrymis tuis temperatum. Intermiserit, *Surius.* cælesti consilio, Imperator Constantinus *Tom. 6.* inmane balneum, ex innocentium sanguine lepræ curandæ causâ præparatum: *in vita* ego sanè in innocentissimi Sanguinis tui *S. Silvestri c. 9.* balneo, in horto tuo præparato, COR meum abluam, & dealbabo illud in Sanguine Agni. Languet prorsus ægrum COR meum; at sanum efficietur, si hoc lacrymarum, sudorum, sanguinisque tui balneo innatare possit. Verè enim effusus hic sanguis Medici, factum est medicamentum *August.* phrenetici; & infirmitas tua, Domine Iesu, *Tract. 15.* nostra facta est fortitudo. *in Ioan.* Fortitudo tua

nos creavit, infirmitas recreavit. Fortitudo fecit, ut quod non erat, esset; infirmitas tua fecit, ut quod erat, non periret. Cùm enim COR meum sicut aquam bibisset iniquitatem, & inde in hydropisin, paralytin, variosque morbos incidisset, tu, ô cœlestis Medice, sanans omnem languorem & omnem infirmitatem, misericordiâ motus; languores nostros ipse tulisti, & dolores nostros ipse portasti. In te omnem medicamentorum vim, quâ COR meum egebat, expertus es; atque ita, cùm ego noxios humores desudare deberem, tu pro me Sanguinẽ sudasti, tu apertis undique venis cruorem tuum effluere permisisti, tu expurgantẽ fellis & aceti potionem pro me admisisti, ut mihi sanitatem tribueres. Væ vobis crudelissima peccata mea, quibus parum visum est molesta fuisse hominibus, nisi molesta fuissetis & Deo meo! Gratiaẽ verò tibi, Domine Iesu, qui in Sanguine tuo incircumciso CORDI meo præparasti balneum simul, & lavacrum. Complaceat, obsecro, tibi, ut in eodem abluas me, & sanitati restituas infirmum COR meum. Liquefcet illud tantæ charitatis ardore. Si enim durissimus Adamas hirci sanguine mollescit, quomodo non duritia CORDIS mei sicut cera liquefcet attactu

San-

Matt. 4.
23.

Isa. 53.4.

Luc. 22.
44.

Isa. 7. 13.

Sanguinis Agni immaculati? Repurga Domine, COR hoc lixivio Sanguinis tui, & emunda ab omni inquinamento, ab omni scoria & rubigine. Non contingat mihi, ut de ingrato CORDE meo, nimiumque obdurato, veterem illam querelam iterare cogaris: Multo labore sudatum est, & non exivit de eo nimia rubigo ejus. Immunditia tua execrabilis: quia mundare te volui, & non es mundata à sordibus tuis. Amplius igitur lava me Domine, ab iniquitate mea: & à peccato meo munda me. Iterum ergo, iterumque rogabo

Te juste Iudex CORDIUM,

Vt auferas piacula,

Sordesque CORDIS abluas;

Donecque Christe gratiam,

Vt arceantur crimina.

Breviar.

Rom.

Lava Domine in Sanguine tuo;

Lava COR hoc sordidum,

Riga COR hoc aridum,

Sana COR hoc saucium,

Flecte COR hoc rigidum,

Fove COR hoc frigidum,

Rege COR hoc devium.

Missale

Rom.

LECTIO II.

EMBL.

41.

Vinculum CORDIS, ex Funibus
Christi.

*Traham eos in funiculis Adam, &
in vinculis charitatis.*

Oseæ. 11. 4.

*Crimina, te duro, fateor, mea, fune ligarunt.
Dulcior astringat COR tibi funis amor.*



Ps. 118.

6.

Thren. 3.

7.

Isaia 5.

18.

2. Para-
lip. 36.

Prov. 5.

22.

ONCUPIVIT Anima mea
frequenter sequi te, ô bone
Iesu, quocumque ires; sed
eheu! funes peccatorum
circumplexi sunt me, & ag-
gravati sunt compedes mei, ut incendere
non valeam. Traxi, proh dolor! iniquitatem
in funiculis vanitatis, & quasi vinculum
plaustrum peccatum. Dicere & ego cum Ma-
nasse possum: Incurvatus sum multo vin-
culo ferreo, ut non possim attollere caput
meum: & non est respiratio mihi. Ita sci-
licet, ita iniquitates suæ capiunt impium,
& funibus peccatorum suorum constri-
gitur; ita ergo vinctus, & compeditus, non
possum




VINCVLVM CORDIS EX
FVNIBVS CHRISTI.

Traham eos in funiculis Adam, et
in uinculis charitatis. *Osee. ii.*

Crimina te, duro, fateor, mea, fune ligarunt.

Dulcior, astringat COR tibi, funis, amor.



possum currere, immò ne ambulare quidem post vestigia pedum tuorum. Neque verò ignoranti hunc morbum, & languorem meum commemoro: Imperfectum *Pf. 138.*
enim meum viderunt oculi tui. An non *16.*
enim, ô Domine Jesu, Spiritus oris nostri, captus es in peccatis nostris, cui diximus: *Tbren. 4.*
In umbrâ tuâ vivemus. Propter manus *20.*
meas operantes iniquitatem, traditus es in manus peccatorum: & quia nimîâ libertate primus Adam pater meus extendit manus suas ad Arborem veritam, manus tuæ *Pf. 118.*
ligatæ fuerunt: & quia à via mala non prohibui pedes meos, ideò pedes tui compedibus aggravati sunt. Non igitur nescis, *101.*
Domine, quàm parum expeditus sum ad currendam viam tuam. Cor meum, quod igneæ naturæ, atque admodum mobile creasti, multo torpore saucium, gravi catenâ devinctum jacet, adeoque per se ire non potest, quo tantoperè tamen affectat. *2. Reg. 3.*
Quid igitur faciam, ô desiderium Cordis mei? obsecro te per funes & vincula, *34.*
quibus propter me alligari dignatus es, astringe Cor meum tibi, & trahe illud post te; primùm quidem ad Crucem, inde *Ioan. 12.*
verò usque ad coelum. Tu enim dixisti: *23.*
Cum exaltatus fuero à terra, omnia traham ad meipsum. Benedictum sit eloquium *1. Reg. 25.*
Domini *33.*

- Luc. 1. 38.* Domini mei ! Fiat mihi secundum verbum tuum, ô Verbum æternum. Trahe me ad te, qui exaltatus es in Cruce pro me ;
- Osea 11. 4.* trahe me in funiculis Adam, & in vinculis charitatis. Vincula enim dolorum tuorum, vincula charitatis nobis effecta sunt ; quibus nos tibi alligare dignaris. Tenax enim
- Gilbert. in Cant. hom. 19.* funiculus amor : amor affectuosè trahit, cui est idipsum alloqui, quod est allicere ; nihil amoris tenacius vinculo, nihil trahentius.
- Cant. 1. 3.* Dicam ergo cum Sponsâ tuâ: Trahe me, post te curremus in odorem unguentorum tuorum. Fessa sum, deficio; noli me
- Bern. ser. 21. in Cant.* deferere, sed trahe me post te, ne incipiam vagari post amatores alios, nec curram quasi in incertum. Trahe me quodammodo invitam, ut facias voluntariam : trahe torpentem, ut reddas currentem. Tu qui-
- Psf. 18. 6.* dem, ô Domine, exultasti ut Gigas ad currendam viam salutis nostræ; sed quis mihi det, ut sine timore de manu inimicorum meorum liberatus curram post te, & sequar te : nisi enim sequar te, numquam dabitur assequi te, numquam consequi te. Trahe me igitur post te, trahe COR meum vinculo perfectionis, ut sequatur te, & alligetur tibi.
- Luc. 1. 74.*
- Eccle. 4. 12.* QUAM verò gloriosa sunt CORDI meo hæc vincula tua, hi funiculi tui, qui difficulter

culter rumpuntur. Meritò de iis cum Davide exultabundus canam : Funes ceciderunt mihi in præclaris. Præclara enim sunt *Pf. 15. 6.* vincula , quæ me tibi , teque mihi devinciunt. Dicam & illis , quod de Sapientia scriptum est : Erunt mihi compedes tui in *Eccli. 6.* protectionem fortitudinis , & bases virtutis , & torques tui in stolam gloriæ : decor enim vitæ est in illis , & vincula tua alligatura salutaris. Quàm libenter igitur injiciam pedes meos in compedes tuos , & COR meum dabo ligandum vinculis dulcissimæ charitatis tuæ ! Quis mihi hoc tribuat , ut cum Paulo gloriari possim in vinculis meis , & vocari vinctus Iesu Christi : *Phil. 1.* qui ideò gaudio repletus est , quòd vincula *13.* ejus manifesta fierent in Christo , in omni prætorio , & in ceteris omnibus. Vincitum enim esse propter te , Domine Iesu , *Chrysost. hom. 8.* illustrius est , quàm sive Apostolum , sive *in Epist.* Doctorem , sive Evangelistam esse. Magna *ad Ephes.* dignitas hæc , & Regno quovis ac Consulatu major ; qui diligit & ardet Christum , eligit potius vincula ferre propter Christum , quàm cælos inhabitare : non enim caput ita splendidum reddit imposita corona margaritis conspicua , ut catena ferrea quæ propter Christum fertur. Quid autem ? si tam gloriosum est pro Christo


Psal. 72.
28.

Ambros.
lib. 3.
Epist. 25.

Hieron.
Ep. 127.
Mans. 27.
Cant. 8.
3.

Isaia. 45.
14.

alligari , quid erit cum Christo colligari , illique astringi? Mihi certè adhærere Deo bonum est, & absolutum à vinculis peccatorum vinculis perpetuæ charitatis alligari Amori meo , pro me alligato , victo , & crucifixo. Ita quælo mihi contingat , Domine Iesu ! Quis enim refugiat vincula tua , quæ solvunt, & non alligant? vincula tua , vincula charitatis ; gloriosius ab his astringimur , quàm ab aliis absolvimur & relaxamur. Vincula tua voluntaria sunt, & vertuntur in amplexus: qui quæ his fuerit colligatus , dicet : Sinistra ejus sub capite meo , & dextera ejus complectur me. Fruar, obsecro, his vinculis tuis Amor meus , & innoda COR meum CORDI tuo, ut unus tecum efficiar spiritus, ut unus esse possim de numero eorum , de quibus Propheta tuus dixit : Post te ambulabunt, victi manicis pergent, & te adorabunt, teque deprecabuntur.





FVLCRVM CORDIS,
CHRISTI COLUMNA.

CONFIRMATE CORDA VESTRA. *Jacob. 5. 8.*
Non flores, non poma, meum COR debile poscit.

Fulcit hæc tua me, christe, columna satis.

42.

Pag. 467.

LECTIO III.

Fulcrum CORDIS, Christi
Columna.

EMBL.

42.

Confirmate CORDA vestra.

Iacob. 5. 8.

*Non flores, non poma meum COR debile poscit.
Fulciet hac tua me Christe columna satis.*



UAM instabile, & labile, est
COR nostrum! Quasi mare
fervens, quiescere non potest, *Isaia 57.*
huc atque illuc fluctuat, & 20.
numquam in eodem statu permanet. Dig- *Iob 14. 2.*
nè pensare, & sufficienter æstimare non
valeo; quæ sit illa tam multiplex cogita- *Bern. de*
tionum CORDIS mei volubilitas, & tam *interiori*
inquieta & infatigabilis velocitas, quæ *domo c.*
per tam multa, tam varia, tam infinita 64.
discurrere me facit. Nullâ enim horâ,
& nullo temporis momento quiescere pos-
sum; sed per infinita spatia locorum, &
volumina temporum, mirâ festinatione
pertranseo. Facilius atomos mundi pos-
sem dinumerare, quàm motus COR- *Cap. 62.*

DIS mei. Velocitas animalium & volatili-
um meis motibus æquiparari non potest.

Desideriorum meorum non est modus,
quæ discurrent per innumerabiles formas
creaturarum tuarum. Cogitationes COR-
DIS mei in unum figere non possum,
quia valdè dissipatæ sunt, torquentes COR

Iob. 17. meum, & rapientes illud in diversa.

11. Quis mihi det, ô desiderata tranquillitas
mea, ut procella mea mutetur in auram,

Pf. 106. & fileant omnes fluctus ejus? Utinam,
29. Domine, opponeres mari huic turbido
vetæ columnam tuam, & diceres: Usque

huc venies, & non procedes ampliùs; &

Iob 38. hîc confringes tumentes fluctus tuos. Non

11. possum, Domine, conqueri satis instabili-
tatem & inconstantiam CORDIS mei,

Isaia 7. 2. quod subitò movetur, sicut moventur lig-
na sylvarum à facie venti. Fluctuat etiam

sicut navis in medio mari. Esto tu, Domi-

ne, anchora hujus naviculæ, & alliga eam
solidissimæ columnæ tuæ, ad quam pro me

Ephes. 4. alligatus es, ut non ampliùs circumferatur

14. omni vento. Sentio, Domine, quàm debile
& infirmum sit COR meum, quàm cre-

bro timore vacillet, quàm sæpè dejiciatur
à pusillanimitate Spiritus & tempestate,


Pf. 54. 9. quàm frequenter deficiat atque desperet.
Nescio sanè, an hoc non ipsa figura CORDIS

mei

mei me admoneat: superius enim latum,
 infernè in conum definit, adeoque puncto
 insistere nequit, nisi ab alio sustentetur, aut
 eidem fortè alligetur. Quare, ô Domine, fir- *Psf. 17. 3*
 mamentum meum, & refugium meum, oro
 te, suppone labanti CORDI meo columnam
 tuam, quæ suffulciat me: nisi enim adhibue- *Eccli. 27.*
 ris manum tuam, citò subvertetur domus *4.*
 CORDIS mei. Creatoris enim omnitenentis *Prosper*
 omnipotentia causa est subsistendi omni *in senten-*
 creaturæ. Corobora igitur, Domine, COR *tis.*
 meum, & sustenta me; confirma columnas
 ejus, ut non corruat.

DILECTA illa Sponsa tua, ô Rex pacifi-
 ce, defectionem CORDIS patiens, exclama-
 bat: Fulcite me floribus, stipate me malis, *Cant. 2.*
 quia amore langueo. Ego verò præ delitio- *5.*
 sis illis fulcimentis, eligo mihi fortissimam
 columnam tuam, quam brachia tua circum-
 plexa sunt, & cui te alligatum credo, non ut
 ab ea firmitatem acciperes, sed ut illam tu
 fortior fulcires. In hac columnâ ego spe- *Psf. 26. 3.*
 rabo, per hanc sustentabor, & erit mihi
 columna, ut requies. Neque verò marmori *Eccli. 36.*
 innitor, dum hac columnâ fulcio COR *26.*
 meum; sed tibi ipsi fortitudo mea. Non
 enim divido te à columnâ illâ, ad quam
 amore mei alligari dignatus es, Deus meus, *Iob 26.*
 coram quo columnæ cæli contremiscunt. *11.*

- Pf. 70. 3.* Tu ergo ipse es columna mea, & firmamen-
Heb. 1. 3. tum meum, qui portas omnia verbo virtu-
tis tuæ. In te ergo recumbet debile **COR**
meum, ut incedens per vias hujus vitæ, &
sensim ascendens de deserto, cum Sponsa tua
Cant. 8. 5. innitar super Dilectum meum. Veniât ven-
ti, excitentur tempestates, insurgant fluctus
Iudæ. 1. 13. feri maris, firmiter stabit **COR** meum, firmis-
simâ hac columnâ sustentatum. Si consistent
Pf. 26. 6. adversum me castra, non timebit **COR**
meum. Si exurgat adversum me prælium, in
hoc ego sperabo. Quis mihi det, ô Dilecte
mi, ut tecum alliger ad columnam, & strin-
gam te, & fortior efficiar alligatus, quàm
solutus? Nône enim vitis, dum suis flagellis
palum cui alligatur amplectitur, ab ipso su-
stentatur? Ita & quisquis tibi innititur, sta-
bilis & constans permanebit, nec vacillabit
umquam, quia scriptum scit: Confirmatum
Pf. 111. 7. est **COR** ejus, non commovebitur, donec
despiciat inimicos suos. Stabilire igitur dig-
Hebr. 13. 9. neris gratiâ tuâ **COR** meum, tu qui es fragi-
litatis humanæ singulare præsidium; & con-
cede, ut qui sine te subsistere non valeo, co-
lumnæ Passionis tuæ subnixus, inveniar
semper in fide tua stabilis, & in amore tuo
constans.





STIMVLVS CORDIS CHRISTI FLAGELLA.

Virga in dorso eius, qui indiget CORDE, provi. 10. 13.

Cessat iners, cessant tua cum vigilare flagella :

Cage, Amor, inuitum COR meliora sequi .

LECTIO IV.

EMBL.

Stimulus CORDIS, Christi
Flagella.

43.

Virga in dorso ejus, qui indiget CORDE.
Proverb. 10. 13.

*Cessat iners, cessant tua cum vigilare flagella,
Coge Amor invitum COR meliora sequi.*



ONTREMUIT COR meum
intra me, & conturbatum
est vehementer; dum con-
sidero te, mitissime Agne,
planè nudum, & columnæ
crudeliter alligatum, flagellis durissimè
cædi, ac laniari. Quis credidisset, Domi-
ne, eò usque progressuram iniquitatem
filiorum hominum quos creasti, ut supra
dorsum Creatoris sui fabricarent pecca- *Pf. 128.*
tores, & prolongarent iniquitatem suam? 3.
Obstupefcite cæli super hoc, & portæ *Ier. 2. 12.*
ejus desolamini: Angeli pacis flete, & *Isa. 33. 7.*
omnes habitatores terræ ululante; quia *Idē 47. 2.*
ille, de quo scriptum est: Flagellum *Psal. 90.*
non appropinquabit tabernaculo tuo, 10.

nunc non uno flagello, sed innumeris cingitur, pectusque Dei capax, tabernaculum quod sanctificavit Altissimus, impiâ militum manu laceratur. Rabidi illi canes, qui

Pf. 45. 5. circumdederunt te, mansuetissimè Iesu,

Pf. 21. 17. conciderunt te vulnere super vulnus, &

Iob 16. nullâ commiseratione moti, nullo sanguini satiati, supra dolorem vulnerum tuorum addiderunt. Sed mirandum magis est, quòd ad hoc spectaculum non commoveantur CORDA nostra, quæ certissimâ fide credunt, quòd propter scelus populi tui percussus sis, quodque disciplina pacis nostræ super te sit. Dignissimum quidem est, ut servus sciens voluntatem Domini, & non faciens, plagis vapulet multis, sed quòd tu Unigenite Fili Dei, cujus

Luc. 12. 47. cibis fuit ut faceres voluntatem Patris, flagellatus fueris totâ die, ut quæ non rapuisti exolueres, indignissimum omninò, atque

Ioan. 4. 34. ab omni sensu alienum est. Verùm hoc consilium æterni Patris tui fuit, ut livore tuo sanaremur. Omnes enim nos quasi

Pfal. 72. 14. oves erraveramus, unusquisque in viam suam declinaverat; at Pater misericordiarum posuit in te iniquitatem omnium nostrum, atque ideò percussus à Deo, & humiliatus, vulneratus es propter iniquitates nostras, attritus propter scelera nostra.

Gratiæ

Gratiæ tibi, Domine Iesu, qui propter flagitia CORDIS nostri, in flagellis paratus *Psal. 37.* fuisti, & irā Patris tui castigatus mitigasti. 18.

SED jam revertere ad COR tuum, ô Anima mea, & vide quid hîc discere debeas, & facere CORDI tuo. Si enim COR filij habes, non debet respuere flagella, quibus enim Deus tamquam filius loquitur, dicit: Fili mi noli negligere disciplinam *Prov. 3.* Domini, neq; fatigeris dum ab eo argueris; 11. quem cuim diligit Dominus castigat, flagellat autem omnem filium quem recipit. *Heb. 12.* Flagellatio ergo, filij Dei nota est. Ne te 6. ergo sine flagello speres futurum, nisi for- *Aug. in* tē cogites exheredari: nullus enim filius *Psal. 31.* sine flagello, etiam unicus Dei Filius licet sine peccato, non tamen sine flagello. Audi porrò, ô Anima mea, loquentem deinceps Apostolum ad COR tuum, & flagella velut filiorum Dei characterem commendantem ausculta: Tamquam filiis vobis *Heb. 12.* offert se Deus. Quis enim filius, quem 7. non corripit Pater? Quòd si extra disciplinam estis cuius participes facti sunt omnes, ergo adulteri, & non filij estis. Multiplicentur ergo, Domine, super me flagella, ut hereditatem filiorum tuorum possim accipere, & conformis fieri imaginis Filij tui, *Rom. 8.* 29. pro me flagellati.

SED quæ utilitas CORDI meo, quæve

Rem. 3. 2. necessitas illud flagellandi ? multa per omnem modum. Primum quidem ut castigatione voluntariâ, & CORDIS afflictione, peccata per ipsam commissa expientur, atque ita ab æterno damnationis flagello liberetur. Ideò enim flagella tua peccantibus nobis immittis Domine, ut misericorditer parcas; sic enim de posteris David dixisti: Si justitias meas profanaverint, & mandata mea non custodierint, visitabo in virgâ iniquitates eorum, & in verberibus peccata eorum: misericordiam autem meam non dispergam ab eo, neque nocebo in veritate mea. Clementiæ ergo tuæ est, Domine, quòd iniqua gerentes arguas in virgâ virorum, & in plagis filiorum hominum. Væ autem iis qui cum hominibus non flagellabuntur, cum dæmonibus enim postea flagellabuntur; tales sunt impij illi, de quibus Iob: Domus eorum securæ sunt & pacatæ, & non est virga Dei super illos; sed qualis virga eos maneat, mox aperit, dicens: Ducunt in bonis dies suos, & in puncto ad inferna descendunt. Corripe me igitur, Domine, in virgâ filiorum hominum, ne in æternum proicias me, Deinde Cor hoc meum vecors, tardum, ac pigrum stimulo indiget ac scuticâ, quâ

Psal. 88.

32.

2. Reg. 7.

14

Pf. 72. 5.

Iob 21. 9.

quâ excitetur ad currendam viam manda- *Pf. 118.*
 torum tuorum. Flagellum equo, & chamus 32.
 asino, (dixit Sapiens) & virga in dorso im- *Prov. 26.*
 prudentium. COR meum, velut equus re- 3.
 fractarius restitat, unde flagello & calcari-
 bus eget. Pigrum est instar Asini, nec gres-
 sum promovet nisi flagelletur. Stultum est,
 & viam prudentiæ ignorat, nec ingreditur
 eam, nisi virgâ coactum.

ASSIDUA ergo ei, Domine, flagella tua, *Eccli. 30.*
 ne in insipientia pereat. Instar trochi est 1.
 COR meum, consistere in cono non potest
 nec moveri, nisi flagris impellatur: tam pa-
 rum scilicet, Domine, amat te, tam pa-
 rum currit post, ut nisi tribulatione &
 flagellis adigi non possit ad quærendam
 faciem tuam; in eorum nempe numero
 est, de quibus Regius Vates dixit: Mul- *Pf. 15.4.*
 tiplicatæ sunt infirmitates eorum, postea
 acceleraverunt. Gratulabor mihi igitur,
 Domine, in tuis flagellis, quæ ad me-
 liora, immò ad te Optimum COR meum
 impellunt.

SED quid ultrà boni latet in his flagel-
 lis? erudiunt sanè imprudens COR, & Sa-
 pientiam ei tribuunt. Stultitia enim col- *Prov. 22.*
 ligata est in CORDE pueri, & virga 15.
 disciplinæ fugabit eam, ut inquit Sa- *Prov. 29.*
 piens; qui alibi quoque ait: Virga, 15.
 atque

atque correptio tribuit sapientiam. Et

Prov. 23. Virga in dorso ejus, qui indiget CORDE.

2. Quàm multi insipientes, socordes, immò sine CORDE redierunt ad COR, postquam flagellis Domini afflicti sunt, Testis

Jerem. 31. Ephraim transmigrans, & dicens: Castigasti me, & eruditus sum, quasi juvenculus

18. indomitus. Quis igitur superponet in cogitatu meo flagella, & in CORDE meo doctrinam sapientiæ, ne increpant ignorantia meæ, & multiplicentur delicta mea, & peccata mea abundant? Domine

Eccl. 23. Pater, & Dominator vitæ meæ, per Unigenitum Filium tuum pro me flagellatum,

1. te humiliter rogo, ut flagella tuæ iracundiæ, quæ pro peccatis meis mereor, avertas: & pro iis flagella aduersitatis de paternâ tuâ manu patienter suscipiam; ut iis eruditus, discam sicut Filius tuus ambulavit, & ipse ambulare; & adoptionem filiorum Dei merear recipere.







SEPIMENTVM CORDIS CORONA
SPINEA .

Sepiam uiam tuam spinis. oſa. 2. 8.

Ne carcat tua ſpina roſis, COR concolor amet,

Horto areet ſtygias, ſeps diadema feras.

44.

Pag. 477.

LECTIO V.


EMBL.

44.

Sepimentum CORDIS, Corona
Spinea.

Sepiam viam tuam spinis.
Osee. 2.6.

*Ne careat tua spina rosis, COR concolor armet:
Horto arcet stigias, seps Diadema, feras.*

 ENIGNISSIME Domine, cui de- *Prov. 8.*
licia sunt esse cum filiis homi- *31.*
num, voluisti COR meum fieri
quasi Paradisum deliciarum, &
hortum voluptatis, quem ipse cælestis Hor-
tulanus plantasti, & aquis gratiæ tuæ riga-
sti ut unus essem de numero eorum, de qui-
bus Propheta tuus dixit: Eritque Ani- *Ierem. 31.*
ma eorum quasi hortus irriguus. Spiri- *12*
tuale autem hunc hortum, ô cælestis
Sponse, sæpè visitas & ingrederis, sive
ut deambules in Paradiso ad auram post
meridiem, sive ut consideres num quid *Gen. 3. 8.*
in culturâ ejus desit, videasque si floruit
vineæ,

- Cant.* 7. vinea, si flores fructus parturiunt, si floruerunt mala punica. Quin & descendis in
 13. hortum nucum, ad areolam atomatum, ut pascaris in hortis, & lilia colligas, comedasque fructum pomorum tuorum. Quare, cum tanta sit tibi horti CORDIS mei cura, tamque frequens ad eum accessus, serio mihi procurandum est, ut talis omnino sit, qualem desiderat Anima tua. Quid autem inter cetera de horto tuo, unicam Columbam tuam depredicans, dixisti?
Cant. 4. Hortus conclusus, soror mea Sponsa, hortus conclusus; iterasti autem verbum istud, ut designares duplici munitione COR nostrum egre: una enim ei satis non est maceria. Omnimodis igitur mihi hoc curandum est, ut sepem horto meo circumducam, ne forte Aper de sylva exterminet eum, aut singularis ferus depascatur eum.
 14. *Psal.* 79. Timendum quoque ei est à vulpibus parvulis, quæ demoluntur vineam, quam & destructâ maceriâ vindemiant omnes qui prætergrediuntur viam. Tanti igitur refert hortum hunc esse bene conclusum, & sepe circumdatum; ubi enim non est sepes, diripietur possessio. Ut igitur fiam ædificator sepium, unde mihi earum materiam conquiram? ubi inveniam rubum aut dumum, vepres, & textiles ramos, è quibus hanc

hanc mihi sepem plectam? Liceat mihi,
 ô Rex pacifice, ad hoc uti spineo diade- *Cant. 3.*
 mate, quo coronavit te impia mater Syna- 11.
 goga in die lætitiæ CORDIS tui, & de-
 sponſationis cum Anima mea. Terra enim
 nostra, quam sudore vultus tui irrigaſti,
 ſentes & ſpinas protulit tibi. Tu verò, ô *Ierem. 14.*
 Domine, qui factus es velut colonus, a- 8.
 grum hominis pigri, quem totum repleve-
 rant urticæ & ſpinæ, expurgaſti, atque ideò *Prov. 24.*
 vineæ tuæ pampinis, & agri tui ſpiciſ (ut 30.
 meſſis tempore Agricolaë ſolent) coronari
 voluiſti :

Omnia noſtrorum accipiens ſpineta malorum. Sedul.
 Redimitus es igitur ſpinis, ut teræ COR- l. 4. car.
 DIS noſtri ſpinas extirpares, & peccati *Tertul. de*
 aculeos in tui capitis tolerantia obtunde- *corona mi-*
 res. *lit.*

SERTUM ergo hoc ſpineum erit ſepes
 CORDIS mei, quæ facilè illud turabi-
 tur ab incurſantium beſtiarum injuriâ.
 Coronent ſe alij roſis, ego ad honorem
 ſpinis coronati pro me Capitis mei, ſpi-
 neam coronam CORDI meo circumple-
 ctam; in huiusmodi lætabor, & eſſe ſub *Iob 30. 7.*
 ſentibus delicias computabo: hîc, velut li- *Cant. 2. 2.*
 lium inter ſpinas, COR meum à velican-
 tium manibus liberum permanebit. Armat
 ſpina roſas, armabunt hæ ſpinæ hortum

COR

CORDIS mei contra omnes adversarios.

Clem. Hoc enim Diadema inimicum iis , qui in-
Alexand. fidiuntur , eos prohibet : iis autem , qui in
l. 2. pad. Ecclesiâ simul versantur , amicum ; eos cir-
c. 8. cumsepit & munit. Hæc corona est flos
 eorum , qui crediderunt in eum , qui fuit
 glorificatus ; cruentat autem & castigat
 eos , qui non crediderunt. Meritò sanè se-
 pem CORDIS ex spinis tuis contexam.

An non enim consilium tuum illud est , ô
 Sponse suavissime ? Numquid non per os
Eccli. 28. Ecclesiastici dixisti : Sepi aures tuas spinis ?
28. Cùm enim aures , oculi , reliquaque sen-
 suum organa , portæ velut CORDIS sint ,
 per quas omnia sensibilia in ipsum CORDIS
 penetrare intrant , optimè omninò
 jubes , ut si COR velimus habere munitum ,
 ostia illius spinis obturremus , atque undi-
 que hortum nostrum spinis sepiamus.

Aliud porrò beneficium , dilectissime Spon-
 se CORDIS mei , in spinis tuis mihi provi-
 disti. Videns enim multiplices fornicatio-
 nes CORDIS mei , quamque sæpè currat
 ad virum alterum , dixisti per Prophetam
Osea. 2. tuum : Ecce ergo sepiam viam tuam spinis ,
6. 7. & sepiam eam maceriâ , & semitas suas
 non inveniet ; & dicet : Vadam , & rever-
 tar ad virum meum priorem : quia benè
 mihi erat tunc , magis quàm nunc. Spinæ
 enim

enim tribulationum, quas misericorditer
 sæviens sæpius immittis, CORDA nostra
 ita concludunt, ut non liceat eis ire quò
 desiderabant, sed revertantur ad te virum
 suum priorem: sicut olim Israëlità, cum *Psal. 77.*
 occideres eos, quærebant te & revertaban- 34.
 tur, & diluculò veniebant ad te. Sed &
 spinea corona tua, Domine, & considera-
 tio dolorum, quos eo tibi inflixit, sepiet
 viam CORDIS mei spinis, ne excurrere velit
 & vagari post greges sodalium suorum, ne *Cant. 1.6.*
 sectari velit delectabilia & vanitates sen-
 suum; sed maneat in horto tuo tecum,
 confors spinarum & tormentorum tuorum.
 Eligam ergo, cùm Lectissima Sponsa tua
 Catharina Senensi, spineam coronam præ
 aureâ, illaque COR meum circumcingam,
 timens multumque reformidans; sub ca-
 pite spinato membrum esse delicatum.
 Muniat, oro Domine, COR meum spinea
 corona capitis tui; ut per medios tribu-
 lationum aculeos, ad immarcessibilem co-
 ronam gloriæ tandem pertingere merear.
 Amen.

LECTIO VI.

EMBL.

45.

Pictura CORDIS, ex Syndone Veronica expressa.

*Signatum est super nos lumen vultus
tui Domine, dedisti letitiam in
CORDE meo. Psal. 4. 7.*

*Inspice prototypon, tenfig, in sindone CORDIS
Dilecti faciem spinea pingat acus.*



UAM felix, Domine, munere tuo, quàm fortunata fuit illa Be-
ronice, sive Veronica; quæ ti-
bi sub trabali Cruce gementi,
præque laboris, itinerisque molestiis extre-
mè fatigato, & tantum non fatiscenti suda-
rium obtendit, quo vultum tuum benedi-
ctum, sanguine, sudoreque conspersum ab-
stergeres. Recepit verò Mnemosynon om-
ni veneratione dignissimum; velum siqui-
dem illud venerandæ faciei tuæ applicatum,
vivam ejusdem effigiem impressam reti-
nuit, magno piæ illius menti solatio. Desi-
deravi & ego sapissimè, ô speciose formâ
præ




PICTVRA CORDIS EX SINDONE
VERONICÆ EXPRESSA.

Signatum est super nos lumen vultus tui Domine.
dedisti lætitiā in corde meo. *Psalm. 4. 7.*

Inspice prototypon, tensiq; in sindone CORDIS

Dilecti faciem spinca pingat acus . *Pag. 482.*
45.



præ filiis hominum, faciem illam tuam decoram, & plenam gratiarum, faciem illam, in quam desiderant Angeli respicere, im-
 primi CORDI meo, tamquam mollissimæ
 ceræ, ut perpetuam tui retineret imaginem.

Quoties optavi, ut celte schulperetur in fi-
 lice CORDIS mei viva effigies serenissimi
 vultus tui! Nosti Domine, quàm sepè con-

cupivi, ut clavi illi, qui cæli fabricatrices
 manus tuas, & beatissimos pedes terebrarūt,
 efficerentur mihi cælum, quo profundissima
 exararem, incideremque te in lamina COR-

DIS mei! O quoties tibi dixit COR meum:
 Exquisivit te facies mea! faciem tuā Domi-

ne requiram. Ne avertas faciem tuam à me!
 Quoties dixi: Ostende mihi faciem tuam,
 & decorem vultus tui, quem deprecantur
 omnes divites plebis. At hætenus non li-

cuit esse tam beato.
 Quid igitur faciam, aut quod consi-
 lium excogitabit COR meum cupidissi-
 mum speciei & pulchritudinis tuæ? Quid
 agam Domine, ut fruam similitudine & ima-
 gine faciei tuæ? Scio quid faciam: ingenio-
 sus amor est, quod ille suggerit, perficere
 tentabo: tigilla mihi de Crucis tuæ ligno
 accipiam, quæ in quadratos margines com-
 pingam, in quibus COR meum, tamquam
 telam mundissimam, explicabo, illudque fu-

1. Pet. i.
 22.

Iob. 19.
 24.

Ps. 26 9.

Cant. 2.

14.
 Psal. 44.

13.

nibus, quibus alligatus es, ô libertas mea, in quadrū ita distendam, ut nullam habeat pliam vel rugā, planumque fiat in quo efformetur pictura faciei tuæ. Quis verò hic Apelles, qui vivis coloribus hanc mihi exprimit? Quis Zeuxis aut Parthasius, lineamenta hæc, Veronices sindoni impressa, artifice manu imitabitur. Ipse ego hîc, dum alius non est, qualiscumque pictoris munus obibo, & respiciens in faciem Christi mei sudario impressam, eandem, quā potero, in CORDE meo phrygio opere adumbrabo. Sed ubi acus? ubi byssus? ubi versicoloria fila? Ignosce Domine, reverentiam Amor nescit foras mittit pudorem; à tua hæc omnia desumam Passione. Suspiciendum Angelicis potestatibus caput, sed spinis, eheu! coronatum, omnia mihi hæc suppeditabit. Pro radio enim & acu, mihi erit spina una diadematis tui, quæ sanguine tuo purpurata, quoties CORDIS mei telam punget, eandem roseo cruore pinget; nec opus mihi bysso, sed evulsis è sacrâ cæsarie tuâ & honorandâ barbâ capillis texere mihi liceat. Quòd si non satis variegata videatur hæc pictura, lacrymis, ô Christe, tuis, nimium ruborem temperabo; ut pingam scilicet Dilectum meum candidū & rubicundum, Quis verò exactam adeò hîc pulchritudinem

Psal. 83.
10.

Cant. 5.
10.

rudinem requirat, cum ipsi prototypo non fuerit species neque decor, cum fuerit *Isa. 53. 2.* quasi absconditus vultus ejus & despectus, putatus quasi leprosus & percussus à Deo, *Pf. 21. 6.* vermis & non homo; opprobrium hominum, & abjectio plebis. Nullus ergo in Nazaræo meo nimium candorem requirat, quem non licuit exprimere, nisi in diademate quo coronavit eum mater sua. *Cant. 3.* Nemo à manu mea columbinos illos ocu- *11.* los velut lacte lotos expectet, cum imbres *Cant. 5.* lacrymarum, & defluentem stillantes san- *12.* guinem defigurare oportuerit. Qualis qualis tamen hæc pictura est, aptissima illa & gratissima est **CORDE** meo; & ideò cum gaudio & exultatione dicam: Signa- *Pf. 4. 7.* tum est super me lumen vultus tui Domine: magno utique fructu; nam idcirco dedisti lætitiā in **CORDE** meo. Quid enim dulcius? Quid lætius, quàm in **CORDE** suo portare Imaginem filij Dei? Aptissimum porò est, ut hæc phrygia acu **CORDE** intexetur; ut ita non in superficie tantum hæreat, sed undique **COR** penetret, & ex utraque parte sanguineum Sponsum depictum exhibeat. Delebilis est pictura, quæ calamo fit aut penicillo: obliterari potest luto laminæ sculptura, eradi possunt altissimæ cælatae litteræ: emollita cera,

aut novo impresso signaculo, perit quæ ei
 antea erat impressa forma. Mea autem in-
 delebilis est pictura; stabit quamdiu Cor
 stabit; eradi aut scindi non potest, nisi
 CORDE ex parte lacerato. Manebit igitur
 CORDI meo indita amoris mei facies:

Cant. 1.

12.

Psal. 30.

17.


2. Cor. 3.

48.

Pf. 15. 11.

Fasciculus Myrrhæ Dilectus meus mihi,
 inter ubera mea, in medio CORDIS mei,
 commorabitur. Ita fiat, Domine JESU!
 Illustra faciem tuam super Cor servi tui,
 mansionem tuam in eo fac, nec deseras do-
 nec revelatâ facie videam te, & adimpleas
 me lætitiâ cum vultu tuo in æternum
 benedicto.







COR. PHIALA, CHRISTO SITIENTI.

Dabo tibi poculum ex vino condito. *Cant. 8. 2.*

Respue, quæ Iude genus offert, pocula fellis.

Compuncti CORDIS sed bibi, sponse, merum.

46.

Pag. 487.

LECTIO VII.

COR Phiala Christo sitienti.

EMBL.

45.

Dabo tibi poculum ex vino condito.

Cant. 8. 2.

*Respue quæ Iudæ genus offeri pocula fellis ,
Compuncti CORDIS sed bibe Sponse merum.*

ADMIRANDUM valdè fuit ,
 Amator hominũ Iesu, quod
 tu , apud quem est fons vi- *Psal. 35.*
 tæ , & aqua saliens in vi- *10.*
 tam æternam fatigatus ex
 itinere, sedensque supra fon-

tem, mulieri Samaritanæ dixeris : Da mihi *Ioan. 4.*
 bibere. Quam petitionem & ipsa non pa- *7.*
 rum admirabatur. Verùm , sitis illa multò
 gravior, multoque admirabilior fuit, quam
 Passionis tuæ tempore tolerasti , quam
 non dubito ipsos quoque Angelos in ad- *Ioan. 19.*
 mirationem rapuisse , de qua sola in Crn- *28.*
 ce conqueri voluisti , & jam tanto ante
 tempore apud Prophetam Regium lamen- *Psal. 21,*
 tabiliter eam deplorasti : Aruit , dicens , *16.*
 tamquam testa virtus mea , & lingua mea

Cartag. adhæsit faucibus meis. Quid est hoc, Do-
hom. 7. de mine, quòd tu qui das potum omni carni,
pass. l. 11. ipsemet sitias, & non habeas qui refrigeret
Iudic. 15. arentem linguam tuam? Sampsoni siti-
 19. aquam potabilem ex asini madibula dedi-
Gen. 21. sti. Sitivit abjectis puer Ismahel in deser-
 19. to, & matri Agar Angelus puteum aquæ
Nam. 20. detexit. Sitivit rebellis populus Judæorum,
 11. & largissimas aquas petra eis suppeditavit.
3. Reg. 17 Ne siti periret Elias, jussus est recedere ad
 3. torrentem Carith, ut ex eo biberet. Et Do-
Matth. 10 mino universorum, calix aquæ frigidæ
 42. negatur. Potus enim ille, quem vitis alie-
Psal. 18. na, Synagoga Judaica, Plantatori suo of-
 11. fert, non potus est, sed tormentum: De
Cant. 2. quo audire lubet eloquium tuum, super
 14. mel dulce. Sonet vox tua in auribus meis:
 & explica mihi, ô Dilecti mi, vinum il-
 lud, quod tibi sub mortem propinatum
Psal. 68. est. Dederunt, inquis, in escam meam fel;
 22. & in siti mea potaverunt me aceto. Cir-
Thren. 3. cum dedit me (impia Synagoga) felle, re-
 15. plevit me amaritudinibus, inebriavit me
 absynthio. Sed augetur hæc crudelitas,
 quòd & ego ex amaro CORDE meo pro-
Matth. 27 pinem tibi quotidie vinum cum felle mix-
 34. tum, dum bona opera malâ intentione vi-
Deuter. tio, & corrumpto. Quid reddo tibi è vineâ,
 32. 32. quam plantavit dextera tua, nisi uvam fel-
 lis,

lis, & botros amarissimos? Tu stabilivisti *Psal. 4.8.*

COR meum fructu frumenti, vini, & olei; *Deuter.*

& pro eo, eheu! obtuli tibi fel draconum, 32, 33.

& venenum aspidum insanabile. Doleo,

Domine, super ingratitude meâ tantâ;

atque opto deinceps, converso CORDE in

vineam electam, & phialam auream, chari-

tate rutilantem, ex eodem propinare ti-

bi vinum optimum, dignum Dilecto meo

ad potandum, labiisque & dentibus illius

ad ruminandum. Verum, ut hoc de Cel-

lario CORDIS mei proferam, necesse est,

ut prius cognoscam quidnam sit illud, quod

tantopere sitis. Sitis enim tua, salus nostra,

redemptio nostra, conversio Animarum

nostrarum est: quæ multò plus, quàm

Corporalis cruciatus te torquet. Quis mihi

det, Domine Deus meus, ut possim restrin-

gere hanc sitim tuam, & potare te vino

compunctionis, defluente è torculari con-

triti CORDIS mei! Lego scriptum: Date

ficeram moerentibus, & vinum his qui

amaro sunt Animo; bibant, & obliviscan-

tur ægestatis suæ, & doloris sui non recor-

dentur amplius. Quàm congruum esset,

Domine, ut tibi in maximo moerore &

amaritudine Animæ existenti, hoc, quod

ad mortem damnatis negari non solet, be-

neficio impenderetur; qui utique jam

Cant. 7.9.

Psal. 59.5.

Prov. 31.

6.7.

inde à Nativitatis tuæ exordio flagrantissimam hanc sitim semper habuisti, eamque in ultima mortis hora maxime aparuisti, ut tuus in nos Amor, planè eximius, nobis apertè pateret. Quis autem, ô amantissime Sponse Animæ meæ, ad cò ferus sit, qui, cùm audit te raucâ & intermoriente voce dicentem, Sitio, non mitescat, & liquefiat, ut totus convertatur in potum, & leniat sitim amore captæ Animæ tuæ! Quis non os illud, quod verba vitæ æternæ deprompsit, & ignita illa eloquia, penetrantia usque ad divisionem Animæ & Spiritus toties eructavit, refocillare optaret, etiamsi maximo labore id ipsum ei constaret? Concupivit in siti sua David aquam de Cisterna Bethlehem, & tres viri fortissimi irruerunt castra Philistinorum, & haustam aquam attulerunt ad Regem: & non curram ego per medios cuneos adversariorum meorum, per mille pericula Animæ meæ, ut hauriam aquam ad refocillandum Dilectum meum? Vereor enim, ne mihi dicat aliquando: Sitiivi, & non dedisti mihi bibere. Utinam, Domine, unicum solatium Animæ meæ, dirumperes penetralia CORDIS mei, & scaturire facias fontes & torrentes in medio pectore meo, ut de torrente in via bibas, antequam vitam morte claudas. Si forem

Joan. 19
28.

Hebr. 4,
12.
2. Reg.
23. 15.

Matt. 26.
35.

Pf. 109.
7.

forem beneficio gratiæ tuæ instar amatæ
 Sullamitidis tuæ, darem equidem in hac
 æstuantissima siti tua, ori tuo poculum ex *Cant. 8. 2.*
 vino condito, & mustum malorum grana-
 torum meorum. Qualiscumque tamen sum,
 offero tibi Cor meum, ut inde bibas qua-
 lemcumque amorem meum, satagentem
 sedare sitim tuam. Bibe Domine, obsecro te, *Ioan. à Je-*
 bibe Cor meum liquefactum, quod cupit *su Maria*
 infundi CORDI tuo, & miscere amore li- *in Theolog.*
 quescientibus visceribus tuis. Bibe citò, *myst.*
 precor te, & absorbe vota mea, & innumera
 libamenta, quæ profero tibi de præcordiis
 meis: & celebrabo convivium Regis mei,
 convivium cui præsidet sollicitus amor, qui
 poculis alternis certare solet. Verùm quid
 loquor, suavissime Deus CORDIS mei?
 quale refrigerium tibi paro CORDIS unius
 eliquatione, quâ velut aquæ guttâ, magis
 irritabitur inexplibilis sitis tua? Utinam li-
 ceret mihi, tenerrime Sponse Animæ meæ,
 universa generis humani CORDA liquare,
 ut hoc potu dulcissimo sitis tua sedaretur!
 sed ut video, cum tantus non suppetat po-
 tus, præ siti moriturus es. O sitis! ô sem-
 piterna ardor, ure me, ut satier à fonte
 vivo, qui surgit in amœnissimo Paradiso
 deliciarum, & irrigat civitatem Dei.

LECTIO VIII.

EMBL.

47.

Compunctio CORDIS clavo timoris
Dei.

*Confortavit eum clavis, ut non move-
retur. Isaïæ. 41. 7.*

*Hoc mihi COR, sancti, clavo transfige, timoris,
Pro me qui clavis in Cruce fixus eras.*

Ps. 62. 3.



SIT IVIT in te Anima mea, &
COR meum multipliciter Deus
meus: desiderio enim desideravi
sequi te, & conjungi tibi; ideo-
que rogavi te per viscera misericordiæ
tuæ, ut in funiculis Adam, & vinctulis chari-
tatis traheres me post te, & alligares me tibi.
Verum, quæ mea infidelitas fuit, confregi
jugum, dirupi vincula, & retrò recessit COR
meum. Quo nexu igitur me tibi astringes,
ut amplius non discedam à te? Confringi
possunt vincula, computrescere funes; at for-
tius & durius figunt clavi. Quare, ô Do-
mine, clavis tuis confige me tibi, ut nihil
omninò sit quod me possit separare à cha-
ritate

Luc. 1.

78.

Osee 11.

4.

Ier. 5. 5.

Rom. 8.

39.




COMPUNCTIO CORDIS
CLAVO TIMORIS DEI.

Confortauit eum clavis ut non
moueretur. *Isaia. 41. 7.*

Hoc mihi cor sancti clauo transfige timoris,

Pro me, qui clavis in cruce fixus eras.



ritate tua, possitque de me illud dici: Con-
 fortavit eum clavis, ut non moveretur. *Isaia 41.*
 Voluisti tu, ô Sponse animæ meæ, prius 7.
 quidem funibus trahi & extendi, deinde
 verò in Cruce clavis configi, qui sacras
 illas manus tuas foderunt, & terebrarunt.
 Quid autem hoc significare dicemus, nisi
 quòd electos tuos, quos prædestinasti con- *Rom. 8.*
 formes fieri imagini tuæ, per hos gradus 29.
 provehas ad salutem? Primum enim trahis
 eos funibus ad te: deinde etiam fortius cla-
 vis tibi configis. Fune, ô Redemptor, alligatus tibi est, qui dum vehementiore ten- *Bernard.*
 tatione turbatur, proponit sibi honestatis *Serm. de*
 intuitum, memoriam promissionis, & hoc *triplici*
 interim se fune retinet, ne propositum pe- *vinculoz*
 nitus abrumpatur. Durum profectò vin-
 cu ū & molestū, sed & periculosum nimis,
 & quod diu tenere non possit. Siquidem
 putrescunt funes, & pudoris vinculum nos
 obliviscimur, aut abrumpimus citò. Est au-
 tē qui clavis cōfigitur Domino Majestatis,
 quem timor Dei ligat, qui non expavescit
 ad vultus hominum, sed ad memoriam ge-
 hennalium tormentorū. Et hic quidem pec-
 care non metuit, sed ardere. Durius tamen
 & fortius primò imprimitur, quia cū ille
 vacillet in proposito, iste propositum non *Psal. 118.*
 amittit. Confige igitur, timore tuo carnes 20.
 meas;

meas ; clavum timoris tui adige per COR meum , ut vel sic diligam te. Ut verò expressius desiderium CORDIS mei Dilecto meo exponam , opto fiat in me , quod factum est in te propter me , & meam salutem. Quid illud , quæso ? Audi Iesu Sacerdos magne , tu & amici tui , qui habitant coram te. Nōne Pater cælestis dixit de te : Ecce lapis quem dedi coram Iesu , super lapidem unum septem oculi sunt : Ecce ego cælabo sculpturam ejus , ait Dominus exercituum : & auferam iniquitatem terræ illius in die una. Lapis hic Tu ipse es , Domine Iesu , lapis summus , angularis , electus , in fundamento fundatus , in quo septem dona Spiritus sancti , ut septem oculi , requieverunt. Hunc lapidem clavis Crucis Deus Pater per manus Iudæorum cælavit , ut in die una Passionis tuæ , auferret iniquitatem terræ. Eia age , Dilecte mi , ad imaginem & similitudinem istius , sculpe etiam in CORDE meo timorem tuum : esto quæso tu Cælator , clavus Crucis tuæ scalprum & cælum , malleus verbum Dei (verba enim tua quasi malleus cōterens petram) lapis verò sit COR meum. In hoc ergo , ô Divine sculptor , profundissimè insculpe timorem tuum , ut ille me à noxiis revocet , & tibi cōfigat COR meum. Timor enim

Zachar. 3.
8. 9.

Hier. &
Rupert. in
cap. 3. Za-
char.

Ier. 23.
29.

enim Domine expellit peccatum. Corfige *Ecclesi. 1)*
 ergo clavis, & destrue fomenta peccati, 27.
 moriatur in carne mea omnis illecebra de- *Ambros. in*
 lictorum: libertatem vagandi cupiditas vo- *Psal. 113.*
 luptatum Cruci affixa non habeat. Est enim
 quidam clavus spiritalis, qui patibulo Cru-
 cis Dominicæ affigat has carnes. Quòd si
 carnes istæ rejiciunt clavos divini timoris,
 haud dubiè dicitur: Non permanebit Spi- *Gen. 6. 34*
 ritus meus in his hominibus, quoniam car-
 nes sunt. Nisi igitur affigantur Cruci, &
 configantur clavis à timore Domini, non
 permanebit in his Spiritus Dei. Corfige
 igitur timore tuo COR meum, ut mortifi-
 cationem tuam, Domine Jesu, in Corpore
 meo jugiter portem.

SED tam timor Domini, quàm clavus
 Crucis, qui illum designat, erit mihi pro
 præsidio & fræno. Sic enim accepimus, *Ambros.*
 Helenam Constantini matrem, clavos Cru- *de ebiru*
 cis tuæ, ô Domine, invenisse, & unum *Theodos.*
 fræno, alterum Diademati Imperatoris in-
 texuisse. Non insolentia ista, sed pietas est;
 cùm defertur sacrae Redemptioni. Rectè
 in capite clavus, ut ubi sensus est, ibi præ-
 sidium. In vertice corona, in manibus ha-
 bena; corona de Cruce, ut fides luceat;
 habena de Cruce, ut potestas regat. Im-
 pletum est in eo Zachariæ vaticinium: In
 die

- Zach. 14.* die illa erit quod super frænum equi est,
20. sanctum Domino omnipotenti. Quare san-
Ita expo- ctum super frænum, nisi ut Imperatorum
nunt Greg. insolentiam refrænaret, & sancto dicere Spi-
Tur. de gl. ritu videretur: Nolite fieri sicut equus &
Mart. c. 8. mulus: sed in fræno & chamo maxillas eo-
Nich. l. 8. rum constringe. Sit quoque, Domine, cla-
c. 29. vus timoris tui CORDI meo galea salutis,
Cyill. & frænum restringens me à lapsu impieta-
Ambros. tis, retrahens à noxiis excessibus.
- Lyran. in* SED & aliud mihi beneficium omni
Psal. 31. acceptioni dignissimum in clavo Crucis
 tuæ contulisti. Ex clavo enim hoc licet
 mihi fabricare clavem, qua ingrediar pe-
Bernard. netralia tua. Clavis enim referans, clavus
Serm. 61. penetrans factus est mihi, ut videam vo-
in Cant. luntatem Domini. Quidni videam per fo-
 ramem? clamat clavus, clamat vulnus, quòd
 verè Deus sit in Christo, mundum recon-
Psal. 104. cilians sibi. Ferrum pertransit, Domine,
18. Animam tuam, & appropinquavit COR
Hebr. 4. tuum; ut jam non nescias compati infir-
15. mitatibus meis. Patet arcanum CORDIS;
 per foramina Corporis, patet magnum
Luc. 1. illud pietatis Sacramentum; patènt viscera
78. misericordiæ Dei nostri, in quibus nos vi-
 sitavit oriens ex alto. Liceat ergo mihi
 Domine, clave hac, de clavo tuo fabrica-
Psal. 30. 3. tâ, introire in locum munitum, & in de-

LIBER IV. LECTIO IV. 497
mum refugij sacratissimorum Vunerum
tuorum: ut ibi abscondas me à conturba- *psal. 30.*
tione hominum, à Spiritu pusillanimitatis, 31.
& tempestate. Concede hoc, Amor meus, *ps. 54. 9*
qui calamo clavorum tuorum, atramento
Sanguinis tui scripsisti me in manibus tuis,
lege ibi scripturam tuam, & salva me opus *Isa. 49.*
manuum tuarum. 16.



SEPTIMA CLASSIS.

CORDIS cum Cruce & Crucifixo conformatio.

1. Cor. I.
23.



Rux Christi, Christusq; Crucifixus, Iudeis quidem scandalum, Gentibus autem stultitia; Vocatis vero atque electis, Dei virtus & Dei sapientia, justitia, sanctificatio & Redemptio est. Quare redempti à Domino, omnem suum honorem & gloriam in Cruce, contempnibili antea ligno, posuerunt. Hinc Paulus Apostolus dicebat: Mihi autem absit gloriari, nisi in Cruce Domini nostri Iesu Christi. Hanc venerabundus Andreas ita salutabat: Salve Crux, quæ in Corpore Christi dedicata es, & ex membris ejus tamquam margaritis ornata. O bona Crux, quæ decorem & pulchritudinem de membris Domini suscepisti, accipe me ab hominibus, & redde me Magistro meo; ut per te me recipiat, qui per te me redemit. Hac est

Gal. 6.
14.
Breviar.
Rom.

Cant. 2. 3. arbor illa, de qua Sponsa canit: Sicut malus inter

inter ligna silvarum, sic Dilectus meus inter
 filios: Sub umbra illius, quem desideraveram
 sedi; & fructus ejus dulcis gutturi meo. Crux est Cant. 1.
 lectulus floridus Nazarei nostri ferculum Sa- 15.
 lomonis de lignis Libani, ejus reclinatorium Cant. 3. 9.
 aureum, ascensus purpureus, media charitate
 constrata propter filias Ierusalem. Crux Chri-
 sti est ultima Schola nostra Classis, & supre-
 mus Gymnasij CORDIS vertex. Venite ergo Cant. 1. 6.
 filiae Sion, & ingredimini Classem hanc, &
 videte ubi pascat, ubi cubet Dilectus vester in
 mendie. Crucis hanc Arborem e Golgothano
 colle in agrum CORDIS vestri transferte, to-
 tum COR triumphali titulo Domino consecra-
 te. Si amore vulnerari juvat Lancea illa, quæ
 Dominicum pectus aperuit, COR vestrum cha-
 ritate vulnerabit. Si sitis torqueat, dabitur Cant. 3. 2.
 hic poculum ex vino condito, & mustum ma-
 lorum granatorum de torculari Crucis pro-
 fluens. Si Azylum queritis, o trepida colum- Cant. 2.
 ba, nidificare hic licet in foraminibus petrae, 14.
 & in caverna macerie. Nec deest hic Speculum, Iac. 1. 23.
 in quo vultum nativitatis vestrae consideretis:
 quinque enim illa pretiosissima Christi Vulne-
 ra, totidem Specula sunt, omni viro atque
 argento lucidiora, in quibus CORDIS vestri
 naevos facile aspicietis. Si vagata hactenus post Cant. 1. 6.
 greges sodalium requiem queritis, extra Di- Ioan. 9.
 lectum ne queratis; sed illi COR vestrum jun- 41.

gite in monumento novo , in quo sepultus fuit.
Ibi cum illo dulciter requiescite , ubi vos nullus
suscitare neque evigilare faciet , quoadusque
ipse velit. Atque hæ sunt Lectiones , quæ in
ultima hac Classe explicantur.







CORDIS IN CRUCE EXPANSIO.

In simplicitate CORDIS quærite illum. *Sap. 1. 1.*

In cruce, ne rugosa fores, expansus obui:

Sponsa tuum tendas cor, sit ut absq^{ue} plica.

48.

Page 501.

LECTIO IX.

CORDIS in Cruce expansio.

EMBL.

48.

In simplicitate CORDIS querite illum.

Sap. 1. 1.

*In Cruce, ne rugosa fores, expansus obivi;
Sponsa tuum tendas COR sit ut absq, plicâ.*N lectulo meo per no- *Cant. 3. 1.*ctem quæsiui quem di-
ligit Anima mea. Quæ-
siui eum, & non inveni.Quomodo enim inve-
nistem te in lectulo qui-
etis & sensualitatis meę,qui triduo quæsitus à Sanctissima Matre
tua & castissimo Sponso ejus Joseph, inter *Luc. 2.*
cognatos & notos tuos minimè inventus 44.es. Surgam ergo, & circuibo civitatem per
vicos & plateas quæram quem diligit Ani-
ma mea. Tandem autem post diligentem
inquisitionem, inveni ubi quiescas, ubi cu- *Cant. 1. 6.*
bes in meridie charitatis tuæ. Inveni autem
te in incommodo admodum lecto durissi-
mæ Crucis. In lecto, si clavos attendo,

Cant. 3. 9. ferreo; si cervical, spineo; si Crucem, ligneo. Jacēs hīc, ō Rex pacifice, in nobilissimo ferculo Salomonis de lignis Libani: super omnia enim ligna cedrorum sola Crux celsior, in quo mundi vita pependit, cujus ascensus purpureus, immò sacro tuo Sanguine purpuratus, media autem ejus charitate constrata sunt, propter filias Ierusalem: quia tu ipse ardens charitate, medium Crucis occupas, & fideles Animas ad te attrahis. Durus fuerit hic lectulus, horridum prorsus reclinatorium, cū tamen tu in eo caput & Corpus reclinās, dicam meritò: Dulce lignum, dulcis lectus, dulce pondus sustinent; sicque fatalis ista Arbor, olim maledicta, per te,

Arbor decora & fulgida,

Ornata Regis purpura.

Breviar.

Rom.

Cant. 1.

15.

Cant 2. 1.

Isa. 11. 1.

Optimè dixit Sponsa tua: Lectulus noster floridus. Quomodo enim non floridus, in quo non requiescit nisi flos campi, & lilium convallium; in quo dormit flos de radice Jesse, roseo cruore vernans, & spirans odorem suavitatis. An non floridus lectulus qui in vertice Tituli inscriptum præfert: Jesus Nazarenus, id est florens, ac floridus omnium virtutum varietate. Id verò quod maxime in hoc lectulo placere debet, est, quod dicatur NOSTER, id est, tibi

tibi mihiq̃ue communis: id scilicet me doc-
 cens, ut consortium Crucis tuæ non ab-
 horream. Necesse enim est ut & crucifiga- *Rom. 6. 6.*
 tur vetus homo cum Christo, ut resurgat *Rom. 8.*
 novus: necesse est ut compatiatur, si velit *17.*
 conregnare; crucifigendum est incircum- *Galat. 5.*
 cisum COR, & rebellis caro: qui enim *24.*
 sunt Christi, carnem suam crucifixerunt
 cum vitiis & concupiscentiis. Sed quid
 peccavit vetus homo? quam accusationem *Ioan. 18.*
 adferis adversus COR illius? quid mali *29.*
 fecit? Irritavit impius Deum; dixit enim *Psal. 10.*
 in CORDE suo, Non requirer. COR ejus *13.*
 congregavit iniquitatem sibi. Dixit deni- *Pf. 40. 7.*
 que in CORDE suo: Non est Deus. Quid *Pf. 13. 1.*
 vobis videtur? Blasphemavit: crucifigatur: *Matth. 26*
 tolle, tolle crucifige eum. Iustum est, Do *66.*
 mine, iudicium tuum; crucifigendum pror- *2. Mach.*
 sus est COR hoc, ut moriatur mundo, & *12 41.*
 mundus ipsi; ut possim cum Paulo dicere: *Galat. 6.*
 Mihi mundus crucifixus est & ego mundo. *14.*
 Accipe igitur, Domine, COR meum, &
 crucifige illud tecum, affigens illud clavis
 timoris tui, ut universa ejus desideria non
 ejus serviant concupiscentiæ, sed mortifi-
 cationi maneat affixa. Et sicut qui patibu- *Cassian.*
 lo Crucis affigitur, non jam præsentia *l. 4. c. 35.*
 contemplatur, nec de suis affectionibus
 cogitat, non pro die crastino sollicitudine

curaque distenditur, sequē cum adhuc spirat in Corpore, cunctis elementis credit esse defunctum, illuc præmittens sui CORDIS intuitum, quò se non dubitat illicò transiturum. Ita me quoque timore tuo crucifixum, non solum carnalibus vitiis, verum etiam ipsis elementis mortuum fac, Domine; ut illuc habeam oculum CORDIS defixum, quò spero tecum per Crucem pervenire. Aliud præterea Documentum,

Prov. 3. Crucifixio tua CORDI suggerit. Simplex

42. enim naturâ, simplicitatem CORDIS ex-

Sap. 1. 1. quiris: & ideò cum simplicibus sermocina-

Bern. ser. tio tua Hinc & admonemur, in simplicita-

2. ad Fra- te CORDIS quærere te. Hoc est, non aliud

tres. tamquam te, non aliud præter te, non aliud

Eccli. 1. post te. Contrà verò dehortatur nos Scrip-

36. tura tua à duplicitate CORDIS, dicens: Ne

Jac. 1. 6. sis incredulus Deo, & ne accedas ad illum

duplici CORDE. Vir enim duplex Animo, inconstans est in omnibus viis suis.

Quare autem est inconstans? quia nimirum caret anchorâ spei, quâ COR hominis affigitur, ne huc illucque instar navis à vento agitatae, circumferatur. Quid igitur factum opus est, ut multiplicis CORDIS plicas, latebras, & recessus explicemus? Docuisti nos

Ephes. 5. hoc, Domine, in Cruce extensus. Ut enim

27. exhiberes tibi gloriosam Ecclesiam, non

haben-

habentem maculam aut rugam, temetipsum tradidisti pro ea. Ut illam mundares à macula, Sanguinem tuum fudisti illi in lavacrū: ut expolires à ruga, extensus & explicatus es in Cruce; atque ita quidē, ut dispersa sint omnia ossa tua, fieretque COR tuum tamquam cera liquescens in medio ventris tui. Foderunt, ô Domine, manus tuas, & pedes tuos, & ne ulla plica remaneret in Corpore tuo, illud ita extenderunt, ut dinumerarent omnia ossa tua. Tanti tibi constitit deducere rugas dilectæ Sponsæ tuæ! Quis mihi det, Domine, ut COR meum tibi configatur Cruci, & expandatur undequaque, ut non remaneat in eo ulla plica aut ruga; ut habeam nimirum puram & simplicem omnibus in rebus intentionem, quā uni tibi Dilecto CORDIS mei placere desiderem, dicamque illud: Dilectus meus mihi, & ego illi. Displicent tibi qui in CORDE & CORDE loquuntur, ore suo benedicentes, mala autem in CORDIBUS eorum. Oderunt quoque filij hominū duplices CORDE. Hinc etiam prudentes hujus sæculi, observantes fructum Arboris Perseæ formā CORDIS re- præsentare, folia autē similitudinem lingue, voluerunt illo designari, COR & linguam hominis debere convenire; nec aliud linguā, aliud CORDE promendum. COR enim

Psal. 21.

15.

Cant. 2.

16.

Psf. 11. 3.

Psf. 61. 5.

Psf. 27. 3.

Plutarc. de

Iside, &

Osiride.

- Eccli.* 3. ingrediens duas vias, non habebit successus; & prævum COR in illis scandalizabitur.
- 28.
1. *Paral.* Scio autem, Domine Deus meus, quòd
29. 17. CORDA probes, & simplicitatem diligas, & ideò in simplicitate CORDIS mei offero tibi meipsum totum ad crucifigendum, & ab omni plica explicandum, ut simplice CORDE uni Deo & simplici placere possim. Placet mihi, Domine, Crux tua, quæ me tibi conformem faciat; quare cum B. Andrea Apostolo tuo dicam: O bona Crux, quæ decorem ex membris Domini suscepisti, diu desiderata, sollicitè amata, sine intermissione quæsita, & aliquando cupienti Animo præparata: securus & gaudens venio ad te; ita & tu exultans recipias me: accipe me ab hominibus, & redde me Magistro meo; ut per te me recipiat, qui per te me redemit.

Breviar.
Rom.







CRVCIS IN CORDE PLANTATIO.

Plantatio Domino ad glorificandum. *Isaia. 61. 3.*

Dulce, precor tenero CORDI crucis insere lignum.

Facundâ crescet nobilis arbor humo.

LECTIO X.

Crucis in CORDE plantatio.

EMEL

49^a*Plantatio Domini ad glorificandum.**Isaïæ. 61. 3.**Dulce, precor, tenero CORDI Crucis insere
lignum;**Fœcundâ crescet nobilis arbor humo.*

ENIAT Dilectus meus
in hortum suum, non qui-
dem ut Lilia colligat, aut *Cant. 5. 1.*
comedat fructus pomo-
rum suorum: sed ut quasi
colonus & Agricola, rur-

sum plantet Paradisum voluptatis, si-
cut plantaverat ab initio. Repurgavi *Gen. 2. 8.*
terram CORDIS mei à vepribus & *Isa. 5. 2.*
spinis, lapides selegi ex ea, & sarculo
pœnitentiæ suffodi eam. Quid igitur re- *Isaia 17.*
stat, ô cœlestis Hortulane, nisi ut ve- *10.*
nias, & plantes plantationem fidelem? *Pf. 107.*
Paratum COR meum Deus, paratum COR *2.*
meum! tempus plantationis advenit: veni, &
planta

planta hortum tuum , transfer lignum vitæ
de monte Calvariæ , & infere illud humo
CORDIS mei. Nobiliori sanè plantâ vernare
non potest terra nostra , meliore ligno
decorari non potest hortus noster. Est si-
quidem

Crux fidelis , inter omnes ,

Arbor una nobilis ;

Nulla silva talem profert ,

Fronde , flore , germine.

Livius.lib.
1.

Fuerit olim infamis stipes , lignum ignomi-
niosissimum , arbor infelix ; postquam ta-
men in eâ salus mundi suspensa fuit , om-
nis illi ignominia detracta est , atque , ut
Sybilla cecinit ,

Syb. apud
Sozom.
lib.2.c.1.

Est lignum felix , in quo Deus ipse pependit.
Ipse enim Rex regum contactu membro-
rum suorum decorem & honorem huic li-
gno attulit ,

Sedul.l.4.
Carm.

violentaq; robora membris

Illustrans propriis , pœnam vestivit honore ;

Ipsaq; sanctificans in se tormenta beavit.

Ecli. 24.
19.

Hæc est igitur Arbor nobilissima , in nobi-
lissimo Paradisi mei loco collocanda. Ar-
bor mali punici , unde suavè rubens , hians-
que pendet speciosissimus fructus , regiâ
coronâ insignitus : hæc est Cedrus Libani ,
& Palma exaltata in Cades. Arbor hæc
quasi oliva pullulans , & Cypressus in alti-
tudi-

rudinem se extollens; immò, ut quidam
cecinit,

Vberior palmâ, platano formosior Arbor, Balduin.
Fertilior citro, nobiliorq; cedro : Cabil. in
Durior hæc ebena, buxiq; perennior umbra, Magdal.
Quæ sibi pomiferum sola sit apta nemus. l. 5. Epi-
Quàm decora; quàm suavis est hæc Ar- gram. 83.
bor, quæ nihil lethi habeat, sed tota læ-
titiæ sit. Semper enim lignum Crucis vi- Bernard.
tam germinat, fructificat jucunditatem, Ser. de S.
oleum lætitiæ stillat, balsamum sudat spi- Andrea.
ritualium charismatum: non est silvestris
arbor, lignum vitæ est apprehendenti- Prov. 3.
bus illam. Oliva est, uncti Messiae pingue- 18.
dine & misericordiæ visceribus redun- Cant. 1. 2.
dans; oleum enim effusum nomen ejus, de Ioan. 1.
cujus plenitudine omnes accipiunt. Crux 16.
est vinea Engaddi, Botrum Cypri nobis Cant. 1.
exhibens, è quo vinum compunctionis 13.
bibere liceat. Crux arbor est dignissima,
semper virens,

Arbor, cui nostra stemma salutis inest. I. Boch. in
Ipsa Dei pietas ramorum amplexibus hæret, Carm. ad
Et riguis Christi Sanguine vernat apex. Lipsij lib.
De trunco fidei pendent mysteria nostra, de Cruce.
Majestate Deus, corpore verus homo.
Radicem cruor innocui purissimus Agni,
Qui lavas humana vulnera sortis, alit.

O CRUX

O Crux, ô columen, spes unica, planta salutis;

O lignum ætherij fertile depositi.

Quid mirum igitur ; si unam hanc tam speciosam, tam frugiferam Arborem, præ omnibus CORDI meo eligam inserendam, cum omnes fructuum ubertate superet ? Desidero, ô Dilecte mi, ut usque adimum CORDIS mei fundum ; infigas mihi Arborem Crucis benedictæ, ut in eo radices agat, crescat, & refloreat ; ut

Galat. 2. vivam jam non ego, sed vivat in me Chri-

20. stus, & hic Crucifixus. Quod si lignum

Psal. 1. 3. hoc plantari desideret secus decursus aquarum, ut proferat fructum in tempore suo ; affundam radici ejus copiosissimos lacrymarum rivos, quibus novellam plantationem rigabo : neque imbre mihi deesse poterunt ; si enim Crux mihi figatur in CORDE, amore Amoris illius, qui in eâ pro me suffixus est, COR compunctum scaturiet fontem lacrymarum, cujus exitus deducant oculi mei die ac nocte. Quidni enim hoc sperem contactu salutari hujus

Exod. 17. ligni, si arida virga Moyfis è durissimo saxo

6. fontem profluum elicuit.

SED quo emolumento hanc Arborem ita in horto meo plantari concupiscô ? nisi ut cum Sponsâ dicâ : Sub umbrâ illius, quem desideraveram, sedi ; & fructus ejus dulcis

dulcis gutturi meo. Refrigerum peto ,
 & refectiōem : refrigerium ab umbrâ ,
 ut scapulis tuis obumbres mihi , tu hujus *Pf. 90. 4.*
 Arboris fructus suavissime, cui diximus: In *Theren. 4.*
 umbrâ tuâ vivemus. Nathanaël sub arbore *20.*
 fici videtur , David in umbra alarum tua- *Ambr. in*
 rum sperat , Zachæus in arborem Syco- *Pf. 118.*
 mori ascendit , ut te , Dilecte mi , videat. *Pf. 16. 8.*
 Ego verò sub hac Arbore sedeo , in qua ex- *Luc. 19.*
 pandisti manus tuas , ut totum mundum *5.*
 obumbrares : sedeo, inquam, ut Crucis tuæ
 velamento à malignitate sæculi, & Corpo-
 ris ardore protegar atque defendar. Quos
 enim adussit libido , hos , ô Domine Iesu ,
 Crux tua refrigerat , in quâ te reclinasti, ut
 nostra delicta susciperes. Confugiat , Do-
 mine , COR meum sub umbrâ alarum tua- *August.*
 rum , ab æstibus cogitationum hujus sæcu- *Meditat.*
 li , ut in tui refrigerij temperamento ab- *cap. 37.*
 sum cantet & dicat : In pace , in idip- *Pf. 4. 9.*
 sum dormiam & requiescam. Refectiōem
 quoque mihi dabit hæc Arbor , cujus fru- *Cant. 2. 3.*
 ctus dulcis gutturi meo. Cetera quidem *Bernard.*
 silvarum ligna , etsi umbram solatij ha- *Serm. 48.*
 beant; sed non vitæ refectiōem , non fru- *in Cant.*
 ctus perpetuos salutis : unus est enim vitæ
 Auctor , unus Mediator Dei & hominum *1. Timot.*
 homo Christus Iesus, qui dicit Sponsæ suæ: *2. 5.*
 Salus tua ego sum. Hic est fructus ligni vi- *Pf. 34. 3.*

*Orig. ho-
mil. 13.
in Cant.*

tæ gratus, suavis, & immortalitatem præbens. O Domine, da mihi hunc fructum, dulcem fructum CORDI meo; altus est, attolle desiderium; benedictus est, sanctifica obsequium; imputribilis est, purifica affectum; suavis est, lætifica COR; ut in te solo delectetur, qui es potissimus fructus potens illud in æternum satiare.







DEDICATIO CORDIS TITVLO CRVCIS.

Titulus Domini, iuxta terminum altaris erit in
 signum et in testimonium Domino exercituum. *Isaie. 55. 12.*

Hec titulo, tibi, Christe, COR hoc, dico, consecro totum:

Nolo quod esse meum, si queat esse tuum.

50.

Pag. 513.

LECTIO XI.

Dedicatio CORDIS Titulo
Crucis.

EMBL.
50.

Titulus Domini juxta terminum Altaris, erit in signum, & in testimonium Domino exercituum.

Isaïæ. 19. 19.

*Hoc Titulo, tibi Christe COR hoc, dico, consecro
totum,*

Nolo quod esse meum, si queat esse tuum.



CONSIDERA, ô Anima mea,
Sponsum tuum non uno modo
COR tuum sibi velle præberi.
Vult enim illud sibi vendi pretio regni cælestis; vult sibi dari in munus gratuitum; vult sibi offerri in Sacrificium gratiarum actionis, pro eo quòd tradidit semetipsum oblationem, & hostiam Deo in odorem suavitatis. Templum quoque desiderat in CORDE tuo sibi construi, in quo *Ephes. 3.*
habitet; idemque optat esse Altare, in quo *2.*
spirituales ei hostiæ offerantur. Sequere, Anima mea, votum Sponsi tui, & Templum
K k hoc

hoc ei consecra; sanctificatum hoc Altare illi dedica. Quomodo verò, quibusve verbis solemnem hanc dedicationem perficies? Non aliis sanè, quam iis ipsis, quæ Pilatus coronato capiti Amoris tui in Titulum superposuit. Si enim Martyrum Basilicæ, & prima Christianorum Templi dicta sint Tituli; quidni conveniat Titulo Crucis Dominicæ spirituale CORDIS Templum Domino consecrari. Constructurus Iacob Altare Domino, erexit lapidem in Titulum: erige & tu Titulum Dilecti tui super lapidem Altaris CORDIS tui, ut fiat quoque Bethel, id est, Domus Dei.

Ioan. 19.
19.

Gen. 29.
8.

Act. 17.
23.

Isaia 44.

5
Ps. 75. 2.

Ps. 44. 1.

1. Tim. 1.

17.

Matth.

15. 19.

SUPERSTITIOSI Athenienses Aram suam inscripserant, Ignoto Deo. Ego verò non sic; sed dicam: Domini ego sum, & manu mea scribam, Domino. Noto, inquam, in Iudæa Deo, CORDI meo cognito, CORDIS mei Cognitori & Conditori consecrabo Aram CORDIS mei. David, dum eructaret COR ejus verbum bonum, dicavit opera sua Regi: tibi verò Regi immortalis & invisibili, Deo CORDIS mei, dico ego non modò opera mea; sed ipsum operum fontem COR meum, unde exeunt cogitationes meæ, laudationis tuæ. Tibi Iesu Nazareno Regi Iudæorum aram CORDIS mei æternum dico, consecroque:

tot enim titulis COR totum tuum est, quot
 Titulus hic tuus verba præfert. Debetur
 enim tibi, ô Iesu Salvator, COR illud, pro
 quo salvando in Cruce mori dignatus es.
 Tuus igitur sum ego, saluum me fac, quem *Ps. 118.*
 tanto pretio redemisti; saluum fac à vi
 tiis, & à meipso, ut non meus, sed tuus
 esse possim. Nazareno florido Sponso, &
 flori de radice Iesse, in arbore Crucis ve-
 nustissimè vernanti, lectulum floridum
 CORDIS mei ab eo consitum, ab eo cul-
 tum sponte offero: ut, si quæ ibi sint de *Cant. 6.*
 ejus munere, lilia colligat, & amore in
 Cruce languens, floribus meis utcumque
 fulciatur. Tu verò, ô Nazarene flos agri, *1.*
 & lilium convallium, pretioso Sanguine *Ps. 2. 1.*
 riga hunc hortum, ut denuò flores appa-
 reant in terra nostra. Regi super Sion
 montem sanctum constituto, qui glorio-
 sissimè regnavit à ligno, in quo suspensus
 fuerat, ut acquireret sibi regnum CORDIS *Rom. 6.*
 mei, & non regnaret in eo peccatum; Re- *12.*
 gi inquam, CORDIS mei, & amori meo
 crucifixo dedico COR meum; ut in eo ad *Matt. 6.*
 veniat regnum ipsius, sedeatque in illo tam- *10.*
 quam in præparato folio majestatis suæ:
 Quare

Rex Christe clementissime,
Tu CORDA nostra posside:

- Pf.* 118. Tu esto Rex meus, & Dominus meus; ut
 133. non dominetur mei omnis injustitia. Ju-
2. Cor. 3. dæorum Regi, regnanti super Judæos non
 6. litterâ, sed Spiritu, quorum CORDA circum-
 cisa sunt circumcisione spirituali, COR
 meum in perpetuum offero sacrificium.
 Rex diceris Judæorum, id est, confiten-
 tium, vel peccata sua, vel laudes tuas. Quare
Psal. 118. & ego confitebor tibi in directione COR-
 7. DIS omnes iniquitates meas, & prævarica-
Rom. 10. tiones CORDIS mei; ut fiat mihi confessio
 10. ad salutem. Dignus quoque es tu, Domi-
Philip. 2. ne Iesu, ut omne COR, & omnis lingua
 11. confiteatur gloriam nominis tui: sed &
Psal 137. ego confitebor tibi in toto CORDE meo, &
 1. collaudabo nomen tuum assiduè, nec eru-
Eccli. 51. bescam te coram Regibus & principibus
 1. terræ; ut cùm confessus fuero te coram ho-
Manth. 10. minibus, confitearis & me coram Patre tuo,
 22. qui in cælis est.

ECCE Domine, debitum tibi tot titulis
 COR meum, æterno affectu dedico tibi. Ag-
 nosce, quæso, inscriptionē Altaris hujus, Ti-
 tulo Crucis tuæ exaratam, tibi quæ illud vè-
 dica, ut numquam profanetur, aut ad deos
 alienos transferatur. Scripsi manu meâ, &
 inscripsi tibi possessionem Altaris hujus:
Joan. 19. reclaimer licet caro, obganniat mundus,
 22. contradicat diabolus; quod scripsi, scripsi.
 Non

Non refigo Titulum quem posui, non corrumpo Tituli inscriptionem. Quinimò sit mihi hic Titulus pro fortissimo præsidio, & munitissimâ tutelâ: siquidem Titulus, quasi tutulus à tuendo dictus est. Sit, inquam, mihi turris fortitudinis à facie inimici, ut ex inscriptione Tituli, videns in cuius possessione sit locus cui præponitur, longè fugiat ab eo, sciens, quòd nemo possit tibi resistere.

ITA enim (Augustino teste) ne domum alicujus invadat aliquis potens, ponit ibi Titulos potentis; ut cum Titulus lectus fuerit, conterritus quis potentiâ nominis, abstineat se ab invasione. Et quando potens aliquis invenerit Titulos suos, jure rem sibi vendicat, & dicit: Titulos meos posui, mea res est. Sic & qui Baptismum tuum, Christe Jesu, habemus, non delemus Titulos; sed agnoscimus Titulos Regis nostri, Titulos Imperatoris nostri. Sed quid dicimus? ô domus misera, ille te possideat, cujus Titulos habes: Christi Titulos habes, noli esse diaboli possessio. Tua sit ergo, Domine Jesu, possessio Cordis mei, Titulo tuo prænotata; sitque oro, mihi pro regiis velis (ut vocabat Justinianus) regiisque cortinis (ut Ambrosius loquebatur) sive, Sauve Garde,

Festus

verb. tit.

& Varro

lib. 6. de

ling. lati-

na.

In Ps. 21.

in Exposit.

lectus 2.

E. nequis.

C. ut nemo

priv.

Amb. Ep.

33. ad

Marcell.

Titulus tuus, qui contra adversariorum impetus domum CORDIS mei custodiat.

Isaia 19.
19.

AGNOSCE igitur, Domine, hanc scripturam, & tuere tuam creaturam; fiatque spirituali quodam modo in me illud, quod apud Isaiam scriptum est: Titulus Domini juxta terminum Altaris erit in signum, & in testimonium Domino exercituum. Sit, inquam, Titulus Domini mei positus juxta, vel supra terminum CORDIS mei, in signum & testimonium Domino exercituum: quod nempe Cruce & Passione suâ me sibi redemerit; ideoque ex Titulo hoc agnoscat me suum; agnoscat quoque ab aliis redemptus Jesu Christi, æternumque Regis mei mancipium glorioso ejus Titulo insignitum.





APERTIO CORDIS
LANCEA[^] LONGINI.

Vulnerata charitate ego sum. Cant. 2. 5.

COR. pia. transadigat diuini vulnere amoris.

Lancea, que Jesu tincta cruore rubet.

51.

Pag. 519.

LECTIO XII.

EMBL.

51.

Apertio CORDIS Lancea
Longini.

Vulnerata charitate ego sum.

Cant. 2. 5.

COR, pia transadigat Divini vulnere amoris
Lancea, qua Iesu tincta cruore rubet.

NON timore tantum, sed & amore tuo, Amator CORDIS mei dulcissime, configi desidero: non enim te in Cruce timor detinuit, sed amor. Magis enim amore mei quàm ferreis istis clavis Cruci affixus eras. An non igitur melius amore tibi conjugungi, quàm timore? timor enim habet poenam, perfecta autem charitas foras mittit timorem. Sed quàm dives es, Domine, in 1. Ioan. misericordia & miserationibus, qui non 4. 18. passus es in Passione tua quidquam deesse, Eph. 2. 4. quod nostræ saluti quoquo modo posset deservire. Instrumenta enim Passionis tuæ, facta sunt instrumenta perfectionis nostræ.

Ioan. 19.

34.

Bernard.

Serm.

Signum

magnum.

Luca 2.

35.

Funes enim tui COR nostrum ad te trahunt, Columna tua COR sustentat, Flagella excitant, Corona munit, Clavi timore tuo COR configunt. Quid restat, quæso, nisi ut Lancea tua amore COR lauciet? Postquam enim jam mortuus eras, unus militum Lanceâ sacratissimum latus tuum aperuit, & quidem Animam tuam non attigit crudelis lancea, sed Matris utique tuæ Animam pertransiuit. Tua, Domine, Anima, jam ibi non erat sed Matris tuæ planè inde nequibat avelli. Tuum igitur Corpus, non Animam: Matris verò Animam non Corpus

Breviar.

Rom.

Mucrone diro lancea

Longinus ille Centurio vulueravit. O quàm velim, ut integro Corpore, eadem lanceâ transverberes Animam meam, & COR meum amoris tui cuspide salubriter vulneres: potens est enim hæc lancea frigidum COR meum amoris igne succendere. Postquam enim ferventissimam fornacem æstuantis amore pectoris tui introiuit, eodem igne candens & fervens regressa est. Non jam ampliùs riget, aut friget hoc ferrum, calido Sanguinis tui imbre tinctum: suavis est hasta quam Dilecti mei purpura vestit, cruor diluit, amor efficit ignitam. Hac igitur lanceâ transfige pectus

pectus & COR meum; transfige, dulcissi- *Bonavent.*
 me Domine Iesu, medullas ac viscera *in Stim.*
 Animæ meæ, suavissimo ac saluberrimo *divini*
 amoris tui vulnere, verâ, serenaque, & *amoris.*
 Apostolicâ sanctissimâ charitate, ut lan-
 gueat & liquefiat Anima mea solo semper
 amore & desiderio tui. Meritò mihi re-
 posco vulnera, quia vulneratus es propter *Isa. 53. 5.*
 iniquitates nostras: amore tuo vulnerari
 expoto, qui amore mei multò validiùs
 quàm lanceæ mucrone vulneratus es. Un-
 de & dixisti: Vulnerasti COR meum, soror *Cant. 4. 9.*
 mea Sponsa, vulnerasti COR meum in uno
 oculorum tuorum, & in uno crine colli
 tui. Vulneratus ergo à me, Amor meus
 amoris vulnus reponere. COR enim meum *Greg. 1. 6.*
 malè sanum est, cùm nullo tui amore sau- *Moral.*
 ciatur; percussum autem charitatis spiculis, *cap. 14.*
 vulneratur in intimis affectu pietatis, ardet
 desiderio contemplationis: & miro modo
 vivificatur ex vulnere, quæ priùs mortua
 jacebat in salute. His me Vulneribus offe-
 ro, felicem me reputans hac lanceâ sau-
 ciari. Hæc sunt enim Vulnera, quæ osculis *Ambr. in*
 præferuntur: Utiliora vulnera amici, quam *Psal. 118.*
 voluntaria osculo inimici. Saucia ergo Do- *Prov. 27.*
 mine? pectus meum, ut cum Sponsâ di- *6.*
 cere queam: Vulnerata charitate ego sum. *Cant. 2.*
 Heu! heu, Domine mi, quare me fecisti,

Bonavent. si non debeo tibi esse conjunctus? quare
in prima non sum pariter tecum vulneratus? Pro
part. 6. 2. me, Domine, pro me vulneratus es, non
Stim. di- pro te; & tu vulnera portas, non ego. Quid
vini amo- est hoc? Ego debeo esse subjectum vulne-
ris. rum, & non tu: quia ego sum, qui peccavi,
 ego qui iniquè egi; sed tu, qui es innocens
 ovis, quid fecisti? Vertantur, obsecro,
 vulnera hæc in me, & in domum Patris
 mei. Redde nobis, Domine, redde vulne-
 ra nostra, ne tu, qui innocens es, nocens
 appareas, retinens vulnera aliena: aut
 saltem tecum vulnera C O R D A nostra.
 En mori volo, nisi vulneres mentem meam.
 Abhorreo videre C O R meum non vul-
 neratum, cùm videram te Salvatorem sic
 pro me vilissimo Cruci affixum. Aut ergo,
 Domine Iesu, me tecum convulnera, aut
 certè da mihi licentiam transverberandi
 meipsum materiali gladio. Nolo enim,
 Domine, sine vulnere vivere, quia te vi-
 deo vulneratum. O Domine, quare mi-
 hi quod peto non tribuis? Si te offendi,
 pro justitia C O R meum vulnera. Si tibi
 servivi, nunc pro mercede peto vulnera.
 Et ubi est, Domine, ubi est pietas tua? ubi
 est immensa clementia tua? quare fa-
 ctus es mihi crudelis, qui semper fuisti
 benignus? Quare factus es mihi amarus,
 qui

Cap. 3.

qui semper fuisti dulcis & pius ? Quare factus es mihi avarus , qui semper fuisti liberalis & largus ? Non peto à te , Domine, Solem , neque sidera ; sed peto vulnera. Quid est hoc , quòd sic de istis vulneribus es avarus. Aut à me, Domine, vitam auferas corporalem , aut COR meum vulnera. Verecundum enim & opprobriosum est mihi , videre Dominum meum Iesum vulneratum , & me servum vilissimum pertransire illæsum. Rogo te per illa salutifera vulnera tua , quæ passus es in Cruce pro salute nostra , è quibus emanavit ille pretiosus Sanguis , quo sumus redempti : vulnera hanc Animam meam peccatricem, pro qua etiam mori dignatus es : vulnera eam igneo & potentissimo telo tuæ nimix charitatis. Vivus est enim sermo Dei , & efficax , & penetrabilior omni gladio anticipiti. Tu sagitta electa, & gladius acutissimus , qui durum scutum humani CORDIS penetrare tuâ potentiâ vales : confige COR meum jaculo tui amoris, ut dicat tibi Anima mea : Charitate tuâ vulnerata sum : ita ut ex ipso vulnere amoris tui uberrimæ fluant lacrymæ die ac nocte. Iterum rogo te , Amor meus , ut

Per medullam CORDIS mei
Peccatoris , atque rei ,

*August. in
Meditat.
cap. 37.*


Heb. 4. 12

Cant. 2. 5.

*Ex ryth-
mis S.
Bernard.*

Tuus

*Tuus Amor transfigatur ;
Quo COR totum rapiatur
Languens amoris vulnere.
Da COR CORDI sociari ,
Tecum JESU vulnerari :
Nam COR CORDI similatur ,
Si COR meum perforatur
Tua mucrone lancea.*





MVSTVM CORDIS E
TORCVLARI CRVCIS.

Vinum latificet COR hominis . *Psal. 103. 15.*

En cypri premitur botrus, COR excipe, grata.

De torculari, quæ cruce vina fluunt.

52 .

Pag. 525

LECTIO XIII.

Mustum CORDIS è Torculari
Crucis.

EMBL.
52.

Vinum latificat COR hominis.
Psal. 103. 15.

*En Cypri premitur botrus, COR excipe, grata
De torculari qua Cruce vina fluunt.*



UAM bonus Israël Deus, his
qui recto sunt CORDE! Quid Ps. 72. 1.
enim non præstas Animæ di-
ligenti te, quæ omnia habet
in te, & cui tu es omnia? Si à vulnere cura-
ri desiderat, medicus es: si febribus æstuat,
fons es: si gravatur iniquitate, justitia es:
si indiget auxilio, virtus es: si mortem ti-
met, vita es: si tenebras fugit, lux es: si du-
bia fluctuat, veritas es: si perire metuit, salus
es: si cælum appetit, via es: si esuriat, cibus
es: si sitiat, potus es. Confiteantur tibi, Do- Ps. 108. 6.
mine, misericordiæ tuæ, quas multiplicasti
super filios hominum. Dedisti enim eis fru-
mentum, & vinum, quod in jucunditatem
à

- Eccli.* 31. à te creatum est : Exultatio enim Animæ
3. & CORDIS , vinum moderatè potatum.
At dolendum est , quòd optimo dono tuo
passimè abutantur homines: usque adeò , ut
fiat illis beneficium tuum in venenum. Vi-
Osee. 4. num enim lætificandis CORDIBUS natum ,
11. aufert COR multosque exterminavit ; ut
non immeritò dixerit Apostolus tuus : Bo-
Rom. 14. num est non bibere vinum. Verùm, multò
21. pretiosius vinum servasti Animæ nostræ ,
Domine Deus , vinum sanè præstantissi-
Zachar. 9. mum , vinum germinans Virgines, de Vir-
17. gine carnem profluens , viteque illâ quam
Ioan. 15. 1 plantavit cælestis Agricola, Pater tuus. Bo-
Cant. 1. trus Cypri Dilectus meus mihi , in vineis
14. Engaddi. Tu enim , Dilecte mi , instar
botri vinearum Engaddi , ex vicinis fructi-
bus aromaticis suaveolentis , ad Crucis
torcular expressus , nostra propitiatio &
expiatio factus es , atque vinum hoc quod
Pf. 103 3 lætificat COR hominis , in Eucharistico
Calice nobis propinas. Hoc est poculum
Cant. 8. 2. ex vino condito, & mustum malorum gra-
Num. 13. natorum. Tu botrus terræ promissionis ,
24. quem duo exploratores ad filios Israël è
vecte suspensum detulerunt. Quis enim
August. est racemus ex ligno pendens , nisi Amor
Ser. 100. meus in Cruce appensus ? Botrus hic spiri-
de temp. talis vindemiæ , sacrae Passionis tuæ tem-
pore

ore prælo Crucis expressus, vinum læti-
 æ fidelibus exhibet. Tunc enim torcular *Isaia 63.*
 alcasti solus, & aspersus est Sanguis super *3.*
 uestimenta tua, & omnia indumenta tua
 inquinasti. Tanti tibi stetit, Domine, ut si-
 enti Sponsæ vinum sacratissimi Sanguis
 tui exprimeres. Sed & lavisti in vino *Gen. 49.*
 stolam tuam, & in sanguine uvæ pallium *11.*
 tuum. Stola autem hæc tua est Ecclesiā, *Orig. in*
 quam mundasti tibi Sanguine tuo non ha- *Gen. be-*
 entem maculam aut rugam. Quando ve- *mil. 17.*
 b sanguis uvæ dicitur, quod aliud vinum, *Ephes. 5.*
 uam Calicis Domini Sanguis ostendi- *16.*
 ar? Hunc porrò Sanguinem uvæ non tan- *Cypria.*
 tum effudisti in remissionem peccatorum; *Epist. 63.*
 sed etiam in potum longè suavissimum *Matt. 26.*
 Ecclesiæ tuæ reliquisti. An non enim ipse *28.*
 ore tuo Sancto & benedicto dixisti: San- *Ioan. 6.*
 guis meus verè est potus. Et qui bibit *55.*
 neum Sanguinem, manet in me, & ego in
 o. Nec reliquisse tantum Amori tuo satis
 uit, sed suavissimè etiam nos ad biben-
 tum invitas. An non hæ tuæ voces? Si quis *Ioan. 7.*
 itit, veniat ad me, & bibat. Omnes sitientes *36.*
 venite ad aquas, & qui non habetis argen- *Isaia 55.*
 tum, properate, emite, & comedite: Venite, *1.*
 emite absq: argento, & absque ulla commu-
 atione vinum & lac. Quàm dulcia verò
 hæc tua apud Sapientem verba: Venite, *Prov. 9 5.*
 come-

comedite panem meum, & bibite vinum
quod miscui vobis. Relinquitte infantiam,
& vivite, & ambulate per vias prudentiæ.
Quid dulcius, quid voluptuosius nobis
hac benignissimâ tuâ invitatione, Spon-
se charissime? Quin & prælibatoris offi-
cium subire non renuis, ipse prior prægu-
stans Calicem, ad quem invitās; agnosco
enim vocem tuam: Comedi favum cum
melle meo, bibi vinum meum cum lacte
meo: Comedite amici, & bibite, & inebria-
mini charissimi. Quid ultrâ addi, aut exco-
gitari posset? Eheu Domine, quanto desi-
derio desideras teipsum communicare no-
bis! quàm ardentem concupiscis, ut

Breviar.

Lati bibamus sobriam

Roman.

Ebrietatem Spiritus.

Ambros.

Serm. 13.

in Psal.

118.

Bona enim ebrietas, quæ ad meliora, atque
iucunda, quemdam facit mentis excessum:
ut immemor sollicitudinum Animus no-
ster, vino jucunditatis hilaretur. Inebria-
tæ fuerunt hoc vino charissimæ tibi Spon-
sæ, S. Catharina Senensis, & S. Lutgar-
dis: quas tu benignissime Rex introduxisti
in cellam vinariam, & potasti vino de Sa-
cratissimo Lateris tui vulnere scaturiente.
Illam enim, cum post insignem mortifica-
tionis actum, quo diabolum, propriamque
naturam debellavit, vulnere Lateris tui ad-
movisti,

*Surius. in
vita.*

movisti, & ineffabili potu ita refecisti, ut
 deinceps cibum capere nequiverit. Huic *Cantip.
lib. 1.
vita S.
Lutgar-
dis.*
 autem, Cruci affixum, & cruentatum te
 obvium exhibuisti, depositoque de Cruce
 brachio eam amplexans, os ejus vulnere
 Lateris tui applicuisti: unde tantam hau-
 sit suavitatem, ut in Dei servitio semper &
 robustior & alacrior fieret. Unde & saliva
 oris ejus mellis dulcedinem superabat:
 neque id mirum, quando COR illius &
 divinitatis tuæ mel, & humanitatis lac ru-
 minabat. Quis mihi det, ut quod illis
 visibiliter exhibere dignatus es, idem
 CORDI meo invisibiliter etiam præstes?
 Ecce, Domine, provocatus tuâ invitatio-
 ne, provocatus harum exemplo, venio
 etiam ad te: introducas me, quæso, in cel-
 laria tua, ut hauriam de fontibus Salvato- *Isa. 12. 3.
Ejther. 1.*
 ris mustum spiritualium deliciarum, bi-
 bamque vinum illud magnificentia regiâ
 dignum, quod fluit de torculari tuo. Eia Do-
 mine, dignare ut excipiam illud in mundissi-
 mo vasculo CORDIS mei, & refocillem si-
 rientem Animam meam. Quemadmodum
 enim desiderat Cervus ad fontes aquarum, *Ps. 41. 1.*
 ita desiderat Anima mea ad te Deus. Sitivit
 Anima mea ad Deum fontem vivum: ô quando
 veniam, quando inveniam potum Animæ
 meæ, instar testæ præ siti exarescentis!

- August.* O fons vitæ ! vena aquarum viventium ,
soliloq. quando veniam ad aquas dulcedinis tuæ ,
cap. 35. de terra deserta , & invia , & inaquosa ;
Is. 62. 3. ut satiem ex aquis misericordiæ tuæ sitim meam ? Sitio, Domine, Fons vitæ es ;
 satia me. Sitio, Domine, sitio te Deum vi-
Deut. 32. vum. Sitio Sanguinem uvæ meracissimum.
 14. Eja Domine, inebria me, ut dicat tibi Ani-
Psf. 22. 5. ma mea : Calix tuus inebrians quàm præ-
Cyprian. clarus est ! Quia Sanguis tuus bibentes sic
Epist. 63. inebriat, ut sobrios faciat, & mentes ad spi-
 ritualem sapientiam redigat; ut à sapore isto
 sæculari, ad intellectu Dei unusquisq; respi-
 piscat. Et, quemadmodum vino isto com-
 muni mens solvitur, & Anima relaxatur,
 & tristitia omnis exponitur : ita & potato
 Sanguine Domini, & poculo salutari, ex-
 ponatur memoria veteris hominis, & fiat
 oblivio conversationis pristinæ sæcularis,
 & mœstum pectus ac triste, divinæ indul-
 gentiæ lætitiâ resolvatur. Lætificet ergo
 vinum hoc COR meum, ut non recordetur
Prov. 31. doloris sui, sicut scriptum est : Date sice-
 9. ram mœrentibus, & vinum his qui amaro
 sunt Animo; bibant & obliviscantur æge-
Sap 12. 1. statis suæ. Ubi ergo gustaverit COR meum
Euc. 1. quàm suavis est Dominus, exultet Spiritus
 meus in Deo salutari suo.

O quàm

O quàm dulcis sapor iste,
 Qui te gustat, Iesu Christe,
 Tuo victus à dolore,
 Mori posset pro amore,
 Te unum amans unice?

Sed & hoc insuper peto, ut salutaris hic
 potus emundet COR meum ab omni pec-
 cato. Si enim sanguis Hircorum, aut Tau- *Hebr. 9.*
 torum, inquinatos sanctificat ad emunda- *13.*
 tionem carnis; quantò magi Sanguis tuus,
 Domine Iesu, emundabit conscientiam
 meam ab operibus mortuis, ad serviendum
 Deo viventi? Verè beati, qui lavant stolas *Apocal.*
 suas in Sanguine Agni, ut sit potestas eo- *22. 14.*
 rum in ligno vitæ! Rogo igitur te

Pie Pellicane Iesu Domine,
 Me immundum munda tuo Sanguine, *Es D.*
 Cujus una stilla salvum facere *Thoma.*
 Totum mundum possit omni scelere.



LECTIO XIV.

FMBL.

53.

Azylum CORDIS in Latere
Vulnerato.*Esto quasi Columba nidificans in summo ore foraminis. Ier. 48. 28.**Fas Lateris thalamo latitare, & amoris azulo,
Et COR cum Domini jungere CORDE mei.*

Ps. 24. 1.

Ps. 30. 3.



Ps. 89. 1.

Ps. 83. 4.

Cant. 2.

13.

De te Domine levavi Animam meam, & clamavi per singulos dies: Esto mihi in Deum protectorem, & in domum refugij, ut saluum me facias, Sed ut video te in Cruce extensum, ibi Domine refugium factus es nobis. In vulnere enim transfixi Lateris tui apertum est ostium, per quod introire possimus in civitatem refugij: ibi, ô Domine, passer invenit sibi domum, & tortur nidum sibi, ubi ponat pullos suos. Nec tantum ad hoc azylum & propugnaculum Lateris tui nos admittere dignaris; sed suavissimè etiam invitas, dicens: Surge amica mea, speciosa mea,

&



AZYIVM CORDIS IN
LATERE VVLNERATO.

Esto quasi Columba nidificans in
summo ore foraminis. *Jerem. 48. 28.*

Fas lateris thalamo latitare, et amoris azylo.

Et COR cum Domini iungere CORDE mei.



& veni : columba mea in foraminibus petrae, in caverna maceriae. Et per Prophetam : Relinquire civitates, & habitate in *Jer.* 48. petra, habitatores Moab; & estote quasi columba nidificans in summo ore foraminis. 28. Quàm dulce hoc faucibus meis eloquium *Pf.* 118. tuum, Domine? Haftenus enim gemens in 103. valle lacrymarum, in loco quem posuisti, ascensiones in CORDE disponebam, & dicebam. *Pf.* 83 6. Quis dabit mihi pēnas sicut columbae, & volabo & requiescam? *Pf.* 54 7. Nunc autem ô optatissima requies mea, tu dicis : Veni *Cant.* 2. columba mea in foraminibus petrae, in caverna maceriae; & esto quasi columba nidificans in summo ore foraminis. Et quænam hæc foramina petrae, nisi Vulnera manuum & pedum, Domine? Et quænam caverna maceriae, nisi Vulnus lateris, quod lanceâ factum est. Quàm tuta firmaque in firmis securitas & requies in vulneribus Salvatoris? Petra refugium herinacii, petra autem est Christus; in petra se columba tutatur, & circum volitantem intrepida intuetur Accipitrem : fremit mundus, fremit corpus, diabolus insidiatur, non cado, fundatus enim sum supra firmam Petram. *Matt.* 7. 24.

E I A igitur, Anima mea, si de adolescentularum adhuc numero es, quæ vaga

Cant. 1.
6.

Proverb.
30. 26.

Iob. 39.
28.

Ierem.
48. 28.

Deuter.
32. 11.

Isaia 2.
10.

Breviar.
Roman.

Ioan. 1. 1.

Ioan. 19.
34.

sequeris vestigia sodalium tuorum, & peccatorum aculeis instar herinacij etiamnum horres; pone refugium tuum in hac petra. Si incipientium concubinarum consortium adeptus es, esto quasi lepusculus, plebs invalida, qui in petra ponit cubile suum. Si Reginarum, proficientium statum attingisti; velut aquila, in arduis pone nidum tuum, mane in petra hac. Si verò jam miserentis Sponsi dignatione, ad unicæ columbæ dignitatem evecta es, nidifica in summo ore foraminis, occupa cavernam maceriarum. Hic enim suges mel de petra, oleumque de saxo durissimo. Ingredere, ingredere Anima mea in petram, ibique abscondere; nusquam enim extra eam requiem invenies, nusquam tibi melius erit.

FELIX es tu, ô Sancte Ioannes, cui privilegio amoris precipui concessum est supra pectus Domini in coena recumbere, & fluenta Evangelij de sacro Dominici peccatoris fonte largius potare: hinc scilicet altius ceteris intonas, & Verbum, quod erat in principio apud Deum, mundo cructas! Felix, ô lancea Longini, cui sacrum Latus aperire, & Domini Sanguinem haurire licuit! Invideo rigido frigidoque huic ferro tanti honoris prærogativam.

UTINAM, utinam Amor, ingeniosus
Faber,

Faber, COR hoc in lanceam recudat, Dominicum Latus subituram. An non enim natura trigonum COR effecit, & in morem triformis cuspidis exacuit? Hoc igitur hastæ impositum, currat in pectus Domini, & amoris vulnere Dilectum sauciet. Liceat tantum, Amor meus crucifixe, non facile semel admissum COR meum intra dulcissima amoris limina, inde egredietur; non ut militis illius lancea facto vulnere redibit, sed perpetuò immorari, immerique volet purpureo huic amoris thalamo, roseoque Sponsi sui lectulo.

FORTUNATE nimirum Thoma, qui invitatus à Domino, manum in Vulnus hoc sacrati pectoris immisisti. Sed & tibi licet, Joan. 20. 27.
 Ô Anima mea! aperuit enim Longinus ostium per quod ingredi possis. Accede ergo ad Deum CORDIS tui, ad COR Dei tui, in quo tabernaculum tibi figas, domiciliumque constituas. Iunge hîc COR tuum CORDI amoris tui, non digitum, non manum: sed COR jaculare in patentem hunc Dilecti tui thalamum. En patet fenestra in latere Arcæ salutaris, frustra cum corvo Gen. 8.6. vagaris, frustra circa cadavera mundi moraris: Ingredere ad Noë in Arcam, ut salveris in diluvio aquarum multarum. Et Psalm.
 dic: Hæc requies mea in sæculum sæculi: 131.14.

- Surius in* hîc habitabo , quoniam elegi eam. Habi-
eius vita tabat ibi Beatus Elzearius Ariani comes, ad
 27. *Sep-* quem diutius absentem cùm famulum uxor
temb. ca. misisset ; respondit per litteras : Sanus cor-
 30. pore sum & sospes ; quòd si verò videre
 me cupis, quære in vulnere Lateris Christi ;
 ibi habito , ibi poteris me invenire, frustra
 alibi quæsitura. Hoc quoque deinceps erit
 habitaculum CORDI meo : per hoc ostium
Ioan. 10. si introiero, pascua inveniam, panemque in
 9. fornace amoris mei coctum. Hîc cella vi-
Cant. 8. 2. naria multo malorum granatorum redun-
 dant : hîc apotecha medicamentorum sa-
Matth. 9. lutarium , omnem curans languorem ,
 35. omnem sanans infirmitatem. Vulnus hoc,
 mi Domine , est refrigerium & levamen
 omnium afflictorum, civitas refugij omniũ
 fugientium à facie iræ Dei , ad misericor-
Actor. 3. diæ tuæ asylum ; porta aurea , ante quam
 2. sedentes mendici peccatores , expectant
 eleëmofynam multiplicis misericordiæ
 Dei. Hoc vulnus ostium lateris Templi, &
Ezech. porta orientalis, præter quam non est aditus
 48. 10. ad vitam æternam , neque janua alia , per
 quam intret quis, ut stare possit coram Deo.
Rupert. Ad hanc Portam, ad hoc Templum, ad hæc
in cap. Sancta Sanctorum , ad hanc Arcam Te-
 16. *lib.* stamenti adorabo, & nomen Domini jugi-
 3. *Reg.* ter laudabo. Quàm bonum & jucundum ,

in hoc CORDE habitare ? Bonus Thesau- Bernard.
 rus, bona Margarita, COR tuum, bone Iesu, Ser. 20.
 quam effosso agro tui Corporis invenimus. de Passione
 Quis hanc Margaritam abiciat ? Quin po- Domini.
 tius dabo, omnia, omnes cogitationes &
 affectus mentis comutabo, & comparabo
 illam mihi, jactans omnem cogitarum in Psal. 54.
 COR Domini Iesu, & sine falacia illud me 23.
 enutriet. Eja igitur, ut cum mellifluo Ber-
 nardo tuo dicam,

Salve Latus Salvatoris,
 In quo latet mel decoris,
 In quo patet vis amoris,
 Ex quo scatet fons cruoris,
 Qui CORDA lavat sordida.

Bernard.
 in Ryth-
 mis.

Ecce tibi appropinquo,
 Parce Iesu, si delinquo:
 Verecundâ quidem fronte,
 Ad te tamen veni sponte,
 Scrutari tua Vulnere.

Salve mitis apertura,
 De qua manat vena pura;
 Porta patens & profunda,
 Super rosam rubicunda,
 Medela salutifera.

Plaga rubens aperire,
 Fac COR meum te sentire,
 Sine me in te transire,
 Vellem totus introire,

Pulsanti pande pauperi.

In hac fossa me reconde,

Infer COR meum profundè,

Vbi latens incalescat,

Et in pace conquiescat,

Nec prorsus quemquam timeat.







SPECVLVM CORDIS IN
QVINQVE VVLNERIBVS.

Inspice et fac secundum Exemplar quod
tibi in monte monstratum est. *Exod. 25. 40.*

Pro speculo CORDIS, COR aspice dulcis Jesu.

Imprimet hoc CORDI. vulnera viua, tuo.

LECTIO XV.

Speculum CORDIS in Quinque Vul-
neribus. EMBL. 54.

*Inspice, & fac secundum Exemplar, quod
tibi in monte monstratum est.*

Exod. 25. 40.

*Pro Speculo CORDIS COR affice dulcis IESU;
Imprimer hoc CORDI Vulnera viva tuo.*



UID Anima mea, quid Di-
lectus tuus Speciosus formâ *Ps. 44. 3.*
præ filiis hominum; à te re-
quirit, nisi ut ad imaginem
& similitudinem ejus composita, specie
tuâ & pulchritudine tuâ illi placere quàm
maximè studeas? Ut hoc autem aptè fa-
cere possis, necesse est, ut frequenter
consideres vultum nativitatis tuæ in Spe-
culo; ut ex eo agnoscens nævos tuos, *Jacob. 1.*
quamque deformis & incompta sis, teip- *23.*
sam expolias atque exornes, ut illo non
indigna videaris Sponsa, cujus pulchritu-
dinem Sol & Luna mirantur. Verùm, quis
tibi arte elaboratum Speculum exhibebit,
in

in quo te explores & contempleris ? Ipse qui tibi omnia est in omnibus, Sponsus tuus hoc præstabit : Candor est enim lucis æternæ, & Speculum sine macula Dei majestatis, & imago bonitatis illius. Verè enim Christus Dominus Speculum Dei Patris est, non tantum ut Dei Filius, divinitatis splendorem, & Patris Imaginem referens; verum etiam ut homo, radios divini illius splendoris è mundissimo ac nitidissimo sacrosanctæ humanitatis vitro ad nos reflectit, ac reverberat. Speculum es tu, Domine Iesu, præclarissimum, omni carens imperfectionis maculâ, omni quæ deformitate virtutis; quædam enim Deiformis species fulget in te. Tu liber vitæ, exemplar verum, perfectionis Speculum, forma rectè vivendi, perlucida via, religionis magisterium, cunctarum quæ norma virtutum. Tu ô Salvator noster, omnibus quicumque pietatem colere vellent, virtutes Speculum, ac pictura veluti proba, expressam effigiem quamdam in te proposuisti; unde cuncti, lineamentis tuis inspectis, (simile pro se quisque) in vitam suam exemplum transferrent. Si enim fideliter atque sapienter creationis meæ considero exordium, invenio sanè ideò ad imaginem Dei hominem conditum, ut imitator sui

Sap. 7.
26.

Laurent.
Justin. in
fascic.
amoris
cap. 2.
Idem lib.
de humil.
cap. 21.
Basil. con-
stit. Mo-
nast. c. 5.

Leo Ser.
I. de jeju-
nio.

sui esset Auctoris : & hanc esse nostri ge-
 neris dignitatem, si in nobis, quasi in quo-
 dam Speculo, divinitatis forma resplen-
 deat, ad quam tuâ gratiâ reparamur. Equi-
 dem cognovi, Domine, quia omnis tua
 actio, nostra est instructio; & tota vita
 tua, vitæ nostræ Speculum est : verumta-
 men in sacratissimis quinque Vulneribus
 tuis splendidissimum & nobilissimum mi-
 hi Speculum exhibitum agnosco. Specu-
 lum, inquam, quintuplex, in Vulnerum
 tuorum foraminibus excavatum, quod
 non modò me mihi repræsentat (ut pla-
 na Specula efficere solent) sed collectis in
 unum punctum radiis, calorem etiam
 emittit, & in objectam materiam eiacula-
 tur, eamque non rarò accendit. Ita con-
 cavo ustulantiqûe Speculo, Archimedes
 Syracusanus hostiles naves incendiisse nar-
 ratur. Quidni & Vulnerum tuorum con-
 cava Specula ignem illum in CORDE
 meo accendant, quem venisti mittere in *Luc. 12.*
 terram, & vehementer exardescere vo- *49.*
 luisti ? Præstitisti id amantissimæ Sponsæ
 tuæ S. Gertrudi; quæ dum ita clemen- *Insinuat.*
 tiam tuam exoraret : Scribe, misericordis- *divin.*
 sine Domine, Vulnera tua in CORDE *pietat.*
 meo pretioso Sanguine tuo, ut in eis le- *lib. 2. c. 4.*
 gam tuum dolorem pariter & amorem, &
 Vulne-

Vulnerum tuorum memoria jugiter in secreto CORDIS mei permaneat. Cum enim hisce occuparetur, sensit in CORDE suo, quasi corporalibus locis impressa colenda illa & adoranda sanctissimorum Vulnerum tuorū stigmata, quibus Animæ ejus Vulneribus medicasti, nec non poculum nectarij amoris propinasti. Quantum verò amoris ignem Vulnerum tuorum radiis in ejus

Isa. 59. 1. CORDE accenderis, quis enarrare sufficiat? Non est abbreviata manus tua; Domine; fac quoque & hanc cum servo tuo misericordiam, ut si non Vulnerum tuorum pretiosa monilia, saltem eorundem salutarem memoriam & compassionis dolorem CORDI meo imprimas, ut ardor dilectionis tuæ, à Vulnerum tuorum Speculo radij instar vibratus & à CORDE meo reflexus, luculentissimè accendatur.

Heb. 12. 2. SED ut jam me ipsis Speculis ex adverso opponam, & aspiciam in Auctorem fidei & consummatorem Iesum, video in iis exactā mihi vivendi normam descriptam esse. In transfossis enim istis manibus, pro me in Cruce extensis, quid mihi sit operari debeam; in pedibus, quò mihi sit ambulandum; in CORDE, quid mihi sit cogitandum & desiderandum, perspicuè, velut in archetypo, conspicio. Adeoq; hinc disco prudentiam

liam Sanctorum, quæ est nosse me, & nosse
te. Tornatiles illæ tuæ aureæq; manus ple- *Cant. 5.*
næ hyacinthis, docent manus meas ad præ- 14.
lium, & digitos meos ad bellum. Illæ sunt Ps. 143.
quæ instruunt præliari prælia Domini, ad- 2.
versus mundum, carnem, & sanguinem. 1. Reg.

MERITO mihi Speculum formo in Vul- 18. 17.
neribus manuum tuarū, Domine; ibi enim
video descriptum me. Sed quis Scriptor? *Isa. 49.*
Amor tuus, bone Iesu. Quis calamus? 16.
Clavi. Quo attramento? Sanguine tuo pre-
tioso. In qua charta? In palmis manuum
tuarū, quibus Crux mensæ loco fuit, in qua
characteribus æternæ dilectionis, æter-
numque duraturis, scripsisti me. Quid verò
hæ litteræ à me requirunt, nisi ut & manus
meæ stillent myrrham mortificationis, & *Cant. 5. 5.*
digiti mei pleni sint myrrhâ probatissimâ?

SED & pedibus meis Speculum inveni,
in pedibus illis toties pro me præparatis in *Ephes. 6.*
Evangelizationem pacis. Nitidissimum 15.
prorsus Speculū, pedes Domini mei, Mag- *Luca 7.*
dalenæ iacrymis loti, capillis terfi, un- 38.
guento delibuti. Ad speciosos hos pe- *Luca 10.*
des, cum eadem sededo, ut ibi miseri- 39.
cordiam inveniam, & hauriam salutem *Proverb.*
à Domino. Pedes hi, velut Cynosura, di- 8. 35.
rigent pedes meos in viam pacis, & sa- *Luc. 1.*
lutis æternæ. Sequar hos pedes, Do- 79.
mine,

544 SCHOLÆ CORDIS
mine, & eos sequens, non errabo; sed recto
itinere gradiar: ipsi enim me deducunt in
domum Dilecti mei.

NEQUE deest Speculum CORDI meo,
quod in aperto Latere Salvatoris mei ap-
paret. Quid namque cogitare in CORDE
meo debeam, in hoc CORDE scriptum
invenio. COR enim tuum, est regula &
amussis humanorum CORDIUM, quæ di-
rigi debent juxta normam CORDIS tui.
Psalms. Accedam igitur ad COR altum, & ad COR
63. 7. Dei mei, & speculabor perfectiones ejus;
ut eas, opitulante ejusdem gratiâ, in COR
meum transferam. Fuit, ô Deus CORDIS
mei, COR tuum mundum ab humana de-
lectatione & temporalium amore, à pla-
cendi desiderio & intentione finistrâ, ab
inutili cogitatione, curis superfluis, anxie-
tate, impatientiâ, & propriâ voluntate.
Dignare, Domine, Amator CORDIUM
nostrorum, transfundere hæc in COR ser-
vi tui; ut sit COR ejus perfectum tecum.
Complaces enim tibi in iis, quorum est
COR secundum COR tuum. An non enim
1. Reg. 2. ita de Samuele locutus es: Suscitabo mihi
35. Sacerdotem fidelem, qui juxta COR meum
& Animam meam faciet? Et de Davide:
Actor. 13. Inveni David filium Jesse, virum secun-
22. dum COR meum, qui faciet omnes volun-
tates

tates meas ? Ergone etiam , Domine, tam
 chari tibi sunt homines iuxta COR tuum ,
 ut è numero filiorum Adam sollicitè unum
 talem requiras , eoque reperto , quasi gra-
 tulabundus exclames: Inveni hominem se-
 cundùm COR meum ? Quid verò cum in-
 vento hoc concorde tibi homine facis ?
 Illud sanè arbitror , quod Iehu Regem
 Israël cum Ionadab fortissimo viro , quem
 ad delendam impij Regis Achab progeniẽ
 in Samariam miserat, fecisse legimus. Iehu 4. Reg.
 enim occurrentem sibi Ionadab interro- 10. 15.
 gavit: Nunquid est COR tuum rectum, si-
 cut COR meum cum CORDE tuo ? Cui *Gabriël*
 cùm ille respondisset : Est, Si est , inquit, *Inchino.*
 da manum tuam. Qui dedit ei manũ suam. *Concion.*
 At ille levavit eum ad se in currum, & du- *De mun-*
 xit in Samariam. Quid autem hoc signifi- *ditia Cor-*
 cat, nisi quòd tu, Deus CORDIS mei (verus *dis.*
 Iehu, id est existẽs) nostræ mortalitatis ve-
 stimento indutus veneris in Samariã hujus
 mundi, ut demonis familiam (Achab stir-
 pe notatam) prorsus exscinderes, & idolo-
 latras Baal internecione deleres. Inveniens
 autem Ionadab (hominem spontaneum, vo-
 toq; tibi astrictum) interrogas eum, an COR
 ejus sit rectum cum CORDE tuo, intelli-
 gensque ita esse , præbes ei manum divi-
 næ gratiæ , sublevasque illum in trium-

Heb. 2.
14.

phalem currum Sanctissimæ Crucis tuæ,
pergensque deinceps cum eo, regnum pec-
cati destruis, tandemque victorem unâ
tecum in cælestem Ierusalem introducis.
Hoc scilicet meritum unanimis, & unicor-
dis tecum viri. Eja igitur, Domine, pone
me juxta COR tuum; inspiciam illud, &
secundum exemplar illius rectificem COR
meum. Aspice & tu in me, & miserere mei

Pf. 118.
132.

Domine; atque ex hoc ustulanti Speculo
CORDIS tui, immitte ignitos radios in
COR meum, qui illud accendant, & confor-
ment sacratissimo CORDI tuo. Fac me,

2. Cor. 3.
18.

quæso, revelatâ facie ita gloriam Domi-
nici CORDIS speculari, ut in eandem ima-
ginem transformer à claritate in clarita-
tem; ut mortificationem Iesu in Corpore

2. Cor. 4.
10.

& CORDE meo circumferens, vita quo-
que ejus manifestetur in Corpore meo
mortali.







THALAMVS CORDIS
IN CHRISTI SEPVLCHRO.

Consepulti sumus cum christo. *Rom. 6. 4.*

COR CORDIS. viteq; mee quo vita sepulchro.

Conditur, hoc vitam, et COR quoq; claudō meum.

55.

Pag. 547

LECTIO XVI.

Thalamus CORDIS in Christi
Sepulchro.

EMBL.
55.

Consepulti sumus cum Christo.
Ad Rom. 6. 4.

COR CORDIS, *vitaq;* mea quo vita
Sepulchro
Conditur, hoc vitam, & COR quoque claudio
meum.



RGONE in tenebrosis collo-
cata est lux mea, sicut mortui Thren. 3.
sempiterni; Ergone in Se- 6.
pulchro mortua vita jacet?

Ergone speluncâ reconditur cæli terræ-
que Conditor? Ergo in faxeo hoc le-
ctulo Nazareus ille, floridusque Animæ
meæ Amor, cubat & requiescit? Quid
facies Anima mea? Discedes hinc? Amor
non patitur. Manebis? Prohibet milita-
ris custodia. En lectulum Salomonis sexa- Can. 3 7.
ginta fortes ambiunt ex fortissimis Is-
raël, omnes tenentes gladios, & ad bella
doctissimi: uniuscuiusque ensis super fe-
mur suum. Quid facies inermis, tantâ ar-
ma

matorum militum cincta manu ? Quis,
quæso, audebis ad lectulum hunc terrore
consternata, vel eminùs adrepere ? Noli
tamen expavescere, Anima mea, noli fu-
gam capere, mane hîc etiam cum Magda-
lenâ, quæ

Breviar.

Roman.

*Amore perstans saucia,
Sepulchro inhæret anxia,
Truces nec horret milites,
Pellit timorem charitas*

*Matth. 6.
21.*

Tûne igitur deferes Dilectum tuum, Vi-
tam vitæ tuæ, Animâ tuæ Animæ, & COR-
DIS tui COR ? & quò sine vitâ, sine Ani-
mâ, sine CORDE cures ? Eja Domine, non
discedo à te. Ubi est thesaurus meus, ibi &
COR meum erit. Ideoque COR meum tuo
includo Sepulchro, ut maneat conjunctum
& unitum CORDI tuo. Solebant olim ami-
corum sepulchris CORDIS figuram inscul-
pere, ut hoc symbolo significarent, se
non modò vivum, sed mortuum etiam
amore prosequi, & CORDI insculptum
retinere. Mihi verò minimè satis erit COR
appingere, aut Sepulchro insculpere; sed
vivum ipsum COR meum, ô Vita mea, tuo
impono Sepulchro. Licet enim mortuus
sis, Domine, non es tamè mortuus à COR-
DE meo, in quo vivit mortis tuæ memo-
ria, nec vivere cupit extra tuum Sepul-
chrum,

Plutarc.

*li. de Fu-
neral.*

*Psal. 30.
13.*

chrum. Maneat, obsecro, COR meum mun-
 do & peccato mortuum, tibi consepultum,
 tibi que soli vivat: qui pro me mortuus, &
 sepultus es. Protegat & muniat me, ut sit
 tuum Monumentum CORDIS mei muni-
 mentum à facie inimici, & ab adversan-
 tium hostium incurfu. Neque verò gratis
 omnino gloriosi Sepulchri tui consortium
 efflagito; sed habeo, quem pro eo offe- *Matth.*
 ram, Sanguinem tuum pretiosum, pro me *27. 7.*
 in Cruce effusum. Si enim pretium San-
 guinis tui expendi voluisti in agrum figu-
 li, in Sepulturam peregrinorum, cur pe-
 regrino etiamnum abs te CORDI meo, re-
 quies & Sepultura, Sanguinis tui merito,
 non provideatur? Sed de spirituali nostra
 Sepultura lubet audire Sanctum tuum Am-
 brosium sic loquentem: Ideò peregrinis *Ser. 51.*
 Christi Sepultura promittitur, ut qui se à
 carnalibus vitiis, ut peregrinum & alic-
 num custodierit, is Christi requiem me-
 reatur. Nos peregrini in hoc mundo su-
 mus, & nobis Sanguinis Christi pretio
 empta est Sepultura: Consepulti enim su- *Rom. 6.*
 mus, sicut ait Apostolus, cum illo per Ba- *4.*
 ptismum in mortem Baptismus igitur
 Christi nobis est Sepultura, in quo pecca-
 tis morimur, ac Sepelimur; & veteris ho-
 minis conscientia resoluta in alteram Na-

tivitatem, redivivâ infantîâ reparamur. Magna hujus gratia Sepulturæ, quæ & morte purificat peccatorem, & simul vivificat morientem. Ita Domine, juxta S. huius Viri sententiam, consepultus tecum fui per Baptismum; sed quia malâ deinde vitâ sæpius, pro dolor! revixi, iterum tecum mori, iterum sepeliri desidero: atque ideò COR meum tuo impono Sepulchro, ut ibi tecum moriatur, tecum sepeliatur, tecum maneat.

- SED resurgente te, Domine, nolo remaneat COR meum in Sepulchro; sed tecum pariter resurgat, & in novitate vitæ tecum ambulet. Dabis hoc mihi, Amor meus, qui per Apostolum tuum dixisti: Si complâ ati facti sumus similitudini mortis ejus; simul & resurrectionis erimus.
- Rom. 6 4.* Tu enim es, Domine, granum frumenti, cum quo, in terram Sepulchri cadente ac moriente, COR meum complantatum, commori, & consepeliri optat: ut te resurgente, surgat nova seges fructusque seminis tui. Et an non ideò in Horto sepeliri voluisti, ut ibi arboris instar plantata, reviresceret ac refloresceret Caro tua? Re-
- Rom. 6.* floruit illa; cùm succiso per Iudæos Cor-
- 5.* poris flore, rediviva de Sepulchro Resurrectionis gloriâ germinavit, & in floris
- Ioan. 12.* modum,
- 24.*
- Ioan. 19.*
- 41.*
- Pf. 27. 7.*
- Ambros.*
- Serm. 54.*

modum, odorem pariter & nitorem cunctis hominibus immortalitatis afflavit. Ita quoque refloreat COR, & caro mea virore sanctitatis, & flore justitiæ. Cur enim hoc non sperem à contactu sacri Corporis tui, Domine; qui mortificas, & vivificas; deducis ad inferos, & reducis? Si enim Elisei sepulti Corpus, mortuum excitare potuerit, quidni resuscitet me in novitatem vitæ Corpus tuum, qui Auctor es omnis vitæ? Concede hoc mihi, qui solus potes, benignissime Iesu, per sanctam Sepulturam, & admirabilem Resurrectionem tuam. Sed fortassè, ut ego COR meum tecum sepeliri desidero, ita vicissim spirituale Sepulchrum ex CORDE meo tibi fieri concupiscis: ut non tantum requiescas in CORDE terræ, sed etiam in terra CORDIS mei. Paratum COR meum Deus, paratum COR meum; sed à gratia tua præparatum. Veni Domine Iesu, requiesce molliter in CORDE servi tui. Verum, quale illud esse debeat, tuum me instruit Monumentum, factum mihi jam monimentum; mentem enim meam monet, movetque ut ad ejus similitudinem præparet tibi CORDIS habitaculum. Sed quia scio, Nisi tu, Domine, ædificaveris hanc tibi domum, in vanum laborare omnes qui

Ps. 27. 7.

1. Reg. 2.

6. Tobie

13. 2.

4. Reg.

13. 21.

Ps. 56. 8.

Psalm.

126. 1.

Psal. 50. ædificant eam : Tu humiliter rogo, Spiritum rectum innova in visceribus meis, *12.*
Cant. 4. pulsisque vetustatis immunditiis, COR novum pro tua Sepultura mihi concede. Sit *12.*
Marc. illud (velut hortus conclusus) odoriferis virtutum floribus consitum & exornatum;
15. 46. sit excisum in petra, soliditate immutabilis propositi constans. Sit prope montem Calvariae, ut totus mihi figaris in CORDE qui totus fixus es pro me in Cruce : sit denique alienum ab omni immunditia carnis & spiritus. In hoc verò Sepulchro, te Myrrhâ mortificationis unctum, in Sindone mundissimæ conscientiae involutum, spiritalibus desideriorum brachiis componam ; ut & mihi cum Sponsa tua dicere liceat : Fasciculus Myrrhæ Dilectus meus mihi, inter ubera mea commorabitur. Morare, Domine, in medio CORDIS mei ; quod æternâ charitate dilexisti ; ibi cuba, ibi requiesce, donec aspiret dies Resurrectionis tuæ. Sed ne quis hunc thesaurum mihi eripiat aut deprædetur, saxum magnum advolvendum video ad ostium monumenti. Occlude ergo, Domine, januam CORDIS & sensuum meorum ; ne per eam irrepant latrunculi aut fures, qui spolient me Dilecto CORDIS mei. Sed & appone vigilēs constodes, Angelos tuos Sanctos,

Sanctos, qui omnes insidias inimici ab eo *Breviar.*
 longè repellent, & Sepulchrum tuum in *Rom.*
 pace custodiant. Eia Domine, iterùm ro-
 go te, fiat hoc modo Cor meum Sepul- *Isaia. 11.*
 chrum tuum gloriosum; ut tu Rex gloriæ, *10.*
 & Domine virtutum, illud sanctifices,
 virtutibus exornes, reddasque tui capax.
 nunc & in æternum.

FINIS LIBRI QUARTI.



INDEX R E R U M MEMORABILIMUM.

A Blutio Cordis. pagina 201. qua fiat aqua. pag. 205.
 Aceto Christum potant peccatores. 488
 Acupictura spiritualis in relatu Cordis expressa. 483
 Adamante durius Cor humanum. 122
 Ager spiritualis Cor nostrum. 307. Exarandus. 310 semine spargendus. 318 Irrigandus. 325. maledictus expers fructus. 329
 Agricultura Cordis 307
 Alexandri magni cupiditas. 139
 Alere Dei Cor nostrum. 406 516
 Ambitio insaturabilis. 139
 Amans, dormiens vigilat. 412
 Amor amantis speculum. 429. Christum Cruci affixit. 519
 De ierga homines. 280. 370

Emollit Cor. 199
 Amor unit. 424. transit in amantem. 426. Corda animalque in unum conflant. 427
 Ejus proprietates. 408
 Animo corpore gravatur. 361
 Hortus est. 332
 Id est, quod amat. 429
 Lumentum spirituale araturum ducens. 311
 Quot titulis Christi sit. 45. ut Dei sponsa efficiatur. 69
 Anima vitis. 85
 Animæ sedes ubi sit. 17
 Animæ sordes. 203
 Annulus signatorius charorum effigiem gestare solitus. 379. Sponsis curdetur. 381
 Apponere Cor quid sit. 115
 Ascendendum de valle lacrymarum. 354
 Duce Christo. 419
 Ascendere vis? descendere 184. 358.

Avari

RERUM MEMORABILIU M.

Avari Cor in thesauro
post mortem repertum.

116

Avaritiæ sitis. 138

Augustinus amore saucius

397.

B.

B Alneum Constantini
ex infantium sangui-
ne. 459

Balneum Cordis, sangui-
neus Christi sudor. 457

Baptismus, spiritalis se-
pultura. 549

S. Benedictus ut secum ha-
bitavit. 157. præsentia

Dei, & examinis con-
scientiæ jugis exercita-
tor. 158. Scalam humili-
tatis construxit. 188

Boves, quibus Cor aratur.

211

Bulla Christianorum, ver-
ba Evangelii. 303

Bulla Ægyptiorum, &
Romanorum quid desi-
gnet. 4

C.

C Astitas lilio compa-
rator. 335

Castrum Cordis. 345.
346.

S. Catharinæ Senensis pia
instructio. 270. aufert
Christus ab ea Cor pro-

prium, illique suum tri-
buit. 183. spineam coro-
nam pro aurea eligit.
481. vulnere lateris Chri-
sti admota. 528

Capacitas Cordis. 137

Centrum Cordis Deus 441

Cæcitas Cordis. 286. quam
mala. 292

Cæli cum Corde similitu-
do. 24

Charitas vinum Sponsi. 368.
ejus effectus. 369

Christus amanti omnia.

515. circumcissus. 168.
fons abluendo Cordi.

205. probatica piscina.

206. humilitatis doctor.

358. sequendus usque ad
Crucem. 455. speculum

perfectionis. 540. in

Corde sepeliendus. 534

Christi pulchritudo, Cor
vulnerat 390. flagella-
tio. 471. manus & pedes
nostris speculum sunt. 543

Circumcisio Cordis. 166.
ejus utilitas. 172

Circumcidendus totus ho-
mo. 169. quo cultro.

171.

Classes Scholæ Cordis. 82

Clavus crucis, Cordis præ-
sidium. 495. clavis est,

qua Christi referantur
penetralia. 496. Cor eo

cælandum. 494. Christo
affigen-

affigendum.

492

Cogitationes Cordis soli Deo notæ. 257. in die Iudicii revelabuntur. 261

Columna Christi, sustentaculum Cordis. 467. anchora fluctantis Cordis navem sistens. 468

Compunctio Cordis clavo timoris Dei. 492

Conscientia bona custodit Cor. 339

Contritio Cordis. 174. ejus fructus. 179

Cor unde derivetur. 4. 20. varia ejus significata. ro.

ubi situm. 339. pyramidis formam cur imitur. 423. cur latius in superiori, quam inferiori

parte. 421. quam à naturâ munitum. 347. ejus figura quid moneat.

469. inverso situ qui habeant. 420. qui eo careant. 88. sepulchris

olim insculptum. 548. tricuspidis instar lanceę, lateri Salvatoris immit-

tendum. 535

Cor filij, Matris, & Iudicis unicuique assumendum, & quare. 79. sursum

spectet. 103. quid Moses & Philosophus quidam in eo reprehende-

rint. 256. abyssus est.

255. mare tempestuosum. 467. pilosum quid designet. 278. contrahitur tristibus, dilatatur lætis. 361. est primum quod in homine nascitur. 222. à Deo expectatur. 214. cur præ aliis 218. quia operum nostrorum radix. 219. meritum fons. 233 238. Dei monile 223 Dei templum. 290. nihil eo dignius divinæ Majestati offertur. 228. pro floribus Deo offerendū. 124 pro phiala sitienti Christo exhibendū. 487.

Alia de Corde, vide sparsim toto hoc Indice.

Corona spinea sepimentum Cordis. 477. quam gloriosa. 480

Crux aratrum, quo terra Cordis proscinditur. 307.

Cordi inferenda. 508.

Ferculum Salomonis, &

Lectulus floridus. 510.

in ea moriendum. 314.

supremus Scholæ Cordis vertex. 499. varia

ejus encomia 511. quam

appetens crucis S. Andreas.

498. 506.

Crucifigendum Cor, & vetus homo.

503

Custodia Cordis.

238

Deo

RERUM MEMORABILIVM.

D.

Deo & mundo servi-
ri non potest. 131.
Deus Cor suum homini
dat. 279
Deus fluvius & aquædu-
ctus. 328 solus Cor no-
strum replet. 140. singu-
las actiones nostras cõ-
siderat. 258. cur oculo
hyeroglyphicè designe-
tur. 260
Dæmones, porci. 153
Dilatatio Cordis. 360.
quomodo fiat. 363. quo
fine. 365. ut in tribula-
tione etiam Deus Cor
dilatet. 366
Discipulus Scholæ Cordis.
35. unde dicatur. 54.
ejus officium. 48. varia
eorum genera. 51. dili-
gentes præmium, ne-
gligentes pœnam re-
portant. 40. alij inci-
pientes, alij proficien-
tes, alij perfecti. 83
Distorti Corde, Deum non
esse, aut injustum pu-
tant. 266
Distortum Cor quod sit.
264
Divisio Cordis quantum
malum. 129
Divitiæ fluxæ. 114. earum
venenum. 112. spinis

comparatæ. 117. quare
eis Cor non apponen-
dum. 116. eclipsant no-
bis solem justitiæ. 113
Dolor de peccatis quantus
esse debeat. 176
Domus Cordis mundanda
372
Donatio Cordis. 213. cur
Deo fiat. 220
Duplicitas Cordis. 504
Durities Cordis. 119 æri
ac lapidibus compara-
tur. 121. quanta adfert
damna. 123. quomodo
emolliatur. 189

E.

Ebrietas spiritualis. 518
Effusio Cordis. 159
Effundenda peccata è Cor-
de. 160
Elatio Cordis dejicit. 358
Elevatio Cordis noxia. 184
356
Emollitio Cordis. 192
Epictetus Philosophus quā
resignatæ volūtatis. 268
Epistola Dei Cor. 299. vel
ipse homo cujus Cor
cera, sigillum excipiens.
381
Evangelium ex collo sus-
pensum. 304. Cordi in-
scribendum. 305. in
morbis ad caput poni
solutum. ibid
Exa-

Examen Cordis quadru-
plex. 211. primum. 235.
secundum. 267. tertium.
255. quartum. 263
Exilium hæc vita. 419

F.

Facies Christi Cordi
imprimenda. 483
Fet Christo oblatum, no-
stra peccata. 488
Filiorum Dei conditiones.
215
Flagella Christi Cordis sti-
mulus. 471
Flagellatio filiorum Dei
nota. 473. voluntaria,
expiat peccata. 474. pi-
gritiam excutit, sapien-
tiam tribuit. 475
Flores Cordis. 331
Fons paradisi, Christus
crucifixus. 206
Fuga Discipulorum tem-
pore Passionis Christi
auxit tristitiam. 454
Fugit Cor puerorum mo-
re. 91
Fulcrum Cordis, columna
Christi. 467
Funes Christi, vincula cha-
ritatis. 464. iis ligari
gloriosum. 465. qui
Christo alligentur. 493

G.

S. GErtrudis qua for-
mula Deo Cor
suum tradiderit. 223.
quàm Dei voluntati cõ-
formis. 267. ut Christi
membra salutarit. 270.
Christi Cor accipit. 281.
inejus Corde Iesus in-
venitur. 389. Corde
transfixa. 398. Christo
intimè unita. 428. Cor-
di ejus Christi vulnera
impressa. 542
Gloriæ Cupido. 97
Gradatim in virtutibus
proficiendum. 355
Gradus templi Salomonis
quid significant. 353
Gratia Dei aquæ compa-
ratur. 325
Gratis Deus diligendus.
217
Gravedo Cordis. 106. ejus
remedium. 109
Gulæ damna. 107

H.

HAbitat Deus in Cor-
de. 144
Helena quid fecerit clavis
Dominicæ crucis. 495
Homo cælo natus & de-
stinatus. 102
Honoris vanitas. 96
Hortus

RERUM MEMORABILIMUM.

Hortus Christi Cor est. 332
 diligenter sepiendus. 341
 477. spinis coronę Christi.
 279
 In horto cur Christus aspicatus passionem. 457.
 cur in eo sepultus. 550
 Hostes Cordis. 346
 Humiliatio Cordis. 183
 Humilitas duplex. 185. via
 ad exaltationem. 186.
 357. exterior, interiori
 jungenda. 20. Ejus fructus. 189. Deo conjungit.
 190
 Hymnus pro Cordis illuminatione. 296

I.

Iesus in Corde S. Ignacij. 387. Margaretę de Castello. 388. Clarę de monte Falco, cujusdam martyris. SS. Gertrudis & Mechtildis. ibid.

Ignis Deus est. 402. quid efficiat. 403. ejus proprietates. 408. alienus non offerendus. 404. perpetuus in altari conservandus. 405
 Illuminatio Cordis. 286.
 quantum Dei beneficium. 292
 ad imaginem Dei cur homo factus, 340

imaginum utilitas. 8
 Insipientium status. 146
 Inflammatio Cordis. 402
 Inhabitatio Cordis. 370
 Infariabile Cor hominis. 138
 Instabilitas Cordis. 467
 Instrumēta passionis Christi, adjumenta perfectionis nostrę. 519
 Intentio recta. 240. mendulla Cordis. 241. 259.
 multiplex 243
 Iovi pluvio cur olim supplicatum. 326
 Irrequietum est Cor, extra Deum. 435
 Irrigatio Cordis. 325
 Iudicii extremi examen. 261.

L.

Lacrymarum virtus. 207. 208. illis Cor effunditur. 162
 Lacrymę Petri. 197. Magdalenę. 162. 179. 197
 Lancea Longini Christi pectus aperiens. 34. eadem Cor vulnerandum. 520
 Lapis cælatus, Christus crucifixus. 494
 Lateris Christi vulnus sponsę lectulus. 535. habitaculum Cordis, civitas refugij, porta templi:

pli. 536. S. Bernardi
 Rythmo salutatum. 537.
 asylum Cordis. 532
 Lavacrum Cordis. 206
 Lectio quomodo instituē-
 da. 56
 Legistabula Cor. 298
 Lex in Corde ponenda.
 301. Exemplo Christi.
 302. B. Mariæ, & Davi-
 dis. 304. quo fructu.
 305
 Lilia Christus quærit. 333.
 ipse lilium. 334
 Lilium quas virtutes nobis
 commendet. 335. anima
 lilium sit. 337
 Lingua Cordi respondeat.
 505
 Loqui ad Cor. 43
 Lumen Cordis. 289. quo-
 modo extinguatur. 194
 S. Lurgardis Cor suum
 cum Christo commutat.
 285. è latere Christi po-
 tata. 529
 Luxuria hominem demen-
 tat. 108

M.

M Agdalena ad Chri-
 sti pedes. 543. ad
 Christi sepulchrum. 548.
 Divini amoris jaculo
 transfixa. 396. ejus la-
 crymæ. 162. 179. 197
 Magister Scholæ Cordis.
 32. ut suos ad Scholam

invitet. 36. ejusdem ex-
 hortatio. 39. docendi
 modus. 41
 Manè meditandum. 407
 B. Mariæ Virginis somnus.
 415
 S. Mechtildis quomodo
 Cor suū Deo obtulerit.
 222. ab eo rursus divi-
 num Cor in pignus ac-
 cepit. 282. Christum in
 Corde gestavit. 389. ja-
 culo amoris vulneratur.
 400. Corejus cū Chri-
 sti Corde in unum coa-
 lesceat. 427
 Medicina Cordis. 27
 Militia est vita hominis.
 346
 Minimum & maximum
 quidnam sit. 137
 Monita Discipulo Scholæ
 Cordis tradita. 54
 Morificatio necessaria.
 300. vovnis quo Cor ara-
 tur. 311. continua esse
 debet. 313. in eā perse-
 verandum. 314. ejus ne-
 glectus quàm periculo-
 sus. ibid.
 Mundatio Cordis. 201. in-
 terior & exterior. 202.
 quare necessaria. 204
 Mundi Cordis præmium.
 209
 Mundus totus Cordi non
 sufficit. 142
 Musica

N.

Nativitatis Christi ima-
go, Cordi cujus-
dam virginis insculpta.
388

Nazarenus quid sit. 502.
515

Nomen Iesu S. Ignatii Cor-
di inscriptum. 387

Novum Cor. 275. ab-
que eo homo moritur.
276. Deus promittit, &
dat. 278. est ipsius Dei.
279

Numisma Dei, Cor no-
strum. 383. Deo red-
dendum, cujus imagi-
nem gerit. 384

Numulariorum statera. 235.
officium. 245

O.

Oblatio Cordis ut in-
stituenda. 222

Obsignatio Cordis. 379

Omnia tendunt ad cen-
trum. 439

Oratio Cordis effusio. 163.
medium ad scientiam.
55. in ea vigilandum.
413. in ea distrahi, dor-
mire est. 414. S. Tho-
mæ pro Cordis perfe-
ctione. 77

Paradisus voluptatis;
Cor est. 342. quem
Christus tuetur. 344

Pars Cordis cur Deo grata
non sit. 133

Passio Christi cibis om-
nium palato deserviens.

84. scutum Cordis. 351

sublimissima philoso-
phia. 449. nobis imitan-
da. 309. ejus memoria

Cor exarandum. 308.

quomodo id fiat. 310.

meditatio ejus quam uti-
lis. 443. Bernardo quam

familiaris. 447. mensa

exhibens panem & vi-
num. 450. S. Bonaventurae

ad eam exhortatio.

451

Patria nostra cælum. 360

Pax quanta convertentium

ad Cor. 157

Peccata funes & vincula.

462. iis Christus liga-
tus. 463

Peccator Cor non habet.

89. quantum hoc ma-
lum. 93. comparatur ex-
cordi columbæ. 90

Peccatum talentum plumbi.

104. ejus consideratio, a-
muletum vanæ gloriæ. 189

Peregrinatio cum Christo

patientem. 73

Pœnitentiæ fructus. 180

Na

Pe

Perfectio Cordis.	240
quàm deo grata.	544
Perfectiones Cordis Christi.	ibid.
Perfectorum status.	368
Preseverantia.	323
Pessulum ut à Corde removendum.	50
Pingenda in Corde Christi facies.	484
Plantatio Crucis in Corde.	510.
Pluvia gratiæ à Deo pendenda.	327
Ponderatio Cordis.	235
qua libra fiat.	239
Possidet Deum, possidetur à Deo.	145
Præcordia.	339
Præsentia divinæ praxis.	385. fructus. 386
Principale Cordis quid sit.	15.
Privilegia Scholæ Cordis.	58.
Probatio Cordis.	245
Prodigi Historia, peccatori accommodata.	151
Proficientium status.	275
Protectio Cordis.	346
Purgativa via	149

Q.

Quale, Cor talis homo. 3
 Querela Sanctorum quòd in corpore detinean-

tur. 438

Quærit Deus homines iuxta Cor suum. 545

Quies Cordis. 435. in solo Deo sita. 435. ubi quærenda. 437. in Christi Sepulchro. 547. in latere vulnerato. 536. quam læta sit. 440

R.

Recedere à Corde. 149
 Rectificatio Cordis. 263.

Rectum Cor quòd dicatur. 264. quàm Deo gratum. 270. 545

Refrigerium & refectio in Cruce. 510

Regula Cordis, Dei voluntas. 263

Renovatio Cordis. 275. quomodo fiat. 276. 278

Repugnantem voluntatem ut Deus ad Cor reducat. 155

Reverti ad Cor. 148. 151

S.

Sacrificium Cordis. 226 quàm Deo gratum. 232. cur Deo immolandum. 229. medullatum esse debet. 241. hujus altare, Sacerdos, cultus, ignis. 230

Sagitta charitas, Sagittarius Deus. 392. hac sagitta

RERUM MEMORABILIMUM.

gitta Sancti vulnerati.	381. ipse Christus Cordi
396. Augustinus & The-	inculptus. 382
resia. 397. Gertrudis. 398	Silentium. 342
Mechtildis. 400. triplex	Similitudinem Dei ut ex-
cuspidis sagittæ amoris. 399	primere debeamus. 431
Sanguis Christi lavacrum	Simplicitas Cordis Deo
& medicina. 459. ejus	grata. 504
virtus. 206. est vinum	Sitis animæ ad Deum. 439.
Cor lætificans. 526	Christi. 487. compun-
Sancti viri cur graviter	ctione Cordis restingui-
sæpè ægrent. 251	tur. 589. fitit anima
Scalæ Cordis 353. gradus	Christi sanguinem. 530
earum. 355	Somnus spiritualis. 412.
Scolæ Cordis eminentia.	contemplationis. 415
20. 58. utilitas. 60. pax.	Speculum Cordis, Christi
61. lætitia. ibid. delineat-	vulnera. 539
io. 66. Epitome. 76	Sponsus ut Cordis ostium
Scribit Deus in charta Cor-	pulset. 44
dis nostri. 299. quare.	Spinæ Dominicæ, acus qua
301. quando. ibid.	Christi facies Cordi in-
Scrutinium Cordis. 255	luitur. 315. nis cur Chri-
Scutū Cordis divina gra-	stus coronatus. 479. nis
tia. 348. oratio. 349.	Cor sapiendum. 480
Christus. 350. ejusdem	Spiritus Sanctus Dei digi-
passio. 351	tus, quo in Corde scri-
Seminatio Cordis. 317. no-	bit. 299. Cordis inhabi-
stra culpa malè succe-	tator. 370. ei præparāda
dit. 322	domus Cordis. 372. eum
Sepulchrum Christi, thala-	mundus nō potest acci-
mus Cordis. 547. quo	pere. 373. ejusdem invo-
pretio Cor in eo sepelia-	catio. 374. ad quos ve-
tur. 549. ex eo reflorescit	niat. 375. ejus fructus.
& germinat. 550. quid	376. orat. pro nobis. 377
nos doceat. 551. sepe-	Stabilitas Cordis Deus. 437
liendus in Corde nostro	Statéra quā Cor appendi-
Christus. 552	tur. 242
Signaculum Cordis. 379. ut	Sursum Corda. 420
custodiat adhibitum.	N n 2 Tene

T.

- T**enebrae Cordis. 286.
 quomodo dispellantur. 288
 in Tentationibus ad Christi passionem recurrendum. 351
 Tepiditas spiritualis. 361.
 tollitur spe regni caelestis. 363
 Terrenum Cor igne divini amoris succedendum. 403
 S. Theresiae Cor aurea sagitta transfixum. 397
 Thesaurus est Cor nostrum. 338. in arca servandus. 339. custodi commendandus. 340
 Thuribulum Cordis igne divini amoris implendum. 404
 Timer Domini clavus Cor purgens. 492 495
 Titulus Crucis Cordi praescriptus. 514. unde dictus. 517. Cor tuetur. ibid. olim templa ita vocata. 514
 Totum Cor Deus quaerit. 128
 Triangularis Cordis figura quid designet. 140
 Tribulationes, ignis quo iusti probantur. 246. animam mundant. 249. qua

- consideratione sufferenda. 251. ab inferioribus Cor avocant. 252. divinae voluntati Cor hominis subdunt. 253. aeternam gloriam merentur. ibid. ut Cor dilatent. 366. ad Deum redire cogunt. 481
 Trinitate signati sumus. 384. illa sola Cor adaequatè replet. 143
 Transio pectoris quid designet. 178
- V.
- V**anitatis studium. 99
 Verbum Dei semen, in agro Cordis spargendum. 318. emollit Cor. 194. ejus efficacia. 195. ut audiendum. 195. & sequent.
- Ventris cura Cor gravat. 106
 Veronicae sudarium, prototypon in Corde exprimendum. 482
 Via purgativa, illuminativa, & unitiva, ut in hac Schola explicetur. 83. 364. 534. purgativa via. 146. illuminativa. 273. unitiva. 368
 Vigilia Cordis. 411
 Vinculum Cordis ex funibus Christi. 462
 Vineae putatio. 147. ejus visitatio. 212. quando floreat.

reat. 273
 Vinū cumpunctionis. 489
 Vinum Cordi lætificando,
 Christi sanguis. 526
 Vita à Corde ut procedat.
 2
 Unio Cordium. 424. si-
 militudinibus explicata.
 427. quomodo fiat. 430.
 quæ illam cum Deo im-
 pediant. 77. non nisi
 inter similes esse potest.
 431
 Volatus Cordis. 419. alis
 amoris efficitur. 420. at-
 que iostar nubium à
 Christo sole elevata-
 rum. 421
 Voluntas bona quàm Deo

grata. 233. 238
 Voluntati Dei nostra con-
 formanda. 265. 430.
 quomodo id practican-
 dam. 267. quanta ex eo
 lætitia. 269. homines
 Christo assimilant. 271
 Vulnere Christi refugium
 animarum. 352. 533.
 Cordis speculum. 539.
 concavum & urens. 541
 Vulneratio Cordis. 390. a-
 moris vulnere. 521. sa-
 gitta amoris fit. 393.
 quàm necessaria & uti-
 lis. ibid. absque ea ho-
 mo malè sanus. 394. ejus
 effectus. 395. pro ea de-
 precatio. 400. 522.

INDEX LOCORUM. SACRÆ SCRIPTURÆ, QUÆ IN HAC SCHOLA EXPLICANTUR.

Genesis.

CAP. I. **E**T tenebræ erant super faciem abyssi. Dixitque Deus : fiat lux , & facta est lux. 308.

2. Requievit die septimo ab universo opere quod patrat. 318
4. Respexit Dominus ad Abel , & ad munera ejus. 337
8. Quæ cum non invenisset ubi requiesceret pes ejus, reversa est ad eum in arcam. 436
22. Tolle filium tuum unigenitum , quem diligis Isaac, &c. 227
34. Conglutinata est anima ejus cum ea. 425
49. Catulis leonis Iuda : ad prædam fili mi ascendisti. 67. 221

Lavabit in vino stolam suam , & in sanguine uvæ pallium suum. 527

Exodus.

13. **S**anctifica mihi omne primogenitum. 226
14. Cur clamas ad me ? 26
25. Inspice & fac secundum exemplar , quod tibi in monte monstratum est. 539

Leviticus.

1. **I**n testina verò & pedes lavabunt aqua, 204
6. Ignis autem in altari semper ardebit. 220. 405
10. Posuerunt ignem & incensum desuper , offerentes coram Domino ignem alienum. 389
16. Assumptoque thuribulo quod de prunis altaris impleverit, & hauriens manu compositum thymiama in- in-

incensum.

404

19. Agrum tuum non seres diverso semine. 131

27. Omnis æstimatio, siclo sanctuarij ponderabitur. 259

Numeri.

8. **C**andelabrum in Australi parte erigatur. 290

13. **A**bsciderunt palmitem cum uva, quem portaverunt in vecte. 526

Deuteronomium.

9. **D**ominus Deus tuus ignis devorans, atque consumens est. 402

10. Et patribus tuis conglutinator est Dominus. 425

Circumcidite præputium Cordis vestri. 168

21. Si egressus fueris ad pugnam contra inimicos tuos, & videris in numero captivorum mulierem pulchram, &c. 66

22. Si ambulans per viam, in arbore vel in terra nidum avis inveniatis, &c. 167

Non arabis in bove simul & asino. 131

Non indueris vestimento, quod ex lana, linoque contextum est. ibid.

30. Circumcidet Dominus Deus tuus Cor tuum, & Cor seminis tui. 183 *Lib. 1. Regum.*

13. **Q**uæsiuit Dominus virum juxta Cor suum. 13 *Lib. 2. Regum.*

14. **P**onderabat capillos capitis sui ducentis siclis, pondere publico. 111 *Lib. 3. Regum.*

3. **D**abis ergo servo tuo Cor docile. 12

18. **E**t tu convertisti Corda eorum iterum. ibid. *Lib. 4. Regum.*

10. **N**umquid est Cor tuum rectum sicut Cor meum cum Corde tuo - Et ait: est. 545

Iob.

7. **M**ultitia est vita hominis super terram. 346

12. **S**i continuerit aquas, omnia siccabuntur, si emiserit eas, subvertent terram. 326

23. Deus molliuit Cor meum. 192

N n 4

Psalms.

40. **F** Ilij hominum usquequò gravi Corde? 104
 21. Factum est Cor meum tamquam cera liquiescens, in medio ventris mei. 11. 199
 22. Calix tuus inebrians quàm præclarus est. 530
 23. Innocens manibus, & mundo Corde. 12. 199
 32. Qui finxit sigillatim Corda eorum. 32
 36. Gladius eorum intret in Corda ipsorum. 11
 37. Quoniam sagittæ tuæ infixæ sunt mihi. 350
 Ibid. Miser factus sum & curvatus sum usq; in finē. 104
 38. Concaluit Cor meum intra me: & in meditatione mea exardescit ignis. 402
 39. Legem tuam in medio Cordis mei. 302
 Et Cor meum dereliquit me. 90. 92
 41. Quæmadmodum desiderat Cervus ad fontes aquarum, ita desiderat anima mea ad te Deus. 438
 Sitivit anima mea ad Deum fontem vivum. 327
 44. Specie tua & pulchritudine tua intende, prosperè procede, & regna. 390
 Et filiæ Tyri in muneribus vultum tuum deprecabuntur omnes divites plebis. 213
 50. Cor mundum crea in me Deus. 277
 Sacrificium Deo spiritus contribulatus; Cor contritum & humiliatum Deus non despicias. 174. 262
 55. In me sunt Deus vota tua, quæ reddam laudationes tibi. 231
 56. Paratum Cor meum Deus, paratum Cor meum 13
 61. Effundite coram illo Corda vestra. 159
 Divitiæ si affluant, nolite Cor apponere. 114
 65. Holocausta medullata offerant tibi. 241
 68. Dederunt in escam meam fel, & in siti mea potaverunt me aceto. 488
 71. Reges Tharsis & Insulæ munera offerent. 224
 72. Cum hominibus non flagellabuntur. 474
 75. Viri divitiarum. 113
 83. Cor meū & caro mea exultaverunt in Deū vivū. 11
 Ascensiones in Corde suo disposuit. 353
 91. Iustus

91. Iustus ut palma florebit. 185
 96. Rectis Corde lætitia. 263
 103. Et vinum lætificet Cor hominis. 525
 Poluisti tenebras, & facta est nox: in ipsa pertransi-
 bunt omnes bestiae silvæ. 287
 Petra refugium herinaciis. 533
 104. Convertit Cor eorum ut odirent populum ejus. 13
 111. Confirmatum est Cor ejus, non commovebitur. ib.
 114. Convertere anima mea in requiem tuam. 427
 118. Viam mandatorum tuorum cucurri, cum dilatasti
 Cor meum. 360
 130. Domine non est exaltatum Cor meum, neque elati
 sunt oculi mei, &c. 189
 142. Anima mea sicut terra sine aqua tibi. 325, 328

Proverbia.

4. **O**Mni custodia serva Cor tuum, quia ex ipso vita
 procedit. 388
 10. Virga in dorso ejus, qui indiget Corde. 94. 471.
 16. Spirituum ponderator est Dominus. 236
 Pondus & statera judicia Domini sunt. ibid.
 17. Sicut igne probatur argentum, & aurum camino:
 ita Corda probat Dominus. 245
 20. Propter frigus piger arare noluit, mendicabit er-
 go æstate, & non dabitur ei. 314
 21. Appendit autem Corda Dominus. 235
 23. Præbe fili mi Cor tuum mihi. 214

Ecclesiastes.

10. **C**Or sapientis in dextera ejus, & Cor stulti in sini-
 stra illius. 95 *Cantica.*

1. **P**osuerunt me custodem in vineis: vineam meam
 non custodivi. 86
 Fasciculus Myrrhæ dilectus meus mihi; inter ubera
 mea commorabitur. 15. 447
 Borrus cypri dilectus meus mihi, in vineis Engaddi. 526
 Lectulus noster floridus. 502
 2. Si umbra illius, quem desideraveram, sedi: & fru-
 ctus ejus dulcis gutturi meo. 510

INDEX LOCORUM

Fulcire me floribus , stipate me malis , quia amore lan- gueo.	395
Flores apparuerunt in terra nostra , tempus putationis advenit.	146
Columba mea in foraminibus petiæ , in caverna mace- riæ.	533
Vinea nostra floruit	274
3. In lectulo meo per noctes quæsiui quem diligit ani- ma mea.	501
Ferculum fecit sibi Rex Salomon de lignis Libani, &c.	568
4. Vulnerasti Cor meum soror mea sponsa.	280
5. Ego dormio, & Cor meum vigilat.	411
Vox dilecti mei pulsantis; aperi mihi soror mea, amica mea, columba mea.	44. 48
Surrexi ut aperirem dilecto meo.	49
Manus meæ stillaverunt myrrham.	51
Pessulum ostij mei aperui dilecto meo.	50
Anima mea liquefacta est, ut dilectus locutus est.	195. 199
Labia ejus lilia distillantia myrrham primam.	37
6. Ut pascatur in hortis , & lilia colligat.	331
Et inspicerem si floruisset vinea.	211
7. Videamus si floruit vinea.	212
8. Apprehendam te, & ducam in domum matris meæ, ibi me docebis.	53
Dabo tibi poculum ex vino condito.	487. 526
Pone me ut signaculum super Cor tuum, ut signacu- lum super brachium tuum.	309. 379

Sapientia.

1. **I**n simplicitate Cordis quærite illum. 405
2. **S**ermo scintilla ad commovendum Cor nostrum:
qua extincta, cinis erit corpus nostrum. 2
7. Candor est lucis æternæ, & speculum sine macula. 54

Ecclesiasticus.

2. **D**eprime Cor tuum, & iustine. 183
Illuminabuntur Corda vestra. 296
3. Cor ingrediens duas vias, non habebit succes-
sus,

fus.	14
14. Infatiabilis oculis cupidi.	137
16. Qui minoratur Corde cogitat inania.	99
23. Qui superponet in cogitatu meo flagella, & in Corde meo doctrinam sapientiæ.	476
24. Rigabo hortum meum plantationum.	325
28. Sepi aures tuas spinis.	480

Isaias.

19. T Itulus Domini juxta terminum altaris erit in signum, & in testimonium Domino exercituum.	513
28. Coangustatum est stratum, ita ut alter decadat, & pallium breve utrumque operire non potest.	131
41. Confortavit eum clavis, ut non moveretur.	492
46. Redite prævaricatores ad Cor.	148
47. Non posuisti hæc super Cor tuum.	13
51. Incurvare, ut transeamus.	105
61. Plantatio Domino ad glorificandum.	507
63. Torcular calcavi solus.	527
64. Utinam dirumperes cælos & descenderes, à facie tua montes defluerent.	193

Ieremias.

4. L Ava à malitia Cor tuum.	11. 201.
Circumcidi mihi Domino, & auferite præputia Cordium.	179
5. Induraverunt facies suas supra petram.	121
Audi popule stulte, qui non habes Cor.	12
6. Erudire Ierusalem, ne fortè recedat anima mea à te.	40
Defecit sufflatorium, in igne consumptum est plumbum.	249
9. Omnis domus Israël incircumcisi sunt Corde.	168
17. Prævum est Cor hominis & inscrutabile.	255
22. Si fuerit Iechonias annulus in manu dextera mea, inde evellam eum.	381
23. Numquid non verba mea sunt quasi ignis, dicit Dominus: & quasi malleus conterens petram.	194
Dabo	

Dabo legem meam in visceribus eorum, & in Corde eorum scribam eam. 298

48. Esto quasi columba nidificans in summo ore foraminis. 532. 534

Threni.

2. **E**ffunde sicut aquam Cor tuum ante conspectum Domini. 159

8. Circumdedit me felle. 488

Tetendit arcum suum, & posuit me quasi signum ad sagittam. 390

Dabis eis scutum Cordis laborem tuum. 346

Ezechiel.

3. **D**omus Israël attrita fronte est, & duro Corde, 130

11. Dabo eis Cor unum. 424

22. Eò quòd conversi estis omnes in scoriam. 247

24. Multo labore sudatum est, & non exivit de ea nimia rubigo ejus. 248. 457.

28. Nibili factus es. 277

36. Convertar ad vos, & arabimini, & accipietis sementem. 307

Dabo vobis Cor novum, & spiritum novum ponam in medio vestri. 275

40. Et pone Cor tuum in omnia, quæ ostendā tibi. 13

44. Inducitis filios alienos in circumcisos Corde. 169

Daniel.

5. **A**ppensus es in statera; & inventus es minus habens. 236

Osee.

2. **S**epiam viam tuam spinis, &c. 477

Ducam eam in solitudinem, & loquar ad Cor ejus. 43

7. Columba seducta non habens Cor. 12. 91

10. Divisum est Cor eorum, nunc interibunt. 129

11. In funiculis Adam traham eos, & in vinculis charitatis. 462

13. Dirumpam interiora iecoris. 11

2. **S** Cindire Corda vestra, & non vestimenta vestra. 310
 3. Et fons de domo Domini egredietur, & irrigabit torrentem spinarum. 458

Jonas.

2. **I** N profundum in Corde maris. II. 436

Micheas.

6. **I** Ndicabo tibi, ô homo, quid sit bonum, & quid Dominus requirat à te: utique facere iudicium, &c 79 *Nabum.*

1. **I** N dignario ejus effusa est ut ignis, & petrae dissolutæ sunt ab eo. 192

Aggeus.

1. **P** Onite Corda vestra super vias vestras. 13
 Ponam te quasi signaculum, quia te elegi. 381 *Zacharias.*

3. **E** Cce lapis, quem dedi coram Iesu: super lapidem unum septem oculi sunt: ecce ego cælabo sculpturam ejus. 494

7. Cor suum posuerunt ut adamantem, ne audirent legem. 122

9. Vinum germinans virgines. 526

13. Fons patens domui David, & habitantibus Ierusalem, in ablutionem peccatoris. 205

14. In die illa erit quod super frænum equi est sanctum Domini. 496

EX NOVO

TESTAMENTO.

Matthæi.

5. **B** Eati mundo Corde, quoniam ipsi Deum videbunt. 12

6. Ubi est thesaurus tuus, ibi est & Cor tuum. 116
 Nemo potest duobus Dominis servire. 131

Discite

11. Discite à me, quia mitis sum, & humilis Corde. 184
 12. Erit filius hominis in Corde terræ. 11
 13. Verbum seminatum est in Corde, &c. 317
 Qui autem super petrosa seminatus est, &c. non habet
 in se radicem, &c. 320
 22. Reddite quæ sunt Cæsaris Cæsari, & quæ sunt Dei
 Deo. 384
 Diliges Dominum Deum tuum ex toto Corde tuo. 13
 26. Vigilate, & orate; ut non intretis in tentationem.
 413
 27. Emerunt ex illis agrum figuli in sepulturam pere-
 grinorum. 549

Marci.

15. **C**hristus Rex Israël descendat nunc de Cruce
 313

Lucæ.

8. **E**xiit qui seminat seminare semen suum. 318
 Dum seminat, aliud cecidit secus viam. 319
 Aliud cecidit in spinas. 117. 321
 12. Ignem veni mittere in terram, & quid volo nisi ut
 accendatur? 402
 14. Qui se humiliat, exaltabitur. 186
 15. In se autem reversus, dixit, &c. 151
 18. Percutiebat pectus suum. 178
 21. Hæc vidua plus quam omnes misit. 238
 Attendite ne graventur Corda vestra crapula & ebri-
 etate, & curis hujus vitæ. 106

Ioannis.

14. **S**piritum veritatis, quem mundus non potest acci-
 pere, &c. 372
 Ad eum veniemus, & mansionem apud eum faciemus.
 373

19. Iesus Nazarenus Rex Iudæorum. 514
 Unus militum lancea latus ejus aperuit. 520

Actuum Apostolorum.

7. **E**cce video cælos apertos. 196
 Et Petrus ad se reversus, dixit. 150

13. Inveni David filium Iesse virum secundum Cor
meum.

13. 544

Ad Romanos.

1. **O**bscuratum est insipiens Cor eorum. 12
6. Consepulti sumus cum Christo per baptismum
in mortem. 547. 550

8. Sapientia carnis inimica est Deo. 373

Ad Galatas.

2. **V**ivo autem jam non ego, vivit verò in me Chri-
stus. 424

4. Misit Deus spiritum filij sui in Corda nostra. 415

6. Mihi mundus crucifixus est, & ego mundo. 503

Ego stigmata Domini Iesu in Corpore meo porto. 382

Ad Ephesios.

1. **D**eus det vobis illuminatos oculos Cordis vestri. 12.

3. Christum habitare per fidem in Cordibus vestris
144

4. Qui descendit, ipse est & qui ascendit. 358

5. Ut exhiberet ipse sibi Ecclesiam gloriosam, non ha-
bentem maculam neque rugam. 504

Ad Colossenses.

3. **Q**uæ sursum sunt querite. 419

4. **O**rationi instate, vigilantes in ea. 414

Iacobi.

1. **V**ir duplex animo inconstans est in omnibus viis
suis. 504

5. Confirmate Corda vestra. 467

Petri.

4. **V**igilate in orationibus. 413

Apocalypsis.

3. **E**cce sto ad ostium, & pulso. 44
22. Beati qui lavant stolas suas in sanguine agni.

207.

FINIS INDICIS.

SUM-


SUMMA PRIVILEGII REGII.


Philippus Dei gratia, Hispaniarum, Indiarum, &c. Rex Catholicus, Archidux Austriæ, Dux Borgundiæ, Brabantiae, &c. Serenissimus Belgagarum Princeps, diplomate suo sanxit, ne quis Librum, cui Titulus est: *SCHOLA CORDIS, sive, Aversi à DEO CORDIS ad eundem Reductio & Instructio, Auctore D. BENEDICTO HÆFTENO Ultrajectino, Reformati Monasterij Affligeniensis Ordinis S. Benedicti PRÆPOSTO*, præter Boëtij à Bolswert voluntatem, ullo modo imprimat, aut alibi impressum in Inferioris Germaniæ ditiones importet, venalémve habeat. Qui secus faxit, confiscatione Librorum, & alia gravi poenâ mul&abitur, uti latius patet in Litteris datis Bruxellæ.

Signat

Wouwere.

Dictus Boëtius à Bolswert tradidit Hieronymo Verdussen supradictum Privilegium.





Special 90-B
5137

THE GETT CENTER
LIBRARY

